



Ex Bibliotheca  
majori Coll. Rom.  
Societ. Jesu

53

14-12, c, 14

~~47~~

~~e~~

49









# SYNOPSIS

## EFFATORVM ARISTOTELIS



Quibus Tota Peripatetica Doctrina,  
& explicatur, & expurgatur.

O P V S

*Medicis, Philosophis, Iurisprudentibus, ac Theologis  
apprime necessarium.*

Fulvij Magnani Bononien. Philosophiæ, ac Theologiæ Doctoris  
Collegiati, publici Philosophiæ Ordinariæ Lectoris.

**ILLVSTRISS. BONONIÆ SENATVI**

**DICATVM.**

**Cum Indice Alphabetico omnium, quæ in serie duorum  
Librorum Interpretantur.**



**BONONIÆ M.DC.LXVIII.**

Ex Typographia Ferroniana.

Superiorum permisso.

THE UNIVERSITY OF CHICAGO

THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637



# ILLVSTRISSIMI PATRES.



*Vb celsitudine nominis vestri  
AMPLISSIMI SENA-  
TORES exiles ha mea pro-  
deunt lucubrationes, omnium  
obtutum receptura: Vestro sub  
intellari Vexillo, inter confu-  
sionis laqueos diu detenti, suam  
quarunt libertatem hi mei labores. Viginti abhinc  
annis, vestro adscriptus famulatus; vestra muni-  
ficientia mancipatus; vestris merito iussionibus  
submissus, qua à Peripatetico arario (mei mune-  
ris adscripto metro) pretiosa arcana elicere po-  
tui, sincero corde exhibere sum ausus, spe fra-  
tus, eà humanitate vos excepturos, quàm haud so-  
lùm recipere, at decorare oblata munera consue-  
scitis. Vtinàm (mibi ex corde praeor) quòd sicu-*

ti magnos Heroas magna decent, obsequentissimo affectu oblatum hoc opus sic adolescat, ut in sinu vestro benigniter exceptum, si non pares vestrae magnitudini, in omni scientiarum, ac meritorum genere, terminos nanciscatur, cominibus saltem imitetur, ut acquirat. Vestro planè augusto Nominè munitum; vestris irradiatum splendoribus; vestris semper gloriosissimis stipatum caracteribus, tenebras nullas offensurum spero; vestra namquè iubar prudentia intueri, non cecutire est, at perpetuo lumine illustrari. Hilari itaque vultu, serenâ fronte hoc primum laborum meorum munusculum amplectamini, rogo, **ILLVSTRISS. PATRIÆ PATRES**, ut in dies, maiori opignoratæ addiçtione, Philosophicum quid aliud, studiosæ Iuuentutis sortè iucundius, prompto animo congerere, & absolvere valeam.

*Dominationum vestrarum Illustriss.*

*Cliens humillimus*

**Fulvius Magnanus.**

## Beneuolo Lectori.

**E**T nimis grassatur obliuio, & nimis turpe otium hac tempestate adolescit (de quo vsq; ad intima dolendum, humanissime Lector) cum neglectis Phylosophorū documentis, mens libera, & effrænis, ad perniciosum voluptatum quæstum inconsultò vagari permittitur; nil enim est, quòd magis hominum animos, ingeniumquè fouere, aut exornare possit, quàm diuina Philosophia; nil immortalitati aditum referare, quàm de Vniuersi cōstitutione, perpetuaq; Cælestium, & inferiorum concinnatione studiū instituere: Et quid planè iucundius, quàm abditiora Naturæ arcana (veluti aurum è terræ fodinis) perquirere, quibus, haud corpus tantum, at anima ipsa, vbertim perficitur, & decoratur? quid prudentius, quàm illam scientiarum omnium parentem, humanarum, ac diuinarum rerum (vt falsus est Plato) contemplationem, excolere, qua sola, mortalis inter Heroas viuere queit homo, sublimes gloriæ gradus conscendere, ac tandè perniciosos tēporis conatus pessandare? Hisce intereà laceffitus ipse stimulis, posthabito aliarum Disciplinarum fructu, in studiosæ iuuentutis commodum Philosophicas lineas ducere opportunum opus censui, turpiquè seignitie (ne inaniter discipulorum mentes torpescerent) ad excelsū veritatis fastigium euocare.

Et cum meritò, iustè q; hæc diuina Philosophia auctorem suum Aristotelem, quotidie ad buccinam Famæ euocet,

cer, & Nouitiorum cohors ( vel quòd fatis non videant, diem in meridie quærêtes) vel quòd nimis aliarum Disci-  
plinarum, epulis expleti, dulcia documêta enaufcent; huic magno Philosopho conuicia ferentes, aut quòd ingenio hebes, aut etiam quòd inuidus, alieniquè laboris prædo vaniloquà ostentatione habenas de Natura tractauerit; proptereà dicta eius præcipua (meritò sub nomine Effa-  
torum, quoniam magna, pergrauia, atque profunda) ri-  
mari, ac funditùs explanare, non sum veritus, vlrò spem mittens, quòd eius germano sensu detecto, pia, religio-  
sa, doctissima quæq; , vltra pensum sint agnoscenda, quæ assiduis lucubrationibus quæsiuit ipse, docuit & monu-  
mentis, vt nos doceremus alios, eleganter commisit: Imò, paucis dimissis ( de quibus ab Oeconomicis Conci-  
lijs iam res acta est ) Catholicæ fidei apprimè consona, omnia, quæ vlrò, & græco idiomate, & latino, apud Arabes interpretes, Chaldæos, Doricos, &c. vetres & nouissimos, pro posse, obseruauit: quibus omnibus, non dubiè cognoui Aristotelis doctrinam sal esse, quo reliquæ omnes, tùm morales, tùm naturales, practicæ, ac theori-  
cæ condiuntur; lux illa Phœbea, qua cæteræ in tenebris verè calligantes, illuminantur; calor ille viuificus, quo do-  
cumenta quæque, siuè Politica, siuè de Vero, siuè de Iu-  
sto fouentur, & animantur.

Quòd si immensa dicitur huiusce Auðtoris sylua, & breuè à me tibi in fasciculū redacta porrigatur ingenuè fateor, grauiorū Interpretum sudoribus Commétarijs, Paraphrasibus, Sectionibus, &c. nunc tibi compillatam,  
puram,

puram, & vt vulgò fertur , ad quintum essentię spiritum  
examinatā (quod nondūm generaliter est factum) exhi-  
beri ; sicquē magna in paruo , ( quemadmodūm ille se-  
dulus Artifex copias multas in paruuli annuli sphæra cō-  
clusit)apparere.Macte tandē animo,& quod tuæ com-  
moditati,omniumq; Studētium philosophico fructui ex-  
hibeo , hilari vultu excipe , omniaq; mea tua esse scito.

Dies, vt viuas Nestoreos, nullo etiam senio de-  
fecturos, auguror , tua humanitate, quā  
citò, alio meo labore, potiturus.





*V. D. Hyacinthus Cātinus è Congregatione Cleric. Regular.  
S. Pauli, & Pænitentiarius in Eccl. Metropolitana pro  
Eminentiss. & Reuerendiss. D. D. Card. Boncompagno  
Archiepisc. Bonon. & Principe, &c.*

Imprimatur

*Fr. Io. Vinc. Paulinus de Garexio Mag. Inquisitor Genera-  
lis Bononie.*





# EFFATORVM ARISTOTELIS

## LIBER PRIMVS.

Ab eodem contraria non fiunt. 4. *Metheor. cap. 3.*

**V**aleat Effatum de eodem respectu eiusdem, & eodem modo, non respectu diuerforum, & diuerso modo; quocirca generans vnum gignit per se, & aliud per accidens. Amplius de eodem Agente naturali, non libero. Cæterum de eodem, secundum quod naturaliter agit, non per violentiam, nequè per antyparistasim. Denique de eodem per actionem transeuntem agente, & vniuocam, non per immanentem, & æquiuocam; ait enim *Aristoteles 4. metaph. T. 4.* eiusdem esse opposita speculari, quæ speculatio nequit esse absque verbi mentalis affectione.

SKOLION. Actionum 15. habentur genera apud Aristotelem, docente Ioanne Crassotio in suo Corpore philosophico de Generatione, & Corruptione articulo 4. at principaliter duo considerantur iussu *Arist. 9. Metaph. T. 16.* alterum transeuntis, quæ purè physica actio est, alterum immanentis, quæ intentionalis, metaphysica, & spiritualis est. Transiens est, quâ in externam materiam Agens propriam transfert virtutem, & ideò tempore mensuratur, & corporum, ac inanimatorum est. Immanens est, cuius principium, & terminus intra Agens sunt, & nullo pacto in externum patiens vehitur, vt intellectio, quæ ideò in instanti fit, & spiritalibus attribuitur substantijs.



*Io. Cras.  
in Corp.  
phil. art.  
4.*

Ab eo, quòd res est, vel non est Oratio dicitur vera, vel falsa. *In Cathegorijs cap. de substantia, & in Postpradic. c. 2.*

**P**rocedit verum causaliuè, & fundamèntaliter, quatenùs veritas nostri intellectus à re causatur, non formaliter, quia non est opus, vt in re primò inueniatur ratio veri formalis, sicuti in Medicina non est necesse, quòd prius inueniatur ratio sanitatis, quàm in animali, siquidèm virtus Medicinæ, non sanitas eius, causat animalis valetudinem: quare esse rei, non veritas eius, causat veritatem in intellectu, propter quòd Aristoteles ibidem inquit Opinio, & Oratio vera est ex eo, quòd res est, non ex eo, quòd res vera est, & Auerroes in lib. Destruc. c. 2. ait. Non propter hoc, quòd existimamus te album esse, tu albus es, sed propter te esse album, nos hoc dicentes, verum dicimus.

*Auer.  
lib. Destr.*

SKOLION. Penès aliud attenditur veritas propositionis secundū Philosophū, & natura rei, siuè prædicationis naturalis (vt vtar verbis Boethij, ac Zimaræ) nam veritas propositionis, e.g. affirmatiue, habetur ex identitate prædicati cum subiecto: Et quia vera, & maxima identitas est eiusdem ad se ipsum, hinc (at falsò) autumauit Boethius verissimam esse propositionem, in qua idem de se ipso dicitur, quæ prædictio, cū non sit, neq; primi modi, neq; secundi dicendi per se à superlatiuo veritatis excluditur, vt infra. Naturalitas postea prædicationis habetur, quādo in propositione subiicitur id, quòd naturaliter debet subijci, & prædicatur id, quod debet prædicari. Vbi notare est, quòd subiectum in propositionibus habet modum materiæ, & prædicatum modum formæ; etenim propositiones à prædicatis specificantur: Et quia respectus inferiorum ad superiora est respectus materiæ ad formam, quoniam

niam superiora continent, & inferiora continentur, & respectus continentis ad cōtenta est formæ ad materiam ex Auerroes 4. Phys. com. 49. propterea quotiescunq; superiora prædicantur de inferioribus, & accidentia, siue propria; siue cōmunia de subiectis, prædicatio naturalis dicitur, & è conuerso non naturalis, & per accidens: Quia ergo idem respectu sui metipsum non potest habere secundum naturam respectum materiæ ad formam, & recepti, ac receptibilis, cum hæc sint primùm diuersa, propterea rursus Boethij opinio condemnatur, & Auerrois extollitur conclusio, quod in summo est abominationis idem de se ipso, prædicatione verâ, ordinabili scilicet in demonstrationem, prædicari.

Auerroes 4.  
Phys.  
com. 49.

**Ablatâ propriâ passione ab aliquo subiecto illud amplius non remanet, nisi æquiuocè 4. Meteorum cap. ultimo.**

**A**Dæquatè intelligitur de passione primò prima; per quam subiectum ab alijs diuersis specie potest distinctum cognosci, non de ea, quæ non est primò prima: Hinc Eunuchi, & Spadones, licet simili passione, & operatione destituantur, quæ dicitur Generare, ab Aristotele 2. de Anima T. 34. proprium opus viuientium nuncupatum, tamen homines sunt, & risibiles, quoniam Generatio non est passio primò prima, seu adæquata hominis. Item in actu exercito intelligitur non remanere, non in actu signato. Cæterum si ablata sit, nedùm actualiter, sed etiâ habitualiter, secus philosophus dormiens non esset philosophus, contra Aristotelè; siquidem in somno ablata est operatio, & actus passionis propriæ, quæ est speculatio. Amplius de passionibus formarum naturalium, non artificialium; hæc enim differentia est inter for-

nam naturalem, & artificialem, quòd remotâ formâ naturali non remanet res denominata, & actûata per ipsam, nisi æquiuocè, hoc est quoad solum nomen; sed ablatâ artificiali, benè remanet.

SKOLION. Actus signatus est, quando res, siue vox sumitur pro se ipsa, non descendendo ad inferiora, neq; ad significatum vocis: sic homo dicitur incorruptibilis, spectatâ voce intentionali, quæ est species. Actus exercitus est, quando vox non sumitur pro se, at pro suis inferioribus, & ita homo dicitur corruptibilis, dùm sumitur pro suis indiuiduis inferioribus, quæ sunt Socrates, Plato, &c. Clarius Actus signatus est primus, & iungitur essentiæ; exercitus verò secundus, & nectitur existentia; ille, nec tempus, nec locum respicit, benè verò iste.

**Ablatis primis substantijs impossibile est aliquid remanere. 5. Metaph. T. 15. ac 7. eiusd. T. 8. Et in Categorijs cap. 1.**

**P**ostulat intelligi sic, quòd non remaneat aliquid ex parte existentia, & indiuiduationis, quoniam corruptio, quæ est propria primarum substantiarum, requirit vsq; in insensibile subiectum resolutionem, vt docet Aristoteles 1. de Generatione T. 23. Non autem ex parte essentiæ, & proprietatum, quæ semper, & æternaliter manent. Item sic, quòd non remaneat aliquod physicum concretum speciei propagatiuum, non metaphysicum, & abstractum. Cæterum, quòd non remaneat aliquod prædicabile actualiter de ipsa, non simpliciter, & in potentia.

Absq;

Abſque phantaſmate nihil intelligit anima. 3. de  
*Anima T. 32. & 39.*

**V**eritatem poſſidet in ijs, quæ naturaliter, & miniſterio ſenſuum intelliguntur, non in illis, quæ, vel ſupernaturaliter, & Diuinitus reuelantur, aut in alio ſtatu concipiuntur; neq; enim per ſpecies innatas, neq; per phantaſmata anima ſeparata habet intelligere, at nouiter per influxas à Deo, ſecundum cõmunem Theõlogorum ſenſum. Item de illis, quæ directe, & ordine naturali primò intelligũtur ab ipſa, non ſecundariò, & reflexè, abſtrahendo ſcilicet, aut mathematico, aut metaphyſico modo.

Abſtracta eſſe impoſſibile eſt demonſtrare 2. *Phyſic. T. 26. primo eiufdem T. 83. & 12. Metaph. T. 32. & 39.*

**G**ermanum habet ſenſum reſpectu ſimplicis *Phyſici*, & medio motu, non reſpectu altioris ſcientifici, & altiori viæ, quàm ſit motus. Inſuper verum de demonſtratione potiffima, quæ à priori dicitur, non à poſteriori, & imperfecta, quæ ab effectu eſt. Vterius verum quidditatiuè, & ſecundum eſſentiam, non deſcriptiuè, & quoad neceſſariam eſſentiam eorum, & dicitur communiter An eſt.

SKOLION. Duplex conceditur ab Ariſtotele in *primo Poſteriorum T. 30.* demonſtratio; alia à priori, quæ ſcilicet per cauſam proximam, & immediatam neceſſariò procedit, qualis eſt e.g. rationalitas reſpectu riſibilitatis, & iſtâ, (quæ deſinitur ab Ariſtotele 1. *Poſt. T. 7.* Syllogiſmus epiſtonicon) videlicet ſcientialis, non demonſtrantur Abſtracta, quip-

quippè quæ priora ante se non habent. Alia deinceps à posteriori, quæ, vel per causam remotam, vel per effectum, vel à signo, aut experienciâ habetur, qualis est iste discursus affirmatiuus, inibi ignis est, quia fumus ab eo loco in tēhera extollitur, & cum hac Abstracta aliquo modo demonstrari possunt, vt infra.

### Abstrahentium non est mēdacium. 2. *Phys. T. 18.*

*Castan.  
n. 1. Di-  
st. 1. A.*

*Craſſot.  
in Com.  
Anal. 2.  
Phys. T.  
18 et 19*

**S**ubsistit Estatum de intellectuā solū, & rationali abstractione, non de reali, & materiali; quocircā si à Lupo abstraheretur voracitas, & deinceps enunciaretur similis propositio Lupus non est vorax, planè nullum fieret mendacium, & nullus error. Amplius præcisiuè, non negatiuè, ita Castaneus in 1. Dist. 1. A. & Craſſotius in Com. T. 19. 2. *Phys.*

**SKOLION.** Abstractio nil aliud est, quàm diuulsio, scū separatio vnius ab alio, quod primò illi erat coniunctum. Dicitur de reali, quæ physica separatio est vnius rei ab alia, per quam fit discontinuatio, numerus, & locus diuersus eorum, quæ prius erant vnita; Insuper & de intellectuā, tām ex parte intellectus agentis, qui ex munere suo condiciones indiuiduantes à phantasmate, & obiecto sensibili separat, tūm ex parte possibilis trahentis ad se conceptum vnius absq; alio, vt intelligendo lac album sine dulcedine, vel dulcedinem sine albedine, quæ abstractio præcisiua dicitur, quoniam per eam intellectus præscindit conceptum alterius connexi, non negando tamen ipsum de illo, quòd est proprium postea ipsius abstractionis negatiuæ, absq; dubio mendosæ, & sophisticæ.

**Absurdum est querere scientiam, & modum  
sciendi simul. 2. *Metaph. T. 15.***

**V**ult intelligi de scientia Metaphysica, quæ per antonomasiam scientia, imò sapientia dicitur, iuxta Aristotelem 1. *Diffinitorum c. 1.* non de quacunque inferiori illâ. Amplius de similitudine naturæ, non temporis, quod sanè dicitur respectu scientiarum, quæ sunt supra primam originis, ut est Logica, dicente Aristotele 2. *citato cap. ultimo*, siquidem talis origine prima, & ut docens, & ut utens potest, & scientiam, & modum sciendi recludere.

**Ab vno, ut vnum, non provenit nisi vnum 2. *de  
Ortu. T. 56. & 4. Meteor. c. 12.***

**I**ntelligitur verum per vnum actum solùm, non per plures, & successivos. Insuper de Agente vno naturali naturaliter operante, non de libero, aut naturali elevato. Ceterum per se, non per accidens; vnde videmus, quod calidum per se calefacit, & per accidens algorem inducit. Vltèrius intelligitur verum de eodem a quo modo disposito, & in ordine ad idem patiens, ac eundem finem; experimur enim Solem, propter diuersas dispositiones, accessus scilicet, & recessus, varia, imò contraria in inferioribus operari, puta de æstate generationem, & de hyeme corruptionem, dicente Aristotele 2. *de Gener. T. 69.* sic Nauta suâ præsentia est causa salutis navis, & suâ absentia submersionis. Pariter experimur eundem aerem in sphaera ignis descendere, & in aqua ascendere; sic tepidum calefacere frigidum, & frigefacere calidum; Solem lutum condensare, & ceram liquetacere; calorem  
per

per excessum, vt quatuor, in falsum saporem conuertere humidam substantiam; per excessum autē, vt sex, in amarum, &c. Amplius ratione termini, sed non modi agendi; in naturalibus namque, vt in aqua, interdum adest modus agendi naturalis realis, interdum intentionalis. Tandem verum de Agente vniuoco finito, & de vno ratione speciei, non æqui-uoco, in finito, aut vno ratione indiuidui tantum.

SKOLION. Illud Agens æquiuocum dicitur, quod plures simul producere potest effectus, vt Deus, & Sol; insuper illud, quod non solum virtutem continet vnius effectus, sed vltra, propter quod dicitur nobilius omni vniuoco, seorsim tamen accepto, & in ratione causæ. Vniuocum postea est, quod tantummodò vnum determinatum parit, & vtrò non continet, quàm sit virtus sui effectus, vt est Leo, Equus, & omne animal perfectum, non orbatum in specie, nec mutilum, &c.

**A causa necessaria procedit effectus necessarius.**

*2. Phys. T. 48. § 70. § Lib. de causis Prop. 1.*

**A** Pprobatur, quando illa causa, quæ dicitur necessaria proximè, & immediatè causat, non quando remotè, & cum mediatione aliqua, nam ab isto medio impediri potest; hinc videmus Cælum causam necessariam istorum, quæ fiunt in Mundo inferiori, & tamen hæ res inferiores variæ sunt, & contingentes, ita prolixè Aristot. *Lib. de causis Prop. 5. & 6.*



A causa necessaria, & per se nil fit à casu, & inordinatè. 8. *Phys. T. 15.*

**V**aleat de causa per se immediata, non mediata; hæc enim directè succumbit Casui, & Fortunæ, vt putà inter duo extrema reclusa. Vterius de causa primò prima, quæ aliarum causarum causa est, non de alia.

Accidens diuiditur contra substantiam. 5. *Metaph. T. 15.*

**C**urrit Effatum de substantia, vt hypostasim dicit, & suppositum, non vt dicit vsiam, siue essentiam; hæc enim communis est omni enti, & idèò tam substantiæ, quàm accidenti, propter quòd in definitione æquiuecorum ( quæ tamen communis est substantijs, & accidentibus. ) Dicitur ab Aristotele *quorum nomen commune est, & ratio substantia*, idest essentiæ, *diuersa*. Item in ratione exigentiæ inhæsiuæ, & vt in alio, non in ratione entitatis, naturæ, & causalitatis. D. Th. 3  
p. q. 2. ar.  
6. ad 6.

Accidens ignobilius est omni substantia. 1. *Phys. T. 14. & 7. Metaph. T. 2.*

**A**pprobarur vndique, quantùm ad essendum, non quantùm ad agendum, putà in ratione entitatis, non causalitatis; constat enim calorem aliquid moliri, quod substantia facere non potest, licet in existendo ab ipsa dependeat. Amplius approbatur de naturali, omninò ipsi substantiæ contradistincto, non de illo, quod oritur ex participatione supe-

rioris naturæ, etenim quatenus similitudo talis superioris naturæ præcedit dignitate ipsum subiectū, & ita asserunt Theologi communiter in 2. sententiarum dist. 25. Gratiā esse nobiliorem animā. Item quantum ad modum essendi; non quantum ad esse actus, nam Charitas comparata ad animā nostrā se habet, tanquam actus, & tamen actus asseritur nobilior potentiā. 9. *Metaph. T. 19.* & 12. *Metaph. T. 3.*

Accidens necessariò inest. 1. *Phys. T. 14.* & 7. *Metaph. T. 3.*

**A**D quare verificatur de inhærentia aptitudinali, non de actuali. Insuper physicè, non metaphysicè; clarum enim est, quod nullū accidens inest essentiæ subiecti, & tamen Metaphysica est de solis essentijs rerum. Caterum verificatur de accidente concreto, & iuxta statum naturalem, non de abstracto, & per Diuinam potentiam separato.

SKOLION. Inhærentia, maximè accidentium propria, est, vel aptitudinalis, vel actualis, vt expositio innuit; modò per aptitudinalem intelliges habitudinem naturalem, & exigentiam ad cohærendum subiecto; cum enim accidentia non sint propriè entia, sed entis, hoc est substantiæ, entia, vt *secundò Metaphysica T. 2.* edocet Philosophus, substantiæ, vt insint, necesse est, & taliter, vt ablata hac inhærentia, & propensione ab illis, neq; sint, neq; possint esse. Actualis postea est illa inexistētia, & præsentia sui cum subiecto, quæ verè facit ipsum ens physicum, & sensibile: Prima de essentiâ est accidentis, nullo reclamante; secunda verò minimè, ita Soncinas cum omnibus Thomistis.

Soncinas  
7.  
Metaph.  
qu. 1.

Acci-

Accidens non est ens, nisi quia entis. 7. *Metaph.*

T. 2. § 14.

**S**Vam possidet veritatem in comparatione ad ea, quorum essentia non est ab inhærentia, & idè per se entia; non absolutè, dantur etenim quædam accidentia, quæ quodammodo despiciunt subiectum, & modum substantiæ habent, vt quantitas, lumen, tempus, &c. similiter propriæ passionès, quibus perpetuò ipsa subiecta indigent. Rursus veritatem habet de accidentibus prædicamentalibus, totaliter contradiſtinctis primæ substantiæ, non de prædicabilibus tantum.

Accidens non migrat de subiecto in subiectum.

1. *Phys.* T. 14. § 12. *Metaph.* T. 3.

**S**Yncerè procedit Effatum de subiecto inhæſionis primario, & proximo, non denominationis; qualitates namq; symbolæ, secundum Neotericos, eadè reperuntur in genito, ac in corrupto, & secundum Scotistas eadè cicatrix, pondus, figura in nouo adſunt producto eadè numero, quæ erant in veteri composito. Amplius procedit de adæquato subiecto in aliud adæquatum subiectum, siuè numero, siuè specie diuerſum, nō de inadæquato. Tandem de eodem accidente numero, & in eodem ſtatu, non de eodem specie, siuè intentionaliter multiplicato; eadè namq; vox à Conſonatore prolata, & idem numero odor à flore emiſſus intentionaliter multiplicatur, & ab aere, dein ab aure illa, hic à naribus recipitur.

Accidens substantiam non producit. 7. *Metaph.*

T. 48. & 49.

**F**alsitati contradicit sumptâ substantiâ, quoad entitatem, non quoad cognitionem, quandoquidê à posteriori, .i. per effectum, & operationem, noscitur substantia ipsis medijs accidentibus, dicente Arist. 1. *de Anima* T. 11. non verò à priori, & per causam. Similiter falsitati contradicit primario, per se, & principaliter, non secundario, & instrumentaliter, siuè per virtutem ipsius substantiæ, quòd dicunt Alij dispositiuè.

Accidens vni nequit alteri esse substantia. 1. *Phys.*

T. 27.

**A**ncillatur veritati de accidente, vt opponitur substantiæ, non prout dicit quid extraneum quidditati; ait enim Arist. in *Categorijs*, quòd homo accidens est domino, in super veritati consonum est de accidente prædicamentali, nò prædicabili. Amplius in ijs, quæ vniuocè prædicantur, & naturâ eius participant in carèria perfectatis, & subsistètiæ, propter quòd in Philosophia eunt damnati, qui elementorum primas qualitates eorundem dicunt esse substantias, & in Theologia illi omnes, qui scientiam (quæ in nobis qualitas est) negant in Deo esse substantiam, cum scientia de Deo, & de nobis solùm analogicè dicatur, & non vniuocè, & quidquid in Deo est sit ipsemet Deus. Item propriè, non impropiè; Creaturæ enim substantiales, in eo, quòd à Deo dependent, & ab ipso annihilari possunt, impropiè saltèm, accidentia respectu illius dici possunt, ita Auerroes in *Com.* 12. *Metaph.*

Acci-

*Auerroes  
in Com.  
12. metaph.*

Accidentia magnam conferunt partem ad agnoscendum quid est . 1. *de Anima T. 11.*

**D**E proprijs verificatur Effatum, & de inseparabilibus, non de cōmunibus, & separabilibus: Item respectu intellectus, qui per phantasmata intelligit, non de alio, ut est intellectus Angelicus, & Diuinus: Cæterum extrinsecè, & in ratione signi, non intrinsecè, & tanquàm per adæquatum medium, ita Lauredanus in Com. lib. 1. de Anima.

*Polus  
Laure-  
dan. 11.  
Com. T.  
11.*

Accidentia plura, solo numero distincta, non sunt in eodem subiecto . 5. *Metaph. T. 1 3. ubi men-  
da est textus Græci.*

**C**ertitudinem habet in accidentibus realibus, & absolutis, non intentionalibus, & relatiuis, quandoquidem plures respectus ad plures filios in eodem Patre esse queunt, & tamen specie non differunt. Amplius certum manet de accidentibus realibus, eductis de potentia materiæ, per transmutationem factam à contrario, non de moralibus, & quæ per similem educationem à materia non habentur, ut sunt habitus partiales eiusdem Virtutis; etenim vna scientia, ex pluribus habitibus variarum conclusionum subalternaris, haberi potest. Deniq; de illis, quæ per plures species necessario repræsentantur, non per vnā.

Accidentium non est scientia. 1. *Post. T. 5. & 8. & 6. Metaph. T. 6.*

**P**robè intelligitur de accidentibus communibus, & separabilibus, non de proprijs. Insuper de ijsdem accidentibus secundum existentiam, non secundum essentiam, quod Alij dicunt in concreto, & primò intentionaliter, non in abstracto, & secundò intentionaliter. Tandèm de illis, quæ ex parte causæ fortuitò, rarò, & citra intentionem Agentium eueniunt, non de illis, quæ rarò tantù n fiunt, causam tamen determinatam habent, vt Tonitru, Eclypsis, &c.

Accidit nulli, quod verè est. 6. *Metaph. T. 4. 27. & 30. 1. Phys.*

**S**Vb hac intelligentia vsurpatur, quòd ens nulli inest, cum omnia sit, non quia, quæ sensibilia sunt semper ita sint, & non mutantur, accidunt enim multa his, at nunquàm accidit, quòd sint entia: Auerrois exemplum est, quòd si per impossibile album esset sine substantia, album statim esset ens, quia esset vnum, & ens, ac vnum conuertuntur, ex eodem capite. 6. *Metaphysices*; imò tunc erit ens, & non accidens, cum non inhæreat, & proindè accidit nulli, quod verè est, concludit Antonius Posius in suo Thesauro sententiarum Aristotelis, & Auerrois litterâ primâ.

*Auerrois in Com. 6. Met.*

*Anton. Posius in Thes. sententiarum Aristot. &c.*

Actio est ratione contrarietatis. 1. *de Gener. T. 50.*

**P**rocedit verum de actione purè physica, quæ est per motum, non de intentionali, & morali. Insuper de actione

ne penitus transeunte, quâ scilicet forma verus abijcitur, & nona introducitur, & vocatur productiua, non de perfectiua, & quæ intentionem parit, siquidem talis est inter similia, non quidem gradu, & virtute, sed formâ.

**Actio est patientis perfectio. 9. Met. T. 1 5. & 16.**

**G**ermanum sensum habet de actione, naturali ad finem debitum ordinata, non de alia, quæ his non ponitur conditionibus. Rursus de transeunte totali, non immanenti, & partiali. Cæterum, tanquàm signum perfectionis, non tanquàm forma eiusdem, aut quidditas.

**Actio, & passio sunt eadem res. 3. Phys. T. 1 9.**

**S**ubsistit materialiter, non formaliter, quandoquidem formaliter sumptæ, definitiones habent diuersas, & in diuersa tendunt, actio scilicet ad ipsum Agens communicans suam virtutem patienti, & passio ad ipsum passum recipiens dictam virtutem Agentis, propter quod in *Catheyorys cap. 5. & 6.* imò & in fine *capitis 6. citati 3.* ait Philosoph. actionem esse actum agentis, & passionem actum patientis: Item eadem res in sensu reali physico, qui motum eundem concernit, non in formali, & metaphysico.

**SKOLION.** Terminus hic *in sensu reali* refert identitatem naturæ, vt res Quæ, id est vt vera res, & perfecta res. In sensu verò formali importat respectum, & præcisum conceptum suum: Sic totum est suæ partes in sensu reali, sed non formali, quoniam pars diuersum habet conceptum, & diuersam quoq; definitionem à toto; vide infra litterâ G.

**A**ctio, & passio, vt Generatio, & Corruptio, sunt  
inter contraria. 2. *de Ortu T. 24. & 51.*

**V**erum est, quoad præuias dispositiones, non terminati-  
uè solum, secus nulla generatio esset vniuoca, quod  
maximum absurdum est. Item verum respectu accidentium,  
quibus medijs elaborantur, & fiunt, non respectu formæ, quæ  
acquiritur per actionem, & passionem. Tandem de physica,  
& physico Agente, ac patiente, non de vitali, quæ fit per spe-  
ciem obiecti; nec pariter de morali, intentionali, &c.

**A**ctio fit à potentiori. 1. *de Ortu T. 48.*

*Alph. à  
Vera  
Cruce 3.  
Phys.*

**V**erificatur semper, quando actio sumitur completè, &  
cum termino finali, siquidem remissio qualitatis actio  
est, & non fit à potentiori, quòd etiam de decremento affir-  
mare fas est. Amplius verificatur de actione transeunti, quæ  
est inter contraria, maximè tertiæ speciei qualitatis, non de  
quauis alia extra contrarietatem, & resistantiam, vt est om-  
nis immanens, puta visio, illuminatio, &c.

**A**ctio fit per contactum. 1. *de Gener. T. 44. &  
45. & 3. Phys. T. 21.*

**D**e tactu, vel suppositi, vel virtutis suum sensum retinet,  
non determinatè de solo suppositali, & quantitatio. Cæterum de tactu real, non de metaphorico, quo pacto in-  
terdum dicimus contumeliam tetigisse, & commouisse ani-  
mum alicuius, & proindè iram, ac vindictam excitasse.

SKOLION. Tactus virtutis est communicatio potestatis,  
& vi-



& virium Agentis ipsi passo recipienti, siuè proximo, siuè remoto, quo pacto dicitur magnes tangere ferrum distans, & Sol nostratia, siquidem ille suâ virtute alterat ferrum, & ad se trahit, non verò aerem, vel intermedia corpora, hic verò inferiora nostra, & non Orbes intermedios. Tactus postea, suppositi est immediata, & quantitatiua superpositio Agentis supra passum, pariter corporeum, & quantum, vt c. g. manus dexteræ supra sinistram, de quo tactu locutus est Aristoteles 1. de Orsu T. 44. in exordio, dùm ait. *Ea se tangunt, quorum extrema sunt simul.*

**Actio, & passio fiunt à dissimili. 1. de Gen. T. 46.**

**V**lt accipi, & intelligi de dissimili in gradu, non in specie, seu (vt exponunt Alij) in virtute, non in forma. Insuper valet in principio, non in fine; intensio namquæ actio quædam est, vt supra, & nullo pacto dicitur à dissimili secundum formam.

**Actiōe immanenti nil producitur. 6. Ethicorū c. 5.**

**V**erum est, quòd nil producitur externum, & sensibile, producitur tamen internum, vtpotà per intellectiōnem verbum mentis, seu species expressa. Item nil materiale, cuius existentia oculis, vel tactu pateat, benè autèm ali-quod intelligibile, cuius existentia æterna potest esse, vt infra.

**Actiōes Dijs non conueniunt. 10. Ethicorum c. 8.**

**C**Vrit adæquatè de actiōibus transeuntibus, quæ per motum fiunt, non de immanentibus, & vitalibus, cuius argumentum est, quòd paucis interiectis verbis subiungit,

C

quia

quia ipsorum felicitas in contemplatione consistit: At nos de vno tantum id concludimus:

**A**ctiones Naturæ fiunt calore, & frigore. 4. *Met. theorum c. 1.*

**P**rocedit verum de actionibus secundarijs, quas habent elementa in ordine ad mixtum, & sunt emollire, maturare, concoquere, &c. non de primarijs; calor enim emollit, terminat, figuram facit, congregat homogenea, &c. frigus autem, & congregat, & disgregat; quocirca calidum, & frigidum sunt actiua, quia congregant, & terminant; humidum verò, & siccum passiva, quia terminatur, &c. similia patiuntur

**A**ctiones sunt suppositorum. 1. *Met. in Proem.*

**V**erum est, *ut quod*, non *ut quo*. Amplius in compositis, non in simplicibus. Item in transeuntibus, non immanentibus. Cæterum copulatim, non diuisim; diuersificantur enim, & habentur actiones in eodem homine diuersæ, *ut* audire, videre, olfacere, iuxta diuersas potētias animæ sensitivæ, & intellectivæ in diuersa objecta directas, propter quod etiā in Christo Domino duæ admittuntur actionum species, ob duplicem in eo naturam, humanam scilicet, & Diuinam, estò fuerit vnum suppositum tantum; ni placeat dicere (*ut* concludunt Alij) actiones eius fuisse Theandricas, hoc est summè viles, & mixtas ex humano, & Diuino.

**SKOLION.** Operari *ut quod* est immediatè, & naturali modo terminare actionem, & proindè in toto tempore actionis. physicè aliter se habere, & continuò alterari. *Ut Quo* verò est esse rationem, & principium agendi solūmodò, *ut* est Anima in corpore nostro, respectu visionum, auditionū, &c.

**Actio-**

**A**ctiones Virtutis non sunt qualitates. 10 *Ethico-  
rum cap. 2. § 9.*

**G**ermanum retinet sensum, quòd non sint naturales, sensibiles, aut non permanentes qualitates (quoniam, tali loco arguebat Aristoteles contra eos, qui volebant aliquid esse bonum fixum, & permanens) non quòd omninò non sint qualitates, scilicet morales. Item quòd non sunt qualitates corporeæ in subiecto corporeo receptæ, at intentionales, seu spirituales in anima recipiendæ, & retinendæ.

**A**ctus actiuorum sunt in patiente benè disposito.  
*2. de Anima T. 24.*

**L**iquidum, & patens est de actibus primis, & immediatè consequentibus primos, non de quibuscunq; indifferenter; ad coniungendam enim materiam cum forma substantiali, qualitates actiuæ, & passiuæ requiruntur, quâ datâ coniunctione immediatè sequitur tanta, & talis actiuitas; quare merito Aristot. 1. *Phys. T. 37.* aduersus Anaxagoram docebat quodlibet non fieri ex quolibet, nec quomodocunq; sed determinatum ex determinato. Item de actibus completis, & perfectis, non incompletis, &c.

**A**ctus bonus, vel malus dicitur ex ordine ad finem  
*3. Ethicorum cap. 11.*

**V**aleat de fine proximo, ac principali, non de remoto, or-  
do ad quem finem dicitur à Theologis circumstantia actus, ita D. Th. in de peccatis q. 2. art. 4. ad 9. Insuper in ijs, quæ patent, & exercitium referunt, non in indifferentibus, & ijs, quæ latent, vt infra.

*D. Th. in de peccatis q. 2. a 4.*

Actus est ratio intelligendi, & cognoscendi.

9. *Metaph. T. 20. § 22.*

**P**ostulat, quod intelligatur de actu perfecto, & completo, non de incompleto, singulari, & hypostatico; hinc actus singularis, e. g. furandi, non facit cognoscere furem, cum potuerit furans, causâ indigentiae, furari. Amplius de actu per puram comparisonem ad potetiam, quæ hebetationis principium, & causa dicitur, non simpliciter, & absolute.

Actus, & generationes circa singularia sunt.

1. *Met. T. 1.*

**D**E transeuntibus peroptimè intelligitur, & de generationibus ad extra, non de immanentibus, & ad intra. Amplius obiectiuè, & secundum intentionem, non materialiter tantum, vnde in piscibus, & alijs plures partus parientibus, intentio est vnum saltem sibi simile generare, non plura. Ceterum intelligitur de actibus realibus, secundum quod tempus, & alias circumstantias inuoluunt, non simpliciter, & absolute. Deniq; de singularibus per se, vel per accidens, non per se tantum.

SKOLION. Per se singularia sunt, quæ ex differentijs indiuiduantibus constituuntur, veluti Socrates, & Plato, qui vltro nominibus singularibus significantur. Per accidens singularia sunt, quæ minimè ex talibus indiuiduantibus differentijs componuntur, neq; nominibus singularibus primò, & immediate significantur, vt sunt homo, animal, corpus, quæ re vera singularia non sunt, nisi quia in singularibus per se existunt, & continentur.

Actus,

Actus, & potentia sunt eiusdem generis. 9. *Metaph. T. 4. § 7.*

**V**aleat quando potentia propria virtute producit actum, non quando virtute alterius. Item de tali potentia, & actu tali, non absolutè, & liberè, vt infra litterâ P.

Actus præcedit potentiam. 9. *Metaph. T. 13. § 12. eiusdem T. 32.*

**D**e prioritate perfectionis, & dignitatis suam possidet veritatem, siquidem actus, per *Arist. 1. Phys. T. 81.* Diuinum quoddam bonum est, quod sanè per hanc metaphoram intelligitur, quia actuare est dare esse primum, dare autem esse primum est aliquod Diuinum, non de prioritate originis. Item verum respectu totius vniuersitatis rerum, non in singulari, est enim opus per Philosophum in 2. *Celi T. 20.* ab vno semper existeret in actu, reliqua de potentia in actum deduci. Accedit, quod potentia est propter actum, & non definitur, nisi per ipsum, quæ finalis ratio suæ perfectionis argumentum est supra potentiam.

Actus plures habitum producant, & ex habitibus memoria est. 1. *Metaph. cap. 1. T. 1.*

**P**ro compertò est in habitibus acquisitis, minimè in infusis, & supernaturalibus; in hoc enim maximè isti duo discriminantur, quod acquisitus ex frequentatis sit actibus, & præuiâ dispositione; infusus verò minimè, ac gratuitò datur: sic memoria oritur ex præcedentibus rationis actibus, & habitibus, cum scientia in memoria sit ex 1. *Metaph. c. 1. & scientia*



tia plurium actuum, & partialium habituum messis existat. Item, non de naturali innato, qualis est habitus primorum principiorum, sed de quouis alio per ipsum adeptum.

**Actu posito tollitur potentia. 9. Metaph. T. 10.**

**I**ntelligitur verum de potentia transcendentali, quæ tale ens est à causis producendum, quandoquidem lapis e.g. qui actu est, iam absumptam potentiam refert, at falsum de potentia prædicamentali ad operationes directa, quæ qualitas nuncupatur; vnde aqua, quæ actu humectat, adhuc retinet potentiam naturalem, per quam deinde humectare potest: sic potentia hominis sensitiva, dum actu sentit, remanet adhuc potentia, ut sentire possit: Item verum de passiva, tali actui relata, non de activa.

SKOLION. Potentia transcendentalis dicit absentiam, & carentiam omnis entitatis, qualis est obiectiva Scotistarum, & ideo non ens est: Prædicamentalis verò, cum sit tantum deficiens conditio ad agendum, dicit potestatem solum ad actum secundum, sed est ens, & in actu primo qualitatis.

**Ad diuersitatem requiritur vtrunq; esse. 10. Metaph. T. 11.**

**S**ubsistit Effatum de diuersitate reali, non formali, aut virtuali. Amplius de diuersitate, quæ est inter positiva, & sensibilia, non inter negativa, & potentialia, seu possibilia, alioquin materia, & priuatio non essent diuersa principia, & proinde non amplius 3. numero contra Arist. 1. Phys. T. 46.

Ad eandem scientiam spectat considerare totum,  
& partes. 2. *Phys. T. 22.*

**I**N cardine est veritatis, quando totum, & partes conueniunt in vna ratione formali obiecti, & respectu eiusdem passionis, non aliter; quocirca subiectum Physicæ non consideratur in Metaphysica, vt mobile, sed vt ens. Item materialiter, & vt *quod*, non vt *quo*; Item de homogæneo, non ætherogæneo, vniinfra.

Ad impossibile nulla est potentia. 1. *Cali T. 58.*

**A**D quare subsistit de impossibili logico, non de physico. Item de impossibili simpliciter, & per ordinem ad quancumq; potentiam, non ex hypothesi, vel suppositione.

SKOLION. Possibile logicum significat id, cuius reuera pars contradictionis implicat. Ab opposito verò impossibile logicum est, cui simpliciter repugnat esse. Possibile physicum est, quod sic potest esse; per oppositum verò impossibile, physicum, quod sic non potest esse, id est aliter esse, ac est, & intelligitur absq; impedimento, & iuxta statum suæ specificæ naturæ, non per vires supernas.

Ad Metaphysicam attinet considerare quid est rerum. 6. *Metaph. T. 3.*

**I**N communi, & generaliter habet hoc verificari, non in particulari; qua de re in Physica, & alijs scientijs à Metaphysica distinctis, non est superflua consideratio de quid est, cum istud cuilibet generi demonstrationum requiratur passim

sim, ex ambobus Analyticis Posterioribus dicente Philosopho. Item ex instituto, & ex officio, non simpliciter, & cum exclusione aliarum.

**Ad præteritum nulla est potentia. 1. Cæli T. 138.**

**C**onsonum veritati est de naturali Agentium naturalium potentia, non de supernaturali. Item formaliter, non connotatiuè; eadem enim aqua in eandem foueam redire potest, & eadem naus scissa reuniri, sed quod ompinò ex parte formæ præterijt, minimè, alioquin esset præteritum, & non præteritum, docente Arist. 2. de ortu cap. vlt. T. 70.

**Ad relationem non est per se motus. 5. Phys. T. 10.**

**V**lt intelligi per se, minimè per accidens; cernimus enim id, quod non est duplum fieri duplum, & illum, qui non est pater, fieri patrem. Item de motu physico, & reali, qui est viâ inter terminum à quo, & ad quem, non de metaphysico, qui est, quo res aliter se habet nunc, quam prius, saltem secundum prædicationem, vt infra.

*D. Tb.  
in lib. 5.  
Phys.*

**Affirmatio est prior negatione. 2. Cæli T. 19.**

**R**ecipitur verum, quando mutuò comparantur affirmatio, & negatio, non in respectu constitutionis sui totius, quia sic simul sunt, & relatiuè se habent; vndè affirmando aliquid de vno, negamus simul illud de suo contrario. Item verum, quantum ad notionem, & notionis modum, siquidè prius, & melius noscitur esse, quàm non esse, non quantum ad termines particulares vel particularia connotata, quoniam sic non esse præcelit esse.



**Agens de nouo incipiens agere mouetur de potentia in actum. 8. *Phys. T. 4.***

**P**rocedit de agēte, quod incipit agere actione noua, cuius actio non est sua substantia; de illo autem non procedit, quod agit suā actione æterna, quæ est ipsissima substantia sua, ut est Deus, qui tantummodò dicitur incipere agere, ratione noui effectus, & non propriæ mutationis.

**Agens extrahens de potentia in actum non largitur multitudinem, sed perfectionem. 8. *Metaph. T. 15. & 12. T. ultimo.***

**F**amulatur veritati de actu immediato, & per se, non de remoto, & per accidens; liquet enim, quòd enervatā virtute extrahentis, perfectionem amplius, & complementum præbere, non potest. Cæterum cæteris paribus, & nullo impediēte, vel directè, vel indirectè ex concurrentibus naturaliter, non imparibus. Denique primariò, quia ponere in actu est primariò dare perfectionem, non secundariò.

**Agens, & patiens debent esse diuisa. 1. *de Ortu, & Interitu T. 78. & 79.***

**V**aldè certum est secundum entitatem, & continuationem, quoniam id, quod est continuum, non est passibile, cum nil à se ipso patiatur, non secundum virtutem, & proportionem. Item in principio actionis, saltè suppositaliter, non in fine.

Agens, & patiens in materia communicant. 1. de  
Ortu T. 43.

**I**ntelligitur ad vnguem de Agentibus naturalibus vniuocis, non æquiuocis, aut analogis, vt sunt Cœlestia respectu inferiorum. Item de materia proxima, non de remota, quia ex Aristot. 4. *Celi* T. 37. tor sunt materiæ, quot elementa, ista autem plura necessario sunt. Tandem de materia secundum se, & præcisè, minimè de ea, affecta dispositionibus, pro determinata forma recipienda.

Agens, & patiens debent esse simul. 7. *Phys.* T.  
12. ac 1. de Ortu T. 45.

**I**nchoatiuè, hoc est in exordio actionis intelligitur, non terminatiuè, & semper quò vsq; fit actio: Amplius, vel secundum virtutem, vel formaliter, non formaliter tantum; vide infra litterâ M. Quòd si hæsitet quis de superfluitate Effati huius, vel alterius, quod sub littera M. in præsentiarum refertur; conscius *Aristotelici* T. 45. *primi de Gener.* certam habebit responsionem, scilicet agens, & patiens à mouente, & mobili differre, quandoquidè patiens est necessario, quòd alteratur qualitate tertiæ speciei, non sic verò mobile, quinimò in plus se habent mouens, & mobile, quàm agens, & patiens, quod planè in genere naturali ratum est apud omnes, nam quòd mouet agit, non è conuerso: videatur ibi in *Comp. cap. 2. de Tactu* Antonius Roccus.

Anton.  
Roccus  
1. de Ge-  
nere cap.  
de Ta-  
ctu.

Agens,

**Agens, & patiens debent esse similia secundum materiam, & dissimilia secundum formam.**  
*1. de Ortu T. 49. & 50.*

**V**erum est, vt mutua sit actio inter illa, non simpliciter, vt actio fiat, alioquin esset contradictio in Authore, cum dicat propter formam genitum esse simile generanti, & quòd per formam res producuntur tales in specie *2. Phys. T. 12.* Item verù de actione productiua, non perfectiua, quoniam in intensiōe (quæ perfectiua actio est) non adest diuersitas, aut dissimilitudo formæ.

**Agens forma, & finis coincidunt.** *2. Phys. T. 70.*  
*& 71.*

**V**erificatur in actionibus vniuocis, & in quibus agentia propinqua sunt, non in alijs; quocircà videmus talem rem esse finem, quæ nullius rei forma est, quòd proportionaliter de Deo dici potest, qui omnium creatorum finis est, ac nullius creati forma.

**Agens fortius, citiùs agit, quàm debilius.** *8. Phys. T. 79. & 2. Meteor. cap. de ventis.*

**V**aleat de agente habente contrarium, quod operatur per abiectionem sui contrarij, siquidem respectu istorum est resistentia, & tarditas in actione, non de illis, quæ contrario vacant, vt liquet de ambobus Luminaribus, quæ in instanti illuminant.

*Agens in agendo repatitur. 1. de Ortu T. 53.*

*Aref. in  
1. de Ge-  
ner. qu.  
de T. 11.*

**V**ult intelligi de illis, quæ communicant in materia, non de non communicantibus, propter quod Cœlum agit in hæc inferiora, & non patitur ab istis: Sic materialia patiuntur à spiritualibus, & tamen in ipsa non reagent, vnde patet Intelligentiam agere in Cœlum, & non Cœlum in eam: Amplius de actione transeunte physica, quæ per primas exercetur qualitates, non de immanenti, quæ fit absque resistencia qualitatuum, vt illuminatio. Cæterum intra sphaeram suæ actiuitatis, non extra. Deniq; vbi est proportio aliqua, minimè vbi deest, propter quod pauca pluma non reagit in exiniū fornacis incendium, nec vna gutta vini miscetur mille amphoris aquæ, vt testatur Aristoteles 1. de Gener. & sfo-  
ne T. 88.

*Agens nobilius est patiente. 3. de Anima T. 19.*

**V**aleat optimè, si ad idem actio, & passio referantur, non si ad diuersa; quocirca si vegetatiuum est actiuus aliquando ipso gradu intellectiuo, qui immediatè dicitur passiuus, tamen non respectu eiusdem; intellectus enim est respectu totius entis vniuersalis; vegetatiuum autem respectu particularis, & entis coniuncti.

*Agens prius agit in propinquum, quàm in remotum. 1. de Ortu T. 78.*

*Aref. in  
1. de Ge-  
ner.*

**F**irmiter subsistit de agente naturali, & communicante in materia cum passo, non de intentionali, & morali. Insuper cæteris paribus, minimè imparibus, vt videre est apud Arefium in 1. de Generatione.

**SKOLION.** Terminus *ceteris paribus* importat, quòd nil aliud obstat, & omnia æqualia sint, ad hoc, vt verificetur similis prædicatio, sicuti opposito modo terminus *ceteris non paribus*, vt e.g. Animal aduicum potest generare, dummodò adsint instrumenta, foemina cum mare, approximatior, integritas membrorum, & alia requisita ad generationem, secus impotens vocandum: Sic quadrupes animal potest ambulare, si adsit solum sustinens ipsum, & finis, gratiâ cuius intelligitur moueri.

**Agens semper est oppositum patienti 1. de Gener.**  
*T. 45.*

**V**alidè subsistit de agente communicante in materia cū passo, & per sensibiles qualitates operante, non de supernaturali, & morali; cōstat namq; nobis dari agens creans, nullo patiente subiecto. Item aliquâ specie oppositionis, putà relatiua, non contradictoria, aut priuatiua.

**Agens vniuocum per se agit simile 1. de Gener.**  
*T. 49.*

**V**erificatur de perfectate, quæ est modus causæ in ordine ad formam, per quam agens agit, non de perfectate absoluta formæ, quia nullum agens, præter Deum, agit sibi simile per se secundum formam, & ideo homo non est causa per se humanitatis, sed eam causat, vt in talem materiam agens, propter quòd non dicitur illam causare per se primò, at

*Ferrar.  
 3. contra Gentes  
 c. 65.*

**Aliquid potest simul alterari, & esse alteratum. 1.**  
*de sensu, & sensibili cap. 1.*

**I**ntelligitur hoc ex parte subiecti, non formæ, aut graduum eius. Item quoad receptionem specificam formæ alterationis: non quoad totalem motum alterationis, qui in instanti esse nequit. Insuper de alteratione naturali, modo pariter naturali facta, nō obiectiua, & vitali, cernimus enim, quod immutatio visus (quæ quædam alteratio est) illuminato diaphano, fit in instanti.

**Alterius, & alterius generis sunt alia, & alia principia 12. Metaph. T. 19.**

**A**pprobatur de principiis proximis, non de remotis, substantia enim accidētium omnium principiū esse potest, iuxta Arist. 5. Met. T. 1. & tamen est alterius generis, ex quo fit, vt ista per additamētum definiantur, substantia verò minimè.

**Aliud est caro, & aliud carnis esse. 3. de Ani. T. 9.**

**V**aleat reduplicatiuè, quoniam habens formam non est ipsa forma, neq; abstractum ipsum concretum, vt ipse innuit 1. Post. sub illis verbis *aliud est homo, aliud hominis esse*, minimè specificatiuè, & denominatiuè. Item valet metaphysicè, & formaliter, non physicè, & ratione connotati.

**Amicitia non est ad se ipsum. 9. Ethicor. cap. 4.**

**D**ebet Effatum hoc intelligi directè, & propriè, non indirectè, ac impropiè. Item de Amicitia communi-  
catua

cativa boni; nihil enim boni formaliter quis sibi communi-  
care potest, non de Amicitia, quæ solum amorem præferet;  
nam sic, quò magis unusquisque se ipsum amare tenetur, eò  
etiam amicitiam gerere, si amare est velle bonum alicui, vt  
Moralium omnium adagium est. Item inordinatè, & irra-  
tionabiliter, itaut in proprium commodum omnia cōuertat,  
quæ amicitia ad se ipsum dicitur à Græcis Filautia, non cum  
debita ratione, vt facit homo virtute præditus, dicente Ari-  
stotele *nono cit. cap. 9.*

Amicabilia, quæ propter alterum sunt, veniunt ex  
amicabilibus, quæ sunt ad se ipsum. 9. *Ethi-  
corum cap. 11.*

**V** Surpatur certum de illis amicabilibus ad alterum, in  
quo altero bonum, quod est obiectum amicitia, repe-  
ritur secundum aliquem partialem modum, non verò de il-  
lis, quæ sunt ad alterum, in quo dictum bonum adest secun-  
dum rationem totius, vt est bonitas Dei, propter quòd com-  
muniter Theologi in 2. 2. q. 26. fatentur hominem ex chari-  
tate teneri plus diligere Deum, quàm se ipsum. Amplius de  
amicitia inter æquales, non de ea, quæ est minoris ad maxi-  
mum, & superexcellens vocari solet, quoniam in tali casu  
amor non est sui mensura.

Amor est passio primi actus voluntatis. 3. *de Ani-  
ma T. 54. & 57.*

**A** Pprobatur in ijs, in quibus est actus sensitivus cum in-  
tellectiuo, non in ijs, in quibus est solummodò intel-  
lectivus: hinc in Deo Amor est, & in ipso nulla est passio, pro-  
pter-

per quod Aristoteles doctissimè 7. *Ethic. cap. ultimo* dicebat Deus vnâ, & simplicissimâ operatione gaudet, quâ eadem, sine passione amat, quæcunque amat.

**A** notioribus nobis est inchoandum. 1. *Phys. T. 2.*

**I**ntelligitur verum de processu naturali, non de via cuiuslibet doctrinæ, & cuiuslibet demonstrationis: Insuper de prima, & rudî cognitione, non de elaborata, & scientifica.

**Anima est de numero entium naturalium. 3. de Anima T. 17.**

**A**bsque errore intelligitur de Anima vegetatiua, & sensitua, non de intellectuua. Insuper de omni Anima, secundum quod aâtuat, & corpori organico, tanquàm forma, iungitur, non de rationali reduplicatiuè, aut secundum principium suum, quo creatur, & spiritus liber est.

**Anima causa efficiens est corporis. 2. de Ani. T. 36.**

**V**erificatur hoc pro illa parte, quâ est principium motus, siuè alterationis, siuè augmenti, &c. non respectu corporis materialiter sumpti, alioquin oporteret dicere animam necessariò præfuisse in corpore, & ideò corpoream appellandam, quod toti Theologiæ, & Fidei aduersatur asserenti animam nostram infundi creando, & creari infundendo. Item efficiens aâuum secundorum, non primi aâtus, cum ipsa forma sit.



**Anima nullius corporis est actus. 3. de Anim. T. 6.**

**P**robè intelligitur de actu consimili, qui scilicet corporeus sit, & eductus de potentia materiæ, non absolutè, & cum totali exclusione, nam *T. 7. 2. de Ani.* rotundo ore eam appellat actum corporis physici organici, & alibi principium intrinsecum motus animalis, quod porrò principium actus est: Item secundum Alios nullius corporis actus secundus tantum, sed primus. Insuper non corporis actus præsupponendus illi corpori, iuxta naturam actus, qui prior est potentiâ, sed posterior origine, tempore autem simul, vt infra.

**Anima rationalis non est natura. 1. de Partibus animalium cap. 1.**

**V**erificatur de ea, secundum principium, & entitatem suam, quâ communem habet naturam, & substantiam cum Angelis, & Intelligentijs; & insuper quatenus operationem habet, in quâ non communicat cum corpore, non de ea, vt forma est, ac principium motus. Item de ea, vt mens est, sub qua comprehenduntur substantiæ abstractæ, & motrices Cœlorum, asserente Aristot. 12. *Metaph. T. 5 2.* non, vt vititur organo corporeo, vti contingit in hoc statu viæ.

**Animus quiescendo fit prudens. 2. de Ani. T. 58.**

**D**e quiete mentali, non corporis intelligitur hoc dictum. Item formaliter, non dispositiue; quocircâ dicebat Aristot. accipienti scientiam cōuenire multotiès alterari, quod accidit priusquam inueniat medium, nam postquàm inuenierit, sedatur alteratio, & fit quies, & cum sapit non alteratur, & tali modo veritatem habet dictum Arist. 7. *Phys. T. 2.* quod quiescente parte, quiescit totum. E A pri-

A priuatione ad habitum non datur regressus. *in*  
*Post. Cathegorijs cap. de Oppos.*

**V**ult intelligi de priuatione, quæ tollit actum, & potentiam, sicuti est mors respectu vitæ, & cæcitas respectu visus, non de ea, quæ tollit actum tantum, vt est somnus respectu vigiliæ. Amplius verum de illis priuationibus, quarum formæ habent fieri circa idem subiectum vniuocè, & strictè, vt de calido in frigidum, non de alijs. Cæterum de regressu immediato, non mediato. Insuper in naturalibus strictè, & adæquatè, non in artificialibus, patet enim, quòd dissoluta arcà ab Artifice potest reparari. Rursus de priuatione, quæ inest mediante determinata forma, non quæ inest subiecto citrà formam; vndè si aer nunquam fuisset lucidus, diceretur tenebrosus, & tamen à tenebris posset ad lucem transmutari. Denique per vires Naturæ, non per supernaturalem virtutem.

*Banes 21  
de Gen.  
cap. ult.*

Appetitus est rei non habitæ. *1. Phys. T. 69. & 81.*

**F**amulatur vero essentialiter, & secundum possessionem boni appetiti, non intentionaliter; qui enim appetit bonum, non quærit habere bonum secundum esse intentionale. Item de appetitu desiderij, non complacentiæ.

A propositione tertij adiacentis ad eam, quæ est secundi valet consequentia, vt homo est albus: ergo homo est. *2. Perihæ. cap. 2.*

**V**alet in accidentalibus non in essentialibus, vndè non sequitur Rosa est flos: ergo Rosa est, & ratio est, quia  
in

in accidentalibus verbum *est* dicit existentiam, & ideo, cum in propositionibus secundi adiacentis verbum significet existentiam ab illis, quæ sunt tertij tenet consequentia ad ea, quæ sunt secundi. At in essentialibus verbum *est* significat essentiam: Et quia potest esse essentia, sine existentia, propterea ab illis ad alias, quæ sunt secundi non est valida consequentia, vt dicendo homo est animal: ergo animal est, vel homo est; sic inane est locus non repletus corpore, ergo est locus. Vide maiora apud Matrium in de fallacijs extrà dictionem.

*Mastr.  
par. 2. c.  
3. tr. 2.*

*part. 2. tract. 3. cap. 3.*

**Ars est vniuersalium, & experientia singularium.**

*1. Metaph. cap. 2. T. 4.*

**G**ermanè subsistit obiectiue, vt habitus intellectus, ita vt vniuersalitas primò, & principaliter includatur in obiecto artis formaliter, sicuti visibiles includitur formaliter in obiecto visus, non participatiue, ita vt Ars sit vnum de numero vniuersalium.

SKOLION. Vniuersale obiectiue importat rem aptam esse in pluribus: Participatiue verò esse vnum participans vniuersalitatem in intellectu possibili, vt infra.

**Ars naturam imitatur. 2. Phys. T. 22.**

**I**nconcusse verum est in communi, & quoad modum operandi, non in particulari: Insuper in Architectonicis, non in alijs, nisi fortè remisse, & remore.

SKOLION. Architectonica Ars est ex Philosopho T. 24. citati 1. Phys. Ars superior, quæ alijs certi generis dominatur, & formam præbet, eò quia materiam præparatam ab inferioribus complet, & ornat, vt e.g. fabrilis respectu dola-

tiuæ. Formula Ars est, quæ altiori artifice materiam disponit, vt ipsa dolatiua respectu lignariæ, & calcaria respectu ædificatiuæ.

**Artes non consultant . 3. *Etbicor. c. 3. & 2. Phys.*  
T. 86. & 6. *Ethic. c. 1.***

**V**erum est de artibus certis, & definitis per longum vsum iam probatis, quæ semper eodem modo operantur, non in incertis, & indefinitis, vt Medicina, Rethorica, &c. harum enim principium in nobis est, & à nostro pendet arbitrio; Insuper verum est comparatiuè ad Mathematicam, Physicam, &c. non absolutè. Item respectu finis, non mediorum, dùm scilicet inueniuntur, & componuntur.

**Ars substantiam non producit. 2. *Phys. T. 25.***

**I**ntelligitur se solâ, non cõiunctâ sibi naturâ; vndè est, quòd applicando actiua, passiuis molitur opera Naturæ, & effectus naturales. Amplius effectiue principaliter, itaut Ars iudicanda sit causa continens in se substantiam, eo pacto, quo causa naturalis continet in se effectum suum, non instrumetaliter.

**A singularibus ad magis vniuersalia transeundum est. 2. *Post. T. 27. & 1. Phys. T. 4.***

**V**alet quotiès magis vniuersale æquiucû est, secus non, vt 1. *Phys. T. 4. & 57.* habetur. Item in scientijs partialibus, non in totalibus, vndè exemplum eius fuit de simili, & acuto, quæ si quis voluerit definire, primò singulum eorum, definiet in particulari, putà pro simili in coloribus, pro simili in figuris, &c. ex quibus colliget definitionem similis vniuersali.

faliter accepti: sic definiet prius acutum in voce, in sapore, in ense, quàm acutum vniuersaliter acceptum. Item ab eruditis, & artificiosis abstrahentibus, non à rudibus cognoscentibus, quoniam hi (secundum Arist. 1. *Phys. T. 2. & 3.*) à confusis magis, & vniuersalioribus ad singularia procedunt.

### Augmētatio propria est viuentiū. 1. *de Gen. T. 31.*

**C**ertitudinem sibi comparat propriè, & adæquatè, non-impropriè, & inadæquatè, cum sic omnibus generabilibus, & corruptibilibus adaptetur, vt clariùs ab ipsis æternis, & Cœlestibus seiungantur. Item de illa auctione, quæ fit à principio interno, non externo, quæ alio nomine additio solet dici.

### Augmentatio fit per partes formales. 1. *de Gener. & Corrupt. T. 38.*

**S**ubsistit de propria augmentatione, quæ est per intus susceptionem, nō de impropria, quæ est per appositionem, seu per iuxta positionem partium. Item per partes formales, remanētes easdem in specie, & in forma, nō alio modo, vt inf.

### Augmētatio supponit alterationem. 1. *Cal. T. 21.*

**V**lt intelligi de Augmentatione simpliciter dicta, quæ fit per conuersionem alimenti in substantiam aliti per intus susceptionē, non de Augmentatione secundū quid, quæ fit per rarefactionem, aut iuxta positionem solū, quoniam sic per Arist. in *Cathegorijs cap. de Qualitate* Quadratū, gnomone circumscripto, augetur, & nulla præit alteratio.

## B

Beatitudo consistit in animi operatione. *1. Ethic. cap. 9. & 10. eiusdem cap. 7. & 8.*

*Anton. Scayn. 1. Ethic.* **P**ostulat intelligi de animi operatione in vltimum finem directa, non libera, & indistincta respectu cuiuslibet finis, non vltimi. Amplius non præcisè, quasi beatitudo sit sola contemplatio, sed etiam fructio vltimi finis cum illa.

Bona diuisio debet esse per membra opposita.  
*3. Topic. cap. 4.*

**S**ubsistentiam habet de diuisione vniuoci in vniuocata, seu generis in species, non analogi in analogata, vt sunt actus, & potentia, vnum, & multa respectu entis. Item de diuisione, quæ est modus sciendi, & de qua est sermo in *2. Post. cap. 2. & 3.* non de materiali, & quantitatiua, quæ est physica. Vltèrius de diuisione, quæ est in partes subiectiuas secundum considerationem, non in partes integrales, & extensiuas.

SKOLION. Diuisio Analogi in analogata est solummodò per diuersos modos; Vniuoci autem in vniuocata per differentias.

Bonitas est passio entis. *4. Metaph. T. 4. & lib. de de Causis prop. 20.*

**C**irrit de ente in actu, non in potentia; cum enim bonitas sequatur esse, & esse conueniat ei, quod est in actu, propterea de isto verificari opus est; hinc omnia appetunt esse, ex *Philosoph. T. 3. 4. 2. de anima, & 2. de Ortu T. 19.* cum esse

se fit bonum; quocirca ibi dicitur, quod melius est esse, quam non esse. Insuper valet de ente reali extra animam, cum reali tantum competat amabilitas, & bonitas, dicente *Arist. 6. Metaph. T. ult.* bonum, & malum esse in rebus, verum autem, & falsum in intellectu, non de ente in anima, cum enim bonitas non consequatur ens diminutum, & ens in anima tale sit, porro tale ens bonum nequibit dici.

**Bonum est ex integra causa, malum autem ex quocunq; defectu. 3. Metaph. T. 3. & 1. ad Eud. cap. 5.**

**A**Dæquatè subsistit in moralibus, quoniam in his ex vna circumstantia vitiosa fit malum, non in naturalibus præcisè. Item de integra formali causa, non virtuali, aut instrumentalit tantum. Amplius de bono, vt conuertitur cum perfecto, & finem concludit, non de quocunq; alio extra statum perfecti, vt est ipsa mediorum bonitas, & eorum, quæ in finem ordinantur.

**Bonum est, vt in paucioribus, malum autem, vt in pluribus. 2. Ethic. cap. 6.**

**R**Etè incedit respectu Mundi huius inferioris, vbi corruptela est sensus, non simpliciter, vel de Mundo superiori; abstracta enim, & separatæ substantiæ bonæ sunt, & tamen ista non sunt, vt in paucioribus, quam sit ipsum malum. Amplius de bono procedit, vt perfectionem finis, & complementum dicit, non solummodò appetibilitatem; sæpè .n. alicuius finis boni media appetitur, quæ ideò bona sunt, at non ultimâ bonitate, quæ fini attribuitur. Item quia cōtingit pluribus

ribus modis deuiare à medio, quàm ipsum medium tenaciter retinere, dicente Arist. in principio dicti secundi, siquidem sensibilia bona sunt magis nota, quàm bona rationis in vniuersali.

SKOLION. Malum in paucioribus videtur esse, quando referuntur effectus ad causas proprias, quòd liquidum est in naturalibus; malum namq; non accidit in actionibus naturæ, nisi propter impedimentum superueniens causæ agentis, quòd sanè non est, nisi in paucioribus, vt apparet de monstris: In voluntarijs verò, quantum ad agibilia, malum est magis, vt in pluribus, quàm bonum, quoniam in his virtus, & vitium dominantur, & proindè duplex nascitur appetitus mouens, rationalis .i. & sensualis, & id, quod est bonum secundum vnum appetitum est malum secundum rationem; vt amplecti delectabilia est bonum secundum sensum, sed malum secundum rationem. Et quia plures sequuntur sensum (inquit Aristot.) quàm rationem, propterea plures inueniuntur homines mali, quàm boni, propter quòd malum videtur, vt in pluribus; quòd secùs est, si appetitus rationis tantummodò attendatur.

**Bonum, & ens conuertuntur. 4. Met. T. 2. 4. 5 6.**

**A**Dæquatè verificatur de bono transcendentali, non prædicamentali. Item de bonitate secundum quid, non simpliciter.

SKOLION. Bonum secundum quid, in proposito, dicitur illud, quod habet primam perfectionem, quâ redditur appetibile, vt est ipsum esse; Bonum verò simpliciter est, quod est bonum per formam bonitatis, quæ est qualitas enti superaddita (nil est .n. simpliciter tale, nisi per formam 2. Phyl. T. 11.) vt e.g. homo, quatenus est, est bonus secundum quid, quoniâ  
habet



habet esse, dùm verò per habitus speculatiuos, & morales dicitur bonus, tunc simpliciter inscribitur bonus, bonitate scilicet formali illorum habituum consecutà.

**Bonum, & finis idem sunt. 1. Ethic. cap. 1. § 7.**

**V**aleat fundamentaliter respectu creaturarum tantum, non respectu Dei, & creaturarum simul; Bonitas namque Diuina comparatione diuini amoris, non habet rationem finis, & tamen bona est, non formaliter, quoniam bonum, quò bonum, significat relationem còuenientiæ, propter quòd definitur id, quod conueniens est, & finis importat relationem eorum, quæ sunt ad ipsum, & definitur id, cuius gratia aliquid fit. Item, vel actu, vel potentia; vndè quicquid est actu bonum non est actu finis, vt aurum est actu bonum, sed respectu contemptoris non est actu finis, quod dicerent Theologi de Sacramentis respondentes Atheistis, respectu quorum Sacramenta sunt actu bona, at non actu finis.

**Bonum, & malum sunt differentię humanorum, actuum. 1. Ethicor. cap. 7.**

**G**ermanum sensum habet in particulari, non in communi; nulla enim datur actio humana, quæ de facto non sit bona, vel mala, quoniam, vel habet finem rectæ rationi consentaneum, & ita est bona, vel caret isto, & sic est mala, aut vitiosa: Vel dic, vt semper respectu indiuidualium, non semper respectu communium.

Bonum, & malum sunt in rebus; verum autem, & falsum in intellectu. 6. *Metaph. T. 8.*

**V**Aler obiectiue, quoniam per Philosophum 3. *de Anima T. 49.* bonum est obiectum, in quod tendit appetitus, & obiectum nequit habere vim terminandi potetiam talem, nisi secundum esse reale, quod habet extra, iuxta quod est perfectum, etenim, ex Aristotele ibique sunt in intellectu diminuta, sunt & in potentia, non subiectiue; patet enim quod opinio dicitur bona, & mala, & tamen ipsa est intellectus, & non Naturæ; quinimò media syllogistica, alia bona, & alia mala dicuntur, cum tamen sint rationalia, propter quod Auerroës 3. *de Anima Com. T. 31.* inquit bonum, & malum spectare ad intellectum actiuum, verum autem, & mendacium ad speculatiuum.

Bonum est sui diffusiuum. 1. *Ethic. cap. 1.*

**F**Amulatur veritati eo modo, quo est ens, & quo est agēs, videlicet ad intra respectu ipsius Dei, & ad extra respectu boni creati, non alio modo: Item, non sui secundum numerum, at secundum speciem. Insuper de bono vero, & reali, non de apparenti. Tandem sui, quoad similitudinem, non quoad entitatem.

SKOLION. Actio ad intra est prorsus idem, ac superior immanens, sed cum hac diuersitate solum, quod de intellectu, & voluntate dicitur, non de sensu, ut aliqua immanens dicitur. Ad extra verò est ad terminum extrinsecum, sicuti in Deo est opus Creationis, & Incarnationis.

Bonum habet rationem vltimi, & perfecti. *1. Ethic. cor. cap. 4. & 7.*

**C**ertitudinem possidet comparatiuè ad motum appetitum, non ad materiam, in qua aliquod bonum constituitur, quod oportet esse in medio, itaut neq; excedat, neq; excedatur. Item eâ ratione, quâ est finis, & allicit, non quâ medium aliquando est.

Bonum est prius, quàm malum. *9. Metaph. T. 1 9.*

**Q**uoad intentionem postulat intelligi, non quoad executionem: Item respectu totius Vniuersi, non partium tantummodò eius; hinc Deus, quia est ens prius omni alio ente, & independēs, etiam summè bonus est: Amplius de bono honesto, vero, & simpliciter, non de apparenti, cum istud simul bonum, & malum esse possit.

Bonum est, quod omnes appetunt *1. Ethic. cap. 1.*

**S**ensum habet verum formaliter, & specificè, non individualiter, quasi quodd vnum quoduis bonum ab omnibus appetatur: Et licet in Euangelio D. Matth. cap. 19. dicatur. Nemo bonus, nisi solus Deus, tamen id intelligitur per essentiam, non per participationem, & est sensus, quod cum nil sit magis bonum Deo, nil etiam est, quod magis ordinatè appeti debeat, quàm Deus; deinceps alia, quæ bona sunt, ab ipso dependentia, bona per participationem dicuntur.

Bonum de quocumque, quod est, dicitur. 4. *Metaph. T. 2. § 6.*

**D**E bonitate physica, scè naturæ vult intelligi, non de morali. Item respectiue, nam omne ens respectiue bonum est, quatenus alicui conueniens, non de bonitate integritatis (qualis data fuit primis Genitoribus in statu Innocentiæ) nunc autem vulnerata, & læsa: Cæterum de bonitate essentiæ, quæ transcendentalis dicitur, non formali, non gratuita, non artificiosa, &c.

Bono carent Mathematicæ. 3. *Metaph. T. 3.*

**V**erificatur hoc præcisè secundum puram considerationem Mathematicam, nō materialiter, quoniam ea, de quibus agit Mathematica bona sunt, quia entia sunt, & ens, ac bonum conuertuntur 4. *Metaph. T. 4.* Accedit, quod ens dicitur de essentia, & veritate rei, ex eodem loco, & Mathematicalia sunt maximè vera, vt innuit idem Arist. in eod. 4. *Metaph.* Iridem de bono acquisibili per motum, & cum subiecto, vt mens est Philosophi, etiam quando dicit Mathematicas carere fine, qui finis cum bono conuertitur 2. *Phys. T. 3 1.* non de bono absoluto.

Bonum, vt apprehensum, mouet voluntatem. 3. *de Anima T. 51.*

**P**robè intelligitur per modum obiecti, & finis, non per modum efficientis; vndè impropriè dicitur intellectus motus ab eo, cum de ratione mouentis veri sit esse nobilius moto, & tamen nullum ex his inferioribus obiectis est nobilius

lius intellectu. Accedit, quòd solum vitaliter immutatur, & solummodò per species repræsentatiuè sensibiles, non modo naturali, aut per coactionem. Insuper de motione intentionali, & metaphysica, non physica, quæ est cum alteratione sensibili inchoatiuè, & terminatiuè reali ipsius mobilis.

**Bonum Vniuersi ipse ordo est. 2. *Metaph. T. 5 2.***

**D**E Vniuerso, secundum quòd continens est, intelligitur, non pro rebus contentis, cum enim ordo quoddam accidentale sit; Creaturarum, quæ Vniuersum faciunt, bonum dici nequit: Item valet de bono, vt idem, quòd perfectum est, non vt aliquod cõmunicabile, & appetibile.

## C

**Calor est prior frigore 2. *de Gener. Animalium c. 2.***

**V**Alet de prioritate perfectionis, non corporeitatis elementaris, itaut debeat esse prius existens inter elementa; cum enim omnia contraria se habeant secundum peius, & melius ex 1. *Phys. T. 5 5.* eo quòd vnum, respectu alterius induit defectum; ignis, ob suam actiuitatem facillè princeps, in prima contrarietate constituitur. Item in operando, non in essendo, vt supra.

**Calidi est rarefacere, & frigidi condensare. 4. *Metheor. cap. 6.***

**V**Alet directè de calore elementalì in sua natura considerato, non de naturali animatorum, neq; de Cœlesti perpetuo; calor enim naturalis in concoctione, & digestionem agit

*Lib. post  
Tract.  
de Iunē.  
& sene.*

agit tantum instrumentaliter, ex Aristot. *in de Spiritu* nu. 60. & idem ad exigentiam animæ, propter varios fines agit, unde condensat, rarefacit, mouet, &c. Cœlestis postea agit secundum dispositiones passiuorum, ex quo fit, ut solaris lutum simul exsiccat, & ceram liquefaciat.

**Causa causæ est etiam causa causati.** *Libro de Causis Prop. 5.*

*Isidor.  
C. 2. nu.  
78.*

**A**D vnguem intelligitur de proxima effectiua, & principali, non de alia; unde, si ignis causa caloris est, & calor causa liquefactionis niuis, etiam ignis appellatus est causa liquefactionis niuis. Cæterum intelligitur in eodem ordine, ac genere, non in diuerso, ita ut efficiens e. g. cum formali coniungatur, propter quod non valet Equus generans est causa animæ geniti, sed anima est forma, ergo Equus generans est forma Equi geniti. Tandem in ijs, quæ necessariò, per se, & essentialiter connectuntur per naturam, non in alijs, puta liberis, & voluntariè agentibus.

**Causa efficiens est, quæ est motus principium.**  
*2. Phys. T. 29. & 5. Metaph. T. 2.*

**P**ORRò de sola causa physica efficiēti intelligitur Effatum, non de metaphysica, qualis est Deus. Item de motu, non reduplicatiuè quieti contradistincto, quia sæpè efficiens mouet, ut quod mouetur ab ipso suam quietem, & locum consequatur, sed, ut actus mobilis indistinctè. Tandem de causa physica physicè causante, non moraliter, ut potest esse homo.

**Causa, & effectus simul esse debent. §. *Metaph.***

***T. 3. & 4.***

**F**Amulatur veritati secundò intentionaliter, non primò, quoniam tali modo relatiuè ad effectum se habet, & relatiua sunt simul natura *ex §. Metaph. T. 20.* Item virtualiter, non actualiter, & formaliter.

**SKOLION.** Terminus secundò intentionaliter importat idem, ac secundum esse, quod habet res in intellectu cognoscente, propter quòd omnis secunda intentio relatio quædam rationis est; Primò intentionaliter postea importat realiter, & secundum existentiam, siquidè prima intentio in concreto est obiectum, quod excitat intellectum ad intelligendum.

**Causa est nobilior suo causato. §. *Metaph. T. 3.***

**A**Bsq; errore intelligitur de formali, finali, & efficiente, nõ de materiali, & ratio Philosophi est, quia quicquid reperitur in tribus primis actuabilius est omni eo, quod reperitur in earum effectibus, & idèd præstantius, non sic verò quod reperitur in materiali. Insuper valet de causa principali, non instrumentali. Vterius cum ordine, & methodo, nam de efficienti æqui uoco principaliter, & directè intelligitur, de formali, minus, & de materiali nullo modo. Sic de fine extrinseco, non intrinseco; de efficiente principali, & proximo, non de coadiuuante, & remoto; vndè Sol causa est generationis Hominum, Leonum, Equorum, &c. *ex 2. Phys. T. 26.* & tamen non est nobilior Leone, homine, &c. sic non de vniuoco, quia hoc actuale est, &c.

Causa

*Causa est prior suo effectu. 2. Phys. T. 37. & 5.  
Metaph. T. 3.*

*Alam.  
in Pra-  
dio.*

**D**E causa efficienti, quæ per motum habet causare vult intelligi, vt est ignis respectu caloris introducti in lignum, non de illa, quæ agit per simplicem emanationem, cum sufficiat ei origine antecedere suum effectum, & independentem esse, vt est Sol respectu lucis, & generaliter omne subiectum respectu propriæ passionis. Cæterum primò intentionaliter, non secundò, quoniam tali modo causa, & causatum relatiua sunt.

*Causa, & principium recipiuntur. 5 Met. T. 1.*

**V**Alet de causa cõmuniter accepta, non de propria. Item in ratione independētix, quia neq; principium à principio, neq; causa ab effectu physicè dependent, non in qualitatibus, & modo inchoandi; hinc priuatio principium est, & non causa; vnitas principium numerorum, & non causa; punctus principium lineæ, & non causa lineæ. Tandem in relatione, quoniã æquè ad effectum refertur causa, ac ad principium principium, non in sua entitate, & positiuo esse.

*Causa eiusdem rationis producit effectũ eiusdem rationis. 2. de anima T. 34. & 7. Met. T. 28.*

**A**pprimè verum nullo dato impedimento, secus posito isto. Insuper quamdiù perseuerat in statu causæ, minimè quando extra hunc statum exit, aut alteri iungitur, vt frequenter euenit de Natura, & de arte, quæ coniunguntur ad artefacta formanda, ex 7. Metaph. T. 26.

Causa



**Causa differentię numericę materia est. 7. Met.**  
*T. 28. § 8. T. 15. ac 12. eiusd. T. 49.*

**V**aleat secundum Scotistas in corporeis numericę solum distinguibilibus, non absolute in omnibus, tam scilicet spiritualibus, quàm corporeis, cum indifferēter cunctis propria hecitas donetur, quę verum principium est indiuiduationis. Item de materia cum suis proprijs, putà cum quantitate, &c. non de ea solà, exclusis omnibus alijs. Cæterum in naturalibus, nō in artificialibus. Rursus per appropriationem, non per adæquationem.

**Causa prima plus influit in effectum, quàm secunda. In lib. de causis Prop. 1.**

**S**atis benè vsurpatur de causis effectiuis, & productiuis, itaut quicquid est perfectionis in simili effectu prodeunte ab utraq; principalius reducatur in primā causam, quàm, &c. non in causis defectiuis, hoc est defectum, & destructionem causantibus, quoniā tunc debet refundi in debiliorem, quemadmodum in primo Priorum de Conclusionē dicitur, quod sequitur deteriore partem præmissarum. Item quatenus effectus primæ intimior, permanentior, & magis vniuersalis est in ipsa, quàm sit quilibet alter in sua propria, nō alterā ratione, alioquin effectus diceretur magis secundæ, quàm primæ.

**Causa per accidens producit effectum suum, vt in paucioribus. 2. Post. T. 12. § 2. Phys. T. 57.**

**Q**uantum ad effectum intentionis agentis intelligitur hoc Eisatum, non præter illam: Insuper de illo effe-

et per accidens, qui nullo modo habet causam per se, vt c. g. malum, non de illo, qui talem per se habere potest, vt motus violenti grauium in nostratibus.

**Causæ contrariorum effectuum possunt esse causæ. 7. *Metaph. T. 2. § 2. Phys. T. 30.***

**D**isunctiuo sensu probitatem, & certitudinem habet Effectum, nimirum, vel per se, vel per accidens, non copulatè; Naucleri etenim præsentia per se causa est salutis nauis, sed absentia naufragij, at huius per accidens, & illius per se, quemadmodum etiam intima Solis præsentia causa est per se caloris, & remotio, scè absentia frigoris: Præterea in statu purè naturali, non violenter alteratæ, & cum antyparistasi: Ceterum de æquiucis, & liberis, non de vniucis, & naturalibus, vide supra lit. A.

**Causæ diuersæ in quantitate habent diuersa causata in quantitate. 3. *Cæli T. 18.***

**V**aleat in ijs, quæ sequuntur materiam, non in ijs, quæ sequuntur formam: Amplius cæteris paribus, videlicet non superadditâ maiori resistentiâ, secus si superaddatur.

**Causæ efficientes, & materiales cum effectibus conuertuntur. 2. *Post. T. 12. § 13.***

**P**rocedit de his causis per comparisonem ad subiecta propria, siuè in particulari accepta, non ad subiecta communia, vel in vniuersali sumpta, siquidè tali modo potest dari scientia de illis, & tunc non conuerti, cum in genere scientifico semper causa à causato distinguatur. Item, se-

secundum. Alios, procedit in ratione specificæ causæ materialis, non indiuidua.

**Causæ extrinsecæ non ponuntur in definitione.**

*1. Post. T. 9.*

**A**Dæquatè subsistit de extrinsecis, contingentibus alicui rei, vel subiecto, non de necessariò connexis, quæ scilicet per naturalem sequelam quibusdā prioribus succedunt; quare, licet Arist. 8. *Phys. T. 4.* definierit motum per actum mobilis, adhuc tamen mouens, & mobile non sunt extrinsecæ motui (vt perperam nonnulli autumarunt) cū naturaliter, & necessariò ad ipsum requirantur. Item de extrinsecis quidditati, non existentia tantum.

**SKOLION.** Quidditatis nomine rei essentia intelligitur; quod enim aggregatur ex prædicatis in quid, puta generis, & differētiæ vltimæ, quidditas, & essentia est ex Philosopho per totum 10. *Metaph.* Existentiæ verò inscriptione, & denominatione vltimus actus, aut complementum essentiæ; nisi enim extra causas ponatur res, non completa, neq; perfecta esse potest vltimò. Ab hac existentia habet res, quòd sit singularis, incommunicabilis, temporalis, & saltè mediatè sensibilis; ab essentia autem minimè, ex quo fit, vt definitiones existentiam non quærant definibilem, essentiam verò benè, quòd intelligitur de creatura, non de Deo, siquidè Deo existentia conuenit essentialiter; creaturæ verò tantummodò contingenter.

**Causæ formales, si infinitæ sint, nil contingit scire.**

*1. Phys. T. 15. & 50.*

**R** Espectu intellectus creati suum retinet sensum, cui intellectui iugiter obscura, & latēs est infiniti quidditas, non respectu intellectus Diuini, qui, quouis momento comprehendendo se ipsum, etiam omnium rerum formas distinctissimè cognoscit. Cæterum de scire demonstratiuo, & perfecto, non de quauis alia inuestigatiua cognitione.

**Causæ rerum non sunt infinitæ. 2. Metaph. T. 5.**

**I**N confesso est de causis per se, & essentialiter ordinatis, non de illis accidentaliter solùm connexis, vel subordinatis, quæ sine numero sunt: Insuper de causis in ordine ad indiuidualia rerum, non ad specifica, & generica.

**Cælum animatum est. 2. Cæli T. 13.**

**D**E Assistente anima, non de informante hoc intelligitur. SKOLION. Differt Assistens anima ab informante, multifariam, primò, quia Assistens est, quæ alicui inseparabiliter vnitur ad ipsum perpetuò mouendum; informans verò solùm ad tempus; dummodò edueta sit de potentia materiæ per vires agentis naturalis, qualis non est simplex forma Cæli; item quia informans pars est essentialis compositi, & intrinseca; Assistens verò minimè; & ideò incompleta illa, quia pars, & non totum; hæc verò, scilicet Assistens, completa.

Cœlo quiescente nil amplius mouetur. 2. *de Ortus*  
*T. 69. & 1. Meth. c. 1.*

**S**Vmitur verum ordinatè, non inordinatè; fierent enim subito corruptiones rerum, sed inordinatè, hoc est non consuetis dispositionibus; ac modo agendi. Item sumitur verum de motu purè physico, & integro, non de metaphysico, aut alio cæpto motu: quocircà, si per impossibile Cœlum quiesceret, & saxum iam cæpisset descendere, adhuc descenderet, & cæptum motum terminaret, quoniam Natura maxime sollicita est de vnione partium cum suo toto. Deniq; verum de motu naturali integro, non de violento, & præter naturam, vnde volunt, quòd si quiesceret Cœlum, & aqua violenter calida esset, quòd adhuc ad suam frigiditatem naturalem redigeretur.

Certum in omnibus non est quærendum. 1. *Ethi-*  
*cor. cap. 2. & 7.*

**I**Ntelligitur hoc in particulari, non in communi. Amplius de certitudine experimentalì, quæ est sensus, non de speculatiua, quia sic omnia indifferenter, etiam sine Logica, & medijs scibilibus, mouere, & excitare possunt intellectum, cuius motionis finis certitudo est.

Circulare maximè opponitur recto. 1. *Cæli T. 25.*

**E**X hypothesi intelligitur, non simpliciter, itaut sensus sit, si vnquàm circulari aliquid contrariaretur esset rectum. Item tanquàm differentia, non species.

SKOLION. Est certum, quòd in quouis genere reperitur

tur contrarietas differentiarum, *ex 10. Metaph. T. 13.* non tamen in omni genere est contrarietas specierum; vnde licet rationale, & irrationale sint contrariæ differentiæ, non tamen Homo, & Leo sunt contrariæ species, & sic inter rectum, & circulare est differentiarum contrarietas, non, &c.

**Cognoscens an est, cognoscit & quid est. 2. *Post. T. 1.***

**C**onfociatur vero de quid est nominis, non de quid rei, quod porro difficilius est cognitu, propter quòd nos, lumine naturali, cognoscimus existentiam Dei, quæ per An est connotatur, & minimè quidditatem. Insuper verificatur, vel confusè, vel distinctè, non necessariò distinctè.

SKOLION. Quid nominis cognoscendum cum An est, ipsa nominis etymologia, & deriuatio est, vt e. g. quòd lapis dicatur à læsione pedis. Quid rei postea est ipsa definitio, putà aggregatio omnium prædicatorum in quid, vt quòd homo sit animal rationale, &c.

**Cognitio per communia est cognitio quia. 1. *Post. cap. 13. T. 30.***

**V**erum est de cognitione scientifica, quia talis debet esse per immediata, & per primam causam, non de alia cognitione: Insuper directè verum de communibus analogis, & æquiucis, non vniuocis, quæ interdum possunt esse immediata. Rursus verum de communibus cum exclusione indiuidualium, & accidentalium tantum, non propriorum; interdum enim commune opponitur particulari, & interdum proprio: nunc sumitur, vt opponitur proprio, non, &c.

Co-

Cognitum debet adæquari potentia cognoscenti.

1. *Phys. T. 35.*

**A**D vnguem valet de adæquatione cognoscibilis ad cognitum, quæ dicitur obiecti ad potentiam, non rei ad rem. Alij dicunt in esse representato, non existentia; similitudo enim, in vi cognoscitiua existens, nō est principium cognitionis rei secundum esse, quod habet in potentia cognoscitiua, at secundum relationem, quam habet ad rem cognitam, & hinc est, quod non per modum, quo similitudo rei habet esse in cognoscente res cognoscitur, sed per modum, quo est representatiua rei.

Color mixtura est luminosi cum opaco. 1. *Parvorum naturalium cap. de visione.*

**P**Robè intelligitur de colore corporibus mixtis attributo, non simplicibus, nam per Aristot. *libro de Coloribus cap. 1.* elementis color aliquis assignatur, vt aeri, & aquæ color albus; igni, & Soli flauus; terræ, modò hic, modò ille, cum intinctione multicolor fiat, vt per adustionem in cinere, alba; in humido, nigra, veluti in luto, &c. Item de colore ex qualitatibus elementorum dictorum producto, non Cœlestium, sicuti est lux Solis, & Lunæ.

Concretum definiri nequit. 7. *Met. T. 13. & 18.*

**V**Alet de concreto ex partibus eiusdem naturæ, non diuersarum naturarum, quoniam istud æquipollet vniuersali. Item definitione propriè dictâ, & comparatiuè ad abstractum, non definitione impropria, & descriptiuâ.

SKO-

**SKOLION.** Quinque, secundum Scotum in sua Logica, sunt conditiones eius, quod definitur; prima, ut sit ens positivum, & ideo cœcitas non definitur, nisi per visum; secunda, ut sit per se vnu n, & ideo, quæ sunt vnum per accidēs, ut homo albus, non definiuntur; tertia, ut sit ens reale; quarta, ut sit compositum & genere, & differentia, vnde Deus non definitur; quinta, ut sit abstractum, & commune, quocircà singularia, ut infrà, non definiuntur.

**Commune prius est proprio . 1. de Partibus Animalium cap. 1.**

**A**dæquatè verificatur, quando utrūque, non vnius generis sunt, at diuersorū, & sic contingit de gratia vniōis in Christo Domino, quæ non est in genere gratiæ habitualis; & propter hoc, licet ista communis sit hominibus, & Christo, tamen non est prior illà, dicente D. Tho. 3. p. q. 8. ar. 13. ad 3.

**Communiora priora sunt minus communibus . 1. Phys. T. 2.**

**A**pprimè intelligitur de communioribus secundum essentiam, non secundum accidentia; hinc animal, quia est communius secundum essentiam ipso homine, dicitur quoque prius ipso homine, non sic autem color respectu animalis. Amplius intelligitur de cognitione potentiæ intellectivæ, non sensitivæ. Item ordine scientifico, & methodo doctrinæ, quoniam non debet idem bis, & pluries repeti, ut in ibi ad vnguem habetur, non naturæ, saltè ut agit contra intellectum.



**Comparatio vera non est secundum genus.**

*7. Phys. T. 31.*

**G** Audet omnimodâ veritate in genere logico, & remoto, siquidem in isto possunt esse æquiocationes aliquæ ex *Phil. 2. Post. T. 22*, & vbi æquiocationes ibi nulla proba comparatio, nō in genere physico, ac proximo (quod speciei logicæ in hoc proposito vices gerit) quale est animal respectu hominis, Bouis, &c. vide paulò supra.

**Contingit multa scire, & vnum intelligere. 2. Topic. cap. 4.**

**V**ult intelligi vnico actu, & per vnâ speciem, non per diuersos actus, & per diuersas species. Item distinctè, non confusè; directè, non reflexè. Cæterum actu, & formaliter, non potentiâ, & virtualiter. Deniq; per modum vnius, non plurium.

**Continere est formæ, contineri autem materiæ.**  
*4. Cæli T. 35.*

**P**oscit intelligi de continentia inferiorum, & imperfectorū, non de continentia subiectiua, & receptiua, quoniam tali modo forma continetur, & materia continet. Item de continentia actus, & naturæ, non quantitatiua, & materiali. Amplius de continentia essentiali, non in tali sensu, quòd materia sit de essentia formæ, sed quia essentia materiæ à forma ad determinatam materiam restringitur, minimè de continentia potenciali, quia sic forma continetur à materia, quemadmodum homo continet animal essentialiter, & ab ipso potentialiter continetur.

H

Con-

Continuitas motus est penès ipsum mobile.

2. de Ortu T. 62.

**I**ntelligitur verum materialiter, & passiuè, non effectiuè solùm, quoniam 12. *Metaph. T. 4. & 3. Phys. 1.* inquit Arist. à motore prouenire, imò à Motore infinito: Amplius, tanquã ex clariori nobis signo, non adæquatè, & simpliciter.

Continuum est diuisibile in semper diuisibilia.

6. *Phys. T. 4. 1. eiusd. T. 17. & 1. Cæli T. 2.*

**V**ltra pensum certissimum est de continuo communi; & absolutè considerato, non de tali continuo, siquidè minimum naturale, per Arist. 1. *Phys. T. 36.* continuũ quoddam est, & tamen non est amplius diuisibile: Insuper sub diuisione diuisionis mathematicæ, vel physicæ, non tãtũmodò physicæ. Cæterũ, vel realiter, vel designatiuè; Cœlum enim continuum est, & tamen nisi designatiuè à nobis diuiditur, quòd dicitur à P. Rubeo ab intrinseco diuisibile, & ab extrinseco indiuisibile, quatenus nullum datur Agens naturale potens ipsum diuidere.

*Rubeus  
1. Cæli.*

Contra negantes principia non est disputandum.

1. *Phys. T. 8.*

**V**surpatur verum de principijs scientiæ, & cognitionis, non de principijs rei, mixti, & naturæ. Insuper habitu consimili, non diuerso, aut dissimili, quã ratione inquirunt Simplicius, & vetustiores, cum D. Th. in Comment. T. 7. contra Parmenidem, & Melissum, aliosq; Procures vera principia Naturæ, ac Physicæ negantes, Aristotelem disputasse, indurum .s. habitu metaphysico, non physico.

*D. Tho.  
in Com.  
T. 7. in  
Phys.*

Con-

**Contraria sunt nata fieri circa idem.** *In Post Categorijs cap. de Opposit.*

**S**ubfistit, quando subiectum æqualiter se habet ad vtrumquè contrariorum, non quando inæqualiter; hinc sapientissimè dicit *D. Thom. in 2. 2. qu. 23.* quòd charitas, non eodem modo se habet ad augmentum, ac ad diminutionem, siquidè potest habere causam agentem in augmento, sed non minuentem in decremento.

*D. Tho.  
2. 2. qu.  
23.*

**Contraria sub eodem sunt genere, & maxime distant.** *1. de Ortu T. 51. & in Categorijs cap. de Qualitate.*

**A**pprobatur vndiq; de genere logico, non physico. Cæterum de distantia secundū quidditatem, & formam, non de locali, vel simpliciter dicta; vnde videmus, quòd capilli nigri, & cutis alba non maxime distant à locali, estò secundum formam denominantem contrariantur. Amplius verum in naturalibus, & vbi contraria non sunt genera, vt bonum, & malum; non in moralibus, & vbi contraria ipsa genera sunt, vt iustitia, & iniustitia.

**Contraria iuxta se posita magis elucescunt.** *1. Cæli T. 101.*

**V**aleat illatiuè de natura contrariorum ipsorum; cum enim contrariorum contraria sit natura, & intelligi sequatur esse, oportet ex vno aliud melius cognoscere: Sic pax ex lite; dulcedo ex amarore; probitas ex malitia &c. cognos-

ſcuntur, non effectiue, ad producendam ſcilicet aſtiuiorem alterius ſpeciem; calor enim nō conuenit cum frigore ad frigefaciendum, neq; nigredo albedinem adiuuat ad diſgregandum. Itē facilius, non magis cauſaliter, nām contraria ē regione ſibi oppoſita immutant ſimul potētiam, quæ, propter vtriuſquē propinquitatem, facilius inter ea diſcernit, quā ſciunſta.

**Contraria ſimul eſſe non poſſunt .i. *Phyſ. T. 50.*  
*¶ 2. de Ortū T. 16. ac 9. Met. T. 19.***

**D**E contrarijs omninō extremis verificatur, & abſtratiue ſumptis Effatum, iſtud, non verō de alijs, lato tantū vocabulo contrarijs dictis; conſtat enim eundem hominem poſſe eſſe ſeruū, & dominum, partem, & filium reſpectu diuerſorum. Item de contrarijs in eſſe intenſo, non in eſſe remiſſo, ſiquidē in tepore videmus frigidum, & calidum eſſe, ſed remiſſe.

**Contrarij motus non ſunt vnius ordinis. 2. de Ortū  
 T. 56.**

**I**Ntelligitur vnius ordinis ſpecialis, non generatis, & ſic diuerſi ordines diuerſorum miniſtrorum, ordinantur ad gubernium vnius Ciuitatis, vt diuerſi motus diuerſarum rotarum ad vnum modificatiuum horarum in horologio. Item vnius ordinis operationum, quia contrariorum contrariæ ſunt operationes, non communis qualitatis, vt infrā.

Contrariorum contrariæ sunt rationes. *2. de Generat. T. 56. & 5. Met. T. 2.*

**I**N compertò est reduplicatiuè, quatenùs. *s. contraria sunt, non simpliciter, & absolutè.* Cæterùm de illis, quæ immediatè concernunt dictam contrarietatem in ratione contrarietatis, & ideò, si virtus expeti debet, vitium necessariò est fugiendum, non de illis, quæ solùm similitudinem contrariorum gerunt; quocircà, si prodigalitas vitiosa est, non propter hoc laudabilis est auaritia, quæ similitudinem contrarij gerit cum ea. Rursùs de illis, quæ per se contrarijs conueniunt, non per accidens; vndè non valet album est dulce: ergo nigrù est amarum. Tãdem verù de priuatiuis semper, non de positiuis, & hinc experimur nigrum, & album conuenire in colore, & in esse visibili, licet inter se opponantur.

Contrarietas in passionibus secundum contrarietatem motuum sumenda est. *3. Phys. T. 19.*

**A**Dæquatè verificatur de passionibus in irascibili positis, non in concupiscibili; cum enim istæ nouem sint, Amor videlicet, Desiderium, Odium, Delectatio, Fuga, Tristitia, Spes, Desperatio, Timor, in paucis porrò istarum, morus localis est. Amplius valet de cõtrarietate secundù accellum, & recessum à termino, non secundù terminos ipsos.

Contrariorum eadem disciplina est, & scientia. *8. Phys. T. 8.*

**P**Ro compertò habetur respectu subiecti, quoniam contraria sunt apta fieri circa idem, non respectu obiectorum,

rum, quandoquidē omnis scientia ab obiecto denominatur, & contrariorū contrariæ sunt rationes, vt infrà. Rursus respectu generis, in quo conueniunt, non formæ, quæ ea cōstituit, nisi fortè confusè, & gratiā negationis, quam vnum debet de altero dicere.

**Contrariorum vnum necessariò destruit aliud.**

*In Post Categorijs cap. de Oppos.*

**V**Alet de contrario actiuo naturali, necessariò propter finem operante, secundum .f. exigentiam suæ naturæ, non de libero; propter quòd ignis debet applicatus stuppæ non potest non comburere; at Agens liberum, siuè applicatum, siuè non potest agere, & non agere: Vterius de contrarijs extremis, integro suo conatu agētibus, nō de remissis.

**Conueniens fit à cōuenienti. 7. Met. T. 28. 30.**

**I**N substantialibus, & essentialiter ordinatis patēs est, non in accidentalibus, & quæ inordinatè coniunguntur: Amplius patens est in puris naturalibus, non in violenter alteratis, quæ etiam alio nomine à Metheoristis per antyparistasim dicuntur: Insuper in ijs, quæ à causa per se, siuè naturali, siuè non, fiunt; non à Fortuna, aut à Casu: quare Deum infinitum incarnari, spiritum corpori vniri, &c. quæ secūs inconueniētia viderentur, maximè conueniunt, nedum quia per visibilia nostra inuisibilia Dei demonstrantur, vt ait D. Paulus 1. ad Rom. sed propter infinitam bonitatem eius, ita D. Tho. 3. p. q. 1. ar. 1. ad 2. Cæterum in illis valet, in quibus Agenstale est in potentia, & virtute, qualis est effectus in actu, siquidē operatio Agentis est tantum extrahere rem de potētia in actum, & pro determinata actione est semper determinatum

*D. Tho.  
3. p. q. 1.  
ar. 1.*

rum Agens, non in alijs, & vbi tantum accidentia producuntur, quæ porro accidentia determinatum Agens non habent.

**Cor est organum motus localis . 3. de Ani. T. 55.**

*& de Somno, ac Vigilia cap. 3.*

**P**robè intelligitur de organo primi motus localis animalium, ita vt sit verum animæ instrumentum, & primum quo patrat talis motus, non absolutè, quasi ab ipso, & per ipsum exerceatur motus localis, nam adiunt musculi, nervi, fibræ, tendines, & quæ videntur fortiora instrumenta, & magis proxima motu. Itè de organo purè naturali, nō animali.

**SKOLION.** Vix motrix sensitiva duplex est; alia naturalis, alia animalis. Naturalis est, quæ non mouet ex apprehensione, neq; subiecta est imperio rationis, & talis est virtus vitalis, & pulsatiua, quæ mouet arterias, & venas pulsatiles, & hæc porro in eodem est, vt in organo primi motus, iuxta sensum Arist. Animalis postea motiua est, quæ motum exercet, præsuppositâ apprehensione, & est in musculis, nervis, laceris, vt in immediato, & proprio organo, quandoquidem ab Arist. 2. de Partib. animal. c. 1. habetur organum propriè esse instrumentum, per quod exercetur actio; modò constat motum localem progressiuum exerceri per dictas partes.

**Corpus continuum est ter, & vniuersumquæ; diuisibile. 1. de Cælo T. 3.**

**V**aleat successiuè, non simultaneè, qui error fuit Democriti, damnati ab Aristot. T. 10. 1. de Ortu, super quem textum Io: Grammaticus dat exemplum de crastino, in quo potest dici est dies, sed non tota dies; Amplius valet *ly ter* secundum speciem diuisionum, non secundum numerum earum.

*Ioann.  
Gramm.  
1. de  
Gener.*

run-

rundem: Cæterum de corpore continuo phyfico, nõ Mathematico, aut quanto solùm.

**Corpus definitur essentialiter per materiam.**

*11. Metaph. cap. 2.*

**D**irectè de phyfico corpore intelligitur, non de mathematico, vel metaphyfico, quæ duo abstrahere à materia pro certo est.

**SKOLION.** Peripateticos non latet quadruplex corpus dari, aliud Logicum; phyficum aliud, mathematicum tertium, *Castan. lib. Dist. 1st. C.* & quartum metaphyficum: Logicum est genus in Categoria substantiæ, ita Henricus Castaneus in suis Distinctionibus Philosophicis litterâ C. Phyficum est, quod ex materia, & forma coalescit, & totum phyficum, seu compositum naturale dici solet. Mathematicum est mensura perfectè quanta, diuisibilis per longum, latum, & profundum, iuxta ea, quæ *Euclid. 1. Geom.* habet Euclides 1. *Geometricor. cap. 1.* Metaphyficum deniq; locus intransmutabilis substantiarum separatarum, quale est Cælum Empyreum secundum P. Bannes super primam *Bannes in 1. D. Thom.* Diui Thomæ, receptaculum scilicet Beatorum immobile, & sempiternum.

**Corpora, quæ se tangunt, etiam per modum loci, & locati, inuicem actiua, & passiua sunt. 4. Physicor. T. 48.**

**C**irrit promptè de corporibus secundum suas qualitates consideratis, non secundum suas formas substantiales, quas habent ex influentia corporis Cælestis, quod primus locus est, cunctis impertiens vim locatiuam, qua mediâ tota  
Vni-



Vniuersi concinnatio habetur, & conseruatiuam virtutem locatilocum habere dixit Arist. *in cap. 10. Libri citati*: Amplius de corporibus eandem communem transmutationis materiam habentibus, non de alijs, vt sunt corpora Cœlestia, quæ, si secundum extrema se tangunt, non tamen inuicem agunt, & patiuntur, quoniam non communicant in materia cum nostratibus.

**Corruptibile, & incorruptibile genere differunt.**  
*10. Metaph. T. 26.*

**C**ertitudinem habet de genere physico, & proximo, non de ipso logico, & remoto, nam clarissimum est nostratia, & Cœlum, imò & Intelligentias ipsas in eodem esse genere logico substantiæ, quatenus vniuocè in persecitate conueniunt; & ab eadem differentia diuidente genus contrahuntur, & tamen illa incorruptibilia sunt, inferiora verò, & nostratia corruptibilia: Item certum, sumpto genere pro natura, non pro cōmuni principio prædicationis; certum namq; est, quod natura corruptibiliū, & incorruptibilium differt.

**Corruptibile ex se non perpetuatur ab alio. 1. Cœli T. 127.**

**S**ubsistit verum de corruptibili secundum totum, non secundum partium succussionem, ita Auerroes in Com. T. *Auer. in Com. T. 121.* Rursus ab Agente naturali extrinseco, benè autem à *1. de Cœlo.* supernaturali, & primo deniquè secundum idem sui, putà secundum eandem formam numero, non secundum aliam, & aliam partem sui, & ita Cœlum ab extrinseco, putà ab Intelligentia dicitur perpetuari, quia scilicet eius partes, & circulationes successiuè corrumpuntur, ipsa verò eius substantia, *1. de Cœli qu. 35. c. 2.* non, &c.

Corruptionis maxima causa tempus est . 4. *Phys.*  
*T. 120.*

**I**ntelligitur de causa impropria, non de propria; nos enim ignorantes, cur in senio e. g. Socrates repente moriatur, dicimus causam esse tempus, cum possit esse quid aliud: Item de maxima causa in coadiuvando, non de principali, & immediata, & ratio est, quia per tempus resolvitur humidum radicale, & debilitatur calidum, in quo vita manet, iuxta Arist. in *de Parvis naturalibus cap. 4.* Ulterius intelligitur de causa corruptionis naturalis, non violentæ.

Corruptis nobis corrumpuntur omnia, quæ sunt in nobis. 1. *de Ortu T. 16. & 23.*

**V**aleat de nobis secundum nos totos, non de nobis secundum unam partem tantum, nam possunt remanere, quæ sunt in alia comparte non corrupta; hinc corrupto homine non corrumpuntur proprietates animæ rationalis: Ceterum valet, nisi succedat alia causa æquè potens ad illa conservanda, secus minimè.

Cuius est potentia eius est actus. In *Parvis naturalibus cap. de Somno, & Vigilia.*

**V**aleat tanquam principij, à quo fluit, quoniam actio fluit à subiecto habente potentiam agendi, non tanquam subiecti, ita ut in subiecto, in quo est potentia, debeat esse actio. Item de potentia activa, quæ est qualitas, non de passiva, quæ incompleta substantia est, & donatur materiæ. Denique nullo posito impedimento, siquidem conatus naturales frequenter non sunt frustra, secus minimè.

Cu-

**Cuius est vita eius est aliquod principium . 2. de  
Anima T. 7.**

**D**E vita corporali postulat intelligi, non de intellectu-  
ali, & sempiterna: Amplius de illa, in quâ viuens non  
est suum esse, minimè de opposita, vndè necesse est Deum  
excludi, qui viuit sine principio, cum sine omni principio,  
sit suum esse.

**Cui differentia inest, inest & genus. 5. Met. T. 4.**

**F**irmum est de differentia prædicamentaliū, & depen-  
dentium, non transcendentalium, & eorum, quæ se t o-  
tis obiectiue differunt, & in nullo quidditatiue conueniunt, vt  
Deus, & Creatura. Item in ijs, quæ determinatum esse ha-  
bent, non infinitum.

**Cuicunque causæ debet suus correspondere effe-  
ctus. 2. Phys. T. 48. & 5. Met. T. 3.**

**H**aud dubiè intelligitur de causa vniuoca, & non impe-  
dita, minimè de æquiuioca, infinita, & non impedibili,  
qualis est Deus; vndè manet sēper, & mansisset semper causa  
infinita, estò nullū produxisset effectum. Dicunt Alij valere de  
causa naturali necessariò agente, nō de libera liberè operāte.

**Cuiuslibet mobilis pars potest per se quiescere.  
7. Phys. T. 2.**

**S**ub hypotesi, hoc est sub conditione, vult intelligi, non  
absolutè. Amplius indistinctè, non magis scilicet hæc,  
I 2 quàm

quàm illa, non distinctè, aut determinatè hæc, quàm illa, pari modo, ac de motu.

## D

**Dans formam, dat & consequentia formam.**

*8. Phys. T. 32. & 33.*

**L**iquidum est de causis per se, non per accidens. Item in naturalibus præcisè, nō in artificialibus, aut moralibus; constat enim, quòd qui dat formam pilæ Artifex, non dat suum colorem, neq; suum pondus, &c. benè autem agēs naturale generans, & ideò, qui producit naturam lapidis, producit & grauitatem, & duritiem, &c.

**Dato vno contrariorum in natura, datur & aliud.**

*2. Cæli T. 18.*

**G**raue Effatum est hoc, intelligendum de contrarijs positiuis, quæ ex primis qualitatibus proficiscuntur, non de priuatiuis; patet namq; quòd summum bonū, & summum malum opponuntur, & tamen si datur primum, non est opus dare secundum; nec si datur finitum, opus est dare infinitum, si plenum, vacuū, &c. Amplius intelligibile est in vniuersali, respectu .s. totius Naturæ, vt sic manuteneatur inconcussè ordo Vniuersi, non in particulari respectu alicuius determinati subiecti: quapropter, si in me est sanitas, procul dubiò non est opus, quòd sit ægritudo; si visio, non cæcitas, &c.

**Dedecet amare se ipsum. 9. Ethic. cap. 4.**

**D**e amore inordinato vult accipi, cum exclusione scilicet summi boni iustè amabilis, non de ordinato, & pari-

pariter cum debita subalternatione ad Deum sūmè bonum; & ratio potest esse, quia inordinatè amans aliquod reprehenditur, amans autem se ipsum, cum dicta subordinatione, ad Deum, commendatur, & laudatur: Insuper debet accipi verum de amore amicitiae, qui est ad alterum, non benevolentiae, neq; concupiscentiae, quibus desideratur bonum ei, quod amatur, cū vnusquisq; possit hoc facere respectu sui.

**Deficiente in nobis aliquo sensu deficit scientia illius. 1. Post. T. 43. & secundum aliam versionem 134.**

**P**Ro compertò est de scientia experimentali, quæ planè superari non potest ab alia certitudine, iuxta Arist. 1. *Metaph. cap. 1.* non de ea, quæ per traditionem, ac processum doctrinalem habetur. Amplius verum est de deficientia priuatiua, & totali, quæ à natiuitate est, non de alia posteriori, vel secundum quid inscripta.

**Definitio datur causa innotescendi. 6. Top. cap. 3.**

**A**Dæquatè subsistit in absolutis, non in relatiuis, siquidem vnum relatiuum non est notius altero, ita vt possit esse causa notitiæ alterius, vt definitio respectu definiti, sed ambo connota sunt, idest simul nota, vt infra litterâ V. Item in tali sensu, vt definitio faciat innotescere definiti naturam, non quomodocunque, sed specificam solùm, quæ aggregatur ex genere, & differentia vltima illius. Cæterum innotescendi per demonstrationem, & scientifico modo, non, &c.

Definitio debet tradi per notiora, & priora.

6. *Topic. cap. 3.*

**A**pprobatur in rebus absolutis, nō in relatiuis, quoniam, vt supra, vnum relatiuum per aliud definitur, vt apparet de genere, & specie apud Porphyrium in sua *Isagogi*. *Porphyr. in Isagog* Cæterum de notioribus simpliciter, siuè secundum naturam, non de notioribus nobis.

Definitio est pars demonstrationis. 1. *Post. T. 22.*

**V**aleat ad vnguem de definitione quidditatiua, & essentiali, non de descriptiua tantum. Item de parte subiectiua habente denominationem totius aliquo modo, non integrali, aut alia.

SKOLION. Triplex est pars, alia integralis, alia essentialis, & alia subiectiua: Integralis est, sine qua adhuc totum subsistere potest, vt manus e. g. sine vno digito, vel caput sine vna aure, & talis porro non denominatur nomine totius: Essentialis est, sine qua totum non subsistit, sicuti anima respectu hominis, & pariter ista non inscribitur, neq; nominatur nomine totius (quicquid perperam dixerit Plato, & alij post ipsum de anima nostra separata) Subiectiua deniq; est ipsum minus commune immediatè contentum sub magis suo communi, vt homo e. g. sub animali, & ista planè nominatur nomine, quo nominatur totum, & ab Aristor. ipsi definitioni attribuitur respectu demonstrationis.

Definitio non traditur per negationem. 6. *Topic.*  
*cap. 3.*

**V**erum est cæteris paribus, secus falsum. Amplius verum de definitis positiuis, & absolutis, non priuatiuis, & de quibus aliam notitiam nõ habemus, quàm per sensum, & per inferiora. Tandem de illis, quæ quidditatiuè cognoscere possumus; & definire, non de alijs; propterquod Deus negatiuè à Philosophis est definitus, putà pro illo, qui cuncta mouet, & à nemine mouetur.

Definitio non dicit esse, vel non esse. 2. *Post. T. 10.*  
 & 8. *Metaph. T. 6.*

**V**erum est, dùm illa componit, nondùm exponit, quia sic opus est, vt affirmet, vel neget de definito aliquid, & omni affirmationi, quinimò & negationi subternitur esse, siquidem ab eo, quod rest est, vel non est oratio dicitur vera, vel falsa, ex Philof. in 1. *Categoriarum*. Item, prout attinet ad primam operationem intellectus, & solam dicit essetiam, non prout respicit passionem, quarum ipsa est causa. Rursus verum de definitione, prout continet solum verum transcendente, non prout complexa oratio ex subiecto, & prædicato, ex genere, & differentia.

SKOLION. Duplex verum cadit in intellectu nostro, & duplex iudicium de eo, primum est, quo intellectus intelligit verum, vt est, & falsum, vt non est, & hoc verum, ac falsum sunt in prima operatione intellectus, & ipsi definitioni adaptantur ex Philof. 1. *Post. cap. 8.* Secundum est, quod est verum per cognitionem alterius, quod non est verum, & porro istud non cadit in prima operatione, neq; in definitione. Pri-

num

mun iudicium de vero est simplex, quia est per modū vnius simpliciter apprehensi, absq̃ bina prolatione, & compositione terminorum, & propter hoc ad primam spectat operationem, quæ simplex est, dicente Philos. 3. *de Anima* T. 22. & 23. Secundum verò est cum efficientia propositionis affirmatiuæ, vel negatiuæ, & idcò complexum dictum est proprium secundæ operationis, & à definitione alienum, vndè Antonius Roccus 3. *de Anima* qu. 20. ad 3. dicebat aliud esse efficere propositiones affirmatiuas, & aliud iudicare, & apprehendere: In effectiōe porrò componuntur, at in iudicio, non, &c.

Anton.  
Roccus  
3. de  
Anima.

**Definitio rota est per vltimam differentiam.**

*7. Metaph. T. 45.*

**A**pprimè verum, vt inclusiua aliarum, non seorsim tantum: Præterea verum ex parte differentiarum connotantium formam definiti, non omnium indifferenter conſtruentium, aut concurrentium ad definitionem. Vltèrius rota ex parte formalium, non materialium.

**Definitum, vt totum, prius cadit in cognitione nostra, quàm partes definitionis. 1. Phys. T. 5.**

**C**urrit fæliciter de cognitione nostra rudi, & confusa, non elaborata, distincta, & scientifica; partes namq̃ omnes possunt dupliciter cognosci, primò absolutè, secundum quòd in se sunt, & ita possunt prius cognosci, quàm totum, vt lapides, quàm domus; secundò, vt sunt partes huius totius e. g. & sic oportet prius cognoscere totum, quàm partes, & consequenter definitum prius, quàm definitientia.

De-



Delectatio, & tristitia sunt eiusdem subiecti. 2. de Anima T. 27.

**V**aleat secundum quod ambo dicunt de formali, non secundum quod dicunt de materiali, quoniam sic privatiuè opponuntur, & subiectum tale nequit naturaliter, ac supernaturaliter esse simul receptiuum amborum, sed successiue, imò de consuetudo vnius naturaliter, & alterius violenter. Cæterum valet de subiecto transmutabili ad passiones sensus, non de alio; quocirca in Beatitudine sola delectatio, & non tristitia est, ac proinde Beatus semper lætus, & nunquam tristis, aut mærens, dicente D. August. Beatitudo est status omnium bonorum aggregatione perfectus.

Delectatio non est motus physicus. 10. Ethicor. cap. 4.

**V**alorem habet præcisè, & vt apprehensa à potentijs vitalibus, non cum exclusione absoluta dicti motus; ait enim in Paruis naturalibus Aristoteles delectabile esse deambulare, & tamen deambulatio motus physicus est. Præterea de delectatione morali, quæ in Theoricis habetur, vel de delectatione consumata, quæ habetur in summa felicitate, non de sensibili, & naturali tantum.

Delectatio passionem dicit. 2. de Anima T. 143. & 2. Ethic. cap. 14.

**G**ermanum habet sensum de delectatione, quæ est passio subiecti corporalis, non quæ significat actum appetitus intellectiui. Amplius valet de passione, quæ affectum dicit,

K

dicat, & qualitas est, non quæ dolorem inquit, & tristitiam.

**Delectatio vehemens tristitiam excludit, nedum oppositam, sed contingentem. 10. Ethicorum. cap. 2.**

**P**er se de contraria tristitia intelligitur, & per accidens de contingenti, quandoquidem, ex eodem Philosopho in inferioribus, vis potentiarum animæ in vehementi operatione, & applicatione circa vnum, impeditur erga aliud. Vt-rius actualiter, non habitualiter.

**Demonstratio procedit ex causis. 1. Post. T. 7.**

**G**ermanum habet sensum de causis cognoscendi in demonstratione *Quia*; cognoscendi verò, & essendi (quantum possibile est) in demonstratione *Propter quid*. Item de proximis, & immediatis, non de remotis. Vt-rius de per se, non de per accidens.

**Demonstratio vniuersalis potior est demonstratione particulari. 1. Post. cap. 18. T. 39.**

**V**surpatur verum pro quanto, cognito vniuersali, cognoscitur, & particulare, saltè potentiâ, & virtute, sed non è conuersò, cognito particulari, cognoscitur vniuersale, siuè actu, siuè potentiâ, vt infra.

**SKOLION.** Quòd cognitâ singulari propositione non agnoscat vniuersalis, siuè actu, siuè potentiâ intelligitur sub ratione propria vniuersalis, quia licet cognouerimus omnes homines in particulari esse risibiles, adhuc non agnoscimus pro-

propositionē vniuersalem sub propria ratione, putā omnem hominem esse risibilem, sed tantū per accidens; sub aliena autē ratione non obstat, vndē in fine *1. textus 1. Post.* inductionem (quæ est ex singularibus) ostendere ipsum vniuersale per id, quod notum est nobis, scilicet singulare, dicit, ita Chartarius Contr. 3. 1. lib. Post.

*10. Led.  
Chart.  
Contr. 3.*

## Demonstratione circulari non vtendum est.

*1. Post. cap. 3. T. 6.*

**I**ntelligitur respectu eiusdem generis demonstrationis, nō in alio, & alio genere, vt e. g. quando ex efficiēti causa demonstratur finis, & ex fine ipsum efficiens, quemadmodū Aristoteles in Analyticis facit demonstrando sanitatem per deambulationem post cœnam, iuxta causam efficientem, & deinceps deambulationem post cœnam per ipsam sanitatem. Amplius intelligitur respectu eiusdem numericē sumpti, non respectu diuersorum indiuiduorum, vt ipse facit *2. Post. cap. 6.* vbi ex præsentī pluuiā vaporem futurum, & ex vapore præsentī futuram pluuiam demonstrat. Cæterū per circulum redeūtem ad idem nūmero, non ad idem specie. Tandē secundum Auerroem libro Concil. Controuersia præsentī, circulari non vtendum, tanquā efficaci demonstratione, quicquid sit de apparenti, & probabili.

*Auer.  
lib. Con-  
cil. 6. 3.*

## De ratione elementi est, quod ex illo aliquid fiat resolvable in ipsum. *3. Cæli T. 31.*

**C**omperitur verum cum alio, non seorsim, aut se solo, quandoquidē ex igne solo, aut aqua sola nil fit; vndē à Metheoristis dicitur ignis specialiter forma in aliena materia, ad differentiam aliarum formarum educatarum de

finu materiæ, quæ dicuntur formæ in propria materia. Item partialiter, non totaliter; vnde nullu n verum mixtum est ex vno tantum, aut ex duobus elementis.

De ratione rei perfectæ est se communicare alijs.

1. *Ethic. c. 1.*

**S** Vb disunctione, vel ad intra, vel ad extra intelligitur, nõ necessario ad intra, vel necessario ad extra; nam Deus semper fuisse perfectissima res, cõdõ non produxisset hunc Mundum, vel aliquam aliam creaturam. Insuper intelligitur, vbi tota non reperitur materia, vt est in Vniuerso, aut tota perfectio incompatibilis cum alio, vt in Deo. Rursus, vel quoad munera, & beneficia, vel quoad naturam; liquet enim, quod non omnibus secundo modo datur communicatio, siquidem Mulus est perfectus secundum naturam, & pariter, qui cœlibatum seruant homines perfecti sunt, secundum naturam speciei, & indiuidui, & tamen non se communicant, sibi simile generando.

De sola substantia determinare est de omnibus determinare. 7. *Metaph. T. 3. 4. & 8.*

**O** Ptimè intelligitur de omnibus fundamentaliter, non formaliter, cum totum ens nõ refundatur in substantiam solam ex 5. *Metaph. T. 13.* Rursus principaliter, non absolute; ex quo fit, vt subiectum Metaphysicæ, quæ est sciẽtia communissima, non constituatur tantum ens substantia, sed ens commune ad eam. & ad accidens.

De subiecto oportet præcognoscere quid est.

1. *Post. T. 2.*

**V**erum est de subiecto respectu suæ propriæ passionis, non de subiecto scientiæ. Item de quid est nominis respectu subiecti syllogistici, & scientifici, quid rei verò respectu suæ passionis.

**D**esiderium naturale frustra esse non potest. 2. *Cæli T. 37. & 2. Ethic. c. 1.*

**P**ostulat intelligi in promouendo, non in assequendo; multæ enim circumstantiæ à consecutione finis possunt retrahere, vt sunt difficultas operis, illecebræ sensus, maior aliundè utilitas, &c. Amplius cæteris paribus, minimè imparibus. Item quoad primum conatum, non quoad alios ipsum primum sequentes.

**D**estructo corpore, anima neq; amat, neq; reminiscitur. 1. *de Anima T. 66. & 3. T. 20.*

**I**ntelligitur de amore, & reminiscencia, quæ sunt passionēs animæ sensitiuæ, cuius actus, corpore corrupto, non potest remanere; nam dicebat Arist. 3. *de Anima T. 39.* oportere nos ad phantasmata conuerti, nō de illis, quatenus possunt esse passionēs animæ intellectiuæ, siquidem & intelliget anima nostra, & melius intelliget. Præterea intelligitur illo modo, benè autem diuerso.

Deus,

Deus, & natura faciunt semper, quod melius est.

1. *Cæli T. 32.*

**V**erificatur de meliori simpliciter, non secundum quid. Amplius respectu efficientis, & finis vniuersalis, quoniam quæcunq; sunt ab istis, non possunt à meliori efficiuntur effici, & meliori, ac præstantiori fini ordinari, non respectu alicuius tertij, siue in particulari, vt paulò infra.

Deus, & natura nil frustra faciunt. 3. *de Ani. T. 45.*

60. ac 1. *Cæli summa 6. cap. 1.*

**I**n generali, & respectu finis vltimi habet verificari, non in particulari, & respectu singulorum indiuidualiter sumptorum; Natura enim propter finem agit, vt infra, & ideo, quando non impeditur, nūquàm frustratur, & solùm in particulari impediri potest; Deus postea nunquàm, quoniam agendo, omnia ordinat ad se, & sic ordinata impossibile est frustrari.

SKOLION. Datur in natura naturata aliqua frustratio, respectu indiuidui, vt in abortu, & in productione monstri; sed duo considerantur in simili productione, vnum est ipse effectus, & per hunc, neq; natura vniuersalis, neq; Deus dicuntur frustrari, quia non subterfugit Diuinum velle hic abortus; quinimò impediētes causas sequitur, naturaliter etiam causantes; alterum verò est modus productionis, & obsoleta, imò inordinata productio, neq; intenta ab agente proximo, neq; iuxta exigentiam passi, & sic in particulari monstrum, & abortus possunt dici aliquod frustrancum, vt lucidè infra litterâ M.

Deus

Deus nil intelligit extra se. 12. *Metaph. T. 51.*

**V** Alet de cognitione abstractiua, & per speciem obiecti, nō negatiuè, quasi quòd extra se nil intueatur, & sciat. Cæterum nil extra se, absq; se; cum enim se ipsum compræhendat, intelligendo se, omnia alia à se intuitiue intelligit, quia omnia alia extra se in sua Diuina essentia, quæ est adæquatum obiectum suæ cognitionis, repræsentantur, & continentur.

Deus vnus est. 12. *Metaph. T. 49.*

**R** Eligiosum hoc Effatum est, purè intelligendum de vnitæte naturæ, non suppositi. Præterea de vnitæte, quæ non dicit priuationem, cum nulla priuatio propriè in Deo fir, at solum, quæ dicit totam, & omnimodam collectionem perfectionis. Tandem de Deo vero, & reali, qui est summū bonum, summum verum, principium, & finis omnium, non de Deo metaphorico, &c.

Differentia sequitur naturam, quam contrahit.

7. *Metaph. T. 43. & 51.*

**P** Robè intelligitur de differentia metaphysica, non de logica.

**SKOLION.** Differentia metaphysica est, quæ de pluribus, vt distinctis, dicitur; Differentia verò logica est, quæ de pluribus, vt distinctis, & conuenientibus in superiori communi dicitur, quoniam in hoc stat discrimen differentię logicæ à suo genere logico, quòd genus logicum non prædicatur de pluribus speciebus, vt differunt inter se, sed vt conueniunt; differentia autem logica prædicatur de speciebus, & vt

& vt conueniunt, & vt distinguuntur, quandoquidē constitutiuā est, & constitutiuum est quoq; distinctiuum, secūs verò de differentia metaphysica, & genere metaphysico.

**Differentiæ vltimæ non suscipiunt magis, & minus. 8. *Metaph. T. 5. § 6.***

**I**nconculsæ est veritatis respectu substantiarum, non accidentium, quoniam in istis contingit ipsas quoq; differentias esse qualitates, quæ optimè suscipiunt magis, & minus. Item quamdiū sunt vltimæ, & conuertuntur cum specie, non alio modo. Deniq; quando sunt facientes aliud, & ingrediuntur definitionem, non quando sunt facientes alteratum tantum.

**Difficultas est de ratione meriti: Alter Textus de necessitate meriti. 7. *Ethic. cap. 3.***

**I**ntelligitur de difficultate, & magnitudine facti, non ex parte agentis, quatenus .s. impeditum, & deficiens sentit erga rectas operationes difficultatem. Amplius intelligitur occasionaliter, prout .s. maioris conatus motiuum, cui maior gloria, vel præmium correspondere iustum est, non moraliter, neq; formaliter, quasi sit de forma, & specificatione meriti, seu (vt dicūt Alij) de integritate, ac quidditate meriti.

**Difficultas intelligendi est penès intellectum. 2. *Metaph. cap. 1. T. 1.***

**R**espectu immaterialium, & abstractorum intelligendum est, & de nostro intellectu, respectu sui ipsius, non respectu corporalium, & eorum, quæ propè sensus sunt, nam  
tunc



tunc pendet ab ipsis rebus ex 2. *Metaph. cap. 1.* Præterea re-  
spectu intellectus creati, non increati, & Diuini. Rursus in  
primordijs intellectiōis, non in elaboratis conceptibus, &  
reflexis, prius enim inferiora se, deinceps se ipsum, & postea  
superiora se nititur intellectus creatus intelligere, à confu-  
sis incipiendo, versùs distincta ex 1. *Phys. T. 3.*

**Difficultas percipiendi rerum differentias est pau-  
citas nominum. 11. *Metaph. cap. 3. T. 5.***

**V**erificatur penès nos, non simpliciter; Intelligētiæ nan-  
quē, & Angeli penetrant naturaliter rerum differen-  
tias; nos verò cum vltimæ lateant, sæpè vtimur passionibus  
pro differentijs, vndè est, quòd Arist. in 1. & 2. *de Generat.*  
frequenter formas elementorum, nomine qualitatū, nomi-  
nat. Item occasionalis difficultas, non formalis.

**Difficilius voluptatibus resistimus, quàm iræ.  
2. *Ethic. cap. 3.***

**I**N confelsò est, spectato toto dominio voluptatis, & acti-  
bus eius, non comparato vno, vel aliò actu solùm, vndè  
est, quòd Arist. 7. *Ethic. c. 7.* inquit incontinentiam iræ mi-  
nus peccatum esse incontinentiā voluptatis. Item extensi-  
uè, quia frequentiores sunt impulsus voluptatum, & dura-  
biliores per cursum vitæ, quàm iræ, non intensiuè; vndè im-  
petuosiores videmus homines in actibus iræ; quàm volup-  
tatum, qui etiam naturaliter quærentur, non sic autē actus iræ,  
vt Heraclito in tali textu concedit Aristoteles.

Dispositio est ordo habentis partes. 5. *Met. T. 24.*

**S**ubsistit in corporalibus tantum, secundum mentem Simplicij, non in omnibus. Quò loci scire fas est cū Arist. dispositionem, aut esse secundum locum, aut secundum potentiam, aut secundum speciem. Secundum locum est species prædicamenti Situs, qui definitur à Simplicio ordo partium in loco. Secundum potentiam dicit idoneitatem ad aliquod perfectum patrândū, ut est virtus inchoata, sicut Rhetorica respectu Philosophiæ. Secundum speciem deniq; representat perfectas dispositiones, & promptitudinem ad actus, & istæ ambæ sub qualitate sunt, & non sunt ordines habentium partes præcisè.

Diuerſa causa diuerſum producit effectum.

2. *Phys. T. 38. & 5. Met. T. 2.*

**V**aleat de causa proxima, non de remota; ex hac enim remota diuersitas effectuum non arguit diuersitatem causarum, & proinde, neq; ista illos diuersos; hinc videmus Solem, suo calore, generare Hominem, Leonem, Equum, &c. ex 2. *Phys. T. 26.* quæ animalia specie distinguuntur. Insuper valet de causis secundum propria consideratis, non secundum communia.

Diuerſi actus specie non tendunt ad eundē finem.

3. *Phys. T. 19.*

**S**eruat suam veritatem, non quia actus sunt solummodò, sed quia naturā, & specie diuerſi; Formica enim potest, & per lineam rectam, & per circularem ad eundem terminum

num se ducere. Insuper suam veritatem habet immediatè, & directè, non per subordinationem. Deniq; formaliter, non materialiter, vt infra litterâ M. Item de aëibus vniuocis, non æquiuocis.

**Diuisibilitas est passio quantitatis. §. Metaph. cap. de Quanto T. 18.**

**C** Vrrit de diuisibilitate in partes integrales, quarum quælibet, de se, apta est esse sine altera, diuulsa à toto, non de diuisibilitate in partes essentielles, & entitatiuas; potest enim diuisio in has entitatiuas contingere substantiæ antecederet ad omnem quantitatem. Item de diuisibilitate per se, non per accidens, quæ etiam qualitati conceditur ab *Auerro* Libro Destruc. Descr. disp. 1. Vltèrius subiectiuè, non formaliter, vt infra. *lib. De str. Desc. disp. 1.*

**SKOLION.** Sicuti multa sunt genera partium, ita & diuisionis necesse est esse. Verùm hoc animaduertisse iuuabit, quod sæpè numero, cum diuisione quantitatis in partes integrales, est associata diuisio totius vniuersalis in partes subiectiuas, respectu tamen substantiarum homogenearum, sed intellectus noster fallit existimans nullâ esse differentiam inter vtramq; diuisionem, cum tamen maxima sit; non enim totum integrale potest in recto, & formaliter prædicari de parte integrali, benè autèm totum vniuersale de suis subiectiuis partibus; quare, cum non sint vnius totius diuisi, neq; ædem partes excogitari debent esse.

Diuisio rerum, aut est per formam, aut per quantitatem. 3. *Met. T. 2.*

**S**ubſiſtit de diuiſione reali, non de intentionali, & artificiali; ſepè enim à materia; & non à forma habetur; vnde pyramis lignea, & marmorea, non ſecundum formam artificialem differunt, ſed ſecundum materiam, vel ſecundum quantitatem, ſi vna ſit longior altera. Caterum de diuiſione in partes phyſicè componentēs, non entitatiuas, aut metaphyſicè ſolùm conſtruentes, vt ſunt genus, & differentia.

Diuinum eſſe, ac Intelligentiarum, non eſt in tempore. 4. *Phyſ. T. 119.*

**V**T in propria meſura intelligitur, non autem, quòd in omni tempore non exiſtat Deus, cum ſuo eſſe, & Intelligentiæ, cum ſuo æuò; quæ enim æterna ſunt (maximè per æternitatē non participatam, vt Deus) coexiſtunt omni tempore, licet non meſurentur tempore, quò caduca, & defectibilia meſurantur. Item non in tempore, vt veteraſcant ſecundum fluxum eius, quemadmodum mortalia, bene autem ſecundum veritatē enunciationis factæ per differentias temporis; vnde de Deo bene dicitur *eſt, fuit, erit*, ac de Intelligentijs ſunt, & erunt, vt notat Alamaſius in de Veritate Enunciationis ſub 1. de Interpr.

*Alam.  
1. de Interpretatione.*

Diuinum primum Agens non incipit de nouo agere. 8. *Phyſ. T. 15.*

**R**eſpectu ſui hoc intelligitur, quia primo agenti increato nil noui accidit, ex adagio communi; non reſpectu noui ſubſtrū

strum. Item quia immutabile est, & in factione rerum non mutatur, non quia liberè non velit, & iuxta tale velle non ponatur in Vniuerso aliquod nouum.

Duo corpora nequeunt esse simul. 2. de Anima  
T. 69.

**P**er naturalem potentiam verè hoc intelligitur, non per supernaturalem: Item simul per identitatem, & per continentiam eiusdem extremi, non per aggregationem, quo pacto lapides simul esse in pariete dicuntur.

## E

Eadem est ratio totius, & partium. 1. Cæli T. 19.  
& 1. de Anima T. 88.

**S**ubsistit propriè de toto homogeneo, non etherogeno. Item quoad essentialia, non quoad accidentalia. Ceterum respectu loci, non proprietatum eius; partes enim habent, quod sint simplices, & causæ totius; totum verò, quod sit causatum, & compositum. Item penès speciem, non, &c.

Eadem est potentia contrariorum. 3. de Anima T. 51, & 2. Reth. c. 19. ac 9. Met. T. 4.

**V**erificatur de potentia vitali, & passiuâ, quoniam eadem est potentia visiva videndi album, & videndi nigrum, non de actiuâ, & naturali, quæ necessariò agit, vt descendendi in saxo. Item verificatur respectu subiecti, non terminorum, in quos fertur, aut ferri potest. Ceterum secundum rem, non secundum rationem, & sic locutus est Aristotel. de  
po-

potentia in ordine ad contraria 3. *Phys. cap. 2.* dùm ait eandem non esse potentiam, quâ quis potest sanari, & ægrotare. Deniq; eadem, sed non eodem modo se habens, nam ex 9. *Metaph. T. 4. & 10.* voluntas nostra se habet ad bonum, & malum, at diuersimodè, ad bonum scilicet appetendo, ad malum autèm fugiendo.

**Eadem est ratio, quàm significat nomen in omnibus. 1. *Periher. cap. 2.***

**O**ptinè verum de Grammaticali significatione, quæ, vel à declinatione casuum nominis, vel à deriuatione sumitur, non de logica, quæ est secundum artificiosam vocis significationem. Item non simpliciter, sed analogicè, hoc est proportionali modo.

**Eadem in inferioribus non est per se causa contrariorum effectuum. 2. *de Gener. T. 56.***

**I**ntelligitur verum de contrarijs primarum qualitatum, non de alijs, alioquin non esset amplius verum intellectum esse causam affirmationis, & negationis, & voluntatem amoris, & odij: Quamobrèm vera in naturalibus præcisè, non in vitalibus, & liberis potentijs; vndè dicebat Arist. 3. *de Anima T. 29.* eandem esse in sensu potentiam delectandi, & dolendi, & in voluntate prosequendi, & fugiendi idem sibi propositum.

**SKOLION.** Potentia naturalis, vt habemus in *Cathegorijs cap. 4. & 5. Metaph. T. 19.* necessaria est, & in vnum determinatè tendit, itaùt, nisi violenter tendat in oppositum, vt quæ est in lapide ad ascendendum; vitalis autem, & libera, semper in vtrumq; contradictionis membrum potest, maximè

mè quoad exercitium, licet nō quoad specificationem actus, vt infrā; hinc de prima 3. *Phyf. T. 10.* declarat Philosophus eandem non esse potentiam, quā quis potest sanari, & ægro-  
tare; de secunda autem in 9. *Metaph. T. 7. ac 3. Ethic. cap. 5.*  
de sedere, & non sedere, respectu eiusdem hominis.

**Ea, in quorū materia non est principium actuum,  
fiunt tantū ab arte. 8. *Phyf. T. 28.***

**I**ntelligi postulat, non quia præexistat naturaliter tale  
principium actuum, cū sit, quod acquiritur, sed quia,  
quæ arte fiunt necessariò principium actuum externum ha-  
bent; dicebat enim ibi Philosophus quædam esse, quæ possunt  
fieri, & ab Arte, & à casu, sicuti sanitas, quæ & arte Medici-  
næ, & deambulatione acquiri potest, & quædam alia, quæ nō  
possunt fieri, nisi ab arte, vt domus, & statua; & adducens ra-  
tionem priorum ait, quia datur in illis pars aliqua, quæ po-  
test aliquando esse principium actuum internū coadiuuans,  
vt est calor natiuus respectu sanitatis, non in secundis.

**Eadem nō sunt nobis nota, & natura. 1. *Phyf. T. 2.***

**P**rocedit de ijs, quæ non sunt proportionata nobis, non  
de alijs. Præterea de illis, quæ sunt vt in pluribus, non  
vt in omnibus. Rursū, secundum Piccolomineum, forma-  
liter, non materialiter,

**Eadem sunt principia omnium Prædicamentorū.  
12. *Metaph. T. 19. & 22.***

**D**E remotis, & communissimis principijs intelligitur  
Effatum, non de proximis, quoniam respectu istorum  
Præ-

Prædicamenta impermixtâ sunt dicente Philof. 3. *Phif. T. 4.*  
Rursùm intelligitur proportionè feruatâ, quia in omni Præ-  
dicamento est aliquid simile materiæ, & aliquid simile for-  
mæ; imò & priuationi, saltèm reductiuè, & indirectè, vt infra.  
Tandem in naturalibus, non in moralibus.

Eadem sunt, quorum substantia est vna. 9. *Met.*  
*T. 2.*

**V**aleat de substantia stricto modo, & quidditariuè sumpta,  
& quæ à Græcis proprio nomine vsiâ dicitur, non de  
substantia latissimo modo sumpta. Insuper de substantia, vt  
dicit naturam, & conuenientiam prædicatorum in quid, non  
quæ solum à substando dicitur, & postmodum aliquam præ-  
dicatorum essentialium diuersitatem admittit.

Ea, quæ diuidunt genus specie differunt. 10. *Me-*  
*taph. T. 25. & 7. eiusdem T. 43.*

**R**ectè sumitur respectu eorum, quæ immediatè diuidunt  
per modum formæ, non mediâtè, & per modum ma-  
teriæ, & propter hoc foemina, & masculus ex 10. *Metaph. T.*  
*25.* non differunt specie, quia immediatè non diuidunt ge-  
nus, neq; per modum formæ, sed materiæ. Item de specie  
athoma, & specialissima, non interiecta, & subalterna.

Ea sunt vnum, quorum materia est vna. 5. *Met.*  
*cap. 9. T. 16.*

**V**erificatur Effatum de materia proxima, non de remo-  
ta. Prætereâ de materia affecta quantitate, cuius est  
proprie vnitate constitutere, & indiuisiōem, vt infra, non  
de



de quavis alia. Item vnum metaphysicè, quorum materia metaphysica, scilicet genus, eadem est; sic logicè, & physicè proportionaliter.

**Ea scientia nobilior est, quæ est de nobiliori obiecto. 1. de Anima T. 2.**

**P**robè verum est de obiecto formali, per quod principaliter distinguitur ab alijs, non de materiali; hinc etiam scientia de anima, quæ forma est, nobilior apparet scientiâ de corpore, quod est altera pars compositi physici, sed materialis. Amplius cæteris paribus, non imparibus, siquidem speculatiua de eodem obiecto semper nobilior est ipsâ practicâ pariter de eodem obiecto, sicuti, quæ procedit per causas vniuersaliores, vt Metaphysica, quàm quæ procedit per particulariores.

**Ea se tangunt, quorum extrema sunt simul. 1. de Ortu T. 46. & 5. Phys. T. 22.**

**V**alidè subsistit de agentibus, & patientibus corporeis, & proximis, non de incorporeis, & remotis, veluti (secundum Aristotelem) est primus motor respectu primi Cœli, & reliquæ Intelligentiæ respectu aliorum Cœlorum. Insuper de habentibus quantitatem, non de alijs, præciso tamen tactu metaphorico.

**Æquioca sunt prius diuidenda, quàm definienda. 1. Cæli T. 110.**

**V**ltra pensum veritati deseruit de æquiocis primò intentionaliter sumptis, non de illis secundò intentionaliter

liter acceptis, cuius signum, quòd Aristoteles in proprio capite ea primum definit, deinceps diuidit.

*Æquiuocis nominibus non est utendum. 1. Phys. T. 25.*

**P**ercipit suum valorem sub eadem æquiuocatione, & significatione, minimè sub diuersis, quòd dicunt Alij æquiuoca æquiuocè, nō æquiuoca tantum, volentes in sciētijs nos posse uti nominibus æquiuocis, sed non æquiuocè.

*Æternorum æterna sunt principia, & mortalium mortalia. 1. Cæli T. 22. & 103. ac 3. Metaph. T. 15.*

**H**abet, quod intelligatur de principijs constitutionis, parà de intrinsecis, & per comparationem, non de principijs sciētiæ; si enim de corruptibilibus sciētia non est 1. *Post. T. 7.* quomodo principia alicuius sciētiæ mortalia esse poterunt?

*Æterno, & corruptibili nil est commune, nisi secundum nomen. 10. Met. T. 26.*

**A**dquātè subsistit de communitate physica, non logica. Item de communitate quantum ad esse, non quantum ad intentionem rei, quæ communiter prædicatur; Eas enim, quæ habent diuersum modum essendi, non communicant in aliquo secundum esse, quod considerat Physicus, sed benè in aliqua communi intentione, quam considerat Logicus; ex quo fit, ut corpus physicè sumptum dicatur æquiuocè

esse de corruptibili, & incorruptibili, sed non logicè, cum ratio corporis, secundum communem intentionem, eadem sit, ut ex nomine ipso, & partibus corporis constat. Itidem de communitate similitudinis, quæ est secundum formam, non causæ, & causari, ita D. Thomas in Quæstionibus Disputatis de Simplicitate Diuinæ essentia qu. 7. art. 7. Tandem nil commune vniuocum, benè autem analogum.

*D. Th.  
de Sim.  
q. 7. ar. 7*

**Effectus assimilatur suæ causæ . 6. *Metaph. T. 5.*  
& 7. eiusdem T. 30.**

**G**ermanum habet sensum de lata similitudine, quæ proportionis dicitur, non identitatis, Insuper de causa proxima, principali, & vniuoca verum sensum habet, non de remota, & æquioca. Tandem in specie, cuius naturam gerit, & ob quam ei relatiuus est, non in indiuiduo.

**Effectus non potest esse nobilior suâ causâ. 5. *Metaph. T. 2.***

**V**erum est de causa principali, & totali, non de minus principali, & partiali; quocirca liquet effectum generationis (qui porro est substantia) quacumq; instrumentali causa nobiliorem esse. Amplius reduplicatiuè, quæ scilicet effectus est, & per comparisonem ad causam, ut causantem, non absolutè, & simpliciter. Tandem verum de causis essentialibus, & per se, non accidentalibus.

Efficiens proprii forma est. 7. *Metaph. T. 37. §*  
*2. Phys. T. 11. § 12.*

**V** Aldè clarum est de causa efficienti proxima, siquidè m  
 proprium principaliter à forma emanat, vt calidum in  
 summo ab igne, non de efficienti remota, quæ est agens illud  
 particulare, quod produxit in eo naturam, quam gerit pro-  
 prie, quoniam dans formam, dat, & consequentia formam,  
 ex 8. *Phys. T. 32.* Rursùs clarum de efficienti principali, &  
 totali, quod est ipsum compositum, non de partiali, & inadæ-  
 quato; hinc causa hincibilis in Equo est totus Equus, non  
 anima solùm eius, vel alia pars, ita Isendorn G. 2. mu. 16.

*Isend.C.*  
*2. n. 16.*

Electio est desiderium eorum, quæ sunt in nobis.  
*3. Ethic. cap. 2.*

**I**N confesso est, vel ex parte cognoscitiuæ virtutis, vel ap-  
 petitiuæ, non vnius tantùm; vndè 6. *Ethicor. cap. 2.* sub  
 dubio reliquit, an electio magis spectaret ad vim appetitiuā,  
 quàm ad cognoscitiuā, quod postea alibi declarauit, dùm  
 eam appellauit desiderium consiliabile, quod sanè consiliū  
 est intellectus. Caterū valet de illis, quæ sunt in nobis, se-  
 cundum apprehensionem conceptæ utilitatis, vel delectatio-  
 nis, non physicè, & actualiter; sæpè .n. fit electio mediōrum,  
 ad quæ debet finis, & executio sequi.

Electio non est impossibile. 3. *Ethic. c. 2. § 5.*

**A**pprimè verum de electione in specie, vt videlicet se-  
 quitur conclusionem syllogismi practici, non de ele-  
 ctione generica, quæ stat pro quouis actu voluntatis. Vlti-  
 rius

rius de electione ordinata, & congruenti, non absolutè, & liberè. Item de impossibilibus simpliciter, non, &c.

Elementa sunt maximè substantiæ. 3. *Metaphys.*

T. 4. § 10.

**I**N hoc sensu vult intelligi, quia scilicet sint nobis magis nota, quemadmodum de substantiis compositis, & sensibilibus, asserit D. Thom. in Com. de Physico Auditui, quod sint nobis notiores omnibus alijs, non autem secundum essentiam substantiæ, vel perfectiorem, ita ad vnguem sentit Arist. 7. *Metaph.* T. 8. Item quia principia aliarum sunt, ut in 1. de Gener. cap. primo, & 4. de Cælo per totum docet Aristoteles ipse, non secundum intensionem substantifici esse, quod non patitur magis, & minus ex 1. *Categoriarum* Proprietate 5.

D. Th.  
in Com.  
in de li.  
Phys. A.

Eligibilis est bonum ex circumstantia, quàm bonum necessarium. 3. *Topic. cap. 2.*

**H**abet sensum, quod melius sit eligibile, ut magis proficuum, veluti benè viuere, quàm viuere, non autem simpliciter, & absolutè. Amplius valet in moralibus, & supposito iam actu primo, non in naturalibus. Item de circumstantia, non deprauante bonitatem obiecti, secus minimè.

Ens eo modo se habet ad verum, ac ad bonum. 4.

*Metaph. T. 2. § 6.*

**V**aleat de conuenientia, seu conuersione prædicationis, quia sicuti vnumquodque ens est bonum, ita & verum, non secundum ordinem causæ perficientis; siquidem verum non habet rationem causæ perficientis, in ordine ad omnia entia

entia, sicuti bonum, propter quòd induit rationem apperibilis *ex primo Ethicorum capite 1. 7.* non sic autem verum. 2. *Phys. T. 3 1. & 2. Metaph. T. 8. & 9.* & ratio à priori est, quia perfectio veri attēditur à ratione speciei solum; ex quò fit, vt immaterialia tantum possint recipere rationem speciei absq; materiali esse; bonum verò, & à ratione speciei, & à ratione generis, ac indiuidui, vndè potest perficere tam materialia, quàm immaterialia, & propter hoc omnia possunt appetere bonum, at non cognoscere verum.

**Ens, & verum cōuertuntur. 4 Metaph T. 2 & 6.**

**C**ertum est de veritate transcendentali, metaphysica vocata, quæ connotat conceptum intellectus, in quo res repræsentantur, non de morali, & logica; cū enim verū sequatur essentiam, & ratio obiectiua intellectus sit quidditas in actu exercito, vt habens adnexam veritatem ex monitu nostri Montecalui in Metaphysica præclarissimi Libro de Primis, & secundis Intentionibus cap. 34. propterea transcendentaliter idem esse verum, & ens opus est, non quouis alio modo.

*Vincen-  
tius Mō  
tecal. de  
1. & 2.  
Intent.  
c. 44.*

**SKOLION.** Logica veritas est, quæ affectum negligit, & tantummodò sermonis, ac obiecti consensum dicit; Moralis autem, & conuenientiam sermonis, & affectum simul, vt clariùs infrà.

**Ens, & vnum sunt prima genera rerum. 3. Metaph. T. 10.**

**V**aleat de primis transcendentibus, non de primis prædicamentalium. Item, vt de primis analogiâ, non vniuatione. Rursus prima metaphysica principia, & genera rerum, non physica, & concreta.

Ens

**Ens non ponitur in definitione alicuius. 6. Topicor.**

*cap. 3.*

**V**erificari poscit, tanquàm quidditas prædicabilem, non verò, quia non sit intrinsecum omni definibili: Pariter non ponitur in definitione, tanquàm vltimum definitiuum, & distinctiuum, bene autem, vt materiale definiti.

**SKOLION.** Aliud est in Metaphysica esse intrinsecum, & esse quidditatum, siquidem omne quidditatum est intrinsecum, & non è conuersò, propter quod substantia est intrinseca accidenti, at non quidditatum illius, quo pacto vult Aristoteles in allegato textu verificari de ente respectu definitiuum.

**Ens non est vnius rationis. 3. Met. T. 2. & 3.**

**R**ecte procedit de vna ratione vniuoca, non analogà. Amplius de vniuocatione logica, non metaphysica, siquidem per Scotistas ens est vnius rationis vniuocæ.

**SKOLION.** Triplex est vniuocum secundum Scotistas super primum sententiarum subtilis Doctoris, dist. 3. qu. 2. & 3. aliud logicum; aliud physicum; & tertium metaphysicum. Vniuocum logicum est, quod reperitur in rebus, gratiâ alicuius secundæ intentionis, vt inter genus, & species. Physicum est, quod datur naturæ communi multis rebus eodem modo, nullo intellectu cogitante, & tali vniuocatione volebat Scotus solam speciem specialissimam esse vniuocam. Metaphysicum denique, quod consistit in vno, & eodem conceptu abstrahibili à pluribus rebus, quo pacto dicebat ens vniuocum ad contenta sub ipso, quæ sunt finitum, infinitum, substantia, accidens, &c.

Ens

Ens enti superadditum nil noui superaddit. 4. *Metaph. T. 2.*

**C**urrit promptè Effatum de ente nominaliter, nàm idem est ens homo, ac homo, non participialiter, quoniam istud addit supra ens actum existentiae, qui est vltimū complementum cunctorum, quæ prius fuerunt possibilis. Item currit de ente sub mero conceptu transcendentali, non prædicamentali, & contracto.

Ens, quod est rationis non est scibile. 1. *Post. T. 5. & 9. Metaph. T. 21.*

**V**aleat de scientia, secundum quòd dicit veritatem rei, non veritatem propositionis, quæ à Thomistis cõmuniter dicitur veritas propriè dicta; ab Alijs autem veritas obiectiua; est enim ens rationis aliquod reale realitate intellectus, non rei, ac proindè illa passio entis rationis, ista autem entis realis, ita eruditè explicat Montecaluis in citato libro de Primis, & secundis Intentionibus cap. 46. quinimò ad litteram Arist. 6. *Metaph. T. 4. & 8.* dùm inquit entia rationis non esse, nisi quia vera.

*Montecal. de 1. & 2. Intent. cap. 46.*

**SKOLION.** Veritas rei est veritas naturæ, quæ conuertitur cum ente, iuxta Philof. 4. *Met. T. 2.* Veritas propositionis est, quæ mouet intellectum, veluti propriū eius obiectum, & formale, sed infra cum Montecaluo lib. citato c. 6.

Entia per accidens nequeunt sciri. 1. *Post. T. 7.*

**P**rocedit adæquatè de entibus per accidens secundum causam, quæ .s. non habent determinatam dependentiam



tiam, à qua fluant, vt sunt fortuita; & casualia', putà inuentio thesauri ex fossione terræ, non de illis, quæ sunt per attributionem, nam certam habent causam vnionis in subiecto, vt homorifibilis; risibilitas namq; habet rationalitatē pro causa, vt sit in homine.

**Entis à nō ente infinita est distātia. 1. de Ortu T. 16.**

**I**N aliquibus casibus syncerè approbatur, non in omnibus; vndè quando, comparatur non ens ad esse Diuinum, est procul dubio infinita distantia, siquidē maior istā excogitari non potest, non quando comparatur infinita albedo ad infinitam nigredinem; & similiter quando comparatur non esse simpliciter ad esse creatum, quod finitum est; etenim habetur distantia infinita secundum vnā partem, & finita secundum aliam, quæ fuit basis erroris putantium Creaturam propriā virtute posse creare, quia licet, ex illo esse, quod est finitum, sit dare transitum; attamen non ex illo, quod est infinitum. Amplius approbatur de distantia negatiua, quæ scilicet non dicit talem, & tantam distantiam, quia iuxta Aristot. in citato 3. Summā 3. cap. 2. quod non distat, distantia à nobis cognita, dicitur distare infinitè, non de formali, & obiectiua.

**Eius est potentia, cuius est actus. In Paruis naturalib. cap. de Somno, & Vigilia, & 9. Met. T. 2.**

**S**Vmitur verum passiuè, non actiuè, hoc est ex parte subiecti, non formæ agentis, quæ ita agit, quòd non patitur. Amplius de illis, quæ à se ipsis aliquo modo ad actum reduci possunt, non de illis, quæ ab alio reducuntur, & propter hoc sonatium non habet in se actum soni, quia non à se ipso in-

N

actum

actum venit, sed ab alio; quocirca 2. *de Anima* T. 78. ab Aristotele definiebatur sonus, ut esset collisio duorum corporum solidorum, quæ, ut collidantur, accedere necesse est. Item de eodem identicè, non formaliter, vel secundum diuersam considerationem sumpto, nam mobilitas dicit aptitudinem ad motum, quæ sanè in communi, conuenit corpori physico, sed actu moueri corpori singulari, ut supra lict. A.

Eiusdem est de quidditatibus rerum, & partibus earum agere. 8. *Met.* T. 8. § 9.

**I**ntelligitur entitatiuè, & in actu primo, ac signato, non concretè, & in actu exercito; quocirca Metaphysicus materiam, tanquam partem quidditatis considerat, non verò, ut exercet operationes materiæ, puta, vel ut recipit formas, vel ut subijcitur transmutationi, vel deniq; ut vnita priuationi appetit formas, quod est proprium muus Physici, & non licet transire de genere in genus ex 1. *Post.* T. 23. Item quia partes quidditatis se habent, ut materia, & forma, respectu compositi, & eiusdem est considerare materiam, ac formam 2. *Phys.* T. 26.

Eiusdem non sunt, nisi quatuor quæ sita. 2. *Post.* cap. 1. T. 1.

**V**erum utiq; est formaliter, & secundum genus dubitationum, ac quælibilium, non materialiter; quoniam liquidò constat de eadem re innumeras fieri quæstiones, & dubitationes, ut de materia prima, de Deo, de Intelligentijs, &c. sed tales reductiuè, & formaliter non sunt, nisi quattuor.

Eiusdem

Eiusdem scientiæ est de communioribus, & minus communibus agere. *1. de Partib. Anim. cap. 1.*

**M**aximè certum est de communibus, & minus communibus subordinatis, non de disparatis, & diuersis. Cæterùm de illis magis, & minus communibus, quæ sunt enunciabilia de eodem subiecto, non de alijs, indirectè scilicet enunciabilibus.

Eius, quod augetur quælibet pars augetur. *1. de Ortu T. 35.*

**P**robè subsistit de partibus distributiue sumptis, non collectiue; sic Cælum mutat secundum omnes partes locum, & tamen semper est in eodem loco secundum totum; mutat enim distributiue, non collectiue. Amplius vniformiter difformiter, non vniformiter tantum.

SKOLION. Vniformiter augeri est, non tantum penes omnes partes simul augeri, at æqualiter, itaut non plus vna, quàm altera, sed assatim omnes, ex a quo, cuiuslibet sint tēperi rei restaurentur, & augeantur. Vniformiter autem difformiter est secundum proportionem earum crescere, ex vi assumpti alimenti, & factæ concoctionis, itaut ex alimento, e.g. à prædominio sanguineo prius, & principaliter sanguineæ, postmodum per gradus aliæ augeantur, quòd quotidie, & ex quolibet chylo fieri potest, non vniformiter tantum.

Eodem agente, & eadē materia manente fit idem numero effectus. *8 Metaph. T. 12.*

**P**ræcisè, his solis, non intelligitur; cū enim agens naturale agat per motum, & idem motus diuersis tempo-

ribus fieri nequeat, nec etiam idem effectus numero per vires naturæ; sed Aristotelis mens est, quod eadem existente materia contingit diuersa fieri, propter mouentem causam, scilicet quia, vel est alia, & alia causa mouens, vel quia est eadem habens se ad operandum diuersa diuerso modo; vide supra lit. A.

Eo modo res scitur, quo est. 1. *Periher. cap. 1. § 6.*

**V**aleat de cognitione naturali, & aptitudinali, non actuali, & artificiosa. Item de esse essentiae, non existentiae, cum scientia abstrahat ab hac existentia, secus Mathematica, & Metaphysica scientiae non essent, quod obscœnum est dictu, vide supra lit. B. & C.

Eò plus est vnius contrarij in materia, quò minus est alterius. 2. *Cæli T. 37.*

*Auer.  
in Com.*

**D**E Elementis verificatur secundum expositionem Auerrois, & de simplicibus, non de mistis; elementa enim secundum sensum contraria sunt, dicit Aristot. 2. *de Cælo T. 19. ac 2. de Ortu T. 24.* Item cæteris paribus, minimè si imparia sint, & materia diuersimodè se habeat.

Eorum, quæ non eueniunt semper, aut frequenter non potest dari scientia. 6. *Met. T. 6.*

**H**aud falsò intelligitur de illis, quæ habent causas, & naturaliter, & frequenter impedibiles, non de illis, quæ causas habent determinatas, & non impedibiles naturaliter, vt e.g. Lunam futuro anno eclipfari. Item de scientia propriè dicta, quæ effectus est demonstrationis ex 1. *Post. T. 6. § 8.* non de quauis vera cognitione. Eorum,

Eorum , quæ fiunt aliqua boni gratiâ fiunt , aliqua non. 2. *Phys. T. 31. 49. & 91.*

**V**aleat de illis, quæ fiunt, non propter finem deliberatum, sed propter consuetudinem, vt e.g. confricatio barbæ, & reliqua similia ex sola imaginatione mouente, nõ de alijs: quare omnia possunt esse propter finem, quæ fiunt iuxta textum aliatum, sed vel imaginatum, vel deliberatum, non deliberatum tantum. Item in specie, non in numero.

*Esse est propter operari. 1. Cæli T. 17.*

**C**ertitudini iungitur in absolutis, & perfectis, non in re-  
latiuis, & imperfectis entibus, quale est materia pri-  
ma, etenim relationes non sunt operatiuæ. Item valet de esse  
existentiæ, non essentiæ tantum, quod dicitur à Metaphysi-  
cis nominale. Amplius in genere Naturæ, non in genere  
moris, quia quandoque experimur similitudinem apud  
hominem multum operari, sed est secundum moralem, & hu-  
manam æstimationem, non secundum esse; vide infra literâ  
N. & V.

*Essentiæ rerum æternæ sunt. 4. Met. T. 3.*

**D**e ideali, & obiectiuo esse, quod habent omnes res in  
intellectu Diuino accipitur hoc Effatum, non de esse,  
actualis existentia. Caterum negatiuè, non positiuè, & est  
sensus, quod rerum essentiæ non sunt addictæ certo tempori,  
sed præscindunt, ad differentiam existentiarum, quæ loco, &  
tempori coniunguntur.

SKOLION. Esse negatiuè, in hoc casu, importat nullam  
sibi

sibi adsciscere determinatam temporis differentiam, putà præteriti, vel futuri, iuuentutis, vel senectutis, &c. Positiuè verò (excepto Diuino intellectu, in quo sunt istæ essentia, vt res intellectæ) importat positionem, & existentiã extra causas naturales, sub mensura æui, vel temporis; quibus omnibus mēsuris coexistunt essentia, vt à Deo intellectæ, sed cum existentij non deficiunt, & proindè æternæ dicuntur; quò spectat etiam aliud subsequens Aristotelis dictum, essentias scilicet causas non habere, quod intelligitur præcisè, vt essentia sunt, & nominaliter, non, vt copulatæ cum existentia.

Esse sequitur formam rei. 2. *Phys. T. 11.*

**R** EATÈ vsurpatur, supposito Dei influxu, quemadmodum lumen sequitur diaphanum aeris, supposito influxu Solis, at minimè, si illud non supponatur; quocircà potentia ad non esse in spiritualibus Creaturis, & in corporibus Cœlestibus magis est à Deo, qui potest subtrahere suum influxum, quàm sit in forma, vel in materia talium Creaturarū; imò superaddunt Theologi, vt est videre apud S. Thom. in.

*D. Th.  
1. par. q.  
104. ar.  
1.*

1. parte qu. 104. art. 1. quod neq; Deus potest communicare alicui Creaturæ, vt conseruetur in esse, suâ actione cessante, sicuti neq; communicare potest eidem, vt sit sibi causa.

Ex duobus in actu non fit vnum per se. 7. *Metaph. T. 49. & 8. eiusdem T. 15.*

**V**lt intelligi in vnitæ naturæ, & essentia, non in vnitæ subsistentia, quo pacto, secundū Theologos, Verbum Diuinum vnitum est naturæ humanæ: Insuper de illis, remanentibus in puro esse actus, & in esse perfectò, non admixtâ, aut superadditâ aliâ potentiâ, siuè in esse remisso, secus

cūs extremi non possent constituere mediū, quod falsum est.

Ex ijsdem nutrimur, ex quibus constamus. 2. de  
Ortu T. 50.

**E**X ijsdem genericè, nou numericè intelligitur Effatum,  
siquidem constamus ex substantia mixta, & ex eadem  
mixta nutrimur. Insuper ex temperie primarum qualitātū,  
& pariter ex alimento similis temperiei nutrimur. Itē de  
ijsdem æquiuolenter, & in vltima cibi metapsyncosi, hoc est  
transmutatione, non quandocunque, & indistincto modo.

Ex indefinita reduplicatio infertur vniuersalis.

8. Topic. cap. 1. & 1. Elench. cap. 4.

**I**N vniuocis suam retinet veritatem, non in æquiuocis, &  
analogis; vnde verè dicitur animal, quatenus est sensi-  
tium, est; ergo omne animal est sensitiuum, non sic autē, si  
dicatur substantia, vt substantia, dicit imperfectionē, quia  
priuationē; ergo omnis substantia dicit imperfectionē, & è  
contrā, quandoquidē substantia Diuina est sūmè perfecta,  
& quia Diuina, norma etiā aliarum perfectionū; at causa est,  
quia substantia non dicitur vniuocè de creatis, & increatis,  
sed, vel analogicè, vel æquiuocè.

Ex intelligibilibus elementis nulla fit magnitudo.

4. Phys. T. 10.

**V**aleat ex istis actu, & potentia talibus, non actu tantū;  
constat enim materiam, & formam esse talia elementa  
secundum Peripateticos, & tamen componunt physicū  
corpus, sicuti plures vnitates ipsum numerum: Itē quæ sint  
in-

indiuifibilia , vt *quo*, & *quod*, non *quod* tantum, vt infra.

Ex intellectu , & intelligibili fit magis vnū , quàm ex materia, & forma. 12. *Metaph. T. 39.*

*Auer.  
de Sub.  
orb.*

**V** Alet, quatenus intellectus ad intra fit ipsum intelligibile, & materia nunquam fit forma, neque forma materia; non quia verius fiat vnum, per se ex identitate essentiali. Cæterum fit magis vnum per diuturniorem connexionem, quoniam forma, vt plurimum, vnitur materiæ ad tempus , at intelligibile potest sæper cum intellectu manere; quæ ratio fuit, vt in de substantia orbis Auerroes dixerit ex Intelligentia, & Orbe verius fieri vnum , quàm ex materia , & forma , eò quòd Intelligentia vnitur Cœlo nexu indissolubili, & per modum intelligibilis, non per identitatem substantialem.

Ex potentia , & actu fit vnum per se. 2. *de Anima T. 10. & 8. Met. T. 15.*

**A** ffabrè verum de actu substantiali, non de accidentali : Insuper de actu primo, & completo, non de alijs. Præterea de potentia subiectiua , aut simili ei in quocunque genere, non de obiectiua, neque actiua, vt supra. Rursus vnum per se, vt totum, non autem sub quauis ratione vnius per se, vt simplicis.

Expectanda est hominis fælicitas post mortem. 1. *Ethicor. cap. 10.*

**V** Alet, sicuti Solon Cræso dixerat terminatiuè , non priuatiuè, nimirum quia terminus humanæ felicitatis in hac vita non attingitur, licet inchoetur propter media, quæ sunt



sunt Virtutes, vt ibi diffusè habetur . Insuper, ne quis diceret inductiuè solum mortuum fèlicem esse , proptereà ait expectandà esse, quia fècere Virtutum actus exercitus, & consumata fèlicitas post mortem habetur ; in vita autèm præsenti solum inchoamentum .

**Ex materia, & forma non est quærenda ratio cur fiat vnum per se. 2. de Anima T. 7.**

**I**ntelligitur de causa exigitiua, quia vnum est potentia, scilicet materia, & alterum actus, scilicet forma; arguit enim Aristoteles in tali loco còtra eos, qui volebant vnionem materiæ cum forma esse quoddam gluten, & tanquàm ceram, vel picem vnum alteri connectere, non simpliciter . Item dubitatiuè, & hæsitando de determinatione Naturæ, aut de medio, cum omnis quæstio sit medij quæstio *ex 2. Post. T. 3.* non alio modo.

**Ex nihilo nihil fit. 1. Phys. T. 34.**

**V**aldè tritum est, tanquàm ex subiecto, non tanquàm ex termino à quo . Amplius verum per se, & simpliciter, non per accidens, & secundum quid . Prætereà verum per naturalem virtutem, ac per mutationem physicam, non per supernaturalem, & ineffabilem emanationem, quæ creatio nuncupatur. Itèm secundum Alios ex nihilo, tam actu, quàm potentia, minimè ex nihilo actu, sed aliquo potentiâ, in quo maximè relucet necessitas materiæ primæ . Deniquè verum ex parte agentium naturalium particularium virtutem finitam habentium, non supernaturalis Agentis, quod virtutem possidet infinitam.

Experimenti parùm habent Bruta. 1. *Metaph. cap. 1. T. 1.*

**M**inimè falsum de experimento formali, benè autèm de materiali, ad quod requiruntur species memoratæ, & frequentati actus, qui æquè benè, intra sphæram sensus, possunt Brutis convenire, ac hominibus. Item parum secundum extensionem, quoniam Bruta, solummodò habent, quod parat illis cognitio sensitiva, sed hominès experimentum habent, & per sensitivam, & per intellectivam cognitionem, non intensuè ex parte eorum, quæ ab illis apprehenduntur,

Ex quolibet nò fit quodlibet. 1. *Phys. T. 44.*

**I**n confelsò est naturaliter, propter ineptitudinem subiecti, non supernaturaliter. Insuper immediatè, & proximè, non mediatè, & remotè. Item per actionem physicam, quæ motu celebratur, & conficitur, non per simplicem emanationem, quæ nutu primi, & increati Agentis exercetur.

**SKOLION.** Terminus *immediatè* dicit summam propinquitatem, & ideò carentiam medij, ac propter hoc naturalem connexionem cum illo, cui dicitur immediatum. Terminus postea *mediatè* dicit interpositionem alterius, & communicationem ad patiens per medium, vt dum ignis calefacit nos, & aerem inter ipsum, & nos existentem.

Extrema sunt actu in medio. 1. *Phys. T. 56.*

**V**irtualiter postulat intelligi, non formaliter. Insuper de medio per participationem, vt est tepor respectu caloris, & frigoris, non per abnegationem. Præterea non  
de

de extremis quomodocunque, sed remissis; patet enim in tempore non esse frigus, quod congelat, neq; calor, qui vrit.

SKOLION. Multas patitur acceptiones hoc medium, quod ad eius sermonem nos euocat. Vel enim est imaginationis, & est secundum Bassolium Scotistam, quod plus distat ab extremis, quàm extrema à se inuicem, vt operatio media inter obiectum, & potentiam; cum enim, secundum Scotistas, potentia animæ sint idem realiter cum animæ substantia, & proindè cùm obiectum, & potentia sint in eodem genere substantia, & operatio in genere accidentis, plusquè distet accidens à substantia, quàm vna substantia ab alia, propterea operatio dicta est medium plus distans ab extremis, quàm extrema à se inuicem. Aliud est in essendo, & est, quod secundum esse absolutum mediat inter duo, soletq; dici participationis, quia de vtroq; extremo participat, & dicitur temporalis, quia de frigido, & calido participat; Aliud in causando, quòd scilicet mediat inter causam, & effectum, vt homo generans dicitur medius inter Solem, & hominem generatum: Item in prædicando aliud, quod etiam per comparisonem vocari solet, vt species subalterna respectu generis generalissimi, & specialissimi; Aliud congruentia, vt pulchritudo medium dicitur decentis matrimonij: Necessitatis aliud, & est, sine quo coniunctio extremorum esse non potest, quo pacto lumen coniungitur aeri, medià diaphaneitate; Interpositionis etiam, quo modò clauus vniens duas tabulas simul dicitur medium illarum, & secundum D. Bonauenturam annuli catenarum; Præsuppositionis alterum quo pacto quantitas mediat inter formam substantialem, & materiam, siquidè hæc forma postulat materiam quantam, vt infrà; Suppositi aliud, & est, quod mediat inter agens, & patiens, veluti aer inter ignem, & manum; Virtutis etiam alterum, siuè *quo*, vt calor inter ignem, & dictum aerem calefactum;

*Bassolius  
Scotista.*

*D. Bona-  
uent.*

*Castan.  
lib. Dist.  
lu. Ad.*

Vndecimum in *quod*, & est forma prius acquisita, vt e.g. embrionis forma media est, respectu formæ animalis; Duodecimum *per quod*, & est ipse motus, ac tempus, per quod acquiritur forma; Intellectionis rursus, vt species impressa; Repræsentabilitatis decimum quartum, vt speculum; Instrumentale decimum quintum, vt calor natiuus ad operationes animæ vegetalis, & sentientis; Deniq; per abnegationem, quod negat se esse vtrumq; extremum, licet sit via in vtrumquè, vt Laureium respectu Romæ, & Bononiæ; non enim Lauretum Roma est, vel pars Romæ, neq; Bononia, aut pars Bononiæ, cum tamen via media sit, quæ versùs Orientem, progrediendo, itur Romam, & versùs Occidentem, Bononiam.

## F

Facere sibi simile est actus perfecti. 2. de Anima  
T. 34. & 2. de Gener. Animalium cap. 1.

**I**N compertò est de perfectione naturali, & respectu speciei, quam redolet ille, qui agit, non de perfectione morali, & indiuidua, siquidem gibbosus homo alium in specie, sibi similem generare potest, & non defectuosum. Item arguituè, & respectu propriæ naturæ, non essentialiter, & quocunque modo.

Falsitas non est in sensu. 6. Met. T. 8.

**A**Ncillatur veritati, vt in cognoscente ipsum, aut suum relatiuum, tanquàm obiectum, non alio modo. Cæterum per se, non per accidens; iudicat enim sæpè sensus aliter, ac sit res ipsa sensibilis, quod est æquiualens falsum.

Fœli-

**Fœlicitas cum voluptate coniuncta est. 10. Ethic.**

*cap. 1. § 3.*

**C**Larum est de voluptate rationali, non sensibili: Insuper non tanquàm partis essentialis, & constitutiue fœlicitatis, sed concomitantis; propter quòd dicebat optimè Philosophus in exordio ciuili libri, quòd homo non debet ommittere Virtutis actiones, estò essent absque voluptate, & delectatione.

**Fœlicitas hominis est noscere substantias separatas. 10. Ethicor. cap. 7.**

**D**iuisim intelligitur hoc Effatum, vel scilicet in hoc statu, vel in alio, vt tactum est supra literâ E. non in vno tantum; hinc est, quòd pro hoc statu, quid est earum non comprehendit, sed solum quia, in quo etiam parum delectatur. Cæterum valet dispositiue, vt scilicet se disponat ad eas, quidditatiue noscendas, non actualiter.

**Fœlicitas hominis bona externa requirit. 1. Ethicor. cap. 8.**

**S**ubsistit de fœlicitate politici, qui in Republica rem agit; bona etenim externa ad defendendam Rempublicam, & ad propulsandas iniurias requirit, nò de fœlicitate simpliciter, siue speculatiua, quam definiuit Arist. 1. citato cap. 7. operatio est animæ, per rationem, secundum virtutem in via perfecta.

Conib.  
1. Ethic.  
disp. 4  
art. 4.

Fœlicitas, non in vno actu solummodo consistit.

1. *Ethic. cap. 9.*

**V** Aldè tritum, & verum est de actu discreto, non continuo, siquidè actus debet connotare habitum, bonus scilicet bonum, & malus malum; vndè vnus tantum habitum Virtutis, qui ex frequentatis ellici debet, connotare, & constituere non potest. Accedit, quòd fœlicitas quandam boni possessionem dicit, & ista, non in vno est actu, nisi continuus sit, & pluribus æquiualens.

Fœlix in somno nullus est. 1. *Magnorum Moralium cap. 4.*

**I**N hoc sensu intelligitur verum, quia ex actione, eò tunc ei non datur viuere, at ex sola existentia; in operatione, autèm fœlicitas consistit ex 1. *Ethic. cap. 1.* imò in operatione rationali, & contemplatiua; vt supra, propterquòd Arist. 1. *citato cap. 9.* dicebat Bruta fœlicia non esse, quia de virtuoſa operatione non participant.

Finis causa non est, si opponitur principio. 1. *Metaph. Summa 2. cap. 1.*

**V** Aldè certum, vt opponitur principio efficienti, siquidè efficiens principium est motus, & finis terminus eius, sed non respectu aliarum causarum. Ceterùm finis causa est, & principium in præmouendo, nò in exequendo, quoniam vltimum, quà ratione est vltimum, opponitur principio executionis, & finis vltimi rationem habet.

Finis effectus est efficientis. 2. *Phys. T. 89.*

**E**Xpedit quantum ad esse, non quantum ad causalitatis rationem; vnde licet finis posterior sit efficiente, quantum ad esse, est tamen prior illo secundum rationem. Item quantum ad assecutionem, & rem assecutam, non quantum ad motionem, qui fines ab Henrico Castaneo dicuntur alio nomine operationis, & rei operatæ; finis enim operis præit, & efficiens mouet, quatenus scilicet intentus, & appetitus, deinceps sequitur, qui est rei operatæ, & genitæ.

*Castan.  
lit. F.  
nu. 73.*

Finis importat, vt sit appetitus. 1. *Ethic. cap. 1.*

**T**Ritum est in ijs, qui nondum finem attigerunt, secus falsum. Vltius verum, ratione sui fundamenti, quod est bonum, nam primo citato dicitur ab Aristotele bonum esse, quod omnes appetunt, licet ratio boni, & ratio finis distinguantur, non præcisè, & formaliter, vt infra.

Finis nobilior est ijs, quæ sunt ad finem. 2. *Physic. T. 31. & 5. Met. T. 3.*

**D**E nobilitate in genere, & secundum quid verificatur Effatum, non de nobilitate simpliciter, quæ ab entitate, ac natura rei attribuitur, & non à simplici motione aliorum: Item de fine cuius gratia, qui appetibili s est primò, non de *sine quo*, aut *cui*, qui duo primariò non appetuntur. Cæterum de fine principali, & primò intento, qui, ita est finis, quod non medium, non de secundario; vnde Intelligentiæ Cælos mouentes propter hæc inferiora, non primariò, sed secundariò illa respiciunt, alioquin inferiora hæc nostra illis nobiliora esse oporteret.

SKO-

SKOLION. Dogma est Aristot. 2. *Phys. T. 23. § 78.* finem, vel esse *cuius gratiâ*, hoc est intuitu, & motiuo cuius aliquid fit, vt nutritio propter vitam, vel *cui*, qui etiam ab Alijs inquem dici solet. Primus est propter quem consequendum, vt maximè appetitum, aliquid aliud, tanquàm medium assumitur, vt dictum est propter conseruationem vitæ cibos, & propter sanitatem medicamina. Secundus est, in cuius gratiam extrinsecè, & secundariò aliquid fit, & vltro non ordinatur, & in hoc sensu rectè dicebat Philosophus nos homines esse fines omnium artium, quia scilicet in commodum hominum omnes inuentæ sunt; vnde finis cui est ad quem, secundariò, & extrinsecè appetitum, ipse primarijs finis ordinatur. Pariter 1. *Ethic. cap. 1.* dicit finium quosdam esse operationes, quosdam verò res operatas. Finis, qui est operatio, est post quem executiuè nil sequitur in Natura, si operatio est Naturæ, vel in arte, si operatio est ab Artifice, vt scriptura. Finis, qui est res operata, est ipsum opus, quod ex actione confurgit, & in quod, tanquàm in scopum, actio ipsa tendit, vt in ædificatiua domus; in frænefactiua frænum, illa ad habitandum, hoc ad regendum Equum.

Finis prima causarum est. 2. *Phys. T. 78.*

**I**N concussum, & certum est de fine, ratione intentionis, & in præmouendo, non in exequendo; quoniam sic vltima causa est, & non prima, siquidèm habito fine cessant omnia. Amplius certum de fine cuius gratia, bonitas cuius allicit, & mouet Agens, non de fine *quo*, quo .i. medio aliud est consequendum, & dicitur à Capreolo finis formalis, & ab Herueo asssecutionis, quia est, quo assequimur aliquid; procul dubio principalius intentum, vt supra dictum est de motu, & de actione, quâ aliquid obtinetur.

Finiti



**Finiti ad infinitū nulla est proportio. 1. Cæli T. 52.**

**D**irectè valet de Arithmetica proportione, quæ in natura vniuoca, & specifica cadit, non de Geometrica, quæ in analogo consistit, vt est proportio causæ ad effectū, creaturæ ad creatorem. Item quæ ratione est finitum, & in quo genere terminos habet, non aliâ ratione; continuum nanquæ finitum est ex se, & nihilominus diuisibile ad infinitum: Sic peccatum infinitæ malitiæ in genere moris, non in genere naturæ.

**Finitum est, cui potest fieri additio, & infinitum non. 1. Cæli T. 12. & 3. Phys. T. 57.**

**S**tabilem possidet veritatem in ijs, quæ non coniungunt finem principio, & quorum medium cætri naturam non habet, vt liquet de figura circulari, non in alijs. Præterea de infinito simpliciter, non secundum quid.

**SKOLION.** Per infinitum simpliciter illud vulgariter intelligitur, quod neq; ex parte ante, neq; ex parte post principium, vel terminum aliquem habet, quod ab Ægyptijs Encyclopediâ, aut circulo figurabatur, vt e.g. ipse Deus, æternitate in participata æternus. Infinitum secundum quid est, quod, vel ex parte anteriori, vel posteriori terminum aliquem concludit, & sic animæ hominum infinitæ dicuntur, quia principium habuerunt, licet finem non sint habituræ: Huic igitur additio fieri potest, non illi.

Finitum, & infinitum sunt differentiae quantitatis.  
*1. Phys. T. 15.*

**D**E syncategorematico, à nobis cognito infinito, verificatur Effatum, non de actuali, & categorematico. Cæterum de differentiis quantitatis logicæ, non physicæ, siquidem non est dabile cōcretum participans talem differentiam, quæ infinita permanens dicatur. Vtius valet de infinito priuatiuè, non negatiuè, nam sic Deus infinitus est, & nec conuenit quantitati, nec participat differentiam eius.

Finitum finito expletur. *1. Phys. T. 31. & 36.*

**P**ro certo est subiectiuè, non obiectiuè, in quo sensu asserunt Theologi sub primò sententiarum distinctione prima capacitatem animæ rationalis obiectiuam esse infinitam, quoniam ordinatur ad obiectum infinitum; capacitatem autem subiectiuam esse finitam, propter quod omne, quod recipitur in anima, ut in suo subiecto, finitum esse necesse est. Vtius verum, & certum de finito physico, quod diuisibile est per partes determinatè quantas, & æquales, non proportionales, & solet dici diuisibile diuisione mathematica.

Flamina maior minorem absumit. *In de Longitudine, & Breuitate vite cap. 2.*

**P**er accidens hoc intelligitur, non per se; ut enim similis in specie, neq; per se illi contrariari, neq; destruere illam queit; per accidens autem id molitur, quia alimentum, quod ipsa flamma minor in multo tempore consumit, maior citò, & vehementissimè vorat, ad se trahendo pabulum minoris,

noris, vt nutriatur, ita Antonius Roccus in suis Paraphrasi-  
bus librorum de anima, nec non, & in de Sensu, & sensibili  
capite de longitudine, & breuitate vitæ.

*Anto. Roccus  
in de  
Sensu, &  
sensibili.*

**Forma educitur de potentia materiæ . 1. *Phys. T.***

**78. & 3. eiusd. T. 20. ac 1. de Ort. T. 11.**

**P**er naturalem sequellam, & iuxta ordinem naturæ crea-  
tæ intelligitur, non per supernaturalem virtutem: Insu-  
per tali modo, vt actu fiat, quod erat in potētia materiæ, non  
alio modo, & propter hoc, cū anima rationalis non fuerit  
in potentia materiæ, ipsa non educitur, nec remanet corrup-  
tibilis, sicuti aliæ formæ, dicente Arist. in 1. de sensu, & sen-  
sili. Item non à se ipsa, sed ab agente naturali.

**Forma est finis compositi. 2. de Anima T. 36. &  
5. Met. T. 22.**

**V**aleat de fine *Quo*, quia compositum, mediante formâ,  
fit, vt infra, & id, quod introducit in materiam ab a-  
gente pariter forma est, non de fine, cuius gratia, & vltima-  
to, quod planè est ipsum compositum, propter quod ipse  
Arist. eodem lib. 2. T. 34. dicebat; omne agens producere  
sibi simile, quod agens (cū compositum sit, & singulare, ex  
1. *Metaph. cap. 1.*) facit, vt etiam productum sit compositum,  
& singulare 1. *Phys. T. 64.*

**Forma est subiectū vniuersalitatis . 1. *Cæli T. 92.***

**P**erbellè incedit de forma communi, & materiali, non  
immateriali, qualis est anima nostra. Item de subiecto  
denominationis, seu (secundum Alios) proportionali, non

inhæſionis, quale eſt compoſitum ſubſtantiale reſpectu acci-  
dentium . Cæterum de forma informante, non de Aſſiſtente.  
Tandem de abſtracta, & logicè ſumpta , non de concreta , &  
individua .

**Forma eſt principium , & cauſa motus . 3. *Phyſic.*  
*T. 17.***

**S**Vmitur verum, pro quanto omne , quod agit, agit, vt in  
aëtü, & per aëtü, qui eſt forma , non alio modo ; hinc  
aqua calida in potentia non agit, neq; producit calorem , be-  
nè autèm, ſi ſit aëtü calida . Inſuper verum de principio pro-  
ximo motus, non de remoto, & primo primò, quod autuma-  
uit Ariſtoteles Deum eſſe.

**Forma eſt prior materiâ . 2. *de Generat. Anima-*  
*lium cap. 1.***

**D**E prioritate perfectionis procul dubio certiffimum,  
nàm ipſa forma eſt aëtü, & materia potentia, aëtü ſau-  
tèm perfectior eſt potentiâ 9. *Met. T. 19.* non de prioritate  
originis, & ordinis . Vtèrius certiffimum de prioritate in-  
tentionis, quoniam agens principalius, & primò intendit for-  
mam, gratiâ cuius ſit ſimilitudo cum effectu, & non materiâ  
*ex 2. *Phyſ. T. 12.**

**Forma finis eſt materiæ . 5. *Metaph. T. 22. Et 2.*  
*Phyſ. T. 25.***

**V**Ero prodeſt , ſubſiſtitquè de forma ſubſtantiali, vt e.g.  
forma hominis finis corporis humani, ſic organizati, &  
diſpoſiti eſt, non de accidentali . Amplius, quia bonum eius  
eſt,

est, & finis, ac bonum conuertuntur 1. *Ethic. cap. 7.* non quia materia sit, vel medium, vel principium eius, relatione quorum dicatur postea ipsa forma finis materiæ.

### Forma limitatur per materiam. 1. *Phyf. T. 69.*

**H**abet sensum de limitatione indiuidua, non specifica, quandoquidem similis formæ limitatio fit per differentiam, quæ addita generi contrahit ad speciem ipsum, & talis reperitur in substantijs spiritualibus, & abstractis; prima autem in corporalibus. Item ad certas operationes, non absolute, & simpliciter.

### Forma nobilior est materiâ. 1. *Phyf. T. 81. & 9.* *Met. T. 13. 19. & c.*

**N**obilitate simpliciter dicta verum est, non nobilitate secundum quid; æterna enim materia dicitur 1. *Phyf. T. 82.* & corruptibilis est forma. Item in entitate, & causalitate, non in modo producendi; creatur enim tantummodò materia, & ideò à solo agente infinito ponitur in esse, generatur autem forma, & ab agente finito producitur, ac corrumpitur.

*Didac.  
Masius  
2. Phyf.*

### Forma, quæ denominat debet inhærere subiecto denominato. 13. *Met. cap. 1.*

**H**aud falsum est in denominationibus, quæ petuntur ab intrinseco, ut albi ab albedine, benè autem in illis, quæ ab extrinseco veniunt, ut est denominatio locati à loco; qui porro locus, non locato, sed corpori ambienti inhærere habet, tanquàm suum vltimum, & sua superficies: Insuper verum de subiecto immediato, & principali, non de alio.

For-

Formæ rerum sunt sicut numeri .8. *Met. T. 10.*

**I**N recto de formis separatis à materia intelligitur, nàm tali loco contra Platonem de Ideis differebat, non de concretis, & materialibus. Item verum de formis substantialibus, quarum propria est definitio, & species, non de accidentalibus omnibus. Amplius intelligitur, quatenus omnes formæ substantiales sunt sine latitudine graduum penes differentias essentielles, quæ speciem constituunt, non quantum ad gradus possibiles inueniri in diuersis indiuiduis eiusdem speciei. Item ratione quidditatis, & speciei, quæ variatur, eo modo, quo variantur numeri, qui sanè per solam vnitatem indiuisibilem superadditam fiunt alterius speciei, & à forma hoc pendet, non ratione collectionis plurium materialiter distinctorum.

Forma simplex subiectum esse non potest. 12.  
*Metaph. T. 15.*

**S**ubsistit de ea, quæ est actus tantum, non de ea, quæ est actus, & potentia, vt est omnis forma creata, & ratio à priori videtur esse, quia omne subiectum comparatur ad id, quod est subiectum, vt potentia ad actum, & propter hoc, quia Diuina essentia est actus tantum, nunquam subiecti rationem habet, dicente Diuo Thoma in de Spiritualibus Creaturis art. 1. ad 1.

*D. Tho.  
in de  
Spir. Cr.  
art. 1.*

Fortuna est sine ratione. 2. *Phys. T. 55.*

**S**ubsistit in ordine ad effectum, cuius dicitur fortuna, siue causa fortuita; est enim hic contingens, & præter intentionem Agentium, & de similibus non possumus ratiocinari,

vt

vt de alijs, non respectu effectus intenti, cui effectus fortuitus adiungitur, & propter hoc in *citato libro T. 52.* dicebat Fortunam esse in ijs, quæ secundum propositum fiunt, quod sanè propositum non est sine ratione. Item de effectu consultationis, quoniam circa fortuita non est consultatio 2. *Ethic. cap. 3.* non subiecti; spectat namq; præcisè ad rationalia, imò & perfectum vsum rationis habentia, & Casus ad irrationalia.

**Fôrtuna est eorum, quæ neq; semper, neq; frequenter fiunt. 2. *Phys. T. 48.***

**P**robè intelligitur respectu particularium diuisim sumptorum, non in generali respectu omnium, quoniam si e.g. serò ego fortuitos euentus non sentio, sentire, & probare possunt Alij in alijs Regionibus, vndè credibile est semper haberi fortunæ effectus, at nò semper ab eodè experiri. Item quia effectus fortuiti non habent determinatas causas semper, & vno modo agentes, benè tamen hoc, & illo, cum semper adsint, pro particularibus impedimentis, determinatæ causæ impediētes.

**Frigiditas non ingreditur opus naturæ. 2. *de Partibus Animalium cap. 7.***

**P**rocedit verùm respectu compositorum, non simplicium; hinc *T. 3 1. 7. Libri Metaph.* ait Philosophus Mulum non generare, fortè quia frigidus: item per se, & immediatè, quia per se non operatur ad formam, non per accidens: Caterùm comparatiuè, non absolutè, quoniam à frigido multa causantur metheora, quæ ipsum Orbem exornant, & consequenter naturæ deferuiunt.

**SKOLION.** Dicitur frigiditas per accidens ingredi opus  
Na-

Naturæ, & non per se, quia videtur facta ad contemperandum calorem, qui est causa per se inducens formam, ut habemus in Aristot. *libro de vita, & morte sub Parnis naturalibus*, quod autem istud molitur (cùm gratiâ alterius videatur esse) per accidens dicitur; vndè est, quod *sexu ultimo 2. de Ortu* Aristot. dicebat ætatem generationis causam esse; hyemem verò corruptionis.

**Frustra est illa potentia, quæ non reducitur in actû.**

*1. Cæli T. 32.*

**A**D vnguem procedit de potentia physica, non de logica, cuius non est aliquod agens, quàm Deus ipse: lapsus exclusis omnibus impedimentis, non concurrente aliquo. Rursus quando principaliter ordinatur ad actum, ad quem dicitur esse in potentia, non quando principaliter non ordinatur, ut sunt partes Cœli ad diuisionem. Cæterum si actus sit essentialis, & perficere possit potentiam, non si accidentalis, & impotens eam perficere. Tandem de potentia in indiuiduo, non in specie.

SKOLION. Duplex est modus frustrandi aliquam potentiam, alter in specie, & alter in indiuiduo, ut mox dictum est: In specie non frustratur potentia per se, & per vires naturalium agentium, quia tolleretur propria natura in ea, & non esset amplius verum Naturam in communi agere propter finem, contra Philosoph. 2. *Phys. T. 78.* in indiuiduo autem benè frustratur ex impedimento particulari; vndè rectè Aristoteles in *de somno, & vigilia* ait multa benè consulta, quæ expediebat fieri, dissoluta esse propter digniores alias inchoationes.



**Fundamentum similitudinis inter duo vnitas est;**

*5. Metaph. T. 20.*

**P**roclius est ad veritatem, quatenus amborum similium debet esse eadem qualitas, & quantitas; in ipsis quidem extremis actualiter multiplicata, sed potentialiter, & fundamentaliter vna, licet per intellectum solum formaliter talis, ut infra. Præterea verum de vnitatis conformitatis, quæ sanè conformitas in pluribus est, sed in vno, tanquam in subiecto, & in pluribus, tanquam in terminis.

**Futurorum contingentium non est determinata veritas, aut falsitas. 1. Perih. cap. 7.**

**R**espectu intellectus creati, & in via exponitur, & interpretatur hoc Effatum, non respectu intellectus Diuini, & increati, cui, nec aliquid contingit, nec ut futurum aduenit, sed cum omnia ei coexistent omnia obiectiue, & intuitiue præsentia habet, cognoscitq; illo modo (inquit Mathæus Aquarius in 12. Metaph. Dilucidatione 5. sup. T. 5 1.) <sup>Aquar. Diluc. 5.</sup> 12. Me. quo visus meus non fallitur, dum actu videt Sortem scribere, <sup>cap.</sup> estò eidem Sorti sit quoddam contingens ipsum scribere.

## G

**Generatio est de non esse ad esse mutatio. In Ansepradicam. cap. de motu.**

**V**aleat, tanquam termini, non tanquam subiecti; necesse est enim in generatione subesse patiens ex 1. Phys. T. 53. & 69. Amplius valeat de non esse actuali, & existentiae ad

Q

esse

esse actuale, & extra causas, non alio modo. Rursus de non esse talis speciei ad esse talis speciei, vt de embrione ad hominem, de non ligno ad lignum, &c.

SKOLION. Quod mutatur de non esse ad esse dupliciter intelligitur mutari, vt insinuat expositio, vel per modum termini, vel per modum subiecti. Quod per modum termini sic mutatur verè dicitur oriri, & proindè etiam corruptioni succumbere; Quòd verò per modum subiecti non dicitur oriri, sed eo permanente nouam formam, & speciem acquirere, & sic mutatur materia prima, cum adhuc ingenerabilis, & incorruptibilis per se remaneat, *ex 1. Phys. T. 82.*

**Generatio, & corruptio sunt vna mutatio. 1. de Ortu T. 16. & 20.**

**P**rocedit verum attributiuè, non terminatiuè. Item materialiter, non formaliter.

SKOLION. Attributiuè, in hoc casu, importat à Natura intendi sub ratione vnius, quod de facto est in præsentì; quia, licet non possit haberi generatio alicuius, absq; corruptione alterius, vt infra; attamen generatio principaliter intenditur, & corruptio in gratiam eius, vt e. g. corruptio ligni in gratiam ignis; Terminatiuè postea dicit esse motus ad eodem terminos, & est clarissimè falsum, cum generatio sit ad esse, & corruptio ad non esse.

**Generatio est mutatio totius in totum. 1. de Generatione T. 23.**

**V**aleat de totalitate composita omnium partium, & essentiali, non integrali, neq; accidentali, quo pacto ex albo sit nigrum. Item totius compositi, & sensibilis, non totius simplicis

simpliciter, quod est ex tota nouitate partium, manet namq[ue] semper materia prima, quæ non fit, nec sensibilis est.

SKOLION. Totalitas, quæ in generatione adipiscitur, totalitas substantiæ dicitur, & consurgit ex materia, & forma, vt ex potentia, & actu, quæ vnio, & resultantia necessario tota, vel deperditur, vel acquiritur, cum fuerit vnus per se, & vnus esse specifici in indiuisibili consistentis. Totalitas postea accidentalis, non ex potentia, & actu consurgit, vnde vno ex his ablato, remanet adhuc totum, non quale illud erat, sed alterum. In generatione itaq[ue] substantiali prima totalitas attenditur, non ista secunda, licet suo modo, & proportionaliter hæc cum illa habeatur.

**Generatio ex contrarijs est, & inter contraria. 2. de Ortu T. 24.**

**M**Ancipatur veritati, quatenus est inter formam, & priuationem, non quatenus transitus de non esse ad esse, nam sic est inter contradictoria, dicente Aristot. 5. *Phys. T. 7.* Amplius ex priuatiuis, non ex positiuis, ni fortè dispositiuè sumatur generatio, scilicet cum præuijs requisitis ad eam; vide supra lit. A.

**Generatio vnus, est corruptio alterius. 1. de Ortu T. 17. & 3. *Phys. & 73.***

**C**oncomitanter, & in sensu causali postulat intelligi, non in formali, & idemtico, cum tali modo sint mutationes maximè distantes, & contradistinctæ, vt paulò supra tactum est, cum de terminis illarum sermo haberetur; Insuper in substantijs omnibus, non in accidentibus. Amplius per se, & extra casum minimi naturalis, non per accidens, & vbi mi-

Banes.  
Ruuius.  
Chart.

nimum naturale supponitur, ita Pater Banes, Io: Ludouicus Chartarius, Ruuius, &c.

Generans, & genitum debent esse eiusdem speciei. 7. *Met. T. 28. & 4. Math. cap. 1. T. 2.*

**C** Vrit in sensu recto de ijs, quæ generantur per propagationem seminis, non ex putri materia, & à casu, vt infra tangetur. Caterùm de illis, quæ generantur, vt tota, non vt partes, vt sunt capilli, vngues, &c. Præterea nullis datis impedimētis, sed seruato consueto Naturæ ordine, nō &c.

Generatiōe posteriora priora sunt perfectione. 9. *Metaph. T. 15.*

**C** Ohæret veritati de perfectione naturali, quæ dicit complementum vltimum particularis Naturæ, siquidem insinuat Naturam vniuersalem magis circa ipsa elaborasse, non de morali: Insuper in ijs, quæ verè terminant generationem, & suppositi, vel hypostasis nomen habent, non solius entis, quandoquidem passiones naturales posteriores sunt naturæ ipsis formis, & tamen non sunt illis perfectiores.

Genus differentiarum per se non est particeps. 7. *Metaph. T. 42.*

**F** Irmiter subsistit de differentijs primò diuidentibus Genus, & immediatè illud ad subalternā contrahentibus, non de alijs. Amplius dicitur per se, in primo modo dicendi per se, non de reliquis tribus alijs.

SKOLION Ex doctrina Phil. 1. *Post. cap. 4.* quatuor sunt modi dicendi per se, hoc est naturaliter, & necessariò de subiecto

biectio aliquo enunciabiles. Primus est, quando prædicatum est de essentia subiecti, vt homo est animal. Secundus, quando subiectum est de essentia prædicati, vt dicendo recta est linea. Tertius, quando quis per se, sine alio insinuat esse, qui proprius est substantiæ, vt sortes est. Quartus deniq; quando aliquid per se & sua causa dependere connotatur, vt quod iugulatur iugulatione intereat.

**Genus diuiditur per differentias oppositas. 7. Metaph. T. 43. & 52.**

**V**aleret priuatiu diuisione, non alijs diuisionibus infra priuatiuam. Item per oppositas reducibiles ad priuatiuorum speciem, non ad positiuorum, & contradictoriuorum; inquit enim Aristoteles, *Phys. T. 5. § 1.* semper vnum contrarium esse peius altero, per quod peius interpretatur priuatiu, & defectus denominans opposita ipsa priuatiua.

**Genus æqualiter non prædicatur de speciebus. 4. Topic. cap. 1. & 2.**

**S**ubsistit de æqualitate omnimoda, & passiuè, non actiuè, & de æqualitate prædicationis, quæ vniuoca conuenientia est, sed communis multorum in vno. Item secundum Alios, nõ æqualiter distributiue, benè autem collectiue. Rursus primò intentionaliter, non secundò.

**Genus imperfectius est specie. 3. Metaph. T. 11. & 4. Topicorum cap. 2.**

**V**surpatur verum secundum continentiam actuaalem, non secundum potentialem. Amplius intensiue, non exten-

extensivè; liquet enim Genus maiora sub se continere, & ad maiora referri, ac proinde maioribus dominari, quàm species. Item quia, quæ continet Genus continet confusè; quæ verò continet species continet distinctè.

**Genus in vna specie saluari potest. 1. *Post. T. 12.***

**N**on dubium de Genere materialiter sumpto, seu pro substracto Geueris; Falsum autem formaliter, & ut in numero continetur secundarum intentionum, quo pacto est locutus Aristoteles de illo 4. *Topic. cap. 3. & 7. Metaph. T. 43.* dum inquit Genus necessario ad plures species referri, quemadmodum animal ad hominem, Leonem, &c.

**Genus magis substantia est, quàm species 8. *Metaph. T. 2.***

**V**aleat quantum ad continentiam plurium, nam Genus est vniuersalius specie, non in ratione substandi, siquidè particularius, isto modo, magis substantia est, quàm quod est vniuersalius; vndè rectè in *prima Categoriarum* inquit Aristoteles primam substantiam esse maximè substantiam, quia, & continet secundas, & sustinet accidentia, deinceps quod magis huic appropinquatur, & porro species est, non Genus.

**Genus non continet sub se differentias. 7. *Metaph. T. 43.***

**I**n hoc sensu veritatem habet; quod non contineat differentias diuersas, ut determinatū determinatas, quia sic idem simul participaret contraria, quoniam differentię contrarię sunt

sunt *ex 10. Metaph. Summâ 2. cap. 1.* non verò, sicut indeterminatum diuersa determinata. Insuper veritatem habet sic, quòd non contineat differètiâs diuersas, tanquàm extraneas, & aduenientes, sicut aduenit album homini, benè autèm tanquàm eiusdem essentiz.

SKOLION. Dupliciter dicitur genus continere differentias, vel in genere causæ materialis, vel in genere formalis. In genere causæ materialis, si sumatur secundum quòd principaliter ipsum significat, & à quo sumitur ad significandum, quoniam sic dicitur materiam, & materia continet formas. In genere postea formalis, quando sumitur, vt totum confusum, & indeterminatum, eo quòd species, & differentias simul aggregat, & est totum per vnionem illarum, dicente Aristotele *2. Phys. T. 31.*

Genus non est quid vnū in multis. *7. Phys. T. 31.*

**T**Ritum est de vnitâte physica, quæ sumitur ex vnitâte formæ, non de vnitâte logica, quæ est vnitas rationis, & vniuersalitatis. Itèm primò intentionaliter, non secundò.

SKOLION Duplex est vnitas, in proposito, alia logica, & hæc datur cuilibet secundæ intentioni, soletq; dici cōuenientiæ conceptiue, siue vniuersalitatis. Secunda verò datur cuilibet extracto à possibili esse. & extra sinum causarum; & hæc subdiuiditur, nam alia est ex vnitâte subiecti, & personæ, & solet dici secundum quid, & datur omnibus generibus, quæ sumuntur ex eadem persona, vt apparet in arbore Porphyriana, per quâ subalternæ, & specialissima ascendunt in hanc vnitâtem; alia sumitur ex vnitâte actus formalis, & dicitur vnitas simpliciter, & ista nulli generi communicatur, sed solummodò speciebus, cuius ratio est, quoniam species sumitur ab vltima differentia, quæ connotat formam simpliciter

eiter vnā in rerum natura ; Genus autē tantummodò à forma, quæ est vna secundum rationem sumitur, cuius signū, quod non est aliqua forma, ex qua homo sit animal, præter eam, ex qua homo est homo; neque in Equo, neque in Boue, &c. est aliqua alia communis anima, quæ constituat animal, præter illam, quæ determinatē ipsa seorsim ponit in esse, quod secus est de specie, siquidem omnes homines, qui vnius speciei sunt, conueniunt in forma, quæ constituit hominem, propter quod Genus vnum simpliciter logicum est, & secundum quid physicum ; species verò & logicè, & physicè vnā simpliciter est, ita Auerroes sup. T. 11. 3. de Anima, & D. Thomas 1. part. q. 66. art. 2. ad secundum.

*Auerro.*  
3. de A-  
nima C.  
T. 11.

Genus speciebus identificatur. 7. Met. T. 43.

**I**N compertò habetur primò intentionaliter, vt animal cum homine, non secundò, alioquin quinque Prædicabilia Porphyrij non essent diuersa, & secundæ intentiones Logicæ diuersæ, quinimò relatiua ipsa distincta, quod Porphyrio cōtradicit, & veritati. Amplius in compertò est de identitate materiali, non de formali; habentia enim definitionem diuersam, secundum Metaphysicos, etiam formalitatem diuersam habere necesse est.

**SKOLIION.** Terminus *primò intentionaliter*, in hoc casu, importat reale esse, & considerationem factam super materiam rei; *secundò autē intentionaliter* importat esse intelligibile, & considerationem factam super esse cognitum, vt quod tale sit Genus, sit species, &c.



Genus sumitur à materia, & differentia à forma.

8. *Metaph. T. 6. & 10. eiusd. T. 24.*

**I**N substantialibus postulat intelligi, non in accidentalibus, ut exemplo simitaris, quæ definitur concavitas nasi doctissimè probat Auerroes. Amplius proportionaliter solùm, non identicè. Cæterùm in habentibus vtrumq; , non in alijs (si quæ sunt) ut separata, ita D. Thom. 1. par. q. 50. & de Spiritualibus creaturis q. 24. Vltèrius non immediatè à materia, & forma, ut sunt partis, sed à materia, & forma totius, ut supra, & ex Alamanio in de Generatione, & Corruptione.

*D. Tho.  
1. p. q. 50  
& de S.  
C. q. 24.*

Genus sumptum, ut genus, non prædicatur per se de differentijs, nec differentiæ de ipso. 2. *Post. T. 18.*

**I**Ntelligitur verum de differentijs diuisiuis, non constitutivis speciei; cùm enim istæ aliquo modo Genus component, etiam de illo prædicari possunt. Item de subalterno genere, non de generalissimo; hoc enim, cùm sit simplex, queit de differentijs prædicari simplicibus, at non subalternum, quod est compositum, nam constat compositum de simplici nõ prædicari: Et si quandoq; (quòd satis rarò) videretur subalternum de differentijs prædicari, hoc non erit, ut differentiæ sunt, sed quatenus complicant speciem, ita Boethius in cap. de Communitatibus, quinimò ipse Arist. 4. *Topic. cap. 3. & 6.* quò loci hæc ratio refertur, quia si Genus prædicaretur de differentijs, ut animal de rationali, & mortali, tunc rationale, & mortale essent animalia, quòd absurdissimum est.

*Boeth.  
cap. de  
Commun.*

Graue, & leue non sunt principia actionis, & passionis. 2. de Gener. & Corrupt. T. 8.

**S**ubfistit de actione, & passione communiter acceptis, non de illis, quæ fiunt per passibiles qualitates; unde 1. Cæli T. 17. dicebat Arist. grauitatem, & leuitatē esse motus secundum locum principia, & tamen localis motus quædam actio est, licet non alteratiua, quæ per passibiles qualitates celebratur, ut infra.

Graua, & leuia mouentur à generante. 8. Phys. T. 33.

**V**alet quando per se, & naturaliter mouentur, nō quando per violentiam. Item, vel virtualiter, vel actualiter, non necessariō actualiter, quia liquet posse moueri ad sua loca naturaliter, & eorum generās esse corruptum. Item magis principaliter, non cum exclusionē omnium aliorum.

Grauiſſimum omnium est, quod in medio est.  
1. Meteor. c. 1.

Auer.  
3. Cæli  
Com. 9.

Fortu-  
nius Li-  
berus.

**V**erum in simplicibus, & penēs ordinem Vniuersi, non in mixtis, & citra ordinē Vniuersi; hinc Auerroes 3. Cæli Com. 9. inquit aurum grauius terrā esse, licet possim ego illi obijcere, quod etiam aurum terra est, cum mihi suffragetur auctoritas Liceti, ac plurimorum aliorum dicentium, terram puram duriorē esse adamante, ad quam duritiem, videtur probabiliter sequi grauitas, ex regulis communibus Meteoristarum.

**Gustus est quidam tactus. 2. de Anima T. 94.**

**I**N genere intelligendus est Philosophus, non in specie. Item in qua ratione communi obiecti conueniunt, non in particulari. Amplius quoad modum sentiendi, quia gustus in tangendo suum obiectum percipit, non quantum ad obiectum, siquidem sapor, qui est obiectum gustus, non est vna ex qualitatibus, quæ sunt obiectum tactus.

## H

**Habito fine cessat agentis operatio. 1. de Ortu T. 55.**

**V**Alet, habito eo, quoad executionem, & existentiam, non quoad intentionem, estq; sensus, quod habito eo, quod præmouebat Agens, non amplius illud agit: & licet Auerroes 12. Metaph. Com. 36. (loquor cum Peripateticis) dicat balneum in esse intento habere rationem efficientis, & non finis, tamen responsio est, aliud esse rem sub esse intento esse finem, & aliud, quod pro illo esse sit finis, primum enim vndiq; verum, secundum autem falsum. Item valet de actionibus proprijs, & ordinatis in illum finem, putâ disponentibus, vel requisitis ad dispositionem, non terminatiuè; sic .n. Simplicius, Boccaferreus, Chartarius, &c. interpretantur verba subsequencia *undè habitibus praesentibus cessant in materia actiones.*

*Simplic.  
Boccaf.  
Chart.  
in 1. de  
Ortu.*

**Habitus est perfectior actu. 3. Ethic. cap. 1.**

**S**ubsistit Effatum, quando habitus est causa principalis ipsius actus, non quando est instrumentaria; operatio

R 2

enim,

enim, quæ actus est, finis quodammodò ipsius habitus videtur, quandoquidè plena perfectio cuiuslibet habitus, gratiâ operationis conspicitur, cùm sit, vt promptius, & suavius operemur. Item subsistit de habitu acquisito, vt putà, qui plures includit actus, & velut totum se habet ad illos, non de infuso, & naturali intellectus, qualis vocatur habitus primorum principiorum. Insuper de perfectione secundū quid, non simpliciter, quoniam id, quod minus dependet est excellentioris naturæ eo, quod dependet, & talis est actus respectu habitus. Deniq; ratione stabilitatis, & firmitatis, non ostensionis, aut potentix distinctionis, *ex 2. Ethic. cap. 1.*

Habitus principia sunt actuum. 2. *de Anima T. 39.*  
*& sectione 6. Probl. prob. 7.*

**V**erificatur de principiis specificis, & denominationis, non cōpositionis; potius .n. actus faciunt habitum, quàm è conuersò. Insuper valet de habitibus naturalibus (qualis est ipse primorum principiorum) & respectu actuum secundorum, non de acquisitis, qui verè fiunt ex frequentatis actibus.

Habitus principiorum non est scientia. 2. *Posteriorum Analytic. T. 27.* & secundum aliam versionem *T. 102.*

**M**aximè verum de scientia dianoetica, at falsum de noetica. Insuper verum actualiter, quia principium scientiæ nō est scientia, quemadmodum principium demonstrationis non est demonstratio *ex 1. Post. T. 6. & 4. Met. T. 26.*

SKOLION. Dianoetica cognitio idem est, ac discursiua, videlicet, quæ per processum ex noto ad ignotum habetur, siqui.

ſiquidem Dianoeſis latinè diſcurſum dicit; Noetica verò intuitiua cognitio eſt, de præſenti ſcilicet obiecto, quâ præſens eſt, quoniam noeſis Græcè latinè intuitum dicit.

**Habitu utimur, cum volumus. 3. de Ani. T. 8.**

**V**eritati conſonum eſt de habitu naturali, qui adipiſcitur per principia naturalia, & per frequentatos actus, vt ſuprà, non de ſupernaturali, ad quem cōſequendum, & exercendum gratia requiritur; vndè ſecundum hunc non poſſumus, quotiaſcunq; volumus, ad differentiam naturalis, qui in actum exit imperio voluntatis. Item, vel benè, vel malè, non neceſſariò benè, nec neceſſariò malè.

**Habitibus nō datur alteratio. 3. Phyſ. T. 8. § 15.**

**V**ſurpatur primariò, quia ſimilis alteratio eſt in tertiâ ſpecie qualitatis, non ſecundariò; factâ enim alteratione ſecundum calidum, & frigidum ſequitur animal alterari ſecundum ſanum, & ægrum: Et pariter factâ alteratione ſecundum vires ſenſitiuas apprehenſiuas ſequitur alteratio ſecundum ſcientiam, & virtutes, vt dicitur 7. *Metaph. T. 20.*

**Hominum genus arte, & ratione viuunt. 1. *Metaph. cap. 1.***

**C**oniunctim verum eſt in generali, at diſiunctim ſolum in particulari; quocircâ nō eſt opus omnem hominem arte cum ratione viuere, ſed, vel arte, vel ratione, cum iſtæ duæ ſint regulæ, & conditiones eius vitæ. Inſuper verum de arte, vt indiſtriâ, & rationis artificio dicit, non mœchanicas, & vulgares regulas aliquid agendi.

SKO-

SKOLION. Ars, in hoc à Ratione differt, quòd Ars, estd  
à ratione effectiue sit, tamen respicit opus, & materiam exter-  
nam; Ratio verò speculationem, & veritatem.

Homo dicitur scire, etsi nullam habeat scientiam.

3. de Anima T. 38.

**S**Vmitur hoc radicaliter, & virtualiter, nàm homo habet  
esse tale, cui conuenit scire, non actualiter, quasi quòd  
habeat semper istum habitum, absq; actu dominante, & com-  
ponente ipsum. Huius exemplum ab Aristotele adductum  
est vas, quod, licet non contineat actu liquorem, est tamen  
capax continendi. Item in actu signato, non exercito.

Honor est operationis benefactiue signum. 1. *Rhe-  
torica cap. 9.*

**G**ermanè intelligitur de signo formali, non instrumen-  
tali. Insuper de signo formali consuetudinis, non be-  
neplaciti. Amplius operationis benefactiue moralis, non na-  
turalis.

SKOLION. Signum formale est, quod ex se representat  
id, cuius est signum, vt e. g. actus intellectus ipsum intelle-  
ctum; Instrumentale verò est, quod præsupposita cognitione  
sui aliquod aliud representat, vt imago picta. Signum cõsue-  
tudinis est, quod fundatur in Natura, sed ab arte habet, quòd  
significet, vt ramus plantæ tabernam. Ad placitum deniquè  
est, quod fundatur in volùtate tantùm, de quo prolixè Pater  
Hurtadus in de Terminis significatiuis, & non significatiuis  
sect. 4. & Complutenfes in de Vocibus simplicibus cap. 1.

P. Hurt.  
de Ter.  
sign. sec.  
4.  
Complu-  
tenses de  
Vo. sim.  
cap. 1.

Honor

Honor magis est honorantis , quàm honorati.

1. *Ethic. cap. 5.*

**S**ubsistit, quatenus nobilius est agere , quàm pati ; cum enim honor signum sit optimæ opinionis , quæ habetur de valore , & virtute alicuius , decet tale signum fieri aliquo actu externo , qui à voluntate vtriusq; procedit mutua ; e. g. quia agere , vt supra , præstantius est ipso pati , propterea honor dicitur actiue esse in honorante . Item quia liberè à colente fit , & qui colitur externum signum recipit , quemadmodum lignum ignis calorem .

Honorem non meretur prauus. 1. *Rhetorica cap. 1.*

**V**aleat in quo genere prauus est , non in alio , aut absolute . Præterea de honore debito , non indebito , qui extrinsecè solum obsequiosus est , vt honor subditi erga Tyrannum . Cæterum , quia honor cultus maior est , qui ideò solos bonos decet , quia Numinibus , & sapientibus cõgruit , nõ &c.

# I

Idem bis relatiue non dicitur . 5. *Metaph. cap. de Adaliquid.*

**E**st verum spectatâ relatione secundû genus tantum , non fundamentaliter , & formaliter simul . Amplius vnâ specie relationis , non multiplici , & diuersa ; quocirca Pater ad filium referri potest , & vt pater , & vt dominus , & vt Medicus , si ipsum filium suum docuerit medicinam , sicuti Nicomachus Aristotelem .

Idem

**Idem est agens materiam disponens, & formam  
introducens. 8. *Phys. T. 32.***

**N**on inficiatur de agente proximo, & potentiali, bene autem de remoto, & vniuersali, quod æquiuocum dici solet; veluti enim meridies hæc veritas corruscat vnum effectum à pluribus causis subalternatis prodire posse, Amplius verum de agente principali, & vt *quod*, non vt *quo* tantum, vt sunt accidentia.

**Idem est principium distinguendi, & essendi.  
2. *Post. cap. 2.***

**P**robè accipitur de principio primo per se, & essentialiter, non quoad nos solum, & per accidēs, cuius signum est, quod genus, & materia sunt principia essendi, sed nequè distinguendi, neq; cognoscendi. Cæterum accipitur de principio completo, & formali, non de incompleto.

**Idem est subiectum motus, & termini motus.  
3. *Phys. T. 15.***

**M**aximè verum de termino intrinseco, & essentiali, nõ de extrinseco; hinc, licet generatio sit terminus alterationis, non tamen propter hoc opus est subiectum generationis esse aliquid in actu, vt est in alteratione: Item motus per se dici, non &c.



Idem est numerus diuerforum numeratorum.

4. *Phys. T. 110.*

**S**ubsistit adæquatè de numero numerante, qui est semper idem omnium numerandorum, non de numero numerato, quale est tempus respectu motus, alioquin idem esset tempus mutationis, quæ præterijt, & quæ futura est; quod absurdum est dictu.

SKOLION. Numerus numerans est transcendentalis illa, & signata vnitas, quæ per omnes numerorum species vagatur, & dicitur ab Arithmetice imaginarius, mathematicus, & non applicatus numerus, vt 1, 2, 3, &c. numerus numeratus est ipsa res, quæ numeratur, seu applicata illa conditio, quâ redduntur sub tali specie numeri ipsa numerata, vt duo Leones, tres Equi, &c. & hic porro nequit esse idem diuerforum numeratorum, benè autem primus.

Idem instans manet in toto tempore motus.

6. *Phys. T. 7.*

**S**apit veritatem de instanti secundum substantiam, siuè intrinsecum sit, siuè extrinsecum, non de instanti secundum rem formæ, vt moris est Metaphysicorum dicere.

SKOLION. Instans secundum substantiam, intrinsecum dictum, est, quod dicit mensuram mobilis, & illi inflexibiliter inest. Instans verò secundum rem formæ dicit terminum, & distinctionem rationis, estò sit continuïtas ex parte rei.

**Idem manens idem semper est natum facere idem**  
*2. de Generat. T. 56.*

**V**aleat de eodem reduplicatiuè, manente scilicet eodem cum iisdem requisitis, non sub diuersa ratione, & deficiente aliquo ex proprijs ad actionem. Insuper de agente naturaliter operante, non liberè, vt supra, & propter hoc, licet Deus sit vnum Agens, in quo nulla vnquàm est diuersitas, nihilominus, pro libitu suo, potest multiformes effectus producere, vnum alio perfectiorem in infinitum.

**Idem naturaliter non mouetur motibus oppositis.**  
*3. Phys. T. 19.*

**D**E illis, & in illis valet, quæ sunt ab intrinseco, minimè si vnum sit ab intrinseco, & aliud ab extrinseco: Insuper valet præcisè naturaliter, non additâ arte, vel violentia. Præterea simul, & quoad totum, non diuersis actibus, & quoad partes; videmus namq; oleum, & partes in aëre ambu descendere, sed in aqua ascendere; vide supra litera A. in principio.

**Idem non agit in se ipsum. 1. de Ortu T. 46.**

**A**pprobatur de eodem secundum idem, non secundum diuersa; sic enim intellectus, inquâtm intelligit principia actû, reducit se ipsum in actum penès conclusiones: Sic quoq; voluntas in quantum vult finem reducit se in actum respectu eorum, quæ sunt ad finem. Itè approbatur de eodem secundum totum, non secundum partes; constat enim aliquem percutere se ipsum, animam erudire se ipsam, amare se &c.

Idem

**Idem non potest esse in se ipso . 4. *Phys. T. 24.***

**I**ntelligitur, non per alterum, sed per se ipsum, quemadmodum ibi tradit exemplum Philosophus de parte, quæ est in toto; Cum enim ista sit aliquid totius ex *T. 13. eiusdem citati libri*, aliquo modo esse in se ipsa potest. Itè secundariò, & per accidens, non primariò, & per se. Cæterum in compositis creatis, & subsistentibus, non in Diuinis, &c.

**SKOLION.** Tribus modis dicitur aliquid esse in alio, secundum propositam materiam, primò per identitatem, & sic filius Diuinus est in Patre; secundò per similitudinem, & sic cognitum est in cognoscente; tertio per impulsum, & inclinationem, & sic amans est in amato, & è conuersò. Secundus, & tertius excludunt esse in se, nominatum ab Aristotele, primus autem minimè: Et licet pars sit aliquod creatum, & dicatur esse in toto, vt in se ipsa, tamen non est aliquod compositum, neq; per se subsistens, de qua &c.

**Idem non potest esse prius, & posterius . 3. *Physic. T. 11.***

**C**urrit de eodem, secundum eandem rationem, non secundum diuersas; Cælum enim est prius homine, secundum originem, sed non secundum perfectionem, propter quòd hoc habet magis rationem finis, quàm Cælum. Insuper currit reduplicatiuè, non per circumlocutionè, nam tali modo, quod est posterius, potest euadere prius, & quod prius, posterius. Cæterum in eodem genere, non in diuerso.

Idem specie effectus non producitur à diuersis secundum speciem. 7. *Met. T. 28.*

**I**N recto sensu manet de agentibus immediatis, habētibus operationes determinatas ad determinatos effectus, sicut ab arte, & à Natura, non de agentibus remotis, quale agens est Deus, qui non habet operationem determinatam ad aliquem effectum, imò vnâ solâ operatione potest omnes effectus, quos vult, producere, & ideo eundem effectum specie, quem Natura producit, Deus potest sine operante Natura producere.

Id, quod incorruptibile est nequit esse pars rei corruptibilis. 10. *Met. T. 26.*

**V**Alet de incorruptibili, tam secundum essentiam, quàm secundum existentiam, non secundum essentiam tantum; hinc est, quòd Arist. vult vniuersale esse partem singularis, quod est corruptibile, & anima rationalis pars hominis, qui tamen moritur, & desinit. Item de illo incorruptibili, quod, neq; vt *quo*, neq; vt *quod* est ordinatum corruptibili, non de alio, vt anima nostra,

Ignorantes puniendi sunt. 3. *Ethic. cap. 5.*

**I**Ntelligitur de ijs, qui ignari sunt ignorantia prauæ dispositionis, non puræ negationis. Amplius, si non nitantur, se ab illa liberare, aut voluntariè discedere, secus, minimè.

SKOLION. Iuxta Arist. 1. *Post. cap. 9.* per totum. Ignorantia duplex est genus, aliud puræ negationis, & aliud prauæ dispositionis. Ignorantia puræ negationis est simplex nescien-

scientia terminorum, & subiecti alicuius scientiæ, quam qui habet, interrogat, tam simplici modo, vt putet etiam Geometram illi posse respondere de numeris, qui tamen sunt proprij Arithmetici, & pariter Arithmeticum de lineis, & superficiebus, quæ sunt propriæ ipsius Geometriæ, & ista (secundum Capharellum in Comment. dicti i Tex.) est in nobis à natura, & consequenter eam pueri habent respectu omnium scientiarum. Ignorantia prauæ dispositionis est notitia dubia alicuius conclusionis, ob prauam opinionem, vel circa eam, vel circa media ipsius, quàm qui habent interrogant scientificos, non vt doceantur (quia hic est tenor prauæ dispositionis) sed vt ab eis aliquid trahant, quo, vel eos obiurgare, vel conuincere possint, vt est ignorantia scelestium Hæreticorum respectu Catholicæ Fidei, quæ porro ignorantia perniciofa, & damnosa est.

*Caphar.  
in Com.  
1. Post.*

### Ignorato motu ignoratur, & Natura. 3. *Phys. T. 1.*

**V**lt intelligi de ignorantia respectu *quid* ipsius Naturæ, non respectu ipsius *si est*. Item quando à posteriori quæritur natura, quia motus propria passio est Naturæ, & per passiones contingit subiecta sciri, non simpliciter, quia cum Natura sit vnum ex per se notis, à priori non indiget probari, vt infra. Amplius valet de cognitione confusa motus, non de distincta, quia sic ipse motus per naturam habet cognosci, ita Vilalpandus, Masius, Zabarella in dicto tertio. Tandem verum in ratione subiecti, quia ignoratâ passione propriâ, per propositionem complexam, opus est ignorare subiectum, hoc est nescire definire, non alio modo.

*Vilalp.  
Masius.  
Zabarella.*

SKOLION. Dicitur à Philosopho, quòd ignorato motu ignoratur & Natura, non verò ignoratâ quiete, quia motus est notior secundum se ipsâ quiete; item quia quando vnum

con-

contrarium est ex alio cognoscendum facilius ex positio per vacuum, ut ex motu quies cognoscitur, ex eo, quod facilius per habitum cognoscatur priuatio, quàm è conuersò. Accedit, quod motus, de se, & communiter, præstantior est ipsâ quiete, cum corpora Cælestia semper moueantur, & nunquâ quiescant, quæ secundum Carpentarium in Descriptione terræ cap. 7. Skolio 1. quædam perfectio est,

*Carpent.  
in Desc.  
Terra  
c. 7.*

**Illa in quorum materia non est principium actiuū  
fiunt tantum ab arte. 7. Met. T. 29.**

**P**ostulat sic intelligi, ut ea, quæ inter se non habent, & exeant in actum, ab arte, vel à casu fieri, non respectu actus primi, pro quo

SKOLION. Aliqua sunt, quæ & ab arte, & à casu fiunt, ut secundum Arist. sanitas, quæ & arte, & deambulatione fieri potest; alia verò ab arte tantum, ut domus, & ratio primi est, quia in illis datur pars aliqua, quæ potest aliquando esse principium coadiuuans, ut est calor naturalis respectu sanitatis, non respectu secundi, quoniam lapides, & ligna non habent internum principium, quod adiuuet, aut ancilletur productioni domus,

**Illa sunt vnum, quorum principia sunt vnum.**

**12. Met. T. 22.**

**V**aleat de vno vnitate analogiæ. non numerica, vel specifica. Item de principijs proximis, non remotis, aut primo primis, sicuti sunt Deus, & Coelum: Rursus vnum ordine non naturâ, siquide in omnia à Deo sunt, & in ipsum plenè ordinantur, & tamen, præter ordinem præscriptum, non sunt vnum, at plura, & distinctissima.

**Illud**

**Illud non fit simpliciter, cuius partes non fiunt.**

*7. Met. T. 27.*

**V**ero subest de factione completiua, non subiectiua; certum enim est, quod materia nunquā fit, & tamē est pars compositi, quod simpliciter fit ex 1. *Phys. T. 64.* Cæterum subest vero de partibus formalibus, & proximis, non de materialibus, & remotis. Item per productionem, quæ physicam transmutationem importat, non de alia.

**Illud magis diligitur cuius oppositum magis odio habetur. 3. Topic. cap. 4. & 7. Ethic. cap. 2.**

**O**primè procedit, quando maius eligendum non includit minus eligendū, secus minimè; vnde non sequitur magis odio habemus nō viuere, quā benè viuere, ergo magis est eligendum viuere, quā benè viuere, quia in benè viuere stat etiam inclusum ipsum viuere, quod totum confirmatur ex interpretatione alterius Effati huic connexi, illud est maius bonum, cuius oppositum est maius malum, in 7. *Ethic. cap. 5.* nam interpretatur verum in bonis disparatis, quorum vnum non supponit aliud, non è conuersò, nam secundum Arist. non valet Euchia est magis bonum, quā sanitas; ergo oppositum Euchiæ est maius malum, quā ægritudo.

**SKOLION.** Oppositio aliquorum, quando non est vni-formis, non importat dictam veritatem; vnde non est opus concludere, si odire est maius malum, quā ignorare; ergo ipsum diligere est maius bonum, quā cognoscere, & scire; non enim vtrobiq; par ratio est, siquidem odium opponitur dilectioni contrariè, ignorantia verò priuatiuè, & secundum etiam Alios contradictoriè.

Illud,

Illud, quo fit motus debet moueri, & moueri.

8. *Phys. T. 37.*

**I**ntelligitur verum de motione primaria, & principali, non de secundaria; Afferunt enim Historici Torpedinem piscem primò commouere rete, & secundariò manum Piscatoris, & eò tunc ipsa non mouetur. Amplius de mouete physico, & dependenti à primo, non de ipso primo.

Illud, quod se habet ex additione ad aliud in simplicissimo inueniri non potest. 2. *Met. T. 41.*

**R**ecè verificatur de additione entis, non modi; vnde scientia in Deo, non ex additione per modum entis ad essentiam habetur, at solummodò per modum intelligendi; qua de re importat modum alterius perfectionis ab essentia, non verò aliam perfectionem: Similiter verificatur de addito realiter distincto, non virtualiter solùm.

Illud, quod mouetur est in loco determinato.

5. *Phys. cap. 1. T. 8.*

**A**pprobatur de eo, quod mouetur per se, non per accidens; Item de eo, quod propriè, & adæquatè mouetur, non de alijs, & ob hoc materia prima, si moueretur, impropriè esset in loco, sicuti locus ipse materialis, qui est superficies, & punctus, qui terminat lineam, & positionem habet in ea: Amplius, vel definitiuo, vel circumscriptiuo, non circumscriptiuo solùm,



**Imaginatio nata est esse principium motus localis.**  
*cap. 3. de Anima T. 48.*

**O**ccasionaliter, & dispositiuè hoc intelligitur non formaliter; etenim imaginationem consequuntur animæ passionēs, iuxta quas mouetur, & per ipsum commotio fit spirituum, à quibus totius corporis motus efformatur, iuxta ea, quæ 3. p. q. 13. art. 3. ad 3. docet D. Tho. Amplius in subiectis determinatis, non quomodocunq; quoniam inanimata principium habent motus localis, & planè imaginationem non habent:

*D. Tho  
p. 1. q. 13.  
a. 3. ad 3*

**Immaterialitas est ratio cognoscendi. 2. de Anima T. 121.**

**V**aleat de cognitione intellectuā, & abstrahente, non de sensitiua. Item ut quo; est. n. ratio, per quam aliquid est cognoscituum, vnde secundum modum immaterialitatis est modus cognitionis, propter quod primum mouens, cum existat in summo gradu dictæ immaterialitatis, est quoque in summo gradu cognoscibilitatis, se ipsum per se ipsum intelligendo ex Philos. 12. *Metaph. T. 39.* non de immaterialitate, ut *quod*, ita Matthæus Aquarius in 12. *Metaph. Dilucid. 5.*

*Matth.  
Aq. 12.  
Me. Di-  
luc. 5.*

**Impossibile est fieri vnum per se; nisi alterum sit in potentia, & alterum in actu. 8. Met. T. 16.**

**V**erum de vno per se substantiali, & physico, cuius partes sunt materia, & forma, non de alijs compositis per se. quomodocunq; vocatis, ut sunt numeri; cum enim vnitates

T

iplos

ipſos componentes ſint æquales, non videtur, quòd vna ſit potentia, & altera actus, at benè in phyſicis; vide ſup. lit. E.

**Impoſſibile eſt prudentem eſſe malum. 6. *Ethicor.*  
cap. 8.**

**D**E malitia politica ſtriètè intelligitur præſens Effatum; Inſuper de omni practica, & morali, non de rationali, & ſpeculatiua, quæ internos reſpicit actus.

SKOLION. Prudentia in practicis non contrariatur veritati ſpeculatiuæ, ſed malitiæ factiuæ, & morali; quapropter prudentia, dicta, tam de illis, quàm de iſtis non ſeruat veritatem Effati Ariſtotelici, benè autem de iſtis ſolùm.

**In Æternis non differt eſſe, & poſſe. 3. *Phyſ. T.*  
32. & 9. *Met. T.* 17.**

**P**Rocedit verum in ſimpliciter perpetuis, & quæ ſunt completa tota, non in partibus, & ſecundùm quid ſolummodò perpetuis: Sic materia prima æterna eſt ex 1. *Phyſic. T.* 82. & tamen poteſt varia eſſe ſuſcipere, vnum poſt aliud, vt ferri, ligni, lapidis, &c. Sol quoq; perpetuus eſt, & tamen eclypfari poteſt, qui actus eclypfationis, dùm ſit, videtur deſtruere illud poſſe. Inſuper procedit de poſſe paſſiuo, non actiuo, quoniam ex D. Thoma in de Potentia Dei q. 3. art. 14. potentia paſſiua non præcedit eſſe, neq; conſequitur; potentia autèm actiua benè, ſiquidèm libera eſt, propter quòd Deus multa poteſt facere, quæ non facit. Cæterùm procedit de poſſe ad eſſe, quod ſubſtantium eſt, non de poſſe ad agere, quod eſt de genere qualitatſ, ita ad vnguem Ioannes de Neapoli, in Quæſtionibus diſputatis q. 23. puncto 5. ad 6. Prætereà de illis æternis, quæ ſunt talia per eſſentiam, non per.

*D. Tho.  
de Pot.  
Dei q. 3.  
ar. 14.*

*Jean. de  
Neap.  
q. 23. pñ.  
5. ad 6.*

per participationem. Vterius respectu eorum, quæ sunt ad intra, non ad extra, vnde Deus ab æterno potuit esse Dominus, & Creator, & non fuit, idest in actu exercito non fuit, deficiente termino correlatiuo, qui est Creatura.

In abstractis à materia idem est intellectus, intellectio, & res intellecta. *3. de Anima T. 9. § 15.*

**V** Aldè verum de illis Intelligentijs, quæ in intelligendo nullo modo pendet à corpore, vt à subiecto, nec vt ab obiecto, & ideò de illis, quæ minimè simplicia sunt, vt est Deus, licet enim de primis Intelligentijs credant multi Arist. hoc voluisse, ramen de solo Deo respectu omnium dictorum trium verificari, autumasse fatetur Auerroes in Commét. 5 1. 12. Metaph. vbi reddit rationem hanc, quia in solo Deo primo ente quidditas, & essentia sunt idem simpliciter, & omnibus modis, quoniam ipse solus est ens per essentiam, & quidditas absoluta; alia verò cuncta habentia quidditatem, & ab eo dependentia.

*Auer.  
Cóm. 51.  
12. Me.*

In definitionibus accidentium ponitur substantia.  
*7. Metaph. T. 20.*

**S** Vbifit de accidentibus in concreto, non in abstracto. Amplius primò intentionaliter, & physicè, quo pacto dicitur accidens definiri per additamentum, non secundò intentionaliter, & metaphysicè.

SKOLION. In definitionibus accidentium concretorum subiectum est genus, in definitionibus verò eorundem in abstracto minimè, sed potius differentia: modò genus, & subiectum est summè necessarium in definitione, & proindè cum substantia sit talis, sequitur, &c.

In differentijs consistit esse rei. 8. *Metaph. T. 5.*

**C**Vrrit de differentijs essentialibus, & vltimis, non de accidentalibus. Insuper tanquàm in signis, non tanquàm in principijs quidditatiuis; Et quia formæ substantiales, & principia essentialia rerum sunt nobis ignota, idè oportet, quòd vtamur differentijs accidentalibus in designatione essentialium, & ita per accidentales peruenire ad cognitionem essentialium, & speciei.

Indiuisibile additum indiuisibili non facit maius.

6. *Phys. T. 4. § 5.*

**S**Vmitur certum per modum continuationis, non per modum discreti; conspicimus enim vnitatem (quæ est indiuisibilis) additam alteri facere numerũ, & quid maius. Item respectu quanti quantitate molis, non virtutis. Vbi animaduertisse iuuabit, quòd etiam si compositum ex indiuisibilibus quoad formam continui sit indiuisibile, attamen sub forma discreti est diuisibile, quia talis est materia discreti, & forma idem est, ac natura rei ex 3. *Phys. T. 17.* & propter hoc numerus, licet sit diuisibilis, componitur ramen ex vnitatibus indiuisibilibus. Insuper verum de indiuisibili reali, vt *quo*, & vt *quod*, non ex suppositione; & vt *quo* tantum.

Indiuisibile non potest alterari. 6. *Phys. T. 32.*

**C**Vrrit de indiuisibili habente positionem in continuo, vt est punctus, non de indiuisibili substantiæ. Amplius de alteratione physica, & propria, non de metaphysica, & impropria, sicuti est intellectio, volitio, &c. respectu Angeli, & hominis, & ratio est, quia physica alteratio est propter generationem.

rationem, indiuisibilia verò, generis substantiæ, incorruptibilia, & ingenerabilia sunt, vndè &c.

**Indiuisibilia non sunt de essentia continui. 6. *Phys.***

**T. I.**

**I**Ntelligitur de essentia abstractiuo modo, non concreto, hoc est de conceptu essentiali, vt e. g. vnum relatiuum. non est de essentia alterius, & tamen est de conceptu essentiali illius, cum nequeat esse absq; eo: Itèm de essentia, hoc est de constitutiuo, & causatiuo illius, non de terminatiuo; clauditur enim terminis indiuisibilibus quodq; continuum.

**Indiuidua eiusdem speciei æqualia sunt. 3. *Metaph.* T. II.**

**I**N Cardine veritatis est de æqualitate secūdum essentiam, quoniam essentia vnius, putà Petri e. g. non est magis, vel minus in Carolo, quàm in ipso, non secundum operationem, vndè est, quòd alia indiuidua sunt secūda, & fortia in operatione, alia non: Et quamuis operatio sequatur esse e. g. 2. *Gal. T. 17.* & essentia sit eadem, tamen remotà solū potentia operandi est eadem, non proxima, quæ à multis impediri potest, aut ob organorum prauam dispositionem, aut ab extrinsecis.

**Indiuiduum est incommunicabile. 5. *Metaphys.***

**T. III.**

**A** falso longè distat attributiue, non effectiue, siquidè vnum indiuiduum potest esse causa adæquata alterius; vndè videmus vnum ignem communicare, etiam aquæ suum calo-

calorem, & vnum magistrum suis discipulis doctrinam, quam possidet. Amplius incommunicabile, vt fiat alterum se, non, vt non producat alterum sibi simile, quod pariter indiuiduum sit.

Inferiora in entibus gubernantur secundum superiora. 12. *Met. T. 44. § 1. Metheor. c. 1.*

**D**E gubernio, & regimine physico intelligitur quoniam opus est inferiora moueri à superioribus, ex 1. *Metheor. cap. 1.* non de gubernio morali, quandoquidem in his multa sunt præter naturales actiones corporum, & idcirco quasi Cœlo reluctante, quia quod obsoletum est, secundum Cœlestia non videtur esse, vt potè quæ semper vniformia sunt, & regularia. Itẽm de inferioribus secundum gradum naturalitatis, non rationalitatis, & libertatis.

In fundamento naturæ nihil est distinctum. 7. *Metaph. T. 49.*

**P**rocedit de fundamento naturæ logicè accepto, non physicè; non enim omnia physicè conueniunt, quæ logicè benè coincidunt, propter genera, & communia superiora. Item totaliter, & sufficienter, minimè partialiter, & radicaliter, quod dicunt Alij inadæquatè, Alij inchoatiuè, vide infrà de pura potentia lit. P.

Infinitem est, quo non est dare maius. 1. *Cœli T. 130.*

**A**D vnguem verificatur, dùm in infinito consideratur id, quod est potentia, non quod est actu. Itẽm valet in

in illo ordine in quo est infinitum, non extrà illum. Rursùs formaliter, non materialiter: Sic de infinito simpliciter, non secundum quid.

Infinitum nequit per mensuram definiri. 3. *Physicor. T. 34. 65* 1. *Cæli T. 1 30.*

**P**rocedit de mensura per modum numeri, & quantitatis dimensionis, non per modum unitatis, siquidè tali modo æternitas, & Ævum sunt mensuræ, & mensuræ infinitæ. Amplius per mensuram certam, & definitam, ut per bicubitum, tricubitum, &c. non per mensuram semper durabilem, qualem existimavit Aristoteles tempus. Item geometricè, hoc est à mensura determinata claudi, & metrum pati, non logicè tantum.

Infinitum non potest esse ex principio aliquo.  
3. *Phys. T. 30.*

**V**aleat probabiliter, non necessariò. Item de principio magnitudinis (quod quantitatis principium dicitur à D. Thoma 3. citato lect. 6.) non originis, & idèò Mundus, licet infinitus ab Aristotele dicatur, tamen ab aliquo principio efficienti, putà à Deo creante esse dicitur, ut infra.

Infinitum quoddam totum est. 3. *Phys. T. 65.*

**C**ertum manet ex qua parte actu est, non ex qua potentia est, nam sic habet rationem partis, non totius; siquidè materia, cuius rationem habet infinitum, comparatur ad totum, ut pars. Item de absoluto, & simpliciter; non de secundum quid, aut syncategorematico, quod cum ratione  
totius

rotius, quod cum perfecto coincidit, *ex 3. Phys. T. 64.* remouetur.

In genere latent æquiuationes. *7. Phys. T. 31. & 2. Post. T. 22.*

**I**ntelligitur de æquiuationibus physicis, & proximis, non logicis; Cum enim genus non sit simpliciter vnum, quoniam non sumitur ab vltima forma reali, vt faciunt species, propterea cum sub genere sint istæ variz formæ, & species, varijsq; modis prædicentur, dicitur in genere logico latere æquiuationes, non autem in physico: Vide Alama-  
*Alam. in Prædicab. Porphyrij q. 8. art. 2.*

*Pcr. q. 2.* SKOLION. Simpliciter vnum in præsentiarum dicitur, quod est vnum physicè, & tale porro non est genus, vt habemus ex D. Thoma 7. Phys. lect. 8. sed logicè solùm, hoc est per rationem, quemadmodum 2. Post. T. 27. appellat Arist. ipsum vniuersale; Species verò, cum sit vnum quod logicè, & physicè, & sumatur ab vltima forma, putà ab extrema differentia, ens vnum simpliciter dicitur.  
*D. Tho. 7. Phys. lect. 8.*

In habentibus symbolum facilior est transitus.  
*2. de Generat. T. 25.*

**S**ic usurpatur, vt minor sit resistentia in illis, non autem, quia aliquid corrupti remaneat in genito *ex 1. citato T. 23.* Item ob primas dispositiones facilè introducibiles, non propter formam solùm: Item facilior transitus accidentalis, & penès accidentalia, non substantialis, &c.



In illis, quæ sunt eiusdem speciei, si vnum est intentum à natura est, & reliquum. 2. *Cæli T. 41.*  
 & 1. *Topic. cap. 13.*

**C**Vrrit de illis, quæ sic sunt eiusdem speciei, vt etiam sint earundem dispositionum, aliter non, quoniam dispositio potest esse causa, vt vnum ab instituto Naturæ tollatur; quapropter etiam si homo monstruosus sit eiusdem speciei cum homine perfecto, nõ tamen est per se ille intentus à Natura, benè autèm iste. Itèm principaliter, at non eodem modo, ob impedimenta, deprauantia fortè vnum, quòd nõ aliud.

In pura potentia non est distinctio. 7. *Met. T. 49.*

**P**Rodest veritati in simili sensu, vt scilicet ipsa potentia non sit primum distinctiuum, & intrinsecum sumptum ab intrinseco; benè autèm secundarium, & intrinsecum sumptum ab extrinseco. Itèm verum de distinctione formali, & specifica, non de fundamentali, vt supra.

SKOLION. Duplex datur intrinsecum, aliud ab intimis essentiæ proueniens, & tale procul dubio non inuenitur in materia, quo possit distinguere alia, & distingui, logicè tamen loquendo, non physicè, quia sic exponitur communiter dictum superiùs huic connexum in fundamento Naturæ nil est distinctum. Intrinsecum ab intrinseco est aliud, & est tale, quod etiam si extra suam quidditatem trahatur ab alio, tamè sic tenaciter cum illo iungitur, vt euadat illi intrinsecum, quo pacto dicunt Metaphysici alium terminum relatiuum esse de essentiæ alterius, & in hoc sensu, contra Egidium de materia Cæli dicunt Thomistæ, ac principaliter P. Rubeus, ex Alijs eam scilicet à nostratium materia distinctam esse.

P. Rub.  
1. de Cæ-  
lo.

In quouis genere est vna prima contrarietas.

1. *Phys. T. 50. & 56.*

**A**pprimè verum de contrarietate primarum differentiarum, quæ communis est omnibus generibus, non depositiua, qualis est contrarietas primarum qualitatum, seu tertiæ speciei qualitatis, medijs quibus fiunt mutuæ elementorum alterationes, deindè mixtiones, corruptiones, &c. Amplius verum de logica contrarietate, quæ, secundum exemplum Porphyrij, à prædicatis repugnantibus exoritur, non de physica, quæ cadit in extremis, nullo modo se compatientibus, at se destruentibus ex cap. 1. Post prædicamentorum.

In quauis scientia supponendum est, quod dicitur per nomen. 2. *Post. T. 1. & 1. eiusd. T. 40.*

**V**lt intelligi de nomine, vt quoddam analogum est; non vt vniuocum solùm. Insuper de nomine participialiter, videlicet, vt connotat existentiam, non nominaliter tantùm, vt dicitur à Metaphysicis connotare essentiam. Item respectu sui subiecti, & principiorum, non aliter.

In nulla definitione debent poni contraria. 6. *Topicor. cap. 1.*

**S**imul, & eodem tempore intelligitur Effatum, non diuerso tempore, & seiunctim. Cæterùm de contrarijs propriè dictis, non de improprijs, & per antyparistasim sic vocatis, quo pacto Arist. 1. *Phys. T. 44.* dicebat media interdum contrariari extremis, quando nempe vnum cum extremo confertur, quia induit rationem alterius extremi, vt viride  
cum

cum nigro, quod viride in tali casu, gerit vices albi. Insuper contraria, respectu eiusdem definiti, non diuersorum, aut aliâ ratione sumptorum secundum Alios.

**In quouis motu contrarietas est. 3. *Phys. T. 10.***

**S**ubsistentiam habet de contrarietate disiunctam, scilicet, vel de propria, vel de impropria, non coniunctam, siue de propria tantum: Similiter penes terminos à quo, & ad quem denominantes illum motum, non penes entitatem. Cæterum de motu propriè dicto, non de mutatione, quæ est motus improprius, vt supra.

**In quauis natura, quæ est quandoque in actu, & quandoque in potentia oportet ponere aliquid, quod sit, sicut materia. 3. *de Anima T. 17.***

**V**aleat adæquatè de anima intellectiua, non de sensitiua, siquidem obiectum sensitiuæ, cum sit aliquod particulare, nec in sensum, nec in medium imprimit speciem alterius generis, cum semper in utroque species sit particularis, & materialis, at intellectus possibilis potest recipere speciem alterius generis, putà species vniuersales, & immateriales; ex quo fit, vt in intelligendo indigeamus intellectu agente, quid non contingit in sensu, de ipso agente, propter quòd rectè concluditur omnes potentias sensitiuas esse passiuas. Item sicut materia, ob indifferentiam, non a lio modo.

In quouis genere est deuenire ad vnum primum.

8. *Phyf. T. 34. & 2. Met. T. 1.*

**V**aldè clarum remanet in subordinatis, non in alijs, & maximè sensu absoluto; siquidè in Grammatica non est deuenire ad vnam primam literam, sed ad multas primas, quæ non subordinantur, sed æqualiter primæ sunt, sicut etiam in naturalibus quatuor simplicia corpora æquè prima sunt, & non dicitur esse deueniendum ad vnum determinatum illorum.

In quouis motu non est dare primum mutatum.

esse. 6. *Phyf. T. 40.*

**S**ubsistit de motu in cõmuni, quia per Arist. 6. *citat. T. 53* omne tempus est inter duo nunc, & omnis motus inter duo mutata esse, non in particulari; opus est enim, quòd in quouis motu particulari detur primū indiuisibile, cum eiusdem rationis sit inceptio, & terminatio in omnibus cõtinuis, siuè permanentibus, siuè fluentibus 6. *Phyf. T. 59.* propter quæ Arist. non admittit primum mutatum esse in motu, bene autem primum indiuisibile motus. Item respectu subiecti, non respectu termini. Vbi decet notare, quòd licet implicet duo instantia immediata per ordinem ad eundem motum, non tamen implicant per ordinem ad diuersos.

In qualibet causa præexistit similitudo effectus.

5. *Metaph. T. 2. & 3.*

**I**ntelligitur hoc Effatum per se, non per accidens, & propter hoc bonum poterat esse causa mali, non quidem per

per se, cum oporteat causam esse similem effectui, & è conuersò 5. *Met. T. 2. & 3.* sed per accidens. Item respectu naturæ, & speciei, quinimò, & immediatè sequentium hâc naturam, non respectu aliorum.

In specie athoma debet esse comparatio. 7. *Phys. T. 24.*

**I**Ntelligitur de comparatione physica, quæ rigorosè vnitatem naturæ requirit, & species verè natura est 7. *Metaph. T. 43.* non de logica, & metaphysica, cum isti Scientifici habeant solam vnitatem conceptus secundum rationem, non vnitatem formæ considerare, sicuti Physicus. Item de propria, & vniuoca comparatione, non de impropria.

In sempiternis casus esse non potest. 2. *Cæli T. 33.*

**S**ubsistit, quatenus in eis non datur aliquid recipere, ad quod non essent ordinata, propter quod Cælum nouam maculam non contrahit, neq; Sol novos splendores, minimè verò in tali sensu, quòd vna pars non possit aliam impedire; vna namq; intellectio, quantumuis spiritualis, potest effectū alterius impedire, existente inconcussio Arist. dicto 2. *Topi. corum capite 4.* multa contingit scire, & vnum intelligere. Cæterum directè, non indirectè, ita Lucius Bellantius in de Veritate Astr. q. 2.

Lucius  
Bell. in  
de Ver.  
Astr. q. 2.

Intellectus agens non aliquando intelligit, & aliquando sic, vt possibilis. 3. *de Anima T. 18.*

**D**E intellectu agente, quantum est ex se, intelligitur, nō ex parte possibilis, qui cū impleatur per species intel-

telligibiles à sensibus abstractas non semper intelligit, aptus tamen est semper intelligere ipse agens. Accedit, quòd intellectus possibilis est de potentia in actum deducendus ex 3. de Anima T. 4. intellectus verò agens semper in actu ex eodem 3. T. 20.

**Intellectus agens facit intelligibilia in potentia actu intelligibilia. 3. de Anima T. 18.**

**V**erum est dispositiue, non formaliter, quoniam intellectus agens non intelligit, & tamè ab actu intellectus dicitur intelligibile actu. Amplius inchoando, non terminando, cum ipse nò iudicet quicquam de obiecto, sed solum illustret phantasmata, nouissimè à sensu percepta, mox ab intellectu possibili intelligenda.

**Intellectus agens est à corpore separatus. 3. de Anima T. 21.**

**I**ta hoc Effatum intelligitur, quòd eius operatio non sit per organum corporeum, vt contingit de sensu, non autèm, quòd sit actu separatus à corpore, habens esse extra ipsum. Item quia in sua entitate potentia non est mixtus, aut continuatus cum corpore, ad modum partium quantitatarum, non in tota sua perfectione.

**Intellectus non est potentia libera, sicut voluntas 9. Metaph. c. 1. & 3. de Anima T. 49. & 50.**

**C**oncipitur verum respectu exercitij, secundum quod subditur intellectus imperio voluntatis, nò respectu obiecti, quia sic aliquando subditur imperio Naturæ, vt in illis, quæ

conuincunt intellectum, & aliquando voluntatem, vt in ijs, quæ non adeò ipsum conuincunt, vt non possit assentiri, & dissentiri ijs, aut saltèm suspendere assensum, quia in similibus, assensus, vel dissensus est in nostra potestate, & sub dominio voluntatis cadit.

**Intellectus non est singularium. 2. de Ani. T. 60.**

**P**ostulat intelligi de illis singularibus, in quibus natura speciei indiuiduatur per materiam, & quantitatem, nõ de illis, quæ absq; materia subsistunt, sicuti, secundum Scotistas, sunt Angeli. Amplius directè, non reflexè. Cæterum, tanquam de obiecto proprio, non improprio, vide infra literâ S.

**Intellectus, qui non est in potentia non cognoscit priuationem 3. de Anima T. 25.**

**I**N hoc sensu vult accipi, quòd non cognoscit priuationem per priuationem in eo existentem; vnde est, quòd punctus, & alia indiuisibilia per priuationē diuisionis agnoscuntur, & causa est (inquit D. Th. 1. Summæ q. 14. art. 10. ad 1.) quia formæ simplices, & indiuisibiles non sunt actu in intellectu nostro, sed in potentia, benè autèm per habitum oppositam, & sic Deus cognoscit mala, & notitiam habet vitij, ac peccatorum à se puniendorum, & tamen eius Intellectus non est in potentia.

*D. Th.  
1. p. q. 14.  
art. 10.*

**Intelligere est quoddã pati. 3. de Ani. T. 12. 628.**

**D**E passione pefectiua vult intelligi, non de corruptiua. Insuper de intelligere, quod est actus potentiæ cognosci-

scitiuæ, quæ prius erat in potentia, quàm in actu, non de alio, ut est pro certò ipsum Diuinum intelligere semper actiuum, & nunquàm passiuum. Vtèrius in recipiendo, non in terminando; siquidèm intelligere, ut est iudicare, etiam apud nos actiuum est, & non passiuum; Ut autèm est receptio speciei impressæ benè passiuum est, quia omne recipiens patitur, ut infrà.

**Intelligere, & sentire sunt quidam motus. 3. de Anima T. 28.**

**D**E motu lato modo sumpto currit Effatum præsens, nõ stricto modo; motus enim per se, & strictè sumptus est actus imperfecti, ex 4. *Phys. T. 40.* & intelligere, ac sentire sunt actus perfecti. Item quidam motus ratione realis immutationis, non transitus, per quem ab agente aliquod transeat in passum, ut supra. Amplius motus in anima, hoc est alterationes, quibus de non intelligente anima fit intelligens, ut scribitur 3. *de Anima T. 4.* non in toto composito, quo physicè dictum se habeat postquàm antè, ut infrà.

**Intelligere diuersificatur secundum diuersitatem rei intellectæ. 3. de Anima T. 35.**

**V**Erum est obiectiuè, non essentialiter, itaut secundum essentiam mutetur, & fiat alio modo, videlicet non per phantasma, nec per speciem intelligibilem. Item quoad iudicium, & assensum, non quoad rem entitatiuè, aut materialiter sumptam. Rursus quoad actum particularem, & secundum, non primum, & habitualement.



Intelligibile quædam est perfectio intelligentis.

3. de Anima T. 13.

**V**olet per inherentiam intentionalem, & ceû per modum formæ, non efficientis, quoniàm, quod non est causa alicuius, neq; perficit ipsum per modum efficientis; & planè intelligibile non est tale; vndè rectè dixit Themistius 3. de Anima Com. 8. quod intellectus habens lapidem in esse abstractionis non demonstratur lapideus.

Them.  
3. de A.  
anima  
Com. 8.

Intellectus, & intelligibile relatiuè refferuntur.

3. de Anima T. 3.

**I**n ratione obiekti, & potentie intelligitur Effatum, non in valore actus, quoniàm nihil intellectus est in intelligibili; benè autèm aliquid eius, quod intelligitur est in intellectu; Itèm non primâ relatione, quæ secundum esse appellari solet, at secundâ, quæ secundum dici inscribitur, & non fit per vni-formem flexionem, vt fieri dicitur de prima.

Intra fieri rerum nunc sequitur id, quod fertur.

4. Phys. T. 104.

**V**tiquè verum in hoc sensu, quod sicuti vnum mobile, ea ratione, qua successiuè, & continuò in alia, & alia parte spatij est, possidetq; istud ratione motus, sic existentia ipsius mobilis vna, & eadè in vno, & alio momento est nunc, ex cuius fluxu fit tempus, omnibus nunc à nobis designatis, correspondens. Itèm quia sic est diuisibile tempus, sicuti motus, & è conuersò ex 6. Phys. cap. 2. non alio modo.

**Intellectus intelligens maximum intelligibile non  
quiescit. 3. de Anima T. 7.**

*D. Tho.  
de Spir.  
Creat.  
art. 10.*

**I**ntelligitur simpliciter, non in aliquo genere; non enim implicat in aliquo aliquid virtutem habere infinitam, & non in alio; sic enim visus aptus est ad colores infinitos videre, & non ad paruum sonum sentire; quod censet simile Diuus Thomas in de Spiritualibus Creaturis art. 10. ad 7. de nostro intellectu, & abstractis à materia, itaut, si sit aptus ad omnia hæc inferiora intelligenda, non sit postea aptus ad superiora: quiescit itaq; respectu alicuius, quod distinctè cognoscit, at non respectu omnium, siuè alterius maximi, quod confusè tantum percipit.

**Intellectus est, qui facit vniuersalitatem. 1. de Anima T. 8.**

**P**ossidet veritatem in sensu formali, itaut intellectus sit ille, qui formaliter faciat vniuersale logicum per suam abstractionem, non materialiter, cum singularia sint ea, quæ collecta, per intellectum componunt materiali modo vniuersalitatem. Vtius verum in hoc sensu, vt intellectus sit ille, qui facit illam secundam intentionē, quæ dicitur vniuersalitas pluribus conueniens, aut per modum generis, aut speciei, nō fundamētaliter, à quò scilicet ista secunda dependet.

**Intellectus possibilis est aptus omnia fieri. 3. de Anima T. 4. & 8.**

**V**erissimum ad intra, & perimmanentē actionem, non ad extra, & per transeuntem; in intelligendo enim intellectus

ctus fit res intellecta, per actum dicendi, quo actu etiam Verbum Diuinum à patre productum fuisse asserunt Theologi in 1. Senten. dist. 12. Cæterum intentionali, & spiritali modo, non materiali.

**Intellectus speculatiuus per extensionem fit practicus. 3. de Anima T. 46.**

**R** Equirit, vt intelligatur, quatenus superadditur obiecto suo aliqua ratio, purà utilis, honesti, delectabilis, &c. non per aliquam extensionem quantitatiuam, quæ molis dicitur, quandoquidem, quod non est quantum, neq; sic extendi potest, & talis est intellectus. Item ex vnione plurium actuum, qui ad praxim, & exprimentū necessarij sunt, non per distractionem aliquam partium, vt contingit physicis rebus.

**Inter contradictoria nullum datur medium. In Post Cathegorijs capite de Oppos. 69 10. Met. T. 13.**

**D**E veris, & realibus contradictorijs subsistit Effatum, quæ .i. existunt; quoniam totaliter, vel forma, vel negatio formæ est de essentia subiecti; quocircà non sequitur Natura iuxta essentiam suam non est diuisa, ergo indiuisa, minimè de apparentibus contrarijs; aut quæ nondum existunt. Item subsistit de medio reali, non rationis; sic enim multi interpretâtur aliud dictum Philos. in 1. de Interp. cap. 5. putà inter affirmationem, & negationem non esse medium, cum cōtradiçtoriè opponantur; inquiunt enim, quòd formalitas aliqua mediare potest, & quòd solummodò mens Aristotelis est, quòd inter affirmationem, & negationem non datur medium, quod sit propositio vera, vel falsa; sed infrà.

Inter duos motus rectos est quies media . 8. *Phys.*

*T. 65.*

**V**ic intelligi de quiete impropria, quæ momentanea est, & propter solam distinctionem physici motus à violento, non de propria, quæ tempore mensuratur. Addunt Alij intelligendum esse Effatum de quiete negatiua, non positiua: Insuper de fluenti, non de permanenti; de mixta ex naturali, & violento, non de naturali tantum.

Inter bonum, & malum non cadit medium.

*5. Metaph. T. 2. & 3.*

**C**ohæret veritati de malo, & bono transcendentaliter, non moraliter sumptis. Insuper de medio per participationem, non per abnegationem; potest enim dari homo, qui non simpliciter sit bonus, neq; simpliciter malus, sed in aliquo bonus, & in aliquo malus, quæ tamen non est natura medij per participationem. Vbi iuuat breuiter notare, quod etiam si ens sit bonum, vt ens, non tamen omne non ens est malum; siquidem non habere oculos saxo non est malum, licet sit priuatio alicuius boni.

In tempore, & motu non est dare primam partem.

*6. Phys. T. 48.*

**F**amulatur vero de tempore, & motu generaliter, & secundum se, nō particulariter, & quoad nos; datur enim primus motus noster, & primum vitæ nostræ tempus, quod Græci apotelesma dicunt, hoc est vitæ initium. Item illo modo, quo datur in permanentibus, sed de signatiuè solum, & per conceptum nostrum.

Inter

Inter substantiam, & accidens nullum cadit medium. 11. *Metaph. cap. 1.*

**S**Tat certum de accidente prædicamentali, non prædicabili. Similiter de accidente communi, non proprio, & ab intrinseco, quod aliquo modo potest dici medium, cum supra se habeat substantiam, & infra se accidens commune, & separabile. Amplius de medio proprio, & adæquato, non de improprio, & intentionali, quod .s. quoad entitatem est accidens, sed quoad modum, substantia, ut supra.

Inter individua non est dare prius, & posterius.

3. *Metaph. T. 11.*

**P**Rocedit in ratione naturæ, non individuali tantum, in individuis namq; humanis vnum, individualiter sumptum, esse perfectius alio, & prius patet, at non in Natura: Cæterum valet de prioritate perfectionis naturalis, non moralis, ac ut similis alterius generis. Item in constitutione speciei, quæ, ut æterna habetur, non ratione propriæ existentie; constat enim patrem meum prius me extitisse.

Inter idem, & diuersum nullum medium est.

9. *Metaph. T. 4.*

**C**onsonum veritati est de ijs, quæ existunt, non in omnibus indifferenter, tam realibus, quam rationalibus. Chymera namq; cum homine non est idem, neq; ab eo diuersa, siquidem diuersitas est relatio realis, quæ postulat extrema realia: Modò constat inter chymeram, & hominem hanc non esse, cum chymera omnino ens rationale sit.

In

In quocunq; quod mouet se ipsum est mouere, & moueri. 8. *Phys. T. 27.*

**G**ermanum habet sensum de libertate antecedenti eius, qui ita mouet, non de consequenti: Insuper verum de voluntariò, secundum quòd opponitur violento, non secundum quòd à voluntate dicitur; stat enim Bruta mouere se, & tamen non habent voluntatem cum vsu liberæ electionis, sicuti habent hominēs, propter quòd dicunt Metaphysici id, quod voluntariū est in hominibus, in Brutis spontaneum esse.

Inter illa, quæ subitò fiunt, habetur simul fieri, & factum esse. 7. *Phys. T. 10.*

**V**aleat de fieri improprio, non proprio, quandoquidē fieri propriè intelligitur de re, quamdiū durat motus, cuius terminus est rei generatio, & motus propriè non est in instanti. Amplius simul est secundum sensum, non secundum intellectum, qui commodè distinguit instans ipsum temporis in plura Naturæ, &c.

Intus existens prohibet extraneum. 3. *de Anima T. 4.*

**C**onceditur de abstracto specifico, non generico, Itē subiectiuè, non obiectiuè; sunt enim res spirituales, quæ recipiuntur in potentijs absq; expulsiōe alterius; quocircā species sonoræ in aere non expellunt visibiles; nequē species memoratæ plurium obiectorum impediunt nouas, quæ quotidie per studium acquiruntur. Insuper in quantitatiuis, non in spiritualibus, & moralibus.

Ipsa

*Ipsa quæ incorruptibilia sunt, non incæperunt esse.*

*1. Cæli T. 120.*

**V**Erum est per modū naturalem, quo. s. pacto generabilia, & corruptibilia incipiunt, non simpliciter, quasi improducta omnia sint; etenim ab agente improducto existentia habuerunt, & modo superiori, ac ipsa corruptibilia, *Alam. 2. 2. q. 26. art. 1.*  
ita Alamanius ex mente D. Th. 2. 2. q. 26. art. 1.

*Ita se habet punctum in continuo, sicuti in numero vnitas. 1. Topic. cap. 14.*

**A**ncillatur vero, quoad indiuisibilitatem partium, non quoad positionem; vnitas enim multiplicata facit quantitatem discretam, & proinde multitudinem, punctus verò vnionem, & stationem; non vt pars, eius ex 6. *Phys. T. 3.* sed vt terminus; hinc est, quod ab Arithmeticeis, & Geometricis in punctis admittitur ante, & retro, prius, & posterius, minime verò in vnitatibus. Item ad inchoandum, non componendum per se.

*Ita se habet sensus ad sensibilia sicut intellectus ad intelligibilia. 3. de Anima T. 3.*

**V**aleat in ratione susceptiui, quia vterq; recipit pariendo, & species absq; materia recipiendo, non in forma, & modo, siquidem sensus recipit species particulares, aut particulariter repræsentantes, non verò intellectus, vt supra. Item in immutatione, quia vterq; de potentia, medio obiecto, & specie eius, transfertur in actum, non in iudicando, & operando.

In

In voluntario Pueri, & Bruta communicant.

3. *Ethic. cap. 12.*

**A**ccipitur verum de voluntario secundum quòd opponitur ipsi violento, nam spontè faciunt, quod faciunt, non ut dicit usum liberæ electionis. Pariter verum de pueris ante usum rationis, & adhuc in pubescentia, non cum usu rationis, & post pubescentiam, quia tunc, & respectu actus primi, & actuum secundorum à Brutis quàm maximè distant.

## L

Laboriosi citius senescunt. *In de longitudine, & breuitate vite. Cap. 3.*

**C**æteris paribus intelligitur Effatum; exsiccat .n. labor, ut dicit ibi Philosophus, & senectus sicca est, non verò cæteris imparibus. Similiter in masculis eiusdem speciei, non in foeminis; vndè clarè Aristoteles exemplum dat de Passeribus inquit Passeres masculos breuioris esse vitæ ipsis foeminis, quoniam à temperie recedunt calidi, in quo vita est, dum per frequentem coitum salaces effecti in prauam siccitatem ruunt, quòd non contingit foeminis frigidioribus, & ideo siccitati magis resistentibus.

Lac sanguis bis coctus; alter textus concoctus; alter corruptus, est. *4. de Gener. Animal. cap. 8.*

**I**nititur vero materialiter, quatenus est eiusdem substantiæ, ac est sanguis, non formaliter; in multis enim (etiam proprijs) à sanguine differt. Cæterum per exclusionem alterius

rius



terius humoris, putà excrementosi, fœculenti, & seminis, &c. *4. de Gener. Animal. cap. 5.* non chyli, qui inchoatiuè est sanguis; Opinantur enim (nec eminùs à vero) Anatomici per ramusculos paruos à ventriculo ad mammas chylum vehi, & inibi concoqui, sicq; lac enadere: Itèm arguitiùe, quia lac dulce est, sicuti est sanguis, sed crassius illo, & per Aristotelem *4. Meteor. cap. 3.* cocta crassiora, & dulciora sunt non coctis; minimè absolute, aut ex totali corruptione posthabitu.

**Lapis non est in anima, sed species, & forma lapidis. 3. de Anima T. 38.**

**P** Rocedit de forma lapidis intentionali, & obiectiua, non de reali, quæ non potest esse à lapide diuisa. Itèm clariùs secundum existentiam obiectiuam, quæ est ipsa speciei præsentia, non secundum realem, & subiectiuam; vide infra lit. R. & V.

**Lationi in orbem nulla est alia contraria. 1. Cæli T. 24.**

**I**ntelligitur super idem centrum, & sub iisdem polis, non sub diuersis his, aut super diuersos axes. Amplius intelligitur simpliciter, non secundum quid. Pariter aliâ alterius speciei subalternæ, non eiusdem; vndè videmus vnam rotam horologij ad oppositum terminum cieri, ac voluatur altera; vide supra lit. C.

**Linea ex punctis esse non potest. 6. Phys. T. 1.**

**A**pprobatur, tanquàm ex componētibus principijs, quoniam nullum continuum (vt ibi habetur) est ex indiui-

silibus; minimè tanquàm ex terminis. Amplius non ex punctis, tanquàm ex partibus sibi debitis, benè autèm, tanquàm ex vnientibus, & complentibus.

**Loca naturalia mixtorum elementa sunt. 2. de Ortu T. 49.**

**C**Vrrit, vel simpliciter, vel secundum quid, non simpliciter tantum; etenim pro quibusdam mixtis est aer; pro alijs est ignis, vt vapor; pro alijs aqua, & pro omnibus generaliter terra, sic dicente Philof. in *Paruis naturalibus*. Ceterum de mixtis perfectis, & ratione predominij eorundem, non de imperfectis, & alio modo consideratis. Addunt Alij in resolutione, & gratia ordinis Vniuersi, nō sub propria forma, cū contingat mixtum vnū esse locum alterius.

**Localis motus omnium perfectissimus est. 2. Physicor. T. 55.**

**G**ermanum habet sensum in comparatione ad omnes illos motus, qui ad accidens habent terminare, & propriè motus dicuntur, vt sunt alteratio, auctio, diminutio, &c. non de alijs, vt est generatio substantialis, & secundum alios ipsa mixtio. Item ratione suæ vniuersalitatis, quia communissimus est, & necessarius, non aliâ ratione, siuè absolute.

**Loci differentiae sunt sursùm, & deorsum. 4. Physicor. T. 42.**

**D**E loco secundum esse formale intelligitur, quo pacto volunt multi cum Vbi coincidere, non de materiali, quomodo ab Vbi ipsum sciungunt, & in isto sensu graues Inter-

terpretes respondent illi objectioni, quā dicitur differentias debere esse in eodem prædicamento, cum eo, cuius sunt differentia; & quod sursum, & deorsum sunt differentia de Vbi, & non loci, qui est quāritas; gratis enim asseritur esse de Vbi, cum de quantitate hac, quæ est locus materialis, verificetur, cōtinentū sit dicere esse de Vbi formali, & de loco materiali.

### Locus æqualis est locato. 4. *Phys. T. 42.*

**I**N confesso est de æqualitate continentia, aut superficiæ ambientis, non de æqualitate quantitatis dimensiu, quæ est secundum omnes tres dimensiones, longitudinem scilicet latitudinem, & profunditatem; sufficit enim locato locari secundum eas superficies, quibus locabile est; sed quia non est locabile secundum profunditatem, ut puta impenetrabile, propterea locus non æquatur ei, nisi secundum longum, & latum, profunditate exclusâ. Præterea verum ex parte formæ, non ex parte virtutis, quoniam locus secundum virtutem, etiam profunditatem amplectitur, siquidem terminat eam, & intra suas limites continet. Tandem de proprio, & adæquato loco, non de communi, & inadæquato, siquidem iste secundum habitum totum locatum non continet.

### Locus habet vim conservatiuam locati. 4. *Phys. T. 48. & 49.*

**S**VAM possidet veritatem de loco proprio respectu sui determinati locati, non de loco communi. Cæterum de virtute conservatiua proportionali, non de totali, quam solus Deus habere potest; hinc videmus plantas in terra, pisces in mari, perire quidem, & mori, sed difficilius ibi, quàm extra.

Locus immobilis est. 4. *Phys. T. 41.*

**S**incerè intelligitur de immobilitate secundum speciem, non secundum numerum; etenim ordo, quem dicit ad polos mundi, & centrum terræ est idem identicè, & specificè, non indiuidualiter, alioquin dicendum foret omnia esse in eodem loco. Item immobilis est, secundum suum formale, non secundum materiale; stipiti enim alligata nauis, secundum Aristot. in dicto 4. *T. 40.* potest varia loca materialia mutare, nunquam tamen formalem, cum semper æquè distet à polis mundi, & à centro terræ.

Locus naturalis alicuius corporis est, ad quem corpus ipsum naturaliter fertur. 4. *Phys. T. 48.*

**V**aleret quæ ratione locus vim formatiuam, & conseruatiuam locati habet, nõ quæ ratione superficies est. Item ratione ordinis situs, quem habet ad primum continēs; prout scilicet magis, & minus ei appropinquat, iuxta quem ordinem situs, graue est magis elongatum à Coelo, & leue appropinquatum non actualis circumscriptionis.

Locus partium, & totius idem est. 1. *Caeli T. 19.*  
 & 2. *T. 34 48. & 92.*

**P**ostulat intelligi de loco secundum speciem, non secundum numerum. Amplius de loco eommuni, nõ de proprio; siquidem locus proprius est æqualis locato, pars autem non est æqualis toti. Rursus de loco secundum partes conseruatias, non secundum quantitatem; cum enim totum sit maius suâ parte, ut infra, ex 1. Euclidis petitione 9. porro nec æqualem, nec eundem cum parte occupare poterit locum.

Acce-

Accedit, quòd pars, cum verè est vnita toti, est purè in loco potentia, & totum, actualiter; ambo tamen conseruantur, & analogicè ab iisdem qualitatibus ex 4. *Phys. T. 48.* & sequentibus duobus.

**Lumen species ignis est. *Lib. de Colorib. cap. 1.***

**V**Alet in propria materia, quemadmodum ignis in aerea dicitur flamma; in terra, carbo, &c. non extra eam, alioquin cum ignis sit corpus, & substantia, lumen esset corpus, & substantia, quòd repugnat eidem Arist. 2. *de Anima T. 69.* dicenti lumen qualitatem quandam, & actum perspicui: Item reduciuè, & impropriè, non formaliter, & propriè, ita Iacobus Carpentarius in *Alcin. cap. 10.*

*Carpent.  
in Alc.*

**M**agis denominatur aliquid per id, quòd ei conuenit per se, quàm ab eo, quod ei conuenit per accidens. 7. *Metaph. T. 16.*

**M**agis denominatur aliquid per id, quòd ei conuenit per se, quàm ab eo, quod ei conuenit per accidens. 7. *Metaph. T. 16.*

**S**ubsistit de conuenientia per se positiua, non priuatiua, quæ etiam dicitur remotionis, siquidè non rarò fit denominatio per remotionem eorum, quæ apta nata sunt inducere dispositionem contrariam, quo pacto vnitas attribuitur materiæ primæ ab Arist. 1. *Physic. T. 56.* putà, non per positionem alicuius formæ unitatis, sed per remotionem formarum diuersificantium. Item cæteris paribus, & per eam denominationem, quæ naturam specificam habet significare, non imparibus, & alià quauis denominatione.

Magis, & minus non variat speciem. 3. *Cael. T. 72.*

**I**ntelligitur verum ex parte materiae, non ex parte formae, cum enim hæc consistat in indiuisibili (eò quod formæ rerum sunt sicut numeri 8. *Metaph. T. 10.*) fit, vt variatio secundum istam sit specifica. Amplius intelligitur secundum quod magis, & minus causantur ex intensione, & remissione vnus formæ, non vt causantur ex formis diuersorum graduum, quo pacto Natura ipsa procedit à plâtis ad Bruta, & à Brutis ad rationalia, & propriè Arist. intelligendus est in habentibus formam sub quadam latitudine, vt est albedo; vnde magis, & minus album; magis, & minus frigidum suam speciem non variant.

Magis, & minus ex admixtione fiunt contrarij.

5. *Phys. T. 19* & 2. *Cael. T. 37.*

**V**erificatur de mixtis habentibus contrarium positium, non de simplicibus, & quæ carent contrario positiuo; quocirca lumen intenditur, & remittitur, & tamen non ex admixtione positiui contrarij, quod non habet. Similiter vnū elementum respectu alterius potest esse remissum in vna qualitate, & sine commixtione contrarij ex 2. *de Generat. T. 22.* & idèd propter appropinquationem, & remotionem ab eodem fit in similibus intensio, & remissio; hinc Philosoph. 2. *Cael. T. 93.* dicebat motum Cœli propinquitate largiri caliditatem, leuitatem, & motum. Tandem in naturalibus solis, non in moralibus.

Magis, & minus tale reducuntur per reductionem  
ad summum tale. 2. *Met. T. 4.*

**S**tabilem habet veritatem in effectibus positiuis, non priuatiuis, aut defectiuis, & ratio à priori videtur esse, quia vnumquodq; reducitur in causam suam, eo modo, quo procedit ab ea; effectus autem positiui habent causam positiuam positiuè influentem, quocirca positiuè reducuntur in eam; priuatiui verò, causâ istâ positiuè influente carēt, & idcō non oportet reduci in suam primam; hinc est, quòd in malo, non datur status secundum Theologos, quemadmodum in bono.

Maiores non est laus, sed honor. 1. *Elbitorum cap. 12.*

**N**egatiuè solum intelligitur de laude, non priuatiuè, nam cuiusque conuenit cultus honoris, etiam laudis opus est, quòd conueniat, ut inclusæ in honore, sed non tantum laus, hoc est propriè, cum propriè honor eos deceat, excedentes scilicet meritum solius laudis.

**SKOLION.** In hoc differt laus ab honore, iuxta Philosophum nostrum, quòd dignioribus honor datur, ut putà Deo, & propinquis illi substantijs, propter bonum supremum, quod referunt; laus autem rebus minoris æstimationis, quia scilicet non includunt supremum bonum; vnde laudare possumus aurum, gemmas, equos, &c. sed non honorare, cum hæc non sint superioris excellentiæ, nec capacia virtutis, in qua excellentia, cum supereminet Deus maximi honoris etiam solus est.

Malum non habet materiam. 2. *Magnorum moralium cap. 14.*

**V**erum est de materia ex qua, non in qua, quæ est ipsum bonum, semper enim malum in bono est, tanquam in subiecto; non positiuè quidè, sed priuatiuè, eò quòd nil ponit in bono, sed tantummodò remouet perfectionem bono debitam; vndè est, quòd solùm per accidens malum destruit suum subiectum, non formaliter, & ideo tenebræ destruant bonitatem luminis, non perfectionem ipsius aeris, in quo subsistiui sunt.

Malum non intenditur à Natura. 2. *Cæli T. 34.*

**P**rimariò, & per se vult intelligi, non secundariò, & per accidens: Insuper de malo reduplicatiuè, scilicet sub ratione mali, non sub ratione boni, vt sæpè accidit (saltem in ratione apparentiæ) & propter hoc, si corruptio aliquando ab Aristotele vocatur mala, & aliquando bona, intelligitur quòd primariò, & per se non sit bona, sed benè secundariò, cum primariò intendatur generatio, & concomitanter corruptio, ex eo, quòd generatio vnius est corruptio alterius, & è contrà 1. *de Ortu T. 17.* Sic actu, nò potètià; directe, nò &c.

Manente eadem re nequit fieri mutatio veritatis circa eam. 1. *Perihier. cap. 5. & 6.*

**Q**uantum ad essentialia, & intrinseca ratum, & firmum manet, non quantum ad accidentalia, iuxta quæ contingit frequenter veritatem rei, & enunciationis mutari.

SKOLION. Essentialia alicuius, in hoc loco, sunt ea, ad quæ signi-



significanda est institutio enunciatio; Accidentalibus verò, quæ non; unde quia hæc facillimè tolluntur, sic etiam facillè enunciatio, de vera in falsam transmutatur, propter quòd 1. *de Interpretatione cap. 6.* in fine dicebat Aristot. viuente Platone verum esse Socratem epularem, sed mortuo, minimè.

**Masculinum, & foemininum non diuersificant speciem. 10. Met. T. 25.**

**V**aleat Effatum de diuersitate specifica subiecti, non generis tantum, nam non est necesse ad contrarietatem, quam induunt masculinum, & foemininum, quòd diuersificent speciem subiecti, siquidem, & videmus contraria priuatiua hoc non facere, quoniam ea sunt, quæ sunt apta fieri circa idem, vt supra. Item ex se, quia sunt supra speciem, & materiam insequuntur, minimè formam, vt debent esse differentia, quæ specificum esse constituunt.

**Materia causa est pluralitatis, & conuenientia. 12. Met. T. 49.**

**R**ecte intelligitur de pluralitate, quæ dependet à numero quantitativo vnito ipsi materiae, non de ea, quæ est à numero transcendentali, & positiuo, qui est à forma, estq; numerus rerum, & specierum: Insuper respectu naturalium, & artificialium simul, non naturalium tantum. Rursùm de conuenientia generis, & pluralitate numerica, non de specifica.

**Materia, & priuatio sunt vnum numero. 1. Phys.**  
**T. 60.**

**I**ntelligitur verum de vno subiecto, quoniam, & accidens proprium, & subiectum identificantur ex 2. *Topicor. cap.* 1. non de vno per rationem, siue vno vnitatem formalem; imò secundum Alios, nec specificam; siquidem numerica identitas, eò tunc arguit specificam, quando nexus est per se, vt inter hominem, & animal, non per accidens, vt quando dicitur homo albus, & realis fit inter materiam, & priuationem, quæ ratio est, vt materia semper subiectiue maneat vna numero, non sic verò priuatio.

**Materia formam appetit. 1. Phys. T. 80. & 81.**

**V**lt hoc intelligi immediatè, non mediatè: Insuper de naturali appetitu, non de alio; quapropter ad desiderandam formam cogitur à Natura, ne maneat imperfecta, sub illa appetibilitate, nunquam interpollata, aut impedita, cum Natura non frustretur in suis operibus, vt supra. Item indistinctè, & generaliter, non particulariter, quia vt appetat hanc, vel illam, causa est ipsa priuatio, dicente Philosopho 1. *Phys. T. 66.* Amplius formam, vt possibilem naturaliter sibi vniri, non præteritam, nisi vt bonum absens, quemadmodum infra dicetur.

**Materia ingenerabilis, & incorruptibilis est.**  
**1. Phys. T. 82.**

**P**ostulat intelligi de generatione propria, quâ fit transitus de non esse ad esse, & quâ fit resolutio vsq; in primum subie-

subiectum commune est ex l. de Orm. T. 22. non de impropria: Insuper de materia prima sola, quæ i. *Phyf. T. 82.* definitur primum subiectum ex quo inexistente fit aliquid, cum infit, & in quod, quæ pereunt resoluuntur, non de secunda. Vtcrius per se, non per accidens.

**Materia negatione cognoscitur. 10. Met. T. 24.**

**A**pprimè verum de materia prima, & cōceptu eius adæquatò, non de secunda, & conceptu primæ inadæquatò. Item propter priuationem sibi connexam, non quia ipsa positiua non sit, ac ens reale, suâ realitate cognoscibile.

**Materia prima est vna numero omnium generabilium, & corruptibilium. 8. Met. T. 11.**

**S**pecificè, & subiectiue intelligitur, non formaliter, itaut sensus sit, quòd vna sit species, & natura materiæ, veluti vnum abstractum omnia inferiora cōcreta denominans, non vnitatem concretè reduplicata. Item secundum Iandunum vna numero negatiue, quia non est magis sub hoc esse, quàm sub illo, nec ordinata magis ad hoc, quàm ad illud, nō priuatiue.

Iandun.  
i. *Phyf.*

**Materia quodammodo pars speciei non est.**

**7. Met. T. 34. & 8. eiusd. T. 12. & 14.**

**C**omparatiue hoc intelligendum est, quia magis proprium est formæ, non autem, quia non sit pars compositi, quod in se inuoluit speciem, & naturam: Insuper de parte principali, alteri coæquali ad componendum, non de minus principali, magis altera indigente.

**Materia scibilis est per abnegationem formarum.**

*10. Met. T. 24. & 1. Phys. T. 69.*

**V**aleat de conceptu metaphysico materiae, non physico, quia sic melius cognoscitur per analogiam ad formas, iuxta Aristotelem. *1. Phys. T. 69.* aut per subiectum commune primae contrarietati necessarium, ob perpetuam rerum transmutationem, ut in *1. dicto T. 53.* asserit Philosophus. Ceterum de materia prima, & conceptu eius proprio, quatenus principium distinctum ab alijs, non de improprio, &c.

**Materia vna, & eadem amittit, & acquirit quantitates varias. 1. de Gener. cap. 1. T. 10 & 29.**

**I**ntelligitur de materia vna numero negatiue, ut supra, non positiue, quoniam materia, ex quo diuersas quantitates recipit, recipit etiam diuersas formas, nam quantitas accedens est, & accedens non acquiritur sine subiecto, quod subiectum formam importat; vnde contingit illam mutari, & penes formam, & penes quantitatem. Item sub motu augmenti, respectu quantitatis numericae, non specifica.

**Mathematicae carent fine. 3. Metaph. T. 3.**

**S**ecundum D. Thomam valet de fine mouente, non de fine, ut simpliciter finis, & terminus est; cum enim Mathematicae abstrahant a materia, & a motu, etiam abstrahere a fine opus est, ut supra tactum fuit litera B. Item a fine acquiescibili per motum, non ab excludente bonitatem, & terminationem.

**Materia conuenit pati, & moueri. 2. de Gen. T. 53.**

**V**erum est, quatenus agere præsupponit esse, & actu esse; materia autem non est actu. Item quia sola materia recipit, & transmutatur; recipere autem est pati, ut edocet Aristoteles 3. de Anima T. 4: non quia ipsa sola patiatur actus secundos, qui sunt operationes; siquidem operationes sunt suppositorum, ut supra; & ipsa sola suppositum non est.

**Maximis bonis nullus malè utitur. 6. Eth. c. 9.**

**I**ntelligitur de maximis bonis obiectis, quoniam talia sunt maximè appetibilia, & ideo à nullo odibilia; nō de bonis participatis, & propter hoc, quia Virtutes naturales, & diuitiæ non sunt maxima bona, in ratione obiecti potest aliquis illis malè uti. Item de maximis bonis bonitate vltimatâ, & consumatâ, non de alijs sic creditis, & excogitatis. Insuper quia, quâ maxima, non permittunt allici ab inferioribus, & apparentibus, non &c.

**Maximè vniuersalia sunt difficillima cognitu.**

**1. Metaph. cap. 2. in principio.**

**I**nconcuſſæ est veritatis respectu nostri, non respectu naturæ ipsorū. Item quantum ad inuestigationem passionum, & causarum eorundem, non quantum ad simplices terminos. Tandem de cognitione distincta, & in præſenti statu, non de confusa, & de illâ; quæ habetur post separationem animæ à corpore; tunc enim sine phantasmate intelligendo, ipsa, ut proportionata obiecta, habet.

Medium æquè distat ab extremis. 2. *Ethicorum*  
cap. 6.

**P** Ræcisè valet de medio inter terminos motus, non de medio, quod est inter agens, & patiens; cum enim illud importet naturam instrumenti, & instrumentum quandoque sit propinquius primo agenti, & quandoq; patienti, sic quoque medium, quod est forma, quâ agens agit semper est propinquius agenti, ut in *quo*, & patienti secundum similitudinem, & ut *ad quod*.

Medium nobilius est extremis. 2. *Ethic. c. 7.*

**V** Alet adæquatè in moralibus, deindè in ijs, quæ physicè componuntur, ut sunt mixta ex elementis, non respectu loci, vnde aer, & aqua non sunt nobiliores igne. Amplius de medio congruentiæ, ut est pulchritudo respectu decentis Matrimonij, sicuti supra, non de medio essendi. Cæterum de harmonico, non Arithmetico simplici, seu præsuppositionis, ut est quantitas inter formam, & materiam. Tandem de medio, *quo*, non *quod*.

SKOLION. Medium *quo*, rectè virtutis dictum, est illa forma, quâ agens agit, ut calor inter ignem, & aerem calefactum. Quod postea est ipsum, quod interponitur, tanquam suppositum interceptum inter agens, & patiens, ut supra literâ A.

Medium participat naturam utriusq; extremi, & de nullo eorum prædicatur. 10. *Met. T. 23.*

**S** Vbstantiam habet de medio materiali, ut est tepor inter frigidum, & calidum, non de logico, siquidè huic medio

quo fat est participare naturam superioris: Amplius bene subsistit de illo, quod æquè distat ab extremis, & nullo modo rationem extremi habet, vt contingit, quando vnitantum extremo comparatur, vt habemus ex Philol. 5. *Phys. T. 6.*

**Medium quoduis, & extremum, nedùm numero, at specie differunt. 2. *Ethic. cap. 6. § 7.***

**V**aleat formaliter, & reduplicatiuè, non materialiter, quia vt dicit Aristot. 1. *Phys. T. 44.* interdum mediũ, vnum extremum esse potest. Itẽm de medio, in quo sistitur, non in quo fit vlterior transitus ad extremũ, & dicitur via; isto enim casu fit vnus numero motus, quod euidenter patet in appetitiuis, nam quando voluntas mouetur in id, quod est ad finem, cum ordine ad ipsum, est vnus solũmodò appetitus, & motus.

**Melius est, quod omnes appetunt, quàm quod aliqui tantũ. 3. *Topic. cap. 1.***

**P**orro simpliciter est verum, non secundum quid. Itẽm naturali, & debito appetitu, non alio. Rursus extensiuè, non intensiuè, ita vt facilius sit dicere illud esse bonum, & rationem finis habere, quod appetunt omnes, quàm quod aliqui solũ, aut pauci.

**Mensura est eiusdem generis cum mensurato.**

**10. *Met. T. 2.***

**V**erificatur de propria, & immediata, vt est temporis tempus, motus, alter motus, non de remota, & mediata. Amplius valet de genere mensurationis, non de genere prædicamentali; vndè motus primi Cœli, licet nõ sit eiusdem ge-

generis cum Cœlo, quòd est substantia, attamen est eiusdem secundum cōmensurationem, vt latè 5. Phys. per totum docet Aristoteles.

**Mensura est perfectior mensurato. 10. Met. T. 3.**

**P**robè intelligitur in genere cognitionis, cūm debeat esse notior ipso mensurato dependente ab illa, non in genere Naturæ, & entitatis. Itē de perfectione secundum quid, & in genere determinato, non omnimoda, & simpliciter. Amplius de mensura vniuoca mensurato, non de alia; quocircā improprie loqueretur, qui diceret tempus esse mensuram animalium, & substantiarum corruptibilium, & ideo perfectius illis, cūm nullum accidens sit substantiā perfectius ex 6. Metaph. T. 4.

**Mensura est realiter distincta à mensurato. 5. Metaph. T. 20.**

**D**E mensura extrinseca hoc debet intelligi, non de intrinseca, & propter hoc, cūm tēpus sit talis mēsurā motus, ab ipso distingui necesse est. Amplius valet in eo, quòd relatiua sunt, non propter alia. Caterū de actiua, non de passiuā.

SKOLION. Duplex est mensura, alia intrinseca, quæ à propria rei substantia dependet, vt quæ genita sunt sub tempore, tempore mensurentur; alia extrinseca, & est per comparisonem alterius taliter se mouentis, & ista est, quæ realiter à mensurato distincta ab Aristotele dicitur, siquidē extrinseca ab intrinsecis realiter distinguuntur, quemadmodū vinum à ligno externē circumambiente, ipsum optime distinguitur.

Men-



**Mensura est homogenea mensurato. 10. *Metaph.***

***T. 4. & 4. Phys. T. 133.***

**P**ossidet veritatem de mensura adæquata, & proportionata mensuratis, non de inadæquata, qualis est Deus respectu creaturarum. Cæterum de immediata, & proxima, quæ idem redolet genus cum mensurato, non de remota, & analogâ; vide quæ supra. Dicta sunt in Effato 2. *T. 10. Met.*

**Modus operandi sequitur modum essendi. 3. *Cæli***

***T. 77. ac 9. Met. T. 16.***

**H**ypoteticè, hoc est conditionatè, valet hoc Effatum, non absolutè, itaut si modus essendi sit dependens, aut participatus, quòd similiter talis sit modus operandi; non enim tam strictâ lege insequitur modus operandi modum essendi, vt sicuti modus essendi est dependens à subiecto, ita & modus operandi, quâ distinctione vtuntur, qui volunt creaturam posse creare aliquod ens, tanquàm principale agens. Insuper valet actiuè, non passiuè, idest si sumatur pro agere causæ, quoniam potentia actiua causæ non distinguitur ab ipsamet causa entitatiuè, at solùm formaliter; vndè sicuti entitas causæ non est increata, sed dependens à subiecto, ita virtus, & modus operandi; passiuè autèm fallit, quoniam effectus, vt plurimùm, habent diuersum esse à causa sua, sicuti sunt effectus æquiuoci, de quibus supra. Amplius valet in simplicibus, non in compositis. Vterius de naturali operatione, non de quauis alia.

**Modus sciendi non est scientia. 2. *Metaph. cap. 3.*  
T. 15.**

**I**N simili sensu vsurpatur, quòd non est scientia eius, cuius est modus sciendi, non autèm, quòd non possit esse modus vnius, & scientia alterius. Item sic, quòd modus sciendi non sit scientia formaliter, at benè materialiter; vnà enim, & eadem facultas materialiter potest esse scientia, & modus sciendi, quemadmodùm vna, & eadem res potest esse alba, & dulcis.

**Motus ab extrinseco motore est violentus 7. *Physicor. T. 10.***

**D**E extrinseco motore, non semper mouente, & finitarum virium procedit Effatum, non de eo, qui semper mouet. Amplius de eo, cui à mobili sit resistentia, non de eo, cui à mobili resistentia nulla infertur, vt est Cœlum respectu Intelligentiæ, & vniuersa creata respectu primi motoris.

**Motus est in pluribus Prædicamentis. 3. *Physicor. T. 4.***

**V**erificatur de motu, vt est forma fluens, non vt via, & fluxus formæ, sic enim in prædicamento passionis est, & vniucus ad sua inferiora, iuxta mox adductâ auctoritatē. Actus mobilis, inquantum mobile: Amplius reductiue, non formaliter quia sic nullius Cathegoriæ esset, dicente Arist. 3. *Phys. T. 14. & 22.* vbi eum appellat quid constans ex actione, & passione.

Motus est de genere continuorum. 3. *Phys. T. 1.*  
 & 6. eiusd. cap. 1.

**S**pecialiter valet de motu, cuius mobile est quantum, & cuius terminus est successiue acquisibilis, non de eo, cuius mobile non est quantum, & propter hoc fortè omnis alteratio, & augmentatio non sunt motus continui. Vterius valet de motu proprio, & physico, qui secundum suas omnes partes simul non fit, minimè de improprio, & metaphysico.

Motus mixti est ab elemento simplici dominante in eo. 1. *Cæli T. 7.*

**T**ritum est de mixto perfecto, & totali, in quo scilicet miscibilia sunt redacta ad vnâ formam superadditam mixtioni, non de imperfecto. Amplius de motu naturali, non artificiali, aut violento. Rursus, non tanquã à principali principio, quoniam forma elementi non est in mixto, alioquin elementum simul, & mixtum esset, sed à cõsequente immediatè formam, eo quia dans formam, dat & consequentia formam, putà grauitatem, colorem, &c. vt supra. in initio literæ D.

Motus inuicem contrarij sunt. 5. *Phys. T. 58.*

**P**ræcisè respectu terminorum hoc debet vsurpari, non respectu mobilium, & mouentium. Insuper formaliter, non materialiter, quoniam liquidum est vnum esse propter alium materialiter, non verò formaliter, quia contraria, præter relatiua, nō sunt mutuò propter se, at se destruūt, vt sup.

Motus non est aliquid præter res. 3. *Phys. T. 4.*

¶ 11. *Met. Summa 4. cap. 1.*

**I**N puris naturalibus vult intelligi, non in artificialibus. Item præter res, quæ sint subiecta ipsius; certum namque est, quòd motus est accidens, & quòd accidens alteri inest. Cæterùm, præter res, quæ sint termini eius; sic enim (vt supra) reducitur ad varia Prædicamenta, quia varios respicit terminos; propter quòd motus augmenti in quantitate est; alteratio in qualitate; latio in vbi.

Motus non distinguitur à termino motus, nisi secundū magis, & minus perfectū. 3. *Phys. T. 5.*

**V**No excepto locali, & ipsa diminutione, valet de omnibus; cum enim quis vocat motum actum imperfecti semper dicit ob carentiam termini ad quem, qui terminus, idè perfectus est, quia specificat motum; in diminutione tamen, & locali motu frequenter terminus ad quem imperfectus est. Itè valet, non de motu præcisè, cum sit continuus vsq; ad quietem, seù terminum ad quem, sed respectu mobilis, cui (pro eo tunc, quòd mouetur) conuenit carentia perfectionis, vt paulò infra.

Motus est aptus ignire lapides, lignum ferrum, &c. 2. *Cæli T. 42.*

**R**equirit, vt intelligatur de violento, & intenso, non de naturali tantum, & de remisso: Quod si naturali vnquam fuit datū similia moliri, vtiq; per longos actus, & aeris, vel alterius corporis resistantiam censendum est fuisse, aut cum antyparistasi, vt supra. Mo-

**Motus localis præcedit omnes alios. 8. *Phys. T. 55.***

**V**erum est, vel ex parte mouentis, vel ex parte mobilis non respectu vtriusq; simul, aut tantummodò motus; ait enim Aristot. 1. *de Ortu T. 25.* quòd alteratur, & quòd generatur ex necessitate non mutari secundum locum, quod est idem, ac dicere ipsum localem non præire illos. Amplius verum de prioritare perfectionis respectu subiectorum mobilium, non originis tantum; liquet enim, quòd homo c. g. prius nutritur, & agetur, quàm quòd moueatur ad locum. Tandem verum respectu totius Vniuersi, quia ille est, qui 8. *Phys. c. 1.* vita quædam omnibus dicitur, non in particulari.

**Motus quisquis talis est secundum speciem propter terminum ad quem. 5. *Phys. T. 34.***

**I**ngenuè verificatur de termino ad quem formali, non materiali; constat enim ad eundem numero locum posse Aquilam volando, hominem progrediendo, & piscem natando moueri ex 5. *Phys. T. 32.* sed ad eundem formalem minimè. Cæterum verificatur in naturalibus, non in artificialibus; liquet enim, quòd Medicus à Medicina, quæ est terminus à quo dicitur, & non à sanitate, quæ est terminus ad quem.

**Motus præsupponit mobile. 8. *Phys. T. 4. & 5.***

**S**umitur verum de prioritare naturæ, non temporis: Insuper quoad partes, non quoad totum; ait enim Simplicius Cælum præsupponi à motu particularium circulationum, nō respectu communis circulationis: Item quâ ratione motus est actus secundus, nam dicitur ab Aristot. 3. *Phys. T. 18. & 8. T.*

*Simplicius  
in Com.  
Phys.*

8. T. 4. quòd est actus mobilis inquantum mobile, vnde actus præsупponit potentiam, non autem, quà ratione mobile est relatiuum ad motum, quia relatiua simul esse debent.

**Motus in contrarios terminos non est naturalis.**

5. *Phys. T. 7. § 9.*

**S** Vb hoc sensu vsurpatur, putà quando tales termini non sunt naturaliter complexi per modum vnius; vnde motus cordis secundum Aristotelem, & Medicos naturalis est, & tamen est ad contrarios terminos, cum componatur ex systoli, & dyastoli; scù pulsu, & tractu, constrictione, & dilatatione. Insuper vsurpatur de motu præcisè facto à mouente, & mobili corporeis, non de vitali, facto à mouente spiritali, & libero.

**Motus localis est actus imperfecti. 3. *Phys. T. 6.***

§ 11. *Metaph. c. 3.*

**N** On ita intelligitur Effatum, quod desit aliquod eorū, quæ debent inesse intrinsecè ei, quod mouetur, sed respectu loci, siquidè dùm mobile est in vno loco, est in potentia ad alium. Præterea imperfecti secundum quid, non simpliciter, quandoquidè 1. *Cali* ab Arist. attribuitur perfectio ipsi Cœlo, gratià sui motus, qui tamen localis est. Item generaliter, ob carentiam termini ad quem, non particulariter, quoniam grauia, dùm ad suum centrum mouentur, ab eodem Arist. 1. *Cali* dicuntur ad suam perfectionem moueri, qui planè motus ad suam perfectionem (comparatiuè saltè ad violentum) imperfectus dicitur.

Motus tot sunt species, quot entis. 3. *Phys. T. 5.*

**D**E ente contracto, & prædicamentali vult intelligi, nõ de transcendenti, siuè secundum Chartarium in Conciliatione præsentis de ente reali tali, putà de moto, nõ de absoluto, & vago, estq; sensus (vt vnanimis Auerr. & Simplic. dicũt) quòd quot sũt entis moti species, tot etiã sũt, & motus:

*Chart.  
3. Phys.*

Motis nobis mouentur omnia, quæ sunt in nobis.

2. *Topic. c. 3.*

**I**ntelligitur isto, vel illo motu, non illo determinato, quo totum mouetur. Praterèa de illis, quæ sunt capacia moueri, non de alijs; anima enim mouet animata, & patet, quòd quo motu mouet, non mouetur. Cæterum in ordine ad locum, qui acquiritur, qui sanè, si acquiritur à toto, etiã à partibus acquiritur, non alio modo.

Motus vita quædam est omnibus. 8. *Phys. T. 1.*

**V**aldè clarum de motu interno, qui ab anima pendet, vt principium quo omnium actionum compositi, non de externo, qui distrahit corporis partes, quo sensu dicebatur ab Arist. 4. *Phys. T. 120.* tẽpus causa corruptionis, quatenus distrahit corporis partes ad modum externi motus: Item, metaphoricè, non realiter solum,

Mouens corporeum non mouet, nisi motum.

8. *Phys. T. 33.*

**A**ccipitur verum de motu locali naturali, cuius mobile est receptiuum virtutis mouentis, non de obiectiuo, & mo-

& morali; constat enim colorem, obiectum motuum potentiae visuæ, non necessario moueri, neq; corpus totum, vt obiectum tactus. Cæterum non necessario eadem specie motus, sed illâ, vel aliâ; vndè trahentes nauem non trahuntur secundum Arist. mouentur tamen localiter, quòd satis est.

**Mouens, & motum simul esse debent. 7. *Physicor.***

*T. 2. 4. & 10.*

**R**atum manet de mouente, & moto immediatis, non mediatis. Item de motione physica, non morali, intentionali, & metaphorica, Amplius de simultate eorum, inter quæ non cadit medium non de locali, cum dicat Aristot. 4. *Phys. T. 8. & 2. de Anima T. 69.* duo corpora nequire esse simul. Præterea de simultate virtutis, non suppositi, vel quantitatis. Demùm de motu naturali, & proprio, non æquiucoco, aut in genere causæ finalis; vndè Generans, licet non sit simul in quantitate cum grauibus, & leuibus, quæ mouentur, est tamen simul virtute.

**Mouet omnia, quod in nobis diuinum est. 7. *ad Eudemum cap. 18.***

**I**ntelligitur de diuino, lato vocabulo, idest per excessum cuiuslibet naturalis noti; principium namquè, quod in nobis est, & ad virtutes, ac scientias propellit, naturalis spherâ, imò capacitatem excedit, non de Diuino stricto modo accepto, ita Grassotius in cap. 13. 7. *Ethicorū* propositione 4. Amplius de Diuino in ratione finis, nā qui finis mouet Creaturam rationalem ad felicitatem, summum bonum, & Diuinum est, non in ratione mouentis immediati, & formalis.

10. *Grass.*  
7. *Ethic.*  
cap. 13.

Mul-



Multitudo oritur ex diuisione continui. 3. *Phys.*

*T. 68. & 69.*

**D**E multitudine, & pluralitate causata in substantijs materialibus ex diuisione quantitatis earum intelligitur, non de numero, aut pluralitate transcendenti, iuxta quam dicitur ab Aristot. 3. *Metaph. T. 10.* vnum, & multa diuidere ens, & datur substantijs immaterialibus, ac ipsis abstractis, quæ multitudo formalis dicitur à D. Th. in de Spiritualibus Creaturis art. 8. ad 15. Cæterum de multitudine in partes, vt existentes, non entitatuas tantum.

*D. Tho.  
in de Spi  
Cr. ar. 8.  
ad 15.*

Munus est naturalis Philosophi magis considerare finem, quàm materiam. 2. *Phys. T. 91.*

**C**ertum manet de naturali Philosopho, vt scientificus est in genere, non vt talis scientificus. Amplius, prout ly magis appellat intentionem, & dignitatē eius, quod consideratur, nō extensionē, quoniam Physicus, nil sine materia considerat, ita Piccolomineus ad literam in 2. *Phys. Com. T. 91.*

Mutatio importat hoc esse post hoc. 5. *Phys. T. 7.*

**V**aleat, quantum ad nomen pro termino importatum, quoniam aliter se debet habere id, quod mouetur nunc e. g. quàm prius, cum acquisierit terminum, quo primò carebat, non quantum ad speciem, & naturam. Itē, secundum Alios, quantum ad modum essendi, & gradum, non quantum ad formam, siquidē intensio est quædam mutatio, & tamen noua forma, aut diuersa non sequitur. Cæterum in continuis, & physicis mutationibus, non in alijs.

*Finis Libri Primi.*

Bb


*Quin-*



**Q**uingentorum aliorum Commentaria me-  
ditor, in gratiam Philosophia naturalis,  
ac doctrina Aristotelica, candide Le-  
ctor, sub hoc secundo Libro, ad quem sanè bre-  
uibus praludijs, de more, atq; usu euocor ipse,  
cùm Literarum (qua omnium enunciabilium  
elementa sunt) descriptum mihi ordinem se-  
quar, nullo verborum fucio, aut inani oratione  
interponendaum; pura enim præstantiora sem-  
per, ac cariora extitere.



En itaque tibi literam.



195

# EFFATORVM ARISTOTELIS

## LIBER SECVNDVS.

N



Naturà agit propter finem . 1. *Phys. T. 86.*

**C**ertum est per se, non ex euentu, & per accidens, quemadmodum suprà lit. A. Cæterùm de natura vniuersali absolutè, & semper, non de particulari, cùm hæc impediibilis sit. Vtèrius de natura præcisè in agentibus naturalibus reperta, non in liberis, & voluntarijs, qualia agentia sunt homines, in quibus, ob libertatem, si non est renuere quemlibet finem, est tamen suspendere actionem circa aliquem primò intentum; vt infrà, hinc 2. *Phys. T. 80.* dicebat Arist. Araneam propter aliquem finem telam facere, & Hyrundinem nidum.

Natura determinata est ad vnũ 4. *de Part. An. c. 6.*

**V**erum est in specie, necnon & de modo actionis, non in numero, & penès indiuiduum; vndè clarè videmus Naturam delectari de multitudine indiuiduorum sub vna specie, & maximè, quando facilè corruptibilia sunt. Item de Natura secundum esse formale, & contractum, non communiter, & indeterminatè accepta; sic enim, non vnum, sed omnia facit. Amplius de vnitæte ordinis, non numerica tantum.

Bb 2

Na-

Natura facit de possibilibus, quod melius est.

2. *Cæli T. 34. & 4. de Partib. Anim. c. 4.*

**D**irectè verificatur de natura naturante, quæ est auatrix omnium, quemamodùm etiam suprâ tactum est, non de Natura naturata, quæ in eo, quòd dependet à prima defectibilis est: Insuper de natura communi, non de particulari: Rursus de natura secundum se spectatâ, non impedita, aut cum arte iuncta, vt 8. *Phys. T. 56. & de Iuuent. & Senect. c. 2.*

Natura non deficit in necessarijs. 1. *de Gener. Animal. cap. 4.*

**S**vam extollit certitudinem, quantum ad motiua, non quantum ad terminum, & executionem, & propter hoc, licet non det homini in primordijs omnia, quæ sunt ei necessaria, tamen dat ei, vndè possit cuncta necessaria acquirere, scilicet rationem: quâ doctrina in sua Sectione Problematum responderi Zimera interroganti, cur inter omnia animalia solus homo à natura nudus in lucem sit emissus. Caterùm suam certitudinem ostendit in tota specie, non in indiuiduis, alioquin nullum monstrum oriretur, nec vnum alteri impedimento esset, vt tertium obsoletum fieret, quòd contradicit.

Natura nobilior est arte. 2. *Phys. T. 78.*

**I**nconcuſſa est veritatis, quando Ars, & Natura disjunctim sumuntur, sed falsum, quando coniunctim accipiuntur, quandoquidè Ars Naturæ opera perficit, & quodamodò cõplet, iuxta ea, quæ habet Philosophus in 7. *Politicorû cap. 17.* Item in substantialibus, non in accidentalibus. Deinceps se-

cun-

cundum rem, non secundum modum; est enim arti additum intellectus exercitium, quod eleuat opus suum supra Naturam, vt in inferioribus.

**Natura maximè infinitum abhorret. 3. *Physicor.***

*T. 41. ac 1. de Gener. Anim. c. 1.*

**V**erificatur adæquatè de infinito multitudinis, & magnitudinis, non durationis, vt est motus Cœli, & contiuitia rerum generatio, ex circulo obliquo causata, vt habemus ex 2. de Ortu T. 68. & 69. Insuper verificatur de natura elementata, quæ tantummodò sibi adsciscitur substantiam finitam, non de Cœlesti, quæ propter hoc infinitas postulat circulationes. Caterùm de infinito cathegorematico, penitus immobili secundum locum, non de syncathegorematico,

**Natura non laborat operando. 1. *Cœli T. 100.***

**G**ermanum habet sensum de natura naturante, quæ est Deus ipse, non de naturata, quæ est singula res naturalis naturaliter operans. Amplius verum Effatum de natura simplici, at falsum de natura mixta, quæ ob varia, ex quibus constat elementa, potest in actionibus suis impediri. Tandem verum de natura per se, non labefactata, sed libera, & in statu naturali non impedita, falsum autem opposita ratione.

**Natura non mouet ad opposita loca. 2. *Ethic. c. 1.***

**V**olet in ijs, quæ vitâ carent, non in animalibus, quocirca videmus grauiatantummodò descendere, & leuia ascendere; animalia verò huc illuc ferri, quinimò pluribus etiam motibus moueri; Insuper per se, & vno tempore, non  
per

per accidens, & diuerſis temporibus, ac actibus. Insuper de mobilibus ſecundum totum ſpectatis, non ſecundum partes; cernimus namq; vnum, & idem animal poſſe vnum pedem cleuare, & alterum deprimere, &c.

**Natura nil temerè agit. 2. Cæli T. 59. & 1. de Partibus Animalium cap. 5.**

**A**pprobatur in effectibus naturalibus, & communibus, non in particularibus; ſimiliter ratione ſpeciei, non indiuiduorum; ſunt namq; multa in indiuiduis, quorum vſus adhuc deſideratur, veluti oculorum in Talpa, vaſorum ſeminalium in Mulo, &c. Item quantum eſt ex ſe, vt paulò ſuprà, non ſuperaddito aliquo impedimento, aut aliâ concauſâ.

**Naturalia immutabilia ſunt. 2. Ethic. cap. 1. & 8. Phyſicor. T. 84.**

**D**E naturalibus ſimplicibus verificatur hoc Eſſatū, quæ porrò in ſe contraria non continēt, minimè de compositis, & ijs, quæ contraria habent; Cæterum de naturalibus proprijs, quæ ſc. ſunt, vel partes eſſentiæ, vel ab eſſentia immediatè fluunt, non quæ ad tempus ſolū propria apparent alicuius ſubiecti, & non ſunt. Vtcrius de naturalibus præciſè, non de ijs, quæ ſecūm aggregant libertatem, vt ſuprà: Hoc itidē modo interpretatur dictum inferius Ariſt. *Naturalia non aſſueſcunt ad oppoſitum*, ſcilicet, quòd ſit verum, quantum ad eſſentiam, & proprium quarto modo; vndè ſi qualibet hora ſurſum proijciatur lapillus, nūquā aſſueſcet ſurſum moueri, nec ignis deſcendere, non autem ſecundū modum eſſendi, vt infrà.

Necesse est principia sēper manere. *1. Phys. T. 50.*

**M** Anet ratum, & firmum in specie, non in numero: Insuper in omni transmutatione, cum debeat esse principia cunctorum, non in omni loco, omni subiecto, &c. cum transcendentalia ab omni loco, & tempore abstrahant. Cæterum adæquatè, & directè de intrinsicis principijs, non de extrinsecis.

**SKOLION.** Intrinseca principia sunt, quæ constituunt rem, tanquàm partes essentielles, ut materia, & forma, quæ ulterius principia in fieri, & factò esse dicuntur. Extrinseca sunt, quæ non constituunt rem, sed necessaria sunt constitutioni, ut actio est, sicuti finis, efficiens, & ipsa priuatio.

Nemo intendens ad malum operatur. *1. Magnorum moralium cap. 12.*

**V** Alet ad malum, ut principaliter intentum, ac volitum, non ex consequenti: qui enim non fugit, nec nititur fugere in ipsū malum incidere, cōcomitanter intendere malum videtur. Amplius per se, non per accidens. Cæterum in cognoscentibus utrunq; malum videl. & bonum, non liberè de omnibus. Item, tanquàm ex adæquato fine mouente, non inadæquato, &c.

Nemo dat quod non habet. *Lib. de Causis Prop. 1.*

**R** Ectè intelligitur de causa principali, non instrumentali; calamus enim literas effingit, quas ipse non habet. Præterea verum est in vniuocis, non in æquiuocis; hinc videmus silicem non acutum ferrum acuere, ut melius scindat; Tandem intelligitur de eo, quod non habet id, quod causat,  
vel

vel formaliter, vel virtualiter, aut eminenter, non formaliter solùm.

**Neq; in Natura, neq; in cognitionibus datur processus in infinitum. 1. *Post. cap. 1.***

**S**Vam retinet veritatem in causis per se, & merè naturalibus, non per accidens; similiter, non in actibus intellectus, neq; in relationibus, & huiusmodi, at in absolutis, & præcisè naturalibus. Præterea in essentialiter ordinatis, non accidentaliter. Deniq; in cognitionibus scientificis, quæ penès determinata principia, & subiecta attenduntur, non indianoeticis tantùm.

**Nihil agit ultra suam speciem. 2. *de Ani. T. 34.***

**V**erum utiq; est de actione totali, & actuali, non de imperfecta, & potenti. Cæterum de actione, quæ ab agente principali emanat, non à coadiuvante, & instrumental. Rursùs cæteris paribus, hoc est sine alteratione extrinsecorum, ut Artis, &c. constat namquè aquam violenter calidam calefacere, qui non est suæ speciei effectus: sic per propriam virtutem, non alterius.

**Nihil à casu natura facit. 2. *Cæli T. 50.***

**A**ncillatur veritati de natura communi, & naturante, quæ alteram regit naturam, non de particulari, & naturata, quæ sub alterius dominio residet: Cæterum de natura reduplicatiuè, ut in speciebus est, non de illa, ut in causis impedibilibus adest, vide suprà.

Nihil



Nihil, dùm fit, est. 6. *Phys. T. 7.*

**V**Alet in permanentibus, non in successiuis, quoniàm in his, quòd fit est. Præterea, non in illis permanentibus, quæ sunt in instanti, vt sunt illuminationes, visiones, intellectiones, &c. sed in illis, quæ tempore producuntur, & pro quorum productione dispositiones determinatæ exquiruntur, vt est e.g. generatio Leonis productio lapidis, &c.

Nihil est in intellectu, quod primò non fuerit in sensu. 1. *de Sensu, & Sensibili cap. 1.*

**D**E Intellectu, pro hoc statu, in quo phantasmatibus est inuolutus intelligitur Effatum, non pro alio. Itèm de intellectu creato, non de Diuino, & increato. Cæterùm mediâtè, vel immediâtè, non tantùm immediâtè. Amplius inchoatiuè, si non terminatiuè; constat enim abstracta, & separata intelligi, quæ tamen nunquàm fuerunt in sensu.

Nil cognoscitur nisi, secundum modum, quo est in cognoscente. 3. *de Anima T. 12. & 14.*

**I**ntelligitur, vt est in cognoscente repræsentatum, non existens; similitudo enim, in vi cognoscitiua existens non est principium cognitionis rei secundum esse, quòd habet in potentia cognoscitiua, at secundum relationem, quam habet ad rem cognitam, & indè est, quòd non per modum, quo similitudo rei habet esse in cognoscente res cognoscitur, sed per modum, quo est repræsentatiua, vt supra lit. E.

Nil dicitur vnum per naturam superadditam. .

5. *Met. cap. 6. T. 7. 8. & 11.*

**D**E natura completa postulat verificari, & de distincta, non de sola passione, idest de addito, quod sit passio; & propter hoc, si vnum additur enti, adhuc ens dicitur vnum, quoniam additur, tanquam passio. Item de vnitatem per se, non aggregationis, quæ est plurium totorum seorsim, vt sunt plures lapides ad conficiendum murum, plures paginae ad conficiendum librum.

Nil est magis vnum, quàm vnum sibi. 5. *Metaph. capite de Vno.*

**V**erificatur optimè de vnitatem naturæ, non de vnitatem affectus, cuius obiectum est bonum, & propter hoc summum bonum est nobis magis vnũ, quàm nos ipsi nobis: Item de vno per identitatem, non per conuenientiam, & aggregatione, vt paulò suprà tactum est.

Nil inordinatum est eorum, quæ secundum naturam fiunt. 8. *Phys. T. 15.*

**A**pprobatur de ordine congruitatis, non adæquationis, secus ars, & scientia non perficerent Naturam, contra determinata ab Arist. 7. *Polit. cap. 17.* Item per se, non per accidens, quandoquidè oportet, vt id, quod secundum Naturam est, aliquando quidè sic, & aliquando non aliter se habeat, ex eodem textu in fine, saltè in singulari, & secundum existentiam, vt suprà bis tactum est, non alio modo.

Nil

**Nil mouetur à se ipso. 8. *Phys. T. 28. & 34.***

**V**Alet per se primò, non per se tantùm : similiter in ratione totius, non partium; quocircà animal dicitur à se ipso moueri ad differētiam inanimatorum, quoniam in eo vna pars est mouens, & altera mota, quæ mouens, quia intrinseca est, & non visibilis, fit, vt dicatur à se ipso moueri quaque versum, ad distinctionem inanimatorum, quæ, si à generante, pariter inuisibili mouentur, tamen ad determinata loca, & necessario mouentur;

**Nil præuisum est fortuitum. 2. *Phys. T. 62.***

**I**Ntelligitur hoc respectu causæ primæ, & vniuersalissimæ, extra cuius ordinem, & intentionem nil potest exire, non de causa particulari. Item respectu præuidentis, qui disponit se ad talem effectum, non respectu Naturæ, & causarum singularium contingenter se vnientium ad productionem similis effectus, aut respectu aliorum, introsipientium quidem actum, sed ignorantium finem.

**Nil fortitur speciem ab aliquo extrinseco. 1. de *Anima T. 53.***

**P**Rocedit verum in absolutis, non in relatiuis, siquidē relationes ipsæ à fundamento, & termino specificantur, quæ ambo extrinseca sunt. Amplius de extrinseco reduplicatiuè, non de illo, facto per aliquam rationem intrinseco, vt suprà de materia Cœlorum dictum est.

**Nobilius est dare, quàm accipere. 1. *Phys. T. 8 f.***

**A**pprobatur de nobilitate causalitatis, & in genere, non de nobilitate simpliciter dicta, & ratione existentiae; videmus enim compositum physicum nobilius esse, ac perfectiorem existendi modum habere supra formam, quæ dat illi quidditatem, & esse (præter id, quòd illud est totum, & forma pars tantum) Item secundum quid, non &c.

**Non datur minimum tempus. 4. *Phys. T. 108.***

**V**erificatur pro hoc statu, in quo à sensu sumitur exordium intellectus, iuxta illud repetitum nihil est in intellectu, quod primò non fuerit in sensu. Insuper tale, quod habeat positionem ad modum minimi, seu mathematici indivisibilis, sicuti est punctus, non alio modo. Item quia minimum, quod excogitamus in tempore est instans: instans autem propriè non est tempus, cum istud sit mensura successiva, aggregans sibi præteritum, præsens, & futurum.

**Non ens est prius ente. 1. *Phys. T. 75. 676.***

**S**ummè notum est in creatis, non in omnibus absolute; Deus enim semper fuit, & est ens, & nihilominus eum non præcedit non ens: Insuper de prioritare negatiua, & à quo, nò positiua, & in quo Præterea in substantialibus, & ijs, quæ propriè fiunt, nò in alijs quomodocumq; entia vocentur.

**Non est proprium, quòd alijs inest. 1. *Topic. cap. 4.***

**I**ntelligitur de specie, & natura illius, quod dicitur proprium, non de eo, cuius est proprium, aut cui accidit, ut sit

fit proprium; si enim aliquod fit subiectum denominationis respectu vnius, & inhæſionis respectu alterius, nō verificatur; sicuti si vni insit primariò, & alteri secundariò, vt de habere tres respectu trianguli æquilateris, & isoscelis; primariò nāque de æquilatero dicitur, & secundariò de isoscele, iuxta Arist. 1. *Post. T. 2. & 9.*

**Non est generatio sine alteratione. 1. de Gener. c. 1.**

**D**E generatione simpliciter, quæ propria est substantiæ, intelligitur Effatum, non de secundum quid: Insuper de alteratione corruptiua, quæ fit per qualitates primas, atq; contrarias: imò inter immediatè contrarias, quæ .s. inuicem agunt, & patiuntur, non de perfectiua, quæ non fit à qualitatibus contrarijs, neq; primis tantum. Amplius de generatione, vt integra transmutatio physica est, putà cum suis dispositionibus, non pro instantaneo transitu de non esse ad esse.

**Non entis nulla est potentia, & nulla scientia.**

*1. Post. T. 4. ac 1. de Ortu T. 19.*

**C**Vrrit de notitia affirmante, & approbante, non de negatiua, qualis est vacua notitia, infiniti, tenebrarū, &c. vnde tenebra ex luce, cœcitas ex visu, & ens rationis ex ente reali agnoscuntur, dicentē Auerroe 1. *Post. Comment: 1.* Item, prout non ens dicit falsum, quemadmodum ait Arist. de diametro commensurabili costæ, non prout dicit possibile esse, & id, quod nondum existit, extitutum tamen est: Deniq; positiuè, non priuatiuè; quia, licet falsum non sit verum, & ex consequenti obiectum intellectus proprium, est tamen cognoscibile, & scibile, vt infra.

Non

**Non entis nulla sunt accidentia. 1. de Gener. T. 16.**

**V**erum est, quando per non ens intelligitur res, quæ penitus non est, nec fuit, nec erit, vt e. g. plures Dij veri, non de eo, quod non est, sed fuit; vndè mortui, nunc nō sunt, & tamen dicuntur habere accidentia, cū læti, aut miseri asseuerentur. Pariter de eo, quod non est, sed erit, vti ens reale futurum, nimirū dies iudicij, eclipsis sequentis anni, &c.

**Non fit transitus inter specie diuersa, nisi fiat per omnia media 5. Phys. T. 22.**

**I**ntelligi debet, vel sensibilibiter, vel insensibilibiter, non solummodò sensibilibiter; licet enim ex albo fiat nigrū, absq; sensitiua cognitione mediorum, tamē ista imperceptibili modo adest, quòd etiam contingit in visione respectu iudicij discernentis obiectum. Itē per omnia media directā, & subordinatā, non indirectā, & extraneā. Cæterū ex valore dictorum mediorum, quoniam ascendētes ad aliud extremum, vigorem omnium mediorū transijisse videmur, nō sigillatim.

**Non percipitur differentia vnus ab alio, nisi simul vtrunq; apprehendatur. 2. de Anima T. 146.**

**V**aleat, aut distinctè, aut confusè, non necessariò distinctè: Item ab intellectu, non à sensu, quandoquidem sensus (nisi plura sub ratione vnus colligantur) plura non agnoscit, ad differentiam intellectus in hoc, quòd intellectus melius seorsim, quàm simul obiecta cognoscit, sed cognoscēdo simul per plures species confusas, cognoscit per modum vnus differentię, vt plures partes sub ratione totius, & subordinatā omnia sub ratione illius, cui subordinantur, & non sic sensus; vide infrā lit. P. Non

Non potest esse eadem statua, quæ destruitur, & de eodem ære ædificatur. *ex 7. Met. cap. 6.*

**A**ccipitur verum de statua, secundum quòd artificiale, quoddam est, non verò secundū esse substantiale; cum enim in genere substantiæ ponatur statua, & calceamentum, (secundum verba Arist.) ratione materiæ; porro, cum materia eadem remaneat, etiam quoad substantiam, dicitur remanere eadem numero statua; in genere verò artificiali, quia statua, & calceamentum ponuntur secundum formam, idcirco, cum talis forma sit accidens, quod transire debet cum destructione statuæ, propterea dicitur ab Arist. quòd nō sit eadem, &c. Pariter non eadem numero, at benè specie.

Non potest materia exui ab omni forma. *1. de Ordin. T. 29.*

**V**erificatur à causa secunda, & per vires eius, non à causa prima, & per potestatem ipsius: Item ab omni substantiali, quæ de perfectione essentiali illius est, non accidentali, estò, ut existens existentia physicā, accidētia semper habeat. Cæterum in genere, non, &c. datur enim materia Cœlestis, quæ nullo modo exuitur, nec exui potest.

Non quoduis, quod est, in loco est, sed mobile corpus. *4. Phys. T. 45.*

**V**erum utique est, tanquàm contentum, & commensuratum in continente, & commensurante, non tanquàm operans in operato, & tali modo anima separata, ac Intelligētiae sunt in loco: Similiter verum de loco circumscriptiuo, non

non definitiue; vnde rectè D. Th. 1. p. q. 52. ait esse in loco, non nisi æquiuocè dici de anima separata, hoc est secundum nomen, quia est, & est alicubi in mundo, ac in serie creatorum, sed non circumscriptiue.

**Notiora quoad nos ipsa vniuersaliora sunt, & notiora naturâ ipsa singularia. 1. Phys. T. 3.**

**P**ostulat intelligi de singularibus simpliciter, quæ cadunt sub sensu, & contradistinguuntur ipsi vniuersali, non de singularibus per comparisonem, vt sunt species respectu generum: Itèm in hoc sensu, vt singularia, quatenus existentia, sint magis in intentione Naturæ, quàm vniuersalia; principalior enim finis est species, quàm genus, & in eodem genere Naturæ prima substantia, quàm secunda, siquidèm, ablatiis his, necessariò cuncta tolluntur ex 7. Met. T. 8.

**Nota per se probari non possunt. 2. Phys. T. 6.**

**D**E probatione demonstratiua intelligitur, quoniam demonstratio non dirigitur ad per se nota, sed ad quæsitâ, & quæsitâ sunt dubitabilia, non verò de demonstratione dialectica, dicente Auerroe 4. Phys. Com. 1. Arist. in simili textu quærere, an locus sit, qui tamen est quoddam per se notum, sed dialecticâ ratione, non demonstratiuâ: sic 9. Metaph. T. 5. disputat Arist. contra negantes potentiam esse, cum tamen asseruerit eam esse quoddam per se notum, sed suæ probationes dialecticæ sunt. Amplius strictè, & per se loquendo probari non possunt, benè autem ad hominem, & rationibus dicentibus ad inconueniens, iuxtà expositionem Marci Antonij Zimaræ in Theorem. 54.

Auer.  
4. Phys.  
Com. 1.

Zim.  
Theor.  
54.

Nul-



Nullum absolutum potest definiri per relatiuum.

6. *Topic. cap. 2.*

**R**equirit, vt intelligatur de ente absoluto cathegoricè, & absolute sumpto, non respectiue; pater enim, quatenus homo, non potest definiri per respectum, sed quatenus pater, vel dominus, &c. benè; & in hoc sensu volunt Interpretes Græci Aristotelem definiuisse Naturam 2. *Phys. T. 3.* per principium; quod est quoddam relatiuum. Dicunt Alij verum esse de absoluto simpliciter, non secundum quid, vocâtes Naturam absolutam secundum quid tantum: Itè quia nullus respectus est de essentia absoluti, & solummodò essentialia definitionem ingrediuntur, quod primario fas est intelligere, non secundario, & consecutiue.

Nullum accidens necessarium est. 1. *Post. T. 4 3.*

**A**pprimè verum, si sumatur necessitas ex parte intellectus tantum, quoniam sic quodlibet accidens potest separari à subiecto; & subiectum intelligi cum opposito eius, quod actu habet, dicente Porphyrio in capite de Accidente, non verò si sumatur ex parte sensus. Itè secundum Themistium verum de necessitate accidentis secundum quid, non simpliciter.

*Porphyr.  
capite de  
Accid.  
Them.  
in Com.  
cit.*

SKOLION. In votis est Themistij, ac aliorum cum eo. Accidens necessarium necessitate simpliciter illud esse, quod omnibus, quibus inest, inest necessario per illius naturam, vt risibile ipsi homini; secundum quid verò esse illud, quod non inest necessario ijs, quibus inest, vt album haberi albedinem: sed vide, quæ supra dicta sunt lit. A.

Nullum est Agens sine patiente. 9. *Met. T. 2.*

**C**ertitudinem habet de agente particulari, quod agit per motum, non de vniuersali; quocirca patenter in eodem libro *T. 10.* dicebat Philosophus actum, & potentiam in plus se habere, quam ea, quæ tantum secundum motum dicuntur. Rursus in actu exercito, & relatiue sumptis, non &c. vide quæ supra habita sunt lit. A.

Nulla priuatio suscipit magis, aut minus. *In Post. predic. cap. 1.*

**V**aleat de pura priuatione, siquidem vnus homo cæcus non est magis cæcus altero, non de ea, vt stat sub positiuo. Vtcrius valet secundum se, non ratione sui habitus; aer namq; dicitur magis, vel minus tenebrosus, secundum, quod in eo est magis, vel minus de lumine. & conualescentia maior. vel minor, secundum quod in ea est magis, vel minus de sanitate.

Nulla scientia, aut Ars probat suum subiectum esse. 1. *Post. T. 2.*

**H**aud falsum de probatione directa, & demonstratiua, non de indirecta, puta soluendo rationes. ipsum destruentes, & sic putat Linconiensis in Com. dicti Textus Aristot. facere 1. *de Ortu T. 11.* dum probat generationem substantialem dari, quæ apud ipsum subiectum est librorum de Ortu, & Interitu, siue de Generatione, & Corruptione.

*Licon.  
1. Post.  
Com.*

Nul-

**Nulla substantia est per se sensibilis. 1. *Post. T. 31.***

**A**ccipitur primariò per se, & immediatè, quoniam sic de facto nullo sensu percipitur; visus enim colorem, auditus sonum, &c. percipiunt, quæ non sunt substantiæ, minimè secundariò, & mediatè, sic namq; Cælum per accidentia, & aliæ substantiæ per qualitates, & operationes cognoscuntur ex interpretato *textu 11, 1. de Anima*. Item, secundum Aliquos, à sensibus externis, non internis; sed infra.

**Nullum præter naturam æternū est. 2. *Cæli T. 38.***

**D**irectè verum est, quatenus nullæ dispositiones præter naturam in æternis sunt, sed falsum indirectè, nam per Aristot. 2. *de Ortu T. 58.* corruptio est æqualis generationi, & tamen generatio est æterna; & corruptio præter naturam ex eodem 2. *de Ortu. T. 37.* Item respectu causæ positivæ, non priuativæ; vide supra lit. I.

**Nullum purum indiuisibile mouetur. 6. *Physicor. T. 32. & 86.***

**V**aleat opportunè de indiuisibili quantitatis, non substantiæ, ut est Angelus; Insuper valet de motu continuo, nō de discreto, quali motu mouetur Angelus; dato enim motu continuo e. g. locali, datur successio diuerforum Vbi, & diuersitas in termino à quo, & ad quem, in neutro quorum res potest dici moueri, alioquin quiesceret, & moueretur simul, quod absurdum est, & idcirco oportet id, quod mouetur totaliter non esse in alio terminorum, sed partim in vno, & partim in alio, & propter hoc nullum continuum est in termino suo, ut patet de linea, quæ non est in puncto. Rursus de mo-

tup<sup>er</sup> se, non per accidens, quoniam indiuisibilia de genere quantitatis, ad motum eorum, quorum sunt termini, mouentur, & moueri ad motum alterius est per accidens moueri.

**Nullum purū mediū contrariū est. 10. Met. T. 22.**

**I**ntelligitur verum, quatenus non maximè distat ab extremis, sed falsum postea, quatenus participat naturam extremi, quandoquidē tali modo accepta media induunt rationem compositi, extrema verò tantū in simplicis, quod simplex, & quod compositum contrarietatem fundant. Item absolute verum, sed comparative falsum; ait enim Arist. in 1. *nuper cit. Phys. T. 44.* medium comparatum cum extremo alterius extremi vices gerere.

**Nullum subiectum substantificum definitur per ipsum accidens. 7. Metaph. T. 8.**

**C**irrit de substantia absolute sumpta, non relatiue, cuius census est Natura definita ab Aristot. 2. *Phys. T. 3.* per principium, & causam motus, ac quietis, quæ sunt accidentia. Insuper de accidente communi, non proprio; licet enim hoc non sufficiat definire, cum re vera quidditatem substantiæ non ingrediatur, vt superioris se, tamen non in casum, tanquā signum illius subingreditur.

**Nullus motus necessarius dependet à voluntate inferioris entis, vt à primo motore. 2. Cæli T. 27. & 12. Metaph. T. 38.**

**V**aleat de voluntate vertibili, & flexibili, non inflexibili, qualis est voluntas Angelorum, & Intelligētiarum, quæ

quæ sunt motrices ipsorum Cœlorum, si non per naturā absolutē (vt autumauit Philosophus) saltē per gratiam: Item, si non adsint propensiones naturales ad similem motum, vt euenit de Cœlo, in quo est propensio, vt simili motu moueatur, quo sua Intelligentia ipsum mouet.

### Nullum violentum durabile. 2. *Cæli T. 18.*

**P**robè intelligitur de non habentibus causam sempiternam proximam, secūs de illis, quæ hanc similem habent; hinc propterea ignis in propria sphaera perpetuò volutatur, quia sempiternam causam proximam habet, scilicet Cœlum Lunæ, non sic autē inferiora violentè mota, vel alterata. Item de illo violento, cuius mobile finitæ, & deficientis est virtutis, vt putē, quod in mouendo laxatur, non è cōuersō; vnde motus Maris (apud eos, qui dicunt esse violentum) semper durat, quoniam eius mouens semper est cum eadem virtute; vide supra de præter naturam, &c.

### Nullum vniuersale significat hoc aliquid, at quale, quid. 7. *Met. T. 48. 65 50.*

**I**ntelligitur de vniuersali, quatenus secunda intentio est, quoniam ita non significat substantiā rei, & propter hoc, neq; in recto prædicatur in quid, sed tantummodò dicit vniuersalitatē rationis, quæ qualitas est, per quam fit formaliter vniuersale circā substantiā, non de vniuersali, vt natura, cui intellectus attribuit intentionem vniuersalitatis, quandoquidē animal significat hominis substantiā, de qua prædicatur: similiter intelligitur præcisè, & quā ratione superius est ad quinque prædicabilia, non vt tale vniuersale, putā Genus, species, &c. ita D. Tho. 7. Metaph. l. 3.

*D. Tho.  
7. Met.  
l. 3.*

Nul-

**Nullum verum singulare definitur. 7. Met. T. 53.**

**P**rocedit de singulari reduplicatiuè, & primò intentionaliter, siquidè talis definitio non videtur ordinabilis demonstrationi; benè tamen definiri potest secundum communem rationem singularitatis, quo pacto in *Catégor. cap. 1.* definita est ab ipso Aristot. prima substantia, quæ singularis est, & quo modo etiam locutus est 3. *Metaph. T. 10.* quando ait singula, quæ sunt, per definitiones clarescere; modò singularia sunt, imò maximè sunt, cùm existentiam, vltimum scilicet complementum essentiæ, habeant, vt infra lit. S.

**Nullum verum accidens est alteri subiectum.**

*4. Metaph. T. 14.*

**I**ntelligitur verum de primo, & radicali fundamento, etenim accidens, cùm non sit per se, sed in alio inest, non potest sustinere aliud, minimè autè de secundario, & subordinato; hinc videmus quantitatem subiectum esse qualitatium, vt superficiem colorum, sed non primum, cùm & ipsa sustineatur ab eo, cuius est superficies. Itè verum de subiecto *Quod*, non *quo*, vt suprà in exordio primi.

## O

**Obiectum sensus, nisi singulare est. 2. de Anima T. 60.**

**I**ntelligitur verum aduerbialiter, non nominaliter, ita ut sensus sit color in communi est obiectum visus, sonus in communi obiectum auditus, &c. non autè color vniuersalis, sonus vniuersalis, &c. siuè etiam in recto, quòd color communis

videatur, sonus communis audiatur, sicuti asseritur de obiecto intellectus directo. Insuper verum comparatiuè, quatenus sensus in varias species seiungitur, & pro quacunq; est determinatum sensibile, putà pro visu color, pro gustu sapor, &c. quòd non astruitur de intellectu, minimè autèm, quòd obiectum sit vnum tantum singulare materialiter acceptum.

**Omne agens agit sibi simile. 1. de Ortu T. 50. 63**  
**2. de Anima T. 32.**

**V**aler, quantum est ex se, non per extrinsecus aduenientia: Item in hoc sensu, vt sit secundum formam, per quam agens agit, vel per quam disponit materiam, vt recipiat: primo modo de solis substantialibus verificatur, secundo verò de accidentalibus, cum ad dispositionem hanc intimiùs, & immediatiùs accidentia concurrant, quàm forma agentis.

**Omne corpus sensibile, aut habet grauitatem, aut leuitatem. 3. Phys. T. 53.**

**P**robè intelligitur de generabilibus, & corruptibilibus secundum Auerroem, non de omnibus indistinctè, propter quòd corpora Coelestia sensibilia sunt, & grauitatem, nequè leuitatem habent. Item secundum Alios valet de corporibus tangibilibus, & mixtis, non de simplicibus, & quæ viui tantum succumbunt.

**Omne ens comparatum akeri, aut est idem, aut diuersum. 10. Metaph. T. 8.**

**I**N comperto est de entitate reduplicatiuè accepta, non vt extenditur ad intentiones, siquidèm Petrus, & Paulus dif-

differunt entitate, sed in secundis intentionibus generis, & speciei conueniunt: Vel dicatis pro illa, & ista entitate, non vno modo tantum. Amplius de identitate, & diuersitate accidentali, non substantiali; constat enim comparabilia, secundum substantiam distincta esse, vt supra literâ C.

**Omne ens est verum. §. Metaph. T. 14.**

**D**E veritate transcendentali postulat intelligi, quæ entitatē rei, siuē essentiam nominaliter significat, & secundum Alios conceptum metaphysicum, & physicū simul, non de veritate morali, & logica, quæ sistit in conuenientia orationis cum re: Item respectu intellectus Diuini, à quo apprehenditur, sicuti est, non respectu creati, vt supra litera E.

**Omne ens est vnum. §. Metaph. T. 11.**

**P**Ariter de vnitae transcendentali postulat vsurpari, quæ essentiæ indiuisionem importat, non de numerica, & prædicamentali, nam sæpissimè aggregatione plurium fit vnum, vt domus ex lignis, lapidibus, & cæmento. Amplius vnum per attributionem ad primū efficiens, cui omnia æqualiter ordinantur, vt suprâ, non vnitae formali, & naturæ.

**Omne esse est à forma. §. Metaph. T. 2.**

**P**Rocedit de esse specifico, & quidditatiuo, quod verè trahitur à forma, non de metaphysico, & entitatis.

SKOLION. Esse specificum habetur à forma, vt ab actu, qui non est differentia entis solū, sed complementum; Esse verò metaphysicum, aut entitatis est ab actu, qui est tantummodò differentia entis, qualis actus attribuitur materiæ primæ, vt suprâ tactum est literâ E.

Omne



**Omne finitum per detractionem continuam partium tandem finiri debet. 1. *Phys. T. 37.***

**A**ccipitur rectè secundū speciem, & iuxta partes æquales, non secundum inæquales, & proportionales: Cæterum, si in actu secundo sit aptum diuidi, minimè si non, ut contingit de Cœlo, & de minimo physico, quod est magnitudo physica, at non magnitudo physicè diuisibilis, ut tactum est supra.

SKOLION. Inuat hîc quoq; de diuisione finiti quanti animaduertere esse diuisibilem quantitatem, & esse diuisibilem in infinitum non idem significare, nam primum est quidditas quantitatis, cum primò, & per se illi conueniat, & non alteri, vndè indemonstrabilis est de ea; secundum verò, putà esse diuisibilem in infinitum, minimè est eius quidditas, imò demonstrari potest per continuitatem, tãquam per propriam passionem: sic ergo est, quod minimum physicū quantitatem habet, at non diuisibilem, &c.

**Omne infinitum imperfectum est. 3. *Phys. T. 66.***

**V**eritati consonum de infinito priuatiuè dicto, quòd solummodò est in quantitate, siquidè omne priuatiuè dictum est imperfectum, non de infinito negatiuo, quo pacto Deus infinitus dicitur, ut putà per nullam rem terminabilis. Itè valet de syncategorematico, quòd semper complebile est, non de cathegorematico per essentiam, & virtutem, veluti est Deus.

**Omne fieri inuoluit tempus, vnde quod fit, fiebat.**

*6. Phys. T. 49. & 52.*

**V**eritati consonum, quando mutatio fit inter extrema, inter quæ est aliquid medium, quod ab agente finitæ virtutis prius tempore transcendendum est, quàm perueniat ad aliud extremum, minimè quando non, vt in generatione substantiali, quæ momentò fit. Addo aliud esse, quòd aliquid sit coniunctum successioni continuæ, & aliud esse successiuum esse: Generatio substantialis coniuncta est tali successioni, sed non successiua dicitur.

**Omne mobile per aliud reducitur ad mobile per se. 8. Phys. T. 33.**

**V**erum utiq; est de reductione, quæ est ad primum in illo genere; vnde secundum Peripateticos omnia mobilia reducuntur ad primum mobile, quod dicunt motum ex se, quatenùs est primum compositum ex motore, & moto, non de reductione ad primò primum simplex, penitùs immobile: Sic dicendum de omni per accidens, quòd æget reduci ad per se, vt ad perfectius, & ad id, quod est metrum, & regula aliorum.

**Omne prius potest esse sine posteriori. 5. Metaph. cap. 9. T. 16.**

**V**lt penès intellectum accipi, non quoad rem; intellectus enim potest semper concipere ipsum prius absquè conceptu posterioris, & sic pariter materiam absq; forma, quod distinctè enucleauit Aristot. 5. Met. cap. de Priori dùm inquit illud est altero prius, quod intelligitur sine posteriori.

Omne,

Omne, quod est, quando est necesse est, quod si t

1. *Perihier. capit. ultimo* :

**C**Vrrit de necessitate conditionata, & suppositionis, non de absoluta; & ideò, si Mundus, aut aliqua particularis Creatura, fuisset ab æterno, necessariò fuisset hoc modo, estò liberè à Domino Deo fuisset condita: Sed vide interpretationem alterius desumpti à capite de Priori suprà in exordio literæ A.

Omne, quod movetur ab alio movetur . 8. *Physic.*

*T. 34. T. 28. & 34.*

**V**erificatur de motione, quæ dicit influxum in causam, non in operationem semper, primum namq; movens movet, & non movetur, neq; à se, neq; ab alio, vt in eodem textu concludit Aristoteles. Itèm de omni mobili, præter primum, quoniam in mouentibus, & motis non est processus in infinitum, vt dicto 8. *Textu* 35. asseuerat Philosophus.

Omne, quod fit, fit ex contrario. 1. *Phys. T. 47.*

**P**rocedit hoc Effatum, parùm dissimile alteri superiori, in materialibus, non in spiritualibus, & intentionalibus, qualis est cognitio nostra, de qua 1. *Post. T. 1.* dicebat Aristot. *omnis cognitio dianoctica ex præexistenti fit cognitione*, quæ porrò secunda cognitio primæ cognitioni contraria non est, ita Chartarius in *Controuerfijs* 1. textus 1. *Post. Analyt.* Cæterum in physicis, & ijs, quæ propriè fiunt, nimirum per motum, non in moralibus.

*Chart.  
in Cont.  
1. Post.*

Omne, quod mouetur in tempore mouetur.

4. *Phys. T. 12. ac 6. T. 14.*

**P**ostulat intelligi de motu propriissimè dicto, non de alio. Item de motu physico, qui est actus imperfecti, vt supra non de metaphysico, & discreto, quo. s. Angelus mouetur, nam potest esse in instanti: Itè de mobili infra primum, non in chulo ipso primo, cum pleriq; ipsam causam temporis appellent, & mensura à mēsurato necessariò differat.

Omne, quod per superabundantiam dicitur vni soli competit. 12. *Metaph. cap. ultimo.*

**C**Virrit de illo, quòd per superabundantiam dicitur in aliquo genere, vt est minimum, non in omni genere. Amplius de superabundantia creatorum, non increatorum; patet namq; sine hæsitatione, quòd omnia bona dicuntur per excessum de Deo, sed de similibus non est locutus Aristoteles in adducto T. Vel dicatis vni soli competere in illo ordine, in quo per superabundantiam dicuntur; quo pacto si omnia bona per excessum, & redundantiam dicuntur de Deo, etiam soli Deo conueniunt.

Omne quod interit contrariū habet. 1. *Cal. T. 12.*

**V**el per se, vel per accidens intelligi debet, non per se tantum. Vtteriùs de contrario priuatiuo, non positiuo solum. Rursus vel ratione suarum qualitatum, vel ratione dispositionum, quibus afficitur, & quarum beneficio in rerum natura conseruatur: Item naturaliter, non violenter.

**Omne quod fit, fit ab vniuoco. 7. Metaph. T. 30.**

**¶ 12. eiusdem T. 13.**

**R**espectu agentis redditur verum, non respectu materiae. Fit enim lutum ex aqua, & terra, inquit Arist. 1. *Phys. T. 40.* contra Anaxagoram, quæ sunt duo specie distincta, & per consequens non vniuoca ad vnum. Cæterum de agente communicare in materia cum passio, non de alio, propter quod Cœlū, quæ animalia ex putri materia educere, & animare. Insuper de agente totali, non partiali. Tandem in naturalibus, & in ijs, quæ simpliciter fiunt, non in artificialibus, quæ aliquando sic, & aliquando non ab vniuoco fiunt, ex 4. *Metaph. T. 30.* vnde, licet idea, quæ est domus in mente Artificis, non conueniat in modo essendi, nec in substantia eiusdem rationis physicae cum domo extra, conuenit tamen in eadem ratione formæ intellectæ.

**Omne quod exit de potetia in actum mobile est.**

**3 Phys. T. 6. ¶ 9.**

**C**ertissimum, si exeat de potentia passiuā, non de actiuā, per actum liberū, quo pacto exeunt omnia creata à potentia Dei; hinc Theologi communiter cum D. Thom. 1. p. q. 45. ar. 2. ad 2. & in de Potentia q. 3. ar. 2. dicunt creationem non esse subiecti mutationem, cum non possit aliter se habere prius, ac post, eò quod prius nihil erat.

**Omne recipiens debet esse denudatum à natura**

**recepti. 2. de Anima T. 71. ¶ 3. eiusdem T. 4.**

**ac 3 Cæli T. 67.**

**I**ntelligitur secundum actum, & speciem, nō secundum potentiam; & genus: Insuper à natura recepti secundum illum

lum gradum, & qualitatem, quæ est recipiendum. Item verum est subiectiue, non obiectiue; obiectum enim, veluti finis, imprimit aliquod sui. Pariter verum est primario, non secundo. Deniq; verum de illo subiecto, quod est omnium indifferenter susceptuum, veluti materia prima, & intellectus possibilis, non de illo, quod actu habet aliquam formalem naturam.

**Omne mutabile mutatur in oppositum. 5. Phys.**  
*Tex. 48.*

**V**aldè clarum, est quoad terminum, non quoad qualitatem, & habitum, alioquin aer nunquam esset mutabilis in ignem, neq; aqua in aerem: Insuper de mutatione integra, in qua, & vetus forma expellitur, & noua adipiscitur, non partiali, & quæ intentionis dicitur, vt supra.

**Omnis causa libera æget aliquo, à quo determinetur. 9. Met. T. 2. 63 10.**

**I**ntelligitur de causa libera secunda, cuius prima deliberatio, & voluntatis determinatio est ab Auctore Naturæ, iuxta Aristot. in libro de Bona fortuna, & D. Th. in 1. 2. q. 9. art. 4. non de prima, cuius intelligere est suum esse, & quæ nullo modo deliberat. Item aliquo intrinseco, vel extrinseco, non verò hoc tantum, vel illo.

**Omnis existentia à forma est. 5. Met. T. 2.**

**V**ltra pensum certum est de existentia completa, & perfecta, non de incompleta, & metaphysica, qualem habet materia prima, ens incompletum ab Aristot. vocatum 7. Met.

*Met. T. 8.* Item à forma substantiali directè, & per se, non &c.

**SKOLION.** Existèntia completa est actus vltimus, & specificus rei, quâ, non tantùm res illa ponitur extra possibile, sed est talis specificè, & indiuidualiter, & idèd propriè datur primis substantijs. Incompleta est, quâ res tantùm ponitur extra nihil, & extra causas immediatè, sed non adhuc fortitur specificum esse, siquidè includitur in ipsa entitate ratione essentia, quam nominaliter redolet, & datur communiter ab Interpretibus materiae primæ, antequàm formæ substantiali specificatiuæ uniatur.

**Omnis finis bonus est. 1. *Ethic. cap. 1. § 7.***

**P**ro rato habetur de bono indiuiso in reale, & apparens, quoniam finis est, quem volumus, & quicquid volumus sub aliqua ratione boni volumus, ex 1. 1. *Met. c. 4.* nō de bono simpliciter; Pariter Effatū verū de bonitate, vel vtili, iucunda, & honesta, sed falsū de honesta tantū: vide quæ sup. sunt d. l. B.

**Omnis ignorans malus. 3. *Ethic. cap. 1.***

**V**aleret hoc in electione, & motiuis, quoniam qui eligit, quod non est eligendum est malus, non malitiā formali, positiuā, aut simpliciter dicta: Cæterum valet de eo, qui est ignorantia prauæ dispositionis ignarus, non puræ negationis, de qua supra. Vltèrius penès ea, de quibus ignorantiam habet, nec nititur à se tollere, non absolutè,

**Omnis motus est inter contraria. 5. *Phys. T. 1 9.***

**S**ubsistit ratione terminorum, non ratione subiecti; apparet etenim lucidè, quòd nō omnis alteratio est inter con-

traria, siquidem alteratio intensiua est respectu eiusdem formæ, & respectu eiusdem formæ nequit esse contrarietas in subiecto, vt etiam in augmento apparet: Cæterum de motu propriè dicto, qui physicus est, & successiuus, non de alio, vide infrà.

**Omnis potentia passiuæ est contradictionis 9. Metaph. T. 17.**

**I**ntelligitur de potentia passiuæ, quæ in generabilibus, & corruptibilibus est, non in alijs, vt putà in Cœlo: Itèm de potentia passiuæ reduplicatiuè, vt passiuæ, qualis est materia, ad esse simpliciter, non ad esse secundum quid. Rursus de ista passiuæ, non præparata, nec disposita ad aliquem actum, alioquin contradictionis non esset, quod dictum absurdum est.

**Omnis potentia vitalis passiuæ est. 3. de Ani. T. 3.**

**P**ræcisè de potentia in ordine ad obiectum suum intelligitur, non in ordine ad effectum, quia sic & intellectus, & voluntas potentiæ actiuæ sunt. Itèm in recipièdo species, quoniam per Philos. 3. de Anima T. 12. omne recipiens patitur, vt supra, immutatur enim, & transfertur ab vno statu in alium, putà de potentia in actum ex 3. dicto T. 4.

**Omnis res, aut est singularis, aut vniuersalis. 1. Perihier. cap. 4. & in Antepredic. cap. de Rebus.**

**F**irmiter subsistit secundum fundamentum, non formaliter, quo pacto debet diuidi omne, quod est, iuxta Aristot. 7. Metaph. T. 49. Vtèrius subsistit de rebus, vt nominibus importantur, quoniam nomina, vel sunt singularia, vel vni-



vniversalia, non absolute de rebus siquidem à parte rei non datur vniversale. *1. de Anima T. 8.* vide supra dicta lit. D.

**Omnis scientia agit necessariò de ente. 4. Metaph. cap. 1.**

**V** Alet utiq; tanquàm de obiecto materiali, non formali; Insuper de scientijs realibus, non de rationalibus, istæ enim, quemadmodum Logica, etiam ea, quæ non sunt, considerant, & formale obiectum habent rationale tantum. Vel dicito de ente, aut reali, aut rationis, non reali tantum; vide quæ suprà tacta sunt lit. E.

**Omnis scientia est de genere bonorum. 1. de Anima T. 1.**

**P** Rocedit de scientiâ secùdum se, quæ generaliter est perfectiua intellectus, non per accidens, siquidem notitia quorundam mala est, ex eo, quòd est actio, & turpis actus alicuius, iuxta quam doctrinam aliquæ scientiæ prohibitiæ sunt, quâdoquidem per eas à melioribus retrahuntur fideles, & idèò, quod in se bonum est, efficitur alicui malum; vndè dicebat D. Aug. in Enkiridion cap. 17. melius est multa nescire quàm scire turpia, & vilia. Itèm de bono morali, non &c.

*D. Aug.  
in Enki.  
c. 17.*

**Omnis scientia necessariò vtitur principijs demonstrationum. 1. Post. T. 9.**

**P** Roportionali modo vsurpatur, nò solummodò de communibus, in sua cõmunitate sumptis, quæ remota principia vocantur, sed contractis, & modificatis; nam sic vni determinatæ accommodantur, & propria fiunt, de quibus proprijs

prijs debet esse demonstratio *ex 1. Post. T. 5.* non autem absolutè, & sine contractione. Vterius, non demonstrationum particularium, alioquin scientiæ confunderentur, sed communium, quæ tantummodò sunt Logicæ.

SKOLION. Demonstrationum planè varia sunt principia, sicuti varia sunt & ipsarum scientiarum; alia enim sunt primò prima, communissima appellata, & duo sunt, alterum *De unoquoq; verum est affirmare, vel negare*; Alterum *De nullo simul est verum affirmare, & negare, ex 1. Priorum cap. ult.* alia communia quidè, at non primò prima, vt si ab æqualibus æqualia demas, quæ remanent sunt æqualia; Alia propria demonstrationum, prout à definitionibus, à syllogismis, alijsq; medijs; ad sciendum, cōtradistinguuntur, & alia deniq; singularū reduplicatiuè propria; quatenus determinati medium terminum, vel obiectum, respectu scientiarum, respiciunt. Prima communissima supponuntur, siquidè contradictionis lex, lex etiam est totius scibilis; secunda, & supponuntur, & modificantur; cùm enim per Arist. *1. Post. T. 3.* non sit transeundum de genere in genus (qui transitus fit, cùm Demonstrator non vitur principijs proprijs) necesse est talia principia contrahere, vt ad consonam proportionem cum tali, vel tali scientia adueniant, vt sumendo allatū principium si ab æqualibus æqualia demas, quæ remanent sunt æqualia, & addatur ei e.g. linea, & dicatur. Si ab æqualibus lineis æquales lineas demas, quæ remanent sunt æquales, valet pro Geometria; deinceps si ab æqualibus numeris æquales numeros demas, qui remanent numeri sunt æquales, valet pro Arithmetica. Propria postea sine reduplicatione sunt, quæ componunt ipsam demonstrationem, putà Axioma, Tekni, Hypothesis, Orismi, id est dictum vniuersale, non negabile, positio, suppositio, & definitio. Propria deniq; reduplicatiuè sunt, quæ hanc, vel illam cōstituunt demonstratio-

tionem, & scientiam, & cum tali medio, & obiecto coniunguntur, vt secundæ intentiones respectu Logicæ.

**Omnis scientia præsupponit suum subiectum esse.**

*1. Post. cap. 1.*

**P**RO certo est, quoad existentiam, & si est, non quoad essentiam, & quomodocunque. Amplius de subiecto adæquato, non de inadæquato. Item, secundum Alios, si non sit prima scientia ordine originis, falsum autem si sit prima, vt est ipsa Logica; vide, quæ supra habita sunt ex mente Auerrois, & Zimaræ in lit. D.

**Omni potentia actiua correspondet passiva.**

*9. Metaph. T. 2.*

**P**ERfectè valet de naturali, quæ est actiua per motum, non de metaphysica abstracta à motu, & à materia. Item ubi est receptio intrinseca, non extrinseca: Insuper quando ad terminum terminus passivæ, non secus. Ceterum de potentia naturali, non Diuina, maxime, quæ absoluta est.

SKOLION. Duplex statuitur ab eruditis Theologis in Deo potentia, alia ordinaria, & alia absoluta. Potentia Dei absoluta est posse suum, absq; respectu aliquo, habito ad particulare Diuinum attributum, cum qua potest Deus absolute quicquid habet rationem factibilis, & ideo illud, quod non potest facere nostro modo sentiendi, dicitur impossibile, non propter defectum Diuinæ potetia, sed rei factibilis, quæ non est capax, vt Magister in Rethorica potest absolute docere Rethoricam, at quod non possit docere Equum, vel Asinum non est defectus potentia in ipso, at istorum Brutorum, quæ non sunt capacia doctrinæ: Potentia autem ordinaria est, quæ

ordinatur ad aliquod attributum tantum, siue sit iustitia, siue sapientia, siue bonitas, &c. & sic potest Deus aliquid de potentia absoluta, quod non potest de ordinaria; vt e. g. potest Deus de potentia absoluta omnes, quot quot in Paradiso sunt poenis Purgatorij, aut Inferni condemnare, & è conuerso hos damnatos beatos facere, sed de ordinaria, puta considerando attributum iustitiæ, minimè: Sic peccatori poenitenti potest Deus, de potentia absoluta indulgentiam negare, at de ordinaria, (considerato .s. attributo suæ misericordiæ) non, ita.

*Arm.  
Bell. Tr.  
de Tr. 2.  
c. 9.*

**Omnis terminus mutationis est inter contraria.**

*2. de Ortu, & Interitu T. 56.*

**I**ntelligitur verum quoad partes, non quoad totum; nam ex eodem Philosopho 1. *Celi T. 87.* motus Celi & consideratur ratione totius, & ita se habet, vt ab eodem in idem, vel ratione partium, & ita est ab opposito in oppositum. Amplius respectu subiecti priuati formæ, quam postea adepturum est, non ratione termini tantum.

**Omnia, quæ fiunt causam habent. 5. Met. T. 2.**

**V**erificatur per se, aut per accidens; non per se tantum: Insuper verificatur de ijs, quæ propriè fiunt, ac propriè entia sunt, non de alijs, & ratio est, quia fortuita, & casualia fiunt, & tamen causam non habent: Sic de ente rationis discurrendum secundum Logicos, quia propriè ens non est, nec propriè fit, at solummodò ab intellectu discursiuo existetiam suam, & esse suum trahit.

Om-

**Omnia se inuicem tangētia actiua, & passiua sunt.**

*1. de Generat. T. 43.*

**I**N sublunaribus consistentiam habet, & in ijs, quæ aptæ sunt agere per qualitates alteratiuas, non de omnibus indifferenter; ita vt comprehendantur etiam Cœlestia, quæ se tangunt, & inuicem mutuò non agunt, neq; patiuntur: Itē de tactu physico, siue suppositali, siue virtuali, non de mathematico; vide supra.

**Omnia, quæ incipiunt esse aliquando desinent.**

*1. Cœli T. 127.*

**F**Amulatur veritati in ijs, quæ incipiunt esse per generationem, aut per primum sui esse, non per creationem, aut per vltimum sui non esse, sicuti sunt successiua. Itē iuxta statum Naturæ, & penēs habentia formam de sinu materiæ eductam, non de alijs, putà quæ per vires supernaturales conseruantur in esse, cum possit Deus quoduis corruptibile æternò conseruare.

**Omnia, quæ mouentur materiam habent.**

*12. Metaph. T. 10.*

**S**ubsistit de illis, quæ mouentur per se, non per accidens. Amplius motu physico, & continuo, non metaphysico, & discreto, qualis datur Angelis, & à materia separatis, vt supra. Itē de materia totius secundum aliquos, quæ est vltima differentia indiuidualis rei, siue hecitas, secundum Scottistas, non de materia partis, ita Antonius Roccus 1. Cœli q. 14.

*Anton.  
Roccus  
1. Cœli  
q. 14.*

**O**mnia, quæ prædicantur in quid, prædicantur per se. 1. *Post. T. 10.* & secundum aliam versionem *T. 30.*

**V**aleat adæquatè de per se primo modo, quia vndiq; conuertuntur ista duo, non alijs tribus modis: Item per se, vt contradistinguitur accidentali conceptui, non per se per seitate primæ substantiæ tantum.

**SKOLION.** Prædicari in quid est prædicari essentialiter, & per alteram ex partibus metaphysicis componentibus naturam, & quidditatem alicuius, quæ partes sunt generis, & differentia vltima, vt suprà in litera G. Prædicari autem per se est necessariò, & iuxta exigentiam talis subiecti prædicari, quòd euenit quatuor modis, vt luculentè suprà.

**Omnibus delectabile est esse. 1. Eth. cap. 4.**

**I**ntelligitur de omnibus, quibus competit appetere, & desiderare, non de alijs, & in sensu absoluto; in tantum enim aliquid delectabile est, in quantum est bonum; Et quia hoc, vel simpliciter, vel secundum quid est, propterea non esse, (tanquàm bonum, secundum quid) aliquando delectabile potest esse, vt damnatis non esse. Amplius absolute, non comparatiue, vt infra.

**Omnia habentia positionem in loco sunt. 4. Physic. T. 34.**

**L**iquidum manet de positione prædicamentali, quæ dicit ordinem partium per respectum ad motum, non de illa, quæ dicit situm tantummodò, nam punctus dicit positionem, & non

& non est in loco. Item de positione materiali, & quantitatiua, non de vbiatiua solum; vnde substantiæ separatæ sunt in aliquo vbi, & tamē non dicuntur liberè esse in loco, qui porro locus definitus est 4. *Phys. T. 3.* superficies corporis, &c. at illæ nullâ donantur superficie: Cæterum per se, & directè, non per accidens, & indirectè.

**Omnes homines naturâ scire desiderant. 1. *Metaph. T. 1. proœmiali.***

**P**robè intelligitur de desiderio innato, non de elicito: Amplius quoad specificationem, non quoad exercitiū.

**SKOLION.** Innatum desiderium est propensio naturalis vniuscuiusq; in suam perfectionem; Elicitum verò est, quod per electionem nostram, & cognitionem de re aliqua habetur, tali sensu, & cognitione, vt si non interfuisset cognitio, neq; ipsum fuisset.

**Omnia vnius generis sunt. 4. *Met. T. 2. 0. 3.***

**I**dentificatur veritati de genere scibili, nō de genere physico, & prædicamentali; constat enim substantiam non esse eiusdem generis cum accidentibus, & tamē illa, & ista sunt scibilia: Item vnius generis remoti, & lato vocabulo, siquidē omnia, præter Deum, in hoc conueniunt, quod ab ipso dependent, non vnius generis proximi, & vniuoci. In hac etiam collimat veritatem dictum Arist. 1. *de Ortu T. 5. 0.* dū ait omnia contraria esse eiusdem generis; patet enim, quod non possunt esse vnius proximi, cum omne genus suam propriam, & determinatam habeat contrarietatem ex 1. *Physic. T. 3. 0.*

Operatio arguit formam. 1. *de Ani. T. 10. & 11.*

**C**Larissimum est de forma substantiali, quæ minus patet nobis ipsâ accidentali, & immediatè insensibilis est, nõ de accidentali. Insuper de operatione stricto modo accepta; non latè, quæ alio nomine actio nuncupatur: Item principaliter, & ut quo non absolutè, &c.

**SKOLION.** Actio ab operatione in hoc distinguitur, quòd operatio est immediata, & propriissima formæ; actio autem actus exercitus communis etiam alijs formis; propter quòd insufficienter subiecta per actionem distinguuntur, sufficienter autem per operationem, quæ immediatissimè à dicta forma fluit, ut e.g. in homine operatio est discurrere; actio verò ambulare, dormire, &c. quæ etiam alijs animalibus conveniunt: quare patet per operationem hominem à reliquis se iungi, minimè per actionem.

Operatio naturæ, est opus Intelligentiæ non errantis. 8. *Phys. T. 51.*

**I**ntelligitur actiue de opere primo, & communi; est enim naturæ naturantis, quæ procul dubio errare non potest; minimè de alio opere, & alia natura, seu passivè: Insuper per se, non per accidens, & ex euentu, quæ adhuc præter intentionem primi agentis, rerum fines optimè cognoscentis, & ordinantis non dicuntur à casu, at benè respectu aliorum.

Operationes omnes temperamentis obfunt. *Libro de Longit. & brevit. vite, ac Sect. Prob. 38. P. 7.*

**V**aleat utique, quando citra statum naturalem fiunt, scilicet violenter, non quando naturaliter, idest iuxta pro-



propensionē, & inclinationem Naturæ: Itē cæteris paribus, & in suo genere, non aliter, parū enim discurre non obest homini; multū autē fortē sic, sicuti & deambulare; si enim modica sit deambulatio utilis est sanitati; si verò longa minime.

**Operationem voluptas perficit . 10. *Ethic. cap. 4.***

**I**N recto valet de sensitiua operatione, non de intellectuā nisi accomodē, hoc est proportionali modo, & non per repugnantiam de aliqua specie, vt est honesta operatio, de qua in fine illius capituli ore rotundo dicit Aristot. æqualem habere appetibilitatem cum vita, & ideò, si vita iucunda, & voluptuosa est homini, ita & operatio honesta: Itē, non in specie, sed in numero, quia, etiamsi fiat aliqua operatio cum dolore, tamen non amittit suam speciem actionis, dicitur tamen perfici in numero, quia agens promptius, & suauius agit, voluptate sibi præfictā, aut illi addita, quā opposito modo.

**Oportet intelligentem phantasmata speculari .**

*3. de Anima T. 39.*

**V**Alet de intelligente discursiuo, qualis est homo, pro hoc statu viæ; anima namq; hominis non intelligit quicquam, nisi phantasietur illud, quod vult concipere, ac iudicare, & format hoc phantasmate (quod imago est rei sensatæ) vi intellectus agentis potest intellectum possibilem mouere, non de intelligente per species innatas, sicuti sunt Angeli, & Intelligentiæ.

SKOLION. Intellectum nostrum conuerti ad phantasmata in intelligendo, non est intellectū cognoscere ipsum phantasma (vt perperam crediderunt Aliqui) siquidem hoc sin-

gulare est, & non prius cognoscit intellectus noster singulare, quàm vniuersale *ex 1. Physic. T. 3.* sed est pati intellectum à phantasmate, & ab eo speciem intelligibilem ad intra recipere, quæ receptio quædam continuatio, & conuersio est ipsius intellectus ad dictum phantasma, veluti illa, quæ anima separata conuertitur ad superiora, recipiendo lumen intelligibile ab eis; quando enim quis, per vires proprias, aliquid moliri non potest, se conuertere necessario dicitur ad ea, quibus potest postea illud conficere, & absolvere.

Oportet semper causam primam noscere. 2. *Phys. T. 2. 38.*

**M** Inimè de causa causarum primò prima intelligitur Effectum, quæ secundum Aristot. 12. *Metaph. T. 39.* difficillimæ est cognitionis, sed de causa sciendi, de qua 1. *Phys. T. 2.* & 1. *Post. T. 5.* discurret, dùm inquit scire est rem per causam cognoscere &c. Insuper in cognitionibus scientificis, & artificialibus, non dianoeticis tantum.

Opposita, sicut mensura, & mensuratum, non contrariantur priuatiuè, sed relatiuè. 10. *Metaph. T. 4. 5.*

**D**E illis, quæ secundum rationem formalem præcisè sic opponuntur, vt mensura, & mensuratum, non alio modo intelligitur, putà sub ratione proprietatis ratiùm, vt faciunt vnum, & multa, aut ratione modi, vt contingit in artificialibus, de quibus alter Auctoris labor sollicitus erit.

Ordo speciei ad speciem est per se intentus, non indiuidui ad indiuiduum. 3. *Metaph. T. 11.*

**D**E qualitate ordinis suam retinet veritatem, non de materia ordinabilium, & ordinatorum; verus enim ordo est speciei ad speciem, vt propriè comparabilium; cum enim ordo indiuidui ad indiuiduum excludat inæqualitatem ex eo quòd omnia eiusdem speciei supposita æqualia sint 3. *Metaph. T. 11.* perfectus; & proprius esse non potest: quapropter à Diuo Augustino ordo definitus est parium, dispariumq; rerum, sua cuiq; loca tribuens congrua disposit o.

Optimi est optimum facere. 8. *Ethic. cap. 10.*

**P**rocedit secundum sufficientiam potentia, nō secundum necessitatem; optimum namq; debet esse liberum, & liberum facit, quod vult, etiamsi optimum ipsum faceret: Amplius, vt ordinabile sibi, non aliter; propter quòd Deus alium Deum producere non potest, cum de ratione Dei veri sit esse vltimum finem, qui porro alteri non est ordinabilis.

Opus est in malis actum, & finem esse deterio-  
rem potentia. 1. *Ethic. cap. 7. & 9. Met. T. 17.*

**S**ensum rectum habet in moralibus in quibus actus vitiosi non perficiunt, sed lædunt, & scèdant, non in naturalibus, vnde frequenter in istis finis malorum naturalium bonus est: Amplius, quia finis specificat potentiam, & in humanis intentio mala non conspicitur, nec deridetur, sed executio mala, quia in hoc iudex humanus à iudice Deo distinguitur, quòd humanus de externis tantummodò iudicat, sed Deus, & de internis, & de externis.

Otiosum est, quod non consequitur finem, 2. *Phys.*  
T. 62. & 63.

**I**N summo veritatis est de fine, ad quem aliquid est ordinatum, non de alio, ut est Diuina bonitas respectu Creaturarum; non enim est propter ipsas, ut propter ordinatum, & debitum finem, bene autem Creaturæ propter illam; vnde otiosæ essent Creaturæ, illius, aliquo modo capaces, si non consequerentur illam, non autem ipsa Dei bonitas, si aliqua non extaret Creatura. Cæterum absq; impedimento, non si tale intercedat.

## P

Pars non prædicatur de toto. 5. *Metaph.* T. 30.

**I**Nconcussum est de parte in abstracto sumpta, non in concreto, & denominatiuè, propter quod secundum crispitudinem capillorum totus homo dicitur crispus: Cæterum, currit de parte reali, & physica, non de rationali, scilicet logica, qualis in dicto textu dicitur ab Arist. genus respectu speciei. Præterea de toto integrali, nam digitus non est manus, non de formali, & metaphysico; siquidem differentia vltima dicitur pars totius metaphysici, & tamen prædicatur de toto.

**SKOLION.** Pars realis physica est, quæ subiectiuè sumitur, & nil connotat, in quo, aut cum quo sit, hinc homo, nec caput, nec anima, nec caro est. Logica postea est, quæ significat rem, cui coniuncta est, aut coniungibilis, & adiectiuè exprimi solet, ut dicendo homo est animal: Additur & metaphysica, quæ scilicet cum alia quidditatem rei ingreditur, & est, vel genus, vel differentia, ut supra.

**Pars est prior toto. 5. Metaph. cap. 25.**

**I**ntelligitur de prioritate originis, & naturæ, non perfectionis: similiter de toto absoluto, non respectivo; quæ enim relatio cadit inter totum, & partes, insinuat neutrum esse prius alio, ut litera C. de causa, & effectu secundò intentionaliter est dictum.

**Partes definitionis significant partes rei. 7. Metaph. T. 33.**

**V**aler de definitis substantialibus, & completis, non de accidentalibus, & incompletis; quare non valet partes definitionis lineæ sunt puncta; ergo linea constat ex punctis: Item fundamentaliter partes definitionis à partibus rei sumuntur, non formaliter, ita ut sint eadem partes rei, nō enim animal est pars hominis, neq; rationale, sed sola anima, & solum corpus.

**Partes definitionis pertinent ad causam formalem 7. Metaph. T. 34.**

**I**ntelligitur hoc principaliter, non totaliter, & adæquatè; est enim definitio ex genere, quod dicit materiam, & ex differentia, quæ dicit formam ex Aristot. 8. Metaph. T. 6. Rursus quatenus dicuntur partes definitionis ad formalem spectare, pro ut natura speciei constituta ex materia, & formale habet, ut formalis respectu individui, quod participat eandem naturam, non ut materialis.

**Partes definitionis prædicantur de re definita.**

*1. Topic. T. 4.*

**D**E partibus præcisè, vt partes sunt, nõ intelligitur præsens Effatum, sed vt quædam tota, quæ confusè continet, quicquid in definito reperitur: Itè non æq; immediatè, sed vel mediatè, vel immediatè, siuè proportionè seruata, vt infrà: Genus enim directè modo logico, non sic differentia.

**Partes ponuntur in definitione totius, vt priores, minimè totū in definitione partiū. 1. Phys. T. 29.**

**A**pprimè verum in absolutis, non in relatiuis, quoniam sic pater ponitur in definitione filij, & non est prior filio: Item, quia partes constituunt & totum constituitur, non est autem constitutum ponendum in definitione constituentis, quia neq; posterius in definitione prioris.

**Paruus error in principio, fit magnus in fine.**

*1. Cæli T. 33.*

**V**erum utique, nisi corrigatur, secus falsum: Insuper directè verum in moralibus, non in naturalibus tantum, in quibus facillè potest remitti, ob maiora superanda: Præterea, si sit ex parte formæ, non materiæ tantummodò, aut ex parte extrinsecorum.

**Parua paruis iuxta posita citiùs, ac melius commiscuntur. 1. de Gener. T. 70.**

**D**ispositiuè, & materialiter intelligitur, non effectiuè: ab ipsis enim, non formaliter pendet mixtio, sed ab agente

te externo alterante : quòd si vult vti medijs congruentibus opus est ; vt illis ad minima ductis vtatur : sic panis. quo alimur, extritico ad minima ducto à Molitore optimè fit, & similiter oxilaccharum ex attrito saccharo, & aceto.

**Passio est in concupiscibili. 1. *Phys. cap. 1.***

**D**E passione sensitiva, & appetitiva subsistit Effatum, non immutativa potentia per obiectum, hoc est, quæ cadit in actum receptionis specierum ab obiecto emissarum, quia sic perperam Aristot. 3. *de Anima T. 2.* appellaret intelligere, quoddam pati : Insuper subsistit de illis passionibus, quæ non habent rationem ardui, quæ scilicet sunt in irascibili, secus autem de alijs, &c.

**Passionibus etiam sapientes subsunt. 1. *Ethic. c. 3.***

**V**erum est, non vt passiones deflectunt à ratione, sed vt ordinantur ab ipso intellectu, quia sic ad Virtutes attinent, quemadmodum primo modo ad vitia; quæ sanè distinctio Stoicorum euincit infaniam dicentium sapientem debere vacare à passionibus. Item passionibus naturalibus omnibus, non autem animi cunctis, cum sciant retundere, &c.

**Passionibus, nec laudamur, nec vituperamur.**

**2. *Ethic. c. 5.***

**S**umitur verum per se, quia passiones non sunt in nobis propriè, iuxta illud D. August. 14. *de Ciu. Dei cap. 4.*

Passionibus inuiti cedimus; hinc est, quòd passiones corporales Martyrum non faciebant quicquam ad meritum, nisi vt

volita, non per accidens, & consecratiue. Item de passionibus purè

*D. Aug.  
14. de  
Ciu. Dei  
cap. 4.*

purè naturalibus, non animi, seu moralibus; liquet .n. quòd per tolerantiam passionum animi, &c. aliqui laudantur.

**Per eadem corrumpuntur odor, & sapor. .i. de Sensu, & Sensibili cap. 4.**

**M**aterialiter, & effectiuè intelligitur videlicet per frigus, & congelationem; extenuantur enim à frigore odores, & hebetantur ab eodem sapes, sed non formaliter, & eodem modo; vnde, nec eodem pacto à calido contrario efficiuntur, siquidem calidum coniunctum cum sicco aereo producit odores, & cum terrestri sapes.

**Perfectum est natura prius imperfecto. .i. Cali T. 1. 2.**

**P**rocedit de priori respectu totius Naturæ, nõ in particulari; particularis namq; res primò imperfecta fuit, deinceps perfecta, spectato simplici ordine Naturæ: Itèm quia prius est causa externa, quàm interna, externa autèm, perfecta est, cum non habeat rationem componentis, & partis, sicuti interna, propter quòd Deus externa causa est, vt patet per totum librum de Causis.

**Perfectum est, quod nullo alio indiget. .i. Cali T. 3.**

**D**e perfecto simpliciter postulat intelligi, non in genere, vt est relatio, quæ indiget termino, subiecto, & fundamento. Insuper de perfecto physico, non metaphysico tantum, nisi proportionè seruata, quod etiam de perfecto in genere dici potest. Itèm, vt sit, non vt operetur (nisi fortè dicatur principaliter) quia constat primas substantias esse perfectas, & tamen, vt operentur indigent accidētibus, vt sup.

Per-



Perfectum est, quod tale alterum, quale ipsum est  
efficere potest. 2. de *Anima* T. 34.

**P**otissimè in genere moris habet verificari, & quādo illud  
alterum factibile est, minimè si non est factibile, &c.  
hinc Deus manet, & mansisset semper omninò perfectus, estò  
aliud Deum non produxerit. Amplius intelligitur verum in  
corruptibilibus, quibus vis generatiua data est, vt secundum  
speciem conseruentur, cum non possint in indiuiduo conser-  
uari; quocircà experimur Solem perfectum, etiam si aliud  
Solem similem sibi non producat.

Perfectum est, cui nil potest addi. 3. *Phys.* T. 6 3.

**V**aleat in suo genere, & ideò non de primo perfectissimo,  
quale est ipse Deus, in omni ordine, & genere summè  
completus; hinc perfectæ lineæ nihil deest lineæ, benè autèm  
aliquid superficiæ; sic perfectæ superficiæ nihil deest super-  
ficiæ, benè autèm aliquid corporis: Insuper currit de perfe-  
cto, vt toto, & ex parte materiæ, & ex parte formæ, non de  
perfecto partiali, cui deest ratio totius.

Pœna finis est culpæ. 3. *Rhetoric.* cap. 10.

**S**uum retinet veritatem, quantum ad terminationem iu-  
stitiæ requisitam, non quantum ad intentionem, quia ne-  
mo intendens ad malum operatur, vt suprà ex primo Magno-  
rum moralium, & ex D. Dionysio secundo de Diuinis Nomi-  
nibus. Cæterum ex institutione, & gratiâ correctionis, non  
ex ordine naturali; quocircà in genere moris propriè verum,  
non in genere Naturæ, si aliqua tamen culpa in hoc reperiri  
possibilis est.

D. Dio-  
nys. 2. de  
Diuinis  
Nomin.

H h

Phan-

Phantasticum, & memoratiuum sunt passionēs primi sensitiui. *In de Paruis naturalibus, de memoria, & Reminiscētia cap. 1.*

**I**ntelligitur hoc, non immediatè, sed mediatè; sicuti enim vna potentia oritur ab anima, mediante alia, ita quoque anima subiicitur vni potentia, mediante alia, & tali modo phantasticum, & memoratiuum dicuntur passionēs primi sensitiui. Item passionēs primi sensitiui, quia istud est radix phantasiae, & memoriae, siquidem actus eius praesupponitur ad actus istarum, veluti nutritiua radix augmentatiuae, & generatiuae, non autem, quia identificentur cum illo, cum sint sensus interni realissimè distincti ex 2. *de Anima* T. 156. & passio nunquam diuiditur contra subiectum.

SKOLION, Primum sensitiuum (quicquid dicant Alij Peripatetici de corde) est sensus communis, cuius est iudicare de omnibus sensibilibus. Sensus namq; proprius, vt visus, iudicat de proprio obiecto, discernendo ipsum ab alijs, quae cadunt sub eodem sensu, puta à viridi, à rubeo, nigro, &c. sed discernere album à dulci, ab acuto, &c. non est visus, neque alterius proprii sensus, benè autem ipsius communis; ad quem etiam referuntur, (veluti ad communem terminum) omnes apprehensiones sensuum externorum, vt cum quis videt se videre, siquidem impossibile est hoc fieri per sensum particularem, qui non potest agnoscere, nisi formam sensibilis à quo immutatur, dicente Aristotele 2. *de Anima* capite de Sensu communi.

Præmissæ demonstrationis debent esse necessariae.

1. *Post. T. 5. 7. & 15.*

**R** Ectè procedit de præmissis demonstrationis ostensivæ, non quæ ad impossibile est. Cæterùm de demonstratione ostensiva propter quid, non quia. Rursus quantum ad habitudinem terminorum, non quantum ad substantiam vocis; constat enim, quod præmissæ prolatae pereunt, nec reiterari aliquo modo possunt; sicuti benè quantum ad habitudinem specificam, & repræsentationem.

Plures formæ possunt esse simul in eodem intellectu. 3. *de Anima T. 38.*

**V** Erum est, ut in habitu, non ut in actu; quapropter in 2. *Topic. cap. 4.* ut supra ait contingit multa scire, & vnum intelligere, hoc est contingit multos habitus partiales variarum conclusionum subalternatarum simul habere, ac vno actu solum vnum intelligere: Amplius per modum vnius, non plurium, ut in lit. C. & F. tactum est.

Plurificatâ causâ plurificatur effectus, cum relativa æquo modo multiplicentur. 1. *Topic. c. 12.*

**V** Alet hoc de causa intrinseca, non de extrinseca, putà de efficiente, & sine, nisi fortè ipsa efficientia subordinationem habeant; quapropter duo ignes possunt eundem specie calorem producere, & è conuersò vnus ignis duos calores, in diuersis tamen subiectis. Cum his clarescent duo alia Effata de multiplicatione eadem Relatiuorum, & Oppositorum, quia valent, ut reduplicatiuè sunt talia. Item in specie, non &c.

Ponens differentiam inter duo debet cognoscere illa duo. 2. *de Anima* T. 146.

**V**erificatur secundum quædam superius data, vel confusè, vel distinctè, non distinctè solum, nec confusè solum, & ita facit intellectus noster, quando ponit differentiam inter Deum creatorem, & creaturam, inter finitum, & infinitum: Insuper, quando illa duo sunt eiusdem ordinis, secus minime.

Possibile ex se esse non potest ab alio perpetuari.

12. *Metaph. T. 30.* & 1. *Cæli* T. 120.

**A**dæquatè intelligitur in substantijs, non in accidentibus, videmus enim motum Cælorum possibilem ex se, & tamen ab Intelligentia perpetuatur, iuxta ea, quæ docet Aristot. 9. *Metaph. T. 17.* & 12. *eiusd. T. 41.* Item naturali ordine, & virtute, non supernaturali, & æterna, nam & fluxum Maris à Luna perpetua perpetuò fieri videmus, inspicere lit. C.

Possibili posito in esse nullum sequitur impossibile.

8. *Phys. T. 36.*

**Q**uantum est ex se verum est; minime verò, si adsit suppositio in contrarium, propter circumstantias, quod clare evenit de futuris contingentibus, quæ ex suppositione futuri sunt eventura, estò ex parte causæ liberæ possint non evenire.

Positâ causâ ponitur necessariò effectus. 2. *Phys. T. 89.* & 5. *Met. T. 2.*

**S**ecundò intentionaliter, quo pacto sunt inuicem relativa requirit intelligi, non primò, quia sic causa præcedit, & effe-

effectus subsequitur. Amplius verificatur de causa sufficienti, & adæquata, non insufficienti, & partiali. Rursus de necessitate consequentiæ, non consequentis.

SKOLION. Necessitas consequentiæ est, quando in arguendo vnum ex alio sequitur, vt e.g. si video Petrum legentem, necessariò Petrus legit, quæ sanè oratio necessaria est, eò quod rectè, & probè per logicam inductionem inferitur, si video Petrum legentem, ipse necessariò legit, cum connectatur actus videndi cum illo obiecto viso: Consequentis postea necessitas est, quando res in se necessaria est, itaut necessitas eius nò pendeat ex aliqua illatione, vt e.g. hominè esse risibilem, aut capacem disciplinarum. Cum ergo rectissimè inferatur causa est, ergò effectus ponendus est relatiuus illi, & causatus ab ea, sequitur necessitate consequentiæ, quòd posita causà ponatur effectus, sed non necessitate consequentis, cum res in se non sit necessaria, & intrinsecè connexa, vt risibilitas dicta cum homine, at solè n ex suppositione antecedentis, quòd causa sit, & ab ea emissus influxus ab aliquo recipiatur.

Posunt motus specie diuersi continuari. §. *Phys.*

*T. 41.*

**V**erum est respectu temporis extrinseci, itaut inter eos nullum medièt tempus, quoniam ait in *T. 40. citati* §. quod potest quis, postquàm cucurrerit immediatè febricitare, non autèm ratione formæ, cuius à priori ratio est, quia continuitas motus nò distinguitur realiter ab ipso motu, nec vtrumq; horum à forma, cum motus sit forma in continuo fieri, & diuersæ formæ specie intrinsecè non continuantur, cum careant extremis, & in hoc sistit diuersitas successuarum formarum à pluribus permanentibus, quòd successiuæ, ratio.

tione quanti possunt continuari, non verò illæ, & tali modo contingit respondere Arist. 5. *Metaph. T. 9.* dicenti vinum, cum aqua cōtinuari posse, scilicet ob formā remotam liquiditatis.

Potentia est principium transmutandi alterum, quatenus alterum. 5. *Metaph. cap. de Potentia, & 9. eiusd. cap. 1. T. 2.*

**V**aleat de potentia naturali actiua, non de supernaturali, omnis enim naturalis potentia est cum motu, qui sine subiecto esse non potest; at supernaturalis, cum infinita sit, est sine motu, & sine alio subiecto. Insuper valet de naturali actiua, non de passiva, qualis est omnis vitalis potētia, ut suprà, & potentia contradictionis, quæ in materia est; vitalis tamen in recipiendo, non in iudicando.

Potentia, & actus sunt in eodem genere. 9. *Metaph. cap. 1. & 2.*

**F**amulatur veritati, quando potentia essentialiter ordinatur ad actum, ut exponit Cactanus sup. T. 33. 2. de anima, non in omnibus casibus, & absolute. Cæterum verificatur de actu entitativo, & potentia logica, non de physica, & potentia obiectiua. Insuper reductiue, & diuerso modo, non eodem, & per eandem differentiam.

*Caetan.  
2. de an.  
1. 23.*

Potentia, & actus sunt duo opposita. 9. *Met. T. 4.*

**R**elatiue hoc debet intelligi, non positiue. Item ad idem relata, quoniam idem non potest esse in actu, & in potentia, minime si ad diuersa referantur. Insuper tanquam extrema generis, non alio modo, puta, ut vnum inchoamentum est alterius; & illi subordinatum, ut infra. Po-

Potentia manifestatur per actum. 9. *Met. T. 6.*

**T**Ritum, & certum est de potentia agentis vniuoci, quæ tota clarescit, in suo effectu; non de potentia agentis æquiuoci, vt est Sol respectu generationis vnius animalis tantum, sicuti est Deus Opt. M. respectu omnium, qui, licet potentiam habeat infinitam, nunquam tamen ad extra effectum producit infinitum, vt suprâ.

## Potentia, quæ potest in plus potest, &amp; in minus.

1. *Cæli T. 116. & 117.*

**P**robè intelligitur de potentijs actiuis, non de passiuis: Insuper de naturalibus, & corporeis, non de vitalibus sensituiis, & intellectiuis; non enim sequitur Petrus surdus potest videre, quod est maius; ergo, & audire, quod est minus. Præterea extensiuè, non intensiuè. Rursus in potentijs eiusdem ordinis in substantialitate, eo. s. pacto, quo vegetatiuum est in sensitiuo, non in ijs, quæ sunt diuersi ordinis, propter quod anima, licet sit nobilior virtus, & forma, quàm forma elementi, & ipsum corpus, quod eam recipit, adhuc tamen non potest id, quod potest corpus, & forma elementi, nimirum supplere pro illis. Tandem in ijs, quæ dicunt perfectionem, & nullo ex requisitis deficiente, secus falsum, vnde est, quod Angelus nequit intelligere per phantasmata, sicut intelligit homo, & tamen hoc minus est.

Potentiæ rationales se habent ad contraria. 9. *Metaph. T. 3.*

**F**æliciter incedit in ijs, ad quæ non ordinantur naturaliter, non in illis, ad quæ propensionem habent naturalem;

lem; vnde est, quòd intellectus non potest non assentiri principiis naturaliter notis; & simili modo voluntas non potest non adhærere bono, in quantum bonum, cum in ipsum bonum naturaliter ordinetur, vt in suum obiectum: Item in actu signato, non in actu exercito, quòd dixerunt Alij antecederet, non consequenter; dum enim quis scribit, non potest nolle scribere, quamdiu tamen scribit: siue ante electionem, non post; quoad exercitium, non quoad specificationem actus.

**Potentie specificantur per actus, & actus per obiectum. 2. de Anima T. 33.**

**P**ostulat accipi de actu formali, & proximo, non de materiali, & remoto. Amplius respectu nostræ cognitionis, quæ à posteriori naturas rerum indagatur, nõ in se. Cæterum extrinsecè, non intrinsecè, quia, præciso colore, potentia visiva est. Tandem de illis actibus, qui habent complementum ab obiectis, non de alijs alterius census, vt sunt actus Diuini.

**Primum, quod est mensura reliquorum est in eodem genere cum ijs, quorum est mensura. 10. Metaph. T. 1. 5.**

**S**ubsistit de mensura adæquata, & quæ non excedit ipsam mensurata, non de inadæquata, & excedenti, qualis est Deus respectu omnium: Item de vniuoca respectu eorum, quæ sunt vnius generis, analoga postea respectu aliorum. Vel dicito in eodem genere, latissimo vocabulo, putà in ente, quoniam sic quæcunq; nihilo opponuntur in eodem dicuntur genere, non stricto vocabulo, & logicè.



Primum in quouis genere præstantius est ijs omnibus, quæ sunt in illo. 12. *Metaph. T. 34. & 37.*

**C**ertitudinem habet in ratione causæ, non in ratione entis. Cæterum in concretis, non in abstractis; vnde si daretur albedo abstracta, ista porro esset nobilior ipsâ quantitate, quæ est genus generalissimum. Vtteriùs valet in eo, quòd participant illud tale, vt e.g. bonum est maximè tale in omnibus participantibus bonum, quâ ratione participant, non absolutè, vt quando res sunt bonæ per proprias bonitates, ita docet Caetan. 1. p. q. 2. art. ultimo.

Caetan.  
1. p. q. 2.  
art. ult.

Primum mutatum esse, in eo, quod primum mutatum, est indiuisibile. 6. *Phys. T. 44.*

**M**Ancipatur veritati, si sit in actu vniformiter, minimè si difformiter.

SKOLION. Vniformiter esse in actu importat, vt terminus, & principium motus coincident: Difformiter postea esse in actu est vnum esse in potentia formali, & in actu virtuali, vel è conuersò in potentia virtuali, & in actu formali, quo pacto appellant Aliqui materiam primam indiuisibilem actu, & diuisibilem virtualiter.

Prima contraria sunt vnū, & multa. 4. *Met. T. 6.*

**V**Surpatur de contrarijs reductiuè, non formaliter, quo pacto contrariantur forma, & priuatio, & ea, quæ sub genere aliquo determinato sunt: Item transcendèntali modo, non prædicamentali, siquidè prædicamentalis oppositio, eam, quæ est vnus, & multorum supponit, vt sup. tactum est.

Prima agentium causarum agit totâ suâ potentia.

8. *Phys. T. 48.*

**R** Eâdè procedit de potentia Agentis vniuersali, quæ tota manifestatur in effectu, nō analogi, cuius effectus semper minor est potentiâ efficientis, & ratio à priori est, quia illa ordinatur ad finem sibi extrinsecum, hæc autem ad se ipsam: Item de agente primo naturali naturaliter operante, non de supernaturali, & libero: Insuper, vel quoad rem effectus, vel quoad modum, & sic Deus verum primum Agens creando utitur modo infinito, licet infinitū effectū non producat.

Prima creaturarum rerum est esse. *In libro de Causis Propositione 4.*

**S** Vmitur verum, prout ly *esse*, importat rationem obiecti creationis, nam ex eo dicitur aliquid creatum, quia ens est, non ex eo, quod est hoc ens, cum creatio sit emanatio totius esse ab ente vniuersali, non ut importat substantiam creatam, aut particularem existentiam.

Prima causa mouet mobile primū. 2. *Cæli T. 36.*

**A** Pprobatur de illa, quæ mouet per modum efficientis, non finis, & amati; duplex namq; est motor primi Orbis, sicuti & aliorum Cælorum, secundum Arist. in 2. *Met. T. 36.* Vnus, qui mouet per modum finis, & amati, & hic est Deus; alter per modum efficientis, & iste mouet per modum amantis, & desiderantis ab ipso fine moti, sicuti Intelligētia. Quod si hæreat quis animo, ut etiam credat Aristot. voluisse primum motorem simpliciter, & immediatè mouere Cælum primum; per quādam virtutis appropinquationem, & primariam

riam influentiæ susceptionem dicat mouere, non aliter, ita *D. Tho.*  
respondet *D. Tho.* in 12. *Metaph.* lect. 7.

in 12.  
*Metaph.*

**Principium essendi est etiam principium cognoscendi. 2. *Metaph.* T. 4.**

**E**X parte rei cognitæ veritatem possidet, siquidem per sua principia vnumquodq; cognoscibile est, & scibile, dicente eodem *Aristo.* 1. *Phys.* T. 50. ignoratis principiis necesse est cuncta ignorare, non ex parte cognoscentis. Item remorum, & fundamentale principium, non proximum, & formale, quandoquidem materia est principium essendi, & secundum *Arist.* minime, se solâ, principium cognoscendi.

**Principium est magis ens, quàm principiatum. 5. *Metaph.* T. 3.**

**V**Aldè tritum est secundum quid, quoniam principium est simplex actus; principiatum verò potètia cum actû. Insuper intelligitur de ly magis, vt cōnotat prioritatem causalitatis, non entitatis, & existentiae, seu simpliciter, & omni modo. Præterea verum de principio, quod etiam causa est, vtpotè continens virtualiter effectum; non de eo, quod non est causa, propter quòd vnitas non est magis ens, quàm numerus, neq; punctus magis ens, quàm linea, cū hæc duo principia sint dictorum, at non causæ.

**Principium, & principiatum relatiuè dicuntur. 5. *Metaph.* T. 1. c. 20.**

**V**Allet directè in naturalibus, & creatis, non in Diuinis, in quibus Tò principiatum imperfectionem sonat, licet

pro eo satisfaciatur id, quod ab alio procedit: Amplius secundò intentionaliter, & in qua ratione præcisè sunt principium, & principiatum, non primò intentionaliter, & extra talem descriptam rationem.

**Principium in cognitione est finis in operatione.**

*2. Phys. T. 89. & 3. Ethic. cap. 3.*

**A**ncillatur veritati in operabilibus tantum, non in consiliariis: Item in cognitionibus naturalibus, non in moralibus, atque contemplatiuis; quandoque enim, & propter honestatem, & propter verum finis cognitus, non habet practicum terminum, neque continet executionem; quinimò Mathematicæ ipsæ contemplationes clarè hoc indicant ex *Philos. 2. Metaph. cap. 2.* cum dicantur esse sine fine. Rursus cæteris paribus, non imparibus.

**Principiū mutabilitatis est materia. 1. Cæl. T. 136.**

**C**irrit de mutabilitate secundum esse, non secundum intellectum, & voluntatem, quæ potentie liberæ sunt, & ideò datur substantijs spiritualibus ad differentiam primæ, quæ solis materialibus, & corporeis accommodatur: Insuper, non de materia sola, at de ipsa simul cum priuatione, siquidem videmus Cælum habere materiam, & non mutari quoad esse.

**Principium primum, ut certissimum, non est distinguendum. 4. Metaph. T. 8.**

**I**uste intelligitur de primo principio cognitionis nostræ, non existentie, quale est ipse Deus, qui porro in natura Dei-

Deitatis indistiguibilis est, & simplicissimus, benè autem in hypostases. Rursùs valet de primo principio, vt simpliciter notissimo, & firmo, non quatenùs docibile Tyrones, saltèm quoad applicationem terminorum. Vel dicito realiter indistiguibile, benè autè virtualiter, & secùdum còsiderationè.

**Principia in nulla scientia probari possunt. 1. *Post. cap. 2. § 9.***

**C**ertum est à priori, & per causam; cùm enim prima sint, nil ante se habere possunt, per quod demonstrantur, non à posteriori, scilicet per effectus. Insuper verum de principijs cognoscendi absolutè, & in omni ordine, ac genere, nò de principijs essendi, & in aliquo ordine tantùm. Vtteriùs per demonstrationem accuratam, non per quamvis aliam, ita.

*Crass. in  
Prælud.  
Physic. §.*

**Principia indemonstrabilia non cognoscuntur per medium. 1. *Post. T. 6.***

**I**ntelligitur hoc de principijs immediatis demonstrationis, quæ tantummodò exigunt notitiam experientialem, putà sensitiuam ratione cognitionis terminorum, licet non ratione complexionis eorundem, non de mediatis, & remotis. Item per medium pariter demonstratiuum, & à priori, non de alio medio.

**Principia non possunt esse falsa. 1. *Physic. T. 50. § 1. Post. T. 5.***

**T**ritum manet de principijs primis communissimis omnium scientiarum, non de hypothesibus, ac principijs par-

particularibus, quoniam super ista, etiam immediatè fundantur opiniones possibiles esse falsas. Rursus verum, etiam de istis, vt congruunt communissimis iam dictis, non liberè, & absolutè, quod dicitur in omni genere.

**Principia non fiunt ex alijs. 1. *Phys. T. 42.***

**V** Alet, tanquàm ex parte, non tanquàm ex termino intrinseco. Amplius de illis, quæ sunt in eodem ordine, & genere, non in alijs; quocircà principia Physicæ non sunt ex alijs physicis, at benè ex alijs, putà Logicæ, vel Rhetoricæ: Cæterum de intrinsecis, non extrinsecis.

SKOLION. Fieri aliquid ex intrinsecis stat dupliciter, vel tanquàm ex partibus subiectiuè, vel tanquàm ex aliquo eiusdem rationis cum illo: primo modo negatur aliquod principium intrinsecum fieri ex suis veris partibus, quæ, secundum Scotum, realiter differunt à toto; secundò autem modo minimè, & propter hoc materia non fit ex suis partibus, tanquàm ex subiecto, sed tanquàm ex aliquo eiusdem rationis cum alia comparte.

**Principia per accidens non sunt principia mutationis. 5. *Phys. T. 6.***

**V** erificatur de principijs, vt dicunt causam influentem, non ordinem tantum; licet enim priuatio, quæ est principium per accidens respectu constitutionis rei, non ingreditur substantiam eius; per mutationem tamen, vt dicit ordinem ad Naturam, & ingreditur veritatem talis principij. Vnumquodquè, quod fit, fit ex contrario 1. *Phys. T. 47.* vtiq; principium est per se mutationis: Item de intrinsecis totaliter, & quoad fieri, & quoad factum esse, non de extrinsecis solum, & quoad factum esse.

Prin-

Principia quæque simplicia sunt. 2. *de Ortu T. 22.*  
*Et lib. de Causis Prop. 21.*

**E** Videns est de principijs essendi syncategorematicè sumptis, non de principijs cognoscendi, & scientiarum; cum enim ex subiecto, & prædicato cōstent, & insuper enuncientur complexa oratione ex *Philos. 1. Priorum cap. 1.* simplicia esse non possunt, ita Ioannes de Magistris. Cæterū comparatiuè ad principiata, non alio modo.

Principia sensibilibum sunt sensibilia. 3. *Cæli T. 61.*

**S** Vbistit de principijs proximis, & immediatis, non de remotis; siquidē materia, & forma seorsim non sunt sensibiles, & tamen sunt principia sensibilibum ex 1. *Phys. T. 51.* & sequentibus vsq; ad 58. vide, quæ supra habita sunt lit. E. de principijs mortalium.

Principia scientiarum non habent causam. 1. *Posterior. cap. 10.*

**S** Tat verum de causa certitudinis per se, & euidentiæ non de causa assensus, quæ est lumen intellectus cuncta sensibilia præcedens. Amplius verum de simplicibus, quæ non sunt in alia resolubilia, non de complexis, cum ista habeant causam cognitionis, vt alibi dictum est.

Principiorum, quæ æterna sunt, nulla est causa.  
 8. *Phys. T. 15* Et 1. *eiusd. T. 42.*

**S** Vbistit de causa essendi, non cognoscendi tantum; Itē nulla causa materialis, quæ .i. primò fuerit priuata aliquo esse,

esse, non de efficienti, & finali; Cœlestia namq; & elementa principia sunt inferiorum mixtorum, ac æterna; & tamen causam habent efficientem, & finalem, cognitam etiam ab Arist. .s. Deum. Insuper proportionatè, & adæquatè valet de principijs æternis (si quæ sunt plura) æternitate inparticipata, ut est Deus, non de alijs: Vide, quæ suprâ dicta sunt de essentijs rerum literâ E.

**Propria passio nequit à subiecto separari. 1. de  
Ortu T. 11.**

**V**Ltra æstimationem certum est de separatione reali, & subiecto primò intentionaliter sumpto, non de separatione logica, quæ abstractiua, & intentionalis dicitur. Amplius certum de separatione positiua, non priuatiua.

SKOLION. Positiua abstractio est per secundam mentis operationem; priuatiua autem per primam. Vide superius dicta literâ A.

**Procedens diuersum est à procedente. 7. Metaph.  
T. 28.**

**S**imili modo Effatum hoc intelligitur, putà de procedente per processum transeuntem, & a dextra, nō per intelligibilè, iuxta quem, quantò magis aliquid procedit, tantò magis est vnum, cum eo, à quo procedit. Cæterum, vel secundū relationem, vel secundum naturam, non necessariò secundū naturam, & ita filius in Diuinis procedens à patre, relatiuè ab illo distinguitur, at non secundum substantiam, & naturam, cum sint eiusdem prorsus essentiæ, & Deitatis.



Proprium est viuētiū à se ipsis moueri. 8. *Phys.*

*T. 29.*

**V**Surpatur verum de motu in communi, vt totius, non in particulari, aut partium tantum, cum multa sint viuētia, atque prima hic, quæ non mouentur localiter (de quo motu procedit Textus) licet benè moueantur motu augmenti, decrementi, ac voluntarij, vt infra litera Z.

Proprium, primò inest speciei, quàm indiuiduis.

*5. Topic. cap. 3.*

**N**on dubiè intelligitur de subiecto conuenientia, quoniam proprium proximè emanat ab essentia speciei; propter quòd homo est primum subiectum risibilitatis, deinde Socrates, vel Plato, &c. non tanquàm subiecto existētiæ, quoniam sic primò inest indiuiduis, quæ propriè existunt, quàm &c. & in hoc maximè ab accidente communi distinguitur proprium, quòd istud oritur ex principijs speciei intrinsecis, commune verò ab extrinsecis, propter quòd illud primariò tangit speciem, & istud indiuiduum; ratioq; à priori videtur esse, quia omnis res prius dicitur de eo, in quo causam habet necessariam, quàm de eo, in quo causam habet contingentem: modò proprium habet causam necessariam in specie, & accidentia communia contingentem, vndè fit, vt indiuiduorum existētiæ sequantur hæc, illud verò nō &c.

Productio habet pro termino existētiā. 5. *Physic. T. 7.*

**P**rocedit verum de rei corporeæ, per actionem transeuntem, siuè per modum transeuntis, productione, non il-

lius, quæ ab actione immanenti prodit, & ad intra, qualis est productio entis rationis. Itẽm de existentia, vel completa, & physica, vel incompleta, & metaphysica, non de vna tantũ.

**Priuatio est principium essendi, & non essendi.**

*1. de Generat. T. 18.*

**A**ccipitur verum de priuatione, vt est iuncta materię, non seorsim, quia nunquã seorsim priuatio potest efficere ipsum esse, & proindẽ principium essendi appellari, sed quid negatiuũ in recto, & proindẽ tali modo principium non essendi, sicuti primò principium essendi, quatenus motiuum, cur materia appetat formam, & ideò, quod noua fiat generatio. Clariũs dicunt Alij principium non essendi per se, essendi verò per accidens, vt ad literam habet Arist. 1. *Phys. Tex. 79.*

**Priuatio noscitur per habitum. 3. Anima T. 25.**

**S**ecundum se intelligitur, tũ quia contrarium per contrarium natum est cognosci, ex 7. *Metaph. T. 23.* tũ quia priuatio non est ens, & propriam speciem non habet, vnde per oppositam formam opus est, quod dignoscatur, iuxta illud Philos. 1. *de Anima T. 85.* rectum est iudex sui, & obliqui, non secundum nostrum modum intelligendi, qui est tempori, & sensibus obnoxius, & propter hoc 7. *Metaph. T. 1.* dicitur accidentia, priuationes, &c. quæ pusillæ sunt entitatis, esse magis nota ipsis substantijs; quocircã Auerroes 8. *Phys. Com. 27.* ait Aristot. definiuisse mouens per se, per negationem motoris per accidens, quia, quod est per accidens est nobis notius eo, quod est per se.

Pri-

**Priuatio quodammodo forma est. 2. *Phys. T. 15.***

**I**ntelligitur per metaphoram, & similitudinem, non realiter, quia sic impossibile est vnum contrarium esse aliud, & summè distantia identificari. Itèm de forma incompleta, quæ solum formæ typum gerit, quatenus denominat, & denominatio est à forma; vnde cœcitas cœcum dicit, & surditas surdum, non de completa.

**Prius non pendet à posteriori. *In Postpradic. cap. 2.***

**S**ubsistere habet in eisēdo, quoniam & isto modo substantiæ non dependēt ab accidentibus, non in agendo, & causando, quandoquidē sic ab accidentibus dependent ipsæ substantiæ, vt infra lit. S. Itēm verum in esse absoluto proprio, non, vt aliquo modo relatiuum ad posterius, quoniam relatiua simul natura sunt.

**Proportio est eorum, quæ sunt eiusdem generis.**

**7. *Phys. T. 30. 31.***

**A**pprobatur vndiq; de proportionē adæquationis, non assimilationis, vel proportionalitatis, quoniam ista potest esse eorum, quæ genere differunt, & in solo analogo conueniunt, vt proportio effectus ad causam respectu Dei, & creaturæ: Itēm de genere, vel proximo, vel remoto, non necessariò de proximo.

**Propter vnūquodq; tale, & illud magis. 1. *Po. T. 15.***

**C**larissimum est in causa finali, & efficiēti, non materiali; qua de re non sequitur propter materiam res sunt

corruptibiles: ergo ipsa magis corruptibilis. Cæterum in efficientibus totalibus, & per se, non in instrumentalibus impulsivis, & æquiuocis: Et quia materia, non per se, sed cum priuatione est causa corruptionis, propterea rursus dicitur non eam esse magis corruptibilem. Rursus in vniuocis, subordinatis, & proportionalibus non alijs, vt supra dùm de causa causæ esset sermo.

## Q

Qualibet potentia dignior prior, & melior res est actus. *9. Met. T. 1. 9. & 12. eiusd. T. 26. & 32.*

**I**nculpatae veritatis est de illa potentia, quæ totaliter actui contrariatur, & passiva dicitur, non de alia, purè de actiua, quæ identificata est actui, qualis ad vnguem est, quæ in Deo reperitur, siquidem actio Dei, & potentia eius ipsissima Diuina essentia est, & planè nil melius, ac dignius ipsa Dei essentia. Pariter verum de illo actu, qui potentia perfectionem, eminentiali quodam modo continet, non de alio; videatur litera A. in exordio.

Qualis causa talis effectus. *2. Phys. T. 38. & 1. Post. T. 23.*

**A**pprobatur optimè de causis internis, quoniam istæ continent effectum; vnde, quale lignum, alius Mercurius, non de externis; Item de causis generalibus, & productiuis, non corruptentibus; sapientia enim dantur mala, quorum corruptentia bona sunt. Cæterum approbatur de causa vniuocæ, & proxima, quæ potens est assimilare sibi effectum, at non de æquiuoca, & remota, qualis est Sol respectu nostratum, & Deus respectu omnium creatorum.

Qua-

Qualis est proportio partis ad partem talis est totius ad totum. 7. *Phys. T. 36. & 37.*

**V**aleat in ordine ad pugnam, & corruptionem, non in ordine ad mixtionem; ait enim Aristor. 1. *Gener. T. 69.* quòd parua paruis iuxta posita citius, & magis commiscentur, quod nullo modo sequi posset, cum etiam magnum magno iuxta positum magis deberet admisceri: Inuicem itaque partes melius agunt ad mixtionem parua posita, quam tota, non in se corrupendo, &c.

Qualitates primæ sunt principia, & formæ corporum. 2. *de Ortu T. 7. & 4. Meteor. cap. 1.*

**R**atum, & firmum est de principijs sensibilibus, vt sensibilia sunt, non absolute: Sic ergo est, quòd corpus, inquantum sensibile, potest habere pro principio accides, cum accidentia sint solum sensibilia, non pro quidditate: Item valet de primis qualitatibus, non seorsim, vt qualitates sunt, sed vt instrumenta primorum corporum simplicium, quæ vulgò elementa dicuntur, ita Boccaferreus 4. *Meteor. l. 1.*

*Boccaf.  
4 Meteor.  
l. 1.*

Quantitas index est materiæ, qualitas formæ.

4. *Phys. T. 84. & 1. de Ortu T. 32.*

**I**n confesso est de quantitate molis, quæ extensionem importat, & partes extra partes, non de quantitate virtutis: Insuper de continua, & prædicamentali, non de discreta, & transcendentali: sic de qualitate, vel quia sequitur, vel quia antecedit formam; dispositiones autem qualitates sunt, iuxta Philof. in 4. *Categoriarum*, & tamen formam non sequuntur, sed antecedunt.

SKO-

SKOLION. Dicitur qualitas sequi formam, quia inter omnia accidentia habet magis de actu, cuius signū est, quod immediatē denominat, ut suprà; à iustitia enim dicitur iustus, & à sanitate sanus per Aristot. in 4. ex *Categorijs*; quantitas autem sequitur materiam, quia multum habet de potentia, ut apparet ex definitione quanti habita 5. *Metaph. T. 18.* cuius signum est, quod non reperitur, nisi in habentibus materiam.

Quantitati nil est contrarium. *In Predicam. cap. 2.*  
*Proprietate 1.*

**P**Robè intelligitur per se, non per accidens; cernimus enim hyemem, & æstatem, quæ tempora sunt, & ob hoc quantitates, sibi inuicem contrariari. Amplius verum est, si contrarietas sumatur pro repugnantia formarum actiuarum, & passiuarum, sed falsum, ut est terminus rei naturalis, & ut contrarietas est repugnantia perfecti, & imperfecti. Item logicè, non physicè.

SKOLION. Terminus hîc *logicè* importat secundò intentionaliter, & remotè à materia, physicè verò primò intentionaliter, & simul cum materia, & cum subiecto. Locus itaq; tempus, & similes quantitates logicè sumptæ contrarij non habent, at physicè benè; vnde Scythia Ægypto contraria est, quatenus illa frigidus locus est; ista verò calidus.

Quantitatis nulla est actio. 4. *Phys. T. 84.*

**V**erum est per se, & primariò, quia cum omnis actio sit de contrario in contrarium, & quantitati nil cōtrarietur, ut suprà, saltem primariò, propterea quantitati non est actio primariò danda; secundariò autem benè, quoniā adiuuat

uatum subiectum, ut agat; unde videmus magnitudinem lapidis multum conferre ad celeritatem descensus. Item verum de actione naturali, non morali, aut spiritali.

Quantò accidens sensibile communius est, tantò est certius. 2. *de Anima* T. 63.

**V**eritatem retinet ex parte sensus cognoscentis, quandoquidem visus e. g. circa album, & nigrum potest errare, at non circa colorem, minimè postea ex parte actus particularis cognitionis; quapropter Arist. 1. *Phys.* T. 3. ait vniuersale esse nobis notius ipso particulari, quod rectè intelligitur in continendo, non in prædicando, iuxta doctrinam suam in 1. *Post.* T. 12. Caterùm de communi secundò intensionaliter, relato scilicet ad species, & ad inferiora, non primò, relato scilicet ad accidens proprium; constat enim accidentia propria certiora esse ipsis communibus.

Quantò aliquid est simplicius, tantò est perfectius. 3. *de Anima* T. 6. & 2. *Cæli* T. 22. & 23.

**A**lio non reluctante, siuè cæteris paribus verum est Effatum, secùs falsum: non enim omnimodà perfectione quodlibet simplex est perfectius alio minus simplici, siquidem materia sola simplex est, imò & forma seorsim, & tamen non sunt perfectiores ipso composito, ut suprà, sic forma accidentalis est simplicior pluribus substantijs, putà ipsis compositis, & tamen non est perfectior illis.

Quantò aliquid est propinquius primò perfectissi-  
mo, in aliquo ordine tantò est perfectius.

4. *Metaph. T. 6.*

**A** Pprobatur, ut verum de propinquitate ad æquationis,  
& virtutis, non situalis locationis, seu indistantiæ lo-  
catur. Item in operando, & intelligendo; vnde 10. *Ethic.*  
9. dicebat Arist. Deo carissimus est, qui operatur cum intel-  
lectu, quod propter simplicitatem substantiæ contingit, non  
secundum simplicem accessum; vnde corpora Cœlestia, etsi Deo  
propinquiora sint, secundum hunc accessum, nobis tamen  
perfectiora non sunt, qui animati, & rationales sumus.

Quantò maior est distantia inter terminos, tantò  
maior est mutatio. 1. *de Ortu T. 10. & 11.*

**P**robè vsurpatur, vbi est identitas subiecti, cum dicta ma-  
iori terminorum distantia, non vbi dēest similis identi-  
tas; quocirca maior est mutatio de albo in nigrum, quàm de  
albo in rubrum, non autem maior mutatio creatio, estò sit  
inter terminos latiores, & remotiores, quia non est sub iden-  
titate subiecti. Item quoad sensum, non &c.

Quæ eadem generatione generantur, & eadem  
corruptione corrumpuntur (veluti ens, & vnū)  
sunt idem realiter. 4. *Metaph. T. 3.*

**I**ntelligitur hoc de simultate temporis, & naturæ, non so-  
lius temporis; & ideò, licet substantia, & quātitas termi-  
nata simul tempore generentur, vel corrumpantur, attamen  
quia non simul naturā generantur, propterea realiter non  
di-



distinguuntur, quod & de subiecto, & propria passione asserendum venit: Insuper in absolutis, & in ijs, quæ æquè primò penetrantur, non in relatiuis.

Quæcunq; sunt eadem, talia sunt, vt quod vni conuenit, conueniat & alteri. 6. *Topic. cap. 1.*

**I**Am nodū in scyrpo inuenimus. Varijs inscriptionibus hoc, quod agitur in Effato insigniri solet ab Interpretibus, forte ob concinnationem terminorum; quapropter etiam varijs in locis varix, dō&æq; interpretationes habentur. Alter locus est 5. *Metaph. T. 16.* sub hac inscriptione: *Eadem sunt, quorum substantia est vna.* Alter locus est in 8. *Metaph. T. 15.* *Eadem sunt quorum predicata,* genus. s. & differentia, & in sensibilibus materia, & forma, *sunt eadem.* Alter tandem in 3. *Phys. T. 2 1.* fermè sub his verbis: *Quæ sunt eadem vni tertio sunt eadem* inter se, famosum equidè, arduū, sed profundum, quod maximè Theologorum torquet ingenia; quocircà, cū prima mēbra Effati propositi ex 6. *Topic.* de identitate specifica adæquatè intelligantur, non de numerica; erga hoc quartum meum impendam laborem.

Est itaq; prima, & satis communis interpretatio, quòd verum sit Effatum eo modo, quo sunt eadem illi tertio, non; vt ab eo distinguuntur, qualiter se habent actio, & passio descriptæ ab Aristot. 3. *Phys. T. 19.* quia non sunt eadem inter se. sicuti sunt eadem cum motu, siquidè in actione importatur respectus, vt à quo; in passione verò, *vt qui ab aliò.* Sic de genere, & differentia dicit D. Thomas in Opusculo 30. Itè, quando sunt idem secundum rem, & rationem, vt tunica, & indumentum, non secundum rem tantum, quæ est communis Arabum, & Græcorum super 6. *Topic. cap. 1.* & D. Tho. in Com. adducti textus 2 1. 3. *Phys.* Vtcrius, quando sunt idem

re, & non habent oppositas, vel diuerſas rationes formales, quarum vna excludat alteram, vt euenit paternitati, & filiationi, quæ eſt expositio P. Iauelij, & P. Torres. Cæterum in abſolutis, non in relatiuis; hæc enim dicunt incommpossibilitatem naturalem, ob quam opponuntur, non ſic autem abſoluta. Prætereà verum, quando illud tertium eſt incommunicabile, non quando communicabile; propter quam rationem non valet in Diuinis, quia eſſentia Diuina tribus perſonis cōmunicatur. Insuper inconcuſſum, & firmum, quando illud tertium adæquatè diſtribuitur; nimirum quādo accipitur pro omni re, pro qua accipi poteſt, minimè ſi non; & hac etiam de cauſa in Diuinis, non ſubſiſtit, quia dūm dicitur eſſentia Diuina eſt pater, non dicitur, quòd omnis reſ, quæ eſt eſſentia Diuina, ſit Pater, cūm ſit etiam Filius, & Spiritus Sanctus, & eſt enucleatio Capreoli. Rurſus verū in entibus finitis compoſitis, & aliquo modo dependentibus, non in Deo, in quo omnia identificantur. Amplius, quando illud tertium ex ſua ratione habet tantum modū, vt ſit re vnum, non aliquo modo plura, & eſt P. Valentia. Tandem, quando ſunt eadem vni tertio, & non opponūtur inuicem, maiori oppoſitione, quàm cum illo tertio, ſecūſ, minimè: Maiora videto apud P. Nazarium 1.p.q.28.art.3. controuerſiā vniēā.

Capreol.

P. Val.

Naz.

1.p.q.28.

art.3.

Quæcunq; in ſubiecto conueniunt ſunt inuicem tranſmutabilia. 1. de Ortu cap. 1. § 12. Metaph. T. 10. § 12.

**V**Ltra penſum verum de illis, quæ conueniunt in vno per modum ſubiecti, vt ſunt cuncta entia generabilia, & corruptibilia, non de illis, quæ conueniunt ſolū in genere logico, & non per modum ſubiecti: Amplius de ijs, quæ conueniunt in vno per modum totius, & exiſtentis, in quo inuoluuntur.

lunatur materia, & qualitates (qualis ratio non potest verificari de Deo, & creaturis) non de quouis alio.

**Quæ differunt formâ differunt specificè. 10. Metaph. T. 12.**

**C**onstitit in summa veritate de forma, ut dicit quidditatem, ac naturam specificam, non de forma, quæ est altera pars compositi; nam primus modus importat differre in forma, sed non formaliter; secundus verò formaliter, at non in forma.

SKOLION. Aliud est differre in formâ, & aliud differre formaliter (physicè loquendo, & in substantialibus.) Differre in forma est secundum differentiam ultimam, quæ conuertitur quodammodo cum specie rei, differre formaliter autem est diuersam numero formam, & numericam constitutionem (quæ potissimum in genere foeminino, & masculino obseruatur) habere; hinc duo homines distinctas formas habent, cum eandem numero non habeant, non tamen differunt specie, quatenus secundum ultimam differentiam, quæ quidditatem connotat *ex 7. Metaph. T. 35.* non differunt.

**Quæcunq; assimilatur inuicem in aliquo vno conueniunt. 1. de Gener. T. 48.**

**G**ermanè intelligitur de illis, quæ communicant in genere, & in materia; vnde si inter Deum, & creaturas esset aliqua similitudo (quæ porro non adest, secundum Diuum Dionysium in de Diuinis Nominibus cap. 9.) illa adhuc non esset talis, quæ faceret cōuenientiam in aliquo vno, cum Deus debeat infinitè distare à creaturis, ac proinde non conuenire.

Quærere, quare homo sit homo, est nil quærere.

7. *Metaph. T. 59.*

**V**aleat de simplici notitia, non de discursiua, etenim cum ista discursiua homo vagatur à non ente, vsq; ad supremum ens, & idè potest sui notitiam, & principia inuestigare, quærendo vtiliter, vndè sit; quare; ad quem finem ordinatus, &c. vide suprà expositionem *T. 7. 2. de Animal. lit. N.*

Quæ generantur fiunt ex non ente. 12. *Metaph.*

*T. 11. 65. 1. Phys. T. 73.*

**I**ntelligitur in recto ex non ente per se existente, & actu, siquidè in generatione nil præsupponitur, nisi materia, quæ est ens solùm potentiâ; benè verò ex ente incompleto, quod est dicta materia. Itè ex non ente specifico tali, quale est, quod gignitur, non ex omnino nihilo.

**SKOLION.** Dupliciter ea, quæ generantur dicuntur fieri ex non ente, vno modo per accidens, quatenùs fiunt ex materia subiecta priuationi, gratiâ cuius dicitur non ens; secundo per accidens, quatenùs fiunt ex materia prima, quæ, quantum est ex se, est nihil actu, & nihil determinatum in specie, est tamen aliquod genericum, putà subiectum commune positiuum, indifferens, vt fiat hoc, & illud *ex 1. Phys. T. 69.* vndè per hoc subiectum taliter potentia ens, sufficienter distinguitur generatio à creatione, in qua ens simpliciter per se ex nihilo sui, & subiecti producitur; & hoc est, quod dicebat Aristot. *1. Phys. T. 43.* ens simpliciter per se non posse fieri ab agente naturali, sed solùm per accidens, quatenùs subiectum ex vno alio determinato esse deducit, & non ex nihilo.

**Quælibet causarum potest esse medium demonstrationis.** 1. *Post. T. 5. & 11.*

**I**N comperto est de demonstratione propter quid, quæ potissima dicitur, non de quavis alia. Cæterum cum alijs requisitis, & de medio proximo existente sermone, non sine debitis requisitis, & de medio remoto. Rursus de causis per se, & adæquatis, non de inadæquatis, & per accidens; vide supra litera F.

**Quælibet forma, sine habitu externo, potest consequi suum finem.** 3. *Cæli cap. 2. T. 26.*

**F**Amulatur veritati de cōsecutione finis imperfecta, non de perfecta, propter quod habitus sunt in potētijis constituti, vt possint illæ perfectius suas exercere actiones, & suos consequi fines. Pariter valet de habitu per frequentatos actus adepti, non de infuso, ac naturali; vt est habitus primorum principiorum, sine quo nulla forma sciētifica, & nullus finis artificiosus haberi potest.

**Quæ in sublunaribus mouent, & nō mouentur sunt appetitus, & obiectum.** 3. *de Anima T. 54.*  
& *in lib. de Animal. cap. 3.*

**V**Alet executiue, quia neq; appetitus, neq; obiectum motum localem exequentur, non imperatiue, & occasionaliter; representando enim se obiectum mouet potentiam, vt vitaliter agat, & appetitus per modum finis, & allicientis mouet agens, vt efficiat. Item non per primum, & generalem influxum, quia istud, est proprium est Dei, vt supra, sed per primum in genere suo, qui influxus particularis est.

Quæ

**Quæ non habent materiam non habent causam**  
 sui esse. 8. *Metaph. T. 16.*

**I**ntelligitur hoc de causa formali, non efficienti, etenim forma est causa essendi materiæ simul cum Agente; forma autem per se subsistens, hoc est carens materiâ, non habet causam transmutantem de potentia in actum, benè autem efficientem; Cæterum, nec de ista efficienti transmutante, sed de influente, & conferuante.

**Quæ per accidens inuicem vniuntur, possunt inuicem separari.** 2. *Phys. T. 3. Cap. 1. Post. T. 17.*

**S**umitur verum de per accidens contingenter sumptō, non concomitanter, neq; de accidentis proprij vnione; talis enim nexus imperturbabilis est, vt e. g. quod homo sit risibilis, disciplinabilis, &c. Item verum in passionibus contingenter accidentibus subiecto, non in passibilibus qualitatibus, & quæ per modum habitus contingunt subiecto.

**Quæ specie differunt non continuantur.** 5. *Physic. cap. 5. T. 41.*

**P**lanè ratione formæ hoc intelligitur, non ratione materiæ; continuitas enim accidens est de genere quantitatis, & tamen propria est materiæ: Item secundum leges, & cōsuetum ordinem Naturæ, minimè superadditâ virtute Diuina, aut arte exquisita: Vide, quæ suprà adducta sunt ab Aristot. de continuatione vini cum aqua.

**Quæ mota mouent sunt physicæ considerationis,  
&c. & e conuersò. 2. *Phys.* T. 71.**

**I**Ntaminatæ est veritatis de illis, quæ, nec mouentur, nec motui subiacent, non de illis, quæ tantummodò immobilia sunt, propter quòd materia prima est physicæ considerationis, quia licet nò moueatur, subiacet tamen motui, quod non dicitur de Deo vndiquaq; immobili, propter quòd est solum Metaphysicæ contemplationis: Item verum secùdum membrum, si omninò non moueatur, putà per se, neq; per accidens, secùs falsum, & ideò anima nostra, licet mōueat immota per se, mouetur tamen per accidens ad motum corporis, & ideò remanet physicæ considerationis.

**Quæuis res suam speciem ostendit. 4. *Metaph.*  
T. 2. 53.**

**P**ER se, & directè vsurpatur, quia tali modo nulla res fallit, tanquàm similitudo primæ veritatis, non per accidens, quatenùs s. dat occasionem fallendi, frequēter gerendo similitudinem eorum, quorum non habent existentiam, & naturam, vt e. g. colores Iridis. Item seorsim, & in naturalibus, non copulatæ cum alijs, seu mixtæ, & in artificialib.

**Quæ sunt secùdum naturam in omnibus reperiuntur, & eodem modo. 1. *Cæli* T. 19.**

**F**VLget in veritate de eo, quod sequitur naturam specificam, non indiuiduam, nām tali pacto potest alterari ab aliqua extrinseca virtute ad variationem, vt contingit de aqua Maris, respectu aquarum stagnantium, & putealiū. Item cæteris paribus, secùs non: Amplius de modo principali, & proprio, non &c

Quæ

Quæ definiuntur eadem definitione eundem habent conceptum. 8. *Met. T. 6.*

**I**N cardine veritatis est de vno conceptu, vel vniuoco, vel analogo, non simpliciter vniuoco: Itẽm de conceptu essentiali, ac specifico, non numerico, & accidentali; omnes enim homines vnâ definitione definiuntur, & tamen plures, ac plures, diuersosq; conceptus indiuiduales, & accidentales habent. Itẽm de conceptu proprio, non &c.

Quæ sunt maximè vnum separari non possunt.

5. *Metaph. cap. de vno.*

**C**onsonum vero est de illis, quæ sunt vnum per omnimodam identitatem, vt corpus ex materia, & forma, non subiecto solum, vt est color in pariete, aut per aggregationem, vt lapides in muro. Cæterum de separatione physica, & materiali, non intellectuâli, & abstractiua:

**SKOLION.** Aliqua esse vnum stat dupliciter, vel per identitatem, quatenus .i. vnita realiter fiunt vnum, vt subiectum, & propria passio; secundò per constitutionem, & colligantiam essentialẽ duorum, quorum vnum essentialiter perficit aliud, & ita materia, & forma substantialis vnitæ constituunt compositum physicum vnũ per se, ita tamen quòd non sunt idem realiter in ratione entis, in qua ambo cõpleta sunt, vnde est, quòd à materia separari potest forma, nõ sic propria passio à suo subiecto; de negatione cuius separationis loquitur T.

Quæ sunt diuersa per essentialẽ non possunt vniri, nisi per medium. 7. *Metaph. T. 15.*

**F**irmum est de diuersis secundum essentialẽ completis, non incompletis, vt contingit de anima, & corpore, se  
enim



enim immediate vniunt absque extrinseco aliquo, propter quod 2. de Anima T. 7. dicitur, quod non est querenda ratio, cur ex materia, & forma fiat vnum per se, vt supra. Item directe in accidentalibus, non in substantialibus.

**Quæ vniuntur accidentariò non faciunt vnum per se. 6. Metaph. T. 5.**

**G**ermanè subsistit de vnione accidentaria puri, & veri accidentis prædicamentalis, non illius, quod vocatur solummodò accidens, quia non est de conceptu alterius, siquidè ex his benè potest fieri vnum per se; hinc videmus materiam non esse de conceptu formæ, & formam pariter de conceptu materiæ, & tamen ex illa, & ista fit vnum per se, vt dictum est cum Arist. supra 8. Met. T. 15. & 2. de Anima T. 9.

**Quicquid conuenit causæ, & effectui, prius causæ debet conuenire, quàm effectui. 5. Met. T. 3.**

**I**ntelligitur, quando eodem modo natum est causæ, & effectui conuenire tale attributum, non secùs e. g. calor conuenit igni, tanquàm causæ, & deinceps aquæ, tanquàm effectui, porro prius datur igni, & postmodum aquæ: Sic esse diuisibile, quoniam conuenit quantitati formaliter, & substantiæ, effectiue, propterea, non primò conuenit substantiæ, quòd sit diuisibilis, sed quantitati, per quam illa euadit diuisibilis.

**Quicquid corrumpitur à suo contrario corrumpitur. 1. Phys. T. 47. & 1. Cæli T. 20.**

**I**n habentibus contrarium propriè subsistit, non in alijs, quoniam in ijs, quæ carent contrarietate aliquid corrumpitur.

pi potest propter absentiam agentis, vel conseruantis, vt est lumen in aere. Itẽm per se, non per accidens.

SKOLION. Corruptio per se cadit, vbi positiua contraria, cum alijs positiuis oppositis pugnant, vt destructionem, absoluant, & formam nouam introducant, sicuti sunt calor, & frigus; Per accidens verò, vel quãdo ad corruptionem subiecti accidentia corrumpuntur; vt sapor, & dulce ad corruptionem mellis, vel quãdo substantiæ ipsæ à societate suarum qualitatum separantur, vt contingit in generatione mixti, & alijs corruptionibus substantialibus, vide supra lit. O.

**Quicquid definitur debet esse species. 7. Metaph. T. 35.**

**D**E sola definitione quidditatiua, quæ medium, & principiũ est demonstrationis procedit Effatum; quoniam cum ista debeat esse ex genere, & differentia ex 1. *Topic. cap. 7.* opus est, quòd sit speciei, non de definitione descriptiua, quæ sæpè numero est ex solis accidentibus. Amplius propriè, & scientifico modo, non impropriè; constat enim, etiam indiuidua, & genera definiri, quæ non sunt species.

**Quicquid est in effectu, etiam in causa est. 5. Metaph. T. 3. & Libro de Causis per totum.**

**V**irtualiter, & eminenter verificatur Effatum, non realiter formaliter: Item ex parte speciei, non indiuidui, scilicet effectus esset ipsa causa. Vlteriùs verificatur de illis, quæ ad agentis perfectionem pertinent, non ad imperfectionem, & ad alia extrinseca effectui; relatiua namque, quæ non sunt primi ordinis (vt scientia, & scibile) præter respectũ aliquid aliud dicunt. In Cathegorijs cap. de Ad Aliquid.

Quic-

Quicquid recipitur p̄r modum recipientis recipitur. 3. *de Anima* T. 3.

**P**ostulat intelligi, quantum ad modum capacitatis illius, quod solū recipitur, non verò secundū naturā eius, quod recipit; nō enim requiritur, ut id, quod recipitur sit eiusdem naturæ cum ipso recipiente, secus accidens non reciperetur in subiecto substantiali, sed sat est, ut id, quod recipitur se accommodet capacitati illius, eamq; impleat, propter quod fortassè 8. *Phys.* T. 79. inquit Arist. virtutem infinitam non recipi in magnitudine finita: Insuper de modo extrinseco, se tenente ex parte quantitatis, non intrinseco, se tenēte ex parte formæ substantialis: Vide, quæ sup. dicta sunt de loco lit. L.

Qui finem vult, vult & media ducentia in illum, finem. 2. *Phys.* T. 78.

**R**equirit, ut intelligatur de illo, qui vult finem, tanquā causam, non de illo, qui vult finem, tanquam effectū; hinc Felis vult pisces, sed nō aquā, neq; rete, quæ sunt media ad talem finem: Insuper vult, quod intelligatur de fine, cuius gratia, & principali, non de alio.

Qui negat motū, destruit omne ens. 8. *Phys.* T. 22.

**V**Surpatur verum de ente sensibili, non de ente simpliciter, & absolutè, tūm quia, Deus est ens, & penitus motui non succumbit; tūm quia, qui negant motū, possunt ponere quietem, sicuti fecerunt, qui dixerunt omnia semper quiescere, & Natura dicitur, tūm de motu, quā de quiete. Item de destructione entis regulati, & ordinati, propter quod dicitur, & ab Arist. & à D. Tho. in Quæstionibus disputatis

tatis q. 5. de conseruatione rerum in esse à Deo art. 8. quòd cessante motu Cœli, cessant & actiones physica omnia inferiorum, non absolute.

Qui noscit vnum relatiuorum, noscit & aliud.

5. *Metaph. T. 20.*

**S**ubsistit de cognitione secundum speciem, & existentiam respectiuam, non secundum indiuiduum, vnde qui e. g. noscit Aristot. magistrum, noscit quidem plures habere discipulos, sed indistinctè, non quot, neq. quales. Item, quoad exigentiam, & existentiam termini, speciemq. relationis, non quoad alias passiones proprias.

Qui potest vnum de contrarijs, potest & reliquum.

9. *Metaph. T. 10.*

**N**on ambigendum est valere de potentijs liberis, & iurisdictionem habentibus non in naturalibus tantum; & sic interpretatur à Iuristis lex *Qui damnare ff. de re iudicata*. Amplius de contrarijs, vel relatiuis, vel medio carentibus, vt sunt priuatiua, non de alijs.

Quisuis motus non potest cuiuslibet motui comparari. 7. *Phys. T. 21.*

**T**ritum manet de comparatione propria, quoniam illa propriè sunt comparabilia, quæ sunt commensurabilia, non de impropria, & ita motus rectus, & circularis comparantur; augmentum verò, & alteratio minimè. Amplius de comparatione intrinseca, quæ à specie attenditur, non extrinseca, quæ à tempore pendet.

Quod

Quod acquiritur per motum est in mobili. 3. *Phys.*

T. 18. § 23.

**D**E termino intrinseco auct intelligi, non de extrinseco; locus enim acquiritur per motum, sed tamen est terminus extrinsecus motus. Præterea terminatiue, quia recepit, vel res, vel terminum, quem non habebat, non inchoatiue, hoc est in principio motus, quia tale, potius est in mouente, quàm in quouis alio.

Quod accipit esse ab alio dependet ab eo, 1. *de*

*Orin* T. 45. § 7 *Metaph.* T. 11.

**V**lt, quod intelligatur de eo, quod accipit esse distinctum essentialiter, nō alio modo, & propter hoc filius in Diuinis non dicitur dependens à Patre, licet ab eo producat, cum eandem essentiam, & æternitatem habeat, quam Pater habet, & illi communicat. Vel clariùs dicatis valere de eo, quod accipit esse distinctum, & absolutum ab alio, nō notionale, & relatiuū, quo pacto in Diuinis Spiritus Sanctus à Patre, & Filio suum esse notionale, hoc est personale, & hypostaticum trahit, per processionem à Patre, & à Filio.

Quod aduenit enti in actu accidens est. 1. *Physic.*

T. 18.

**H**Aud dubium de ente simpliciter, & in actu completo, non de ente, quod, si est in actu, adhuc est aptum perfici, & determinari per alium perfectiorem, vt est anima vegetalis, dùm ei aduenit sensitiua; & forma substantialis, dùm aduenit materiæ primæ, quæ erat actu, sed incompletè, & metaphysicè, quòd etiam vniuersaliter dicitur de existentia respectu essentiæ sub quouis genere entis. Quod

Quod agit in prius, agit etiam in posterius. 7. *Metaph. T. 33.*

**V**aleat directe in per se ordinatis, non in alijs: Item, vel per se, vel per accidens, non necessariò per se tantum: quocirca si Cœlum agit per se in corpus nostrum, non est opus, ut agat etiam per se in animam. Præterea in naturalibus tantum, & subordinatis, ut supra; non in moralibus, ac liberis agentibus, artibusq; cum pateat vnum artefactum ab vno artifice inchoari, & ab alio perfici, & compleri.

Quod cognoscitur in particulari perfecte cognoscitur. 1. *Post. T. 3.*

**V**surpatur verum ex parte rei cognitæ, non medijs cognoscendi, quando enim cognoscitur solum vniuersalis natura rei, imperfectè cognoscitur, ut si aliquis cognosceret hominem solum, per quod esset animal, imperfectè cognosceret, non verò, quādo per vniuersalius medium attingit inferiora; propter quod Angeli superiores perfectius intelligunt ipsis inferioribus, cum per vniuersaliores species, ut per medium cognoscendi magis aptum, cognoscant.

Quod competit rei per suam formam competit ei per se. 5. *Metaph. T. 14.*

**V**alidè subsistit de per se entitatio, & metaphysico, non logico; hinc rationale, per se, est animal metaphysicè, quia non est alterius beneficio, minimè logicè; cum animal non sit de conceptu essentiali rationalis, stante hoc, quod Angeli sunt rationales, & non sunt animalia, ita Didacus Masius in sua Logica T. ultimo.

Quod

Quod conuenit speciei, conuenit & omni indiuiduo eius. *5. Topic. cap. 2.*

**A**D vnguem verificatur, quādo conuertibiliter, necessario, & essentialiter conuenit, non quando solum contingenter, & minimè conuertibiliter: hinc proprium primo modo, quia non conuenit speciei conuertibiliter, & essentialiter, non de omni contento sub specie verificatur; est enim veluti dicere, quia Arist. est Physicus, & Demosthenes Orator, idèd homo est Orator.

Quod conuenit partibus, conuenit & toti. *5. Metaph. T. 31.*

**M**aterialiter euocatur ad veritatem, nimirum quatenus partes sunt ipsum totum, secundum entitatem materialem, non formaliter. Item secundum Ioannem de Magistris cathegorematicè, non syncathegorematicè. Amplius per viam affirmationis verum, sed falsum per viam negationis, & ita ingenerabile, per viam negationis dicitur de materia prima, non per viam affirmationis 1. *Phys. c. ult. T. 82.*

Quod corrumpit agit. *2. de Ortu T. 59.*

**V**erum utiq; est de eo, quod corrumpit effectiue, non de eo, quod corrumpit formaliter, sicuti est priuatio, quæ corrumpit habitum, vt malum, bonum; cæcitas visum. Cæterum corrumpere est agere defectuosum, non perfectiū. Amplius respectu dispositionum, & requisitorum, non solius momentanei transitus de esse ad non esse, qui appellatur ab Arist. corruptio.

Quod-

Quodcunq; inest generi inest, & speciei. 5. *Metaph.*

**I**N confesso est de illo, quod actu inest generi, non de illo, quod inest potentia: Insuper verus in actu exercito, non in actu signato; genus enim non est species, neq; species genus, cum vnum relatiuorum non sit aliud.

SKOLION. De animali tanquam de genere dicuntur substantia, corpus, viuens, &c. & ista pariter omnia, de homine, actu, qui est sub animali, eò quod omnia hæc sunt notiones primæ in homine; at si dicatur animal est genus, ergo homo est genus, falsum dicitur, eò quoniam id, quod affirmatur de animali notio secunda est, cuius ratio videtur esse, quia illa actu sunt in genere, & omnia à specie trahuntur, hæc verò minimè, ita Isendorn loco supra citato nu. 1.

Quod est in alio non est hoc aliquid. 7. *Met. T. 8.*

**C**ertum est de eo, quod est in alio, vt accidens in subiecto, non de illo, quod est in alio, vt pars in toto, veluti forma in materia, & anima in corpore: Insuper non de eo, quod est in alio per modum actus primi, aut per existentiam, benè autem de alijs, ab istis similibus, diuersis.

Quod est maximè vnum nõ potest esse radix multitudinis. 5. *Metaph. cap. de Vno.*

**V**Alet de vno in ratione subiecti, non alio modo; hinc Diuina essentia, maximè vna, fundat conceptus iustitiæ, bonitatis, sapientiæ, &c. sed per hoc bonitas, sapientiæ, iustitiæ, &c. non fundatur in ea, sicut in subiecto; sed sicut in causa veritatis. Item radix materialis, & proxima, non efficiens, vel remota.

Quod



Quod est per accidens potest non esse. 1. *Phys. T. 29. & 10. Metaph. T. 26. ac 1. Post. T. 52.*

**C**ertum est de per accidens, ut contingentiam refert, non absolute; quandoquidem priuatio ab Aristot. 1. *Phys. T. 75.* vocatur principium per accidens, & tamen absq; ea nihil fit, vel potest esse de nouo naturaliter, cum sit maximè intima ipsi fieri ex 1. *Phys. T. 60. & 61.*

Quod est sensibile est per materiam. 1. *Cæli T. 92.*

**V**aleat arguituè, non simpliciter, quoniam & ipsa materia insensibilis est; Arguituè autem valet, quia ista sensibilitas exercetur in corpore, quod tale est per materiam, & etiam, quia est circa accidentia, quæ sunt immediatæ proprietates materiæ, ad differentiam intelligibilium. Deniquè secundum Auerroem valet de materia propinqua, non de remota.

Quod immixtum est, & immateriale non est virtus in corpore. 3. *de Anima T. 5.*

**O**ptimè intelligitur de immateriali, & immixto, ut *quo*, & *quod*, non *quod* tantum, ut est anima nostra, quæ tantummodò est formaliter, & ut quod immaterialis, non ut quo, alioquin non esset vera forma corporis physici aduersus Aristot. 2. *de Anima T. 7.* Item virtus materialiter coextensa subiecto sunt aliæ virtuteseductæ de potètia subiecti, ut non &c.

Quod non est non scitur. 4. *Metaph. cap. 1.*

**I**ntelligitur in hoc sensu, quod non sciatur esse, quoniam esset actus falsus; benè autem sciatur non esse, & sic chyme-

mera, & alia impossibilia non cognoscuntur esse, sed non esse: Itē in formaliter, non terminatiuē; vidē supra lit. E.

SKOLION. Causare intellectuē nō debetur, nisi enti, at terminare illam, etiam non enti; quare negationes quantitatis, vt e.g. longitudinis in corpore eminūs viso, planē nō sunt, neq; causant intellectuē, terminant tamen ipsum; vndē, &c.

**Quod non potest nō esse semper est. 8. Phys. T. 53.**

**V**aleat absolutē, quod non possit nō esse, minimē ex hypothesi, vt sūt creaturæ: Itē de eo, quod & ab intrinseco, & ab extrinseco nequit nō esse, ita ut nullum habeat principium, quo possit non esse, vt est Deus O. M. non de illo, quod tantum ab intrinseco potest non esse, vt sunt, quæ carent materiā, putā Intelligentiæ, aut quæ dictam materiā non habent priuationi coniunctam alterius formæ, vt sunt Cœlestia.

**Quod quid est per se primo est idem cum eo, cuius est. 7. Metaph. T. 20.**

**D**irectē valet, quantum ad ea, quæ sunt per se intrinsecē, non quantum ad ea, quæ sunt per accidens; vndē non potest dici homo est humanitas, asserente D. Th. in de Vniōne Verbi sub 1. p. art. 3. ad vltimum: Itē in concretis, vt cum Aristot. 3. de Anima T. 9. & 15. suprā dictum est, ac creatis, non in ente increato, & abstractis.

**Quod vitam habet mouet se ipsum. 2. de Anima T. 27.**

**D**E patientibus motum, qui est actus entis in potentia ex 3. Phys. T. 3. intelligitur præsens Effatum, non de alijs; vndē

vnde primus Motor ex mente Philof, 8. *Phyf. T. 46.* mouet alia, & minimè fe ipfum, quantumuis viuens, licet vitâ fempiternâ. Quò loci notaffe iuuabit, quòd neq; Theologicè inconueniens eft dicere primum motorem mouere fe, quando fumitur motus pro aétione ipfa mouenti adæquata, nempe pro ipfo intelligere, & velle, non aliter.

**Quot modis dicitur vnum oppofitorum, tot modis, & reliquum. 1. *Topic. cap. 13.***

**S**pecificè, & formaliter valet, non materialiter, & fuppositiuè; hinc fupposita habentia contrarietatem minimè æqualia funt. Amplius verum de contrarijs pofitiuis, relatiuis, & fecundum affirmationem, & negationem dictis, non de priuatiuis. Itè quòd, quot funt fignificata vnus oppofiti, tot funt, & alterius, dùm fecundum fuam fignificationem opponantur, nò autèm, quod tot funt fupposita contraria. Tandèm de illis oppofitis verum, in quibus eft eadem ratio multiplicationis, quo pacto, cùm non fe habeant fubftantia, & accidens, idè non æquè multiplicantur, non de alijs.

## R

**Radix contingentiae in hominibus eft, quia funt confiliatiui; in naturalibus verò, quia materia eft potentia ad vtrumq; 1. *Perib. cap. 6.***

**V**aleat de contingentibus, & radice eorum, per ordinem ad caufas particulares, non ad vniuerfales; ficuti enim in corporibus corruptilibus materia reperitur in potentia, ad effe, & non effe, ita in corporibus Cœleftibus potentia ad diuerfa Vbi, & tamen in eis quicquā contingenter euenire non dicitur, fed ex neceffitate.

Rarum, & densum sunt contraria. 1. *Phys. T. 41.*

**R**ecte incedit, secundum quod sunt qualitates consequentes calidum, & frigidum, non respectiue, vt .f. dicunt solam distantiam, & propinquitatem partium; etenim raritas definitur partium diuulsio, & densitas partium coniunctio. Itèm contraria secunda, non prima.

Ratio hominis semper est recta. 3. *Anima T. 51.*

**S**ubsistit de ratione humana circa prima principia, nõ circa conclusiones. Cæterum, quando error non prouenit à proprietate rationis, at ex solo defectu. Præterea antecedenter, & in actu signato, non consequenter, & in actu exercito; cum enim practicè subsit imperio volûtatis, & hæc mul-torîes ab apparentibus excitetur, fit &c.

Ratio necessitatis in rebus naturalibus est ex fine. 2. *Phys. T. 88.*

**P**robè intelligitur de necessitate conditionata, siue ex suppositione, nimirum, secundum quod finis est posterior in esse, vt quando dicimus opus esse serram, esse ferream, si vuls scindere lignum, non absolutam, quæ .f. est ex prioribus in esse, nam ista sumitur, & ex causa materiali, & ex formali, efficiēte, & finali. Itèm in puris naturalibus, non in artificialibus, & naturalibus simul, quoniã in istis necessitas dispositionum est ex parte materiæ, siquidẽ per materiam apta sunt sic disponi, vt e. g. quod ligones terram fodiant, quia ferrei, & mucronati.

**Ratio, quam significat nomen definitio est.**

*4. Metaph. T. 2.*

**C**larè patet de definitione, quæ est per propriam speciem, & quidditativa dicitur, non de definitione, quæ est per alterius speciem, puta per speciem effectus, vt notitia ignis per fumum, & delectatio, vel suauitas epularum per odorem. Item de ratione, quam significat nomen, secundum id, ad quod significandum imponitur, non à quo imponitur tantum.

**Ratio quanti est diuidi in ea, quæ insunt. 5. Met.**

*Tex. 18.*

**S**ubsistit de diuisione materiali, & reali, quæ physica dicitur, non intentionali, seu logica. Caterum de diuisione in plura secundum numerum, minime secundum speciem; hinc diuisio Naturæ communis nõ est in plura secundum rem, sed secundum rationem, & propter hoc nõ est opus speciem esse prius vnã, secundum numerum, vt lignum antequam diuidatur, sed secundum rationem.

**Rationem habentes contra rationem operantur.**

*5. Ethic. cap. 8. & 9.*

**P**ropter libertatem intelligitur, non necessariò, & naturaliter: Item per accidens, non per se: insuper in hoc sensu, quia qui operantur contra rationem rectam, appetunt bonum delectabile secundum sensum, & quod illud sit malum, secundum rationem non animaduertunt; vnde manet præter rationem illorum, non quia simpliciter sint habitus rationis, & stultè operentur, vide infra litera S.

Rationem quærere, & dimittere sensum infirmitas est intellectus. *8. Phys. T. 22.*

**P**lusquam certum, ubi cadit cognitio sensitiva, & famulatur intellectui, non à quo remota est, ut in intelligendis abstractis. Caterum totaliter, non partialiter; cum enim ortu habeat à sensu humana intellectio (nam de hac est sollicitus ibi Arist.) sensum dimittere nequit; nec pariter experientiam, qui prudenter per intellectum vult iudicare. Præterea de infirmitate metaphorica, non reali; non enim organica, vel corporea potentia est intellectus *3. de Anima T. 4.* ut infirmari possit; obliquari tamen potest penes veritatem, cum negligit experientiam, & conatum Naturæ, solam rationem, vel figmentum eius sectando.

Rationis est imperare. *1. Ethic. cap. ult.*

**S**ubsistentiam habet in quantum, quod ratio distribuit, & ordinat exequenda per hunc, & illum actum, per hanc, & illam potentiam, non quantum ad inclinationem. Item rationis, non prout dicit solum intellectum, & supra considerata fuit in expositione *T. 5 1. 3. de Anima*, sub illis verbis. Ratio hominis semper est recta, sed, vel intellectum, vel voluntatem; voluntas enim appetitus rationalis dicitur ab Arist.

Recipiens esse post non esse, est generabile, & corruptibile. *1. Cæli T. 112.*

**I**ntelligitur de eo, quod recipit esse totale, & adæquatum. propter animam nostram, quæ quidem recipit esse post non esse, sed non totale, unde non manet generabilis, & cor-

ru-

ruptibilis. Amplius de illo, quod recipit esse post non esse, & causa temporis non est, vt Cælum, non de alio: hinc Cælum accipit esse, s. per creationem, cum prius non esset, & tamen non est generabile, vel corruptibile. Item post non esse merè priuatiuum, non negatiuum tantum, quia sic nulla creaturà à Deo creata esset generabilis, & corruptibilis.

**Rectum est iudex sui, & obliqui. 1. de Ani. T. 85.**

**P**rocedit, vt primum, & vt perfectius, ad quod reduci debeat ipsum obliquum; non formaliter, & absolute, quoniam tali sensu, rectum habet contradistinguui ipsi obliquo, & contradistincta non se mutuo indicant. Item quia rectum stat pro positiuo, & pro habitu, obliquum verò pro priuatiuo, & positiuum regula est ipsius priuatiui.

**Relatio potest aduenire subiecto, absque mutatione. 5. Phys. T. 18.**

**D**eseruit veritati pro mutatione physica, non metaphysica, vel logica; enunciatio namq; vera noui prædicati, non potest esse absq; mutatione metaphysica; Item verum de subiecto termini huius, vel illius, at non de ambobus concurrentibus ad relationem; si enim paries, qui sit similis alteri, non mutatur, mutatur tamē ille alter recipiens qualitatem, quam non habebat, tanquam fundamentum proximum similitudinis.

**Relatio præxigit extrema diuersa, ac realiter distincta. 5. Metaph. T. 16 & 20.**

**V**aleat de relatione adueniente, non constituyente, sicuti sunt relationes Diuinae, nec nō & ipsa relatio originis, quæ

quæ constituit ipsam distinctionem extremorum; Itèm de relatione prædicamentali, & secundum quam rationem importat oppositionem vnius termini ad alium conterminum, non de transcendentali, & sub alia ratione. Dicunt rursus Alij, quando relatio est accidens, non quando subsistens, vt in Diuinis, quia in tali casu secum fert distinctionem, & non præsupponit identitatem quoq; essentia, & non diuersitatem.

**Relatiuum supponit absolutum. 5. Metaph. T. 20.**

**S** Vb distinctione verum est, de absoluto .i. communi, vel proprio, non de proprio tantum, & propter hoc relatio originis in Diuinis præsupponit absolutum commune, puta essentiam, non proprium, vt communiter dicunt Theologi in 1. p. q. 27. Insuper, tanquam suum materiale, & fundamentum, non vt formale, cum absolutum nequeat esse forma relatiui.

**Relatiua sunt simul naturâ. In Cathegorijs capite de Ad Aliquid.**

**F** Ormaliter hoc intelligitur, non fundamentaliter, nam sic vnum potest aliud præcedere, vt mox supra dictum est. Amplius verum de relatiuis primi ordinis, & secundum esse, non secundum dici, & secundi ordinis, vt literâ C. explicatum est: Deniq; simul per simultatem naturæ, non identitatis, vel continentia localis, &c. vide supra lit. L.

**Res habent nobilius esse in sua causa, quàm in se ipsis. Libro de Causis Prop. 3.**

**V** Alet de causa æquiuoca, non vniuoca, quæ necessario est eiusdem perfectionis cum effectu, rosa namq; nobilius



bilius esse habet in Sole, quàm in se, siquidè in Sole habet esse Solis, & in se esse rosæ. Vterius verum eminenter, non materialiter, idest pro veritate rei existentis, & proportionis enunciatiuæ, quoniam verior est propositio, rosæ est rosæ, quàm rosæ est Sol. Per hoc clarescit aliud subsequens Effatum, quòd etiam verius esse habeat, nàm intelligitur de esse obiectiuo, & secundum essentiam, non secundum existentiam; sicuti de causa principali, non instrumentali.

**Res ordinis superioris non potest videri per similitudinem inferioris. 12. Metaph. T. 51.**

**A**Dæquatè hoc intelligitur, non inadæquatè: Item de similitudine prius cognita secundum se, hoc est relata ad cognitum, cognoscibile per propriam speciem prius, non de similitudine, quæ est virtualis representatio alterius, & sic substantia nosci potest per similitudinem accidentium, quæ sunt inferiora ipsæ, ex 7. Met. T. 2.

**Res verius esse habet in causa vniuersali, quàm in se ipsa. 12. Metaph. T. 52.**

**I**N confessò est de veritate rei, non prædicationis, & sic res creatæ verius sunt in Verbo, quàm in se ipsis, dicente D. Anselmo in Monologijs cap. 35. Creatura in Creatore creatrix est. Cæterùm respectu continentia eminentialis, quæ non potest esse maior, neq, melior, non existentia particularis, & propriæ subsistentia, quæ se accomodando loco, tempori, & alijs sensibilibus circumstantijs, tandè euanesceat.

*D. Anselm.  
in Mon.  
cap. 35.*

Quodcunq; inest generi inest, & speciei. 5. *Metaph.*

**I**N confelsò est de illo, quod actu inest generi, non de illo, quod inest potentia: Insuper verus in actu exercito, non in actu signato; genus enim non est species, neq; species genus, cùm vnum relativorum non sit aliud.

SKOLION. De animali tanquàm de genere dicuntur substantia, corpus, vivens, &c. & ista pariter omnia, de homine, actu, qui est sub animali, eò quòd omnia hæc sunt notiones primæ in homine; at si dicatur animal est genus, ergo homo est genus, falsum dicitur, eò quoniam id, quod affirmatur de animali notio secunda est, cuius ratio videtur esse, quia illa actu sunt in genere, & omnia à specie trahuntur, hæc verò minimè, ita Mendon loco supra citato nu. 1.

Quod est in alio non est hoc aliquid. 7. *Met. T. 8.*

**C**ertum est de eo, quod est in alio, vt accidens in subiecto, non de illo, quod est in alio, vt pars in toto, veluti forma in materia, & anima in corpore: Insuper non de eo, quod est in alio per modum actus primi, aut per existentiam, benè autèm de alijs, ab istis similibus, diuersis.

Quod est maximè vnum nō potest esse radix multitudinis. 5. *Metaph. cap. de Vno.*

**V**Alet de vno in ratione subiecti, non alio modo; hinc Diuina essentia, maximè vna, fundat conceptus iustitiæ, bonitatis, sapientiæ, &c. sed per hoc bonitas, sapientiæ, iustitia, &c. non fundatur in ea, sicut in subiecto; sed sicut in causa veritatis. Item radix materialis, & proxima, non efficiens, vel remota.

Quod

Quod est per accidens potest non esse. 1. *Phys. T. 29. & 10. Metaph. T. 26. ac 1. Post. T. 52.*

**C**ertum est de per accidens, vt contingentiam refert, non absolutè; quandoquidè priuatio ab Aristot. 1. *Phys. T. 75.* vocatur principium per accidens, & tamen absq; ea nihil fit, vel potest esse de nouo naturaliter, cùm sit maximè intima ipsi fieri ex 1. *Phys. T. 60. & 61.*

Quod est sensibile est per materiam. 1. *Cæli T. 92.*

**V**aleat arguituè, non simpliciter, quoniam & ipsa materia insensibilis est; Arguituè autè valet, quia ista sensibilitas exercetur in corpore, quod tale est per materiam, & etiam, quia est circa accidentia, quæ sunt immediatæ proprietates materiæ, ad differentiam intelligibilium. Deniquè secundū Auerroem valet de materia propinqua, nō de remota.

Quod immixtum est, & immateriale non est virtus in corpore. 3. *de Anima T. 5.*

**O**ptimè intelligitur de immateriali, & immixto, vt *quo*, & *quod*, non *quod* tantū n, vti est anima nostra, quæ tantummodò est formaliter, & vt quod immaterialis, nō vt quo, alioquin non esset vera forma corporis physici aduersus Aristot. 2. *de Anima T. 7.* Itè virtus materialiter coextensa subiecto sunt aliæ virtutes eductæ de potètia subiecti, vt nō &c.

Quod non est non scitur. 4. *Metaph. cap. 1.*

**I**ntelligitur in hoc sensu, quod non sciatur esse, quoniam esset actus falsus; benè autè sciatur non esse, & sic chy-

mera, & alia impossibilia non cognoscuntur esse, sed non esse: Itē formaliter, non terminatiuē; vidē supra lit. E.

**SKOLION.** Causare intellectuē nō debetur, nisi enti, at terminare illam, etiam non enti; quare negationes quantitatis, vt e.g. longitudinis in corpore eminūs viso, planē nō sunt, neq; causant intellectuē, terminant tamen ipsum; vndē, &c.

**Quod non potest nō esse semper est. 8. Phys. T. 53.**

**V**aleat absolutē, quod non possit nō esse, minimē ex hypothesi, vt sūt creaturæ: Itē de eo, quod & ab intrinseco, & ab extrinseco nequit nō esse, ita ut nullum habeat principium, quo possit non esse, vt est Deus O. M. non de illo, quod tantum ab intrinseco potest non esse, vt sunt, quæ carent materiā, putā Intelligentiæ, aut quæ dictam materiā non habent priuationi coniunctam alterius formæ, vt sunt Cœlestia.

**Quod quid est per se primò est idem cum eo, cuius est. 7. Metaph. T. 20.**

**D**irectē valet, quantum ad ea, quæ sunt per se intrinsecē, non quantum ad ea, quæ sunt per accidens; vndē non potest dici homo est humanitas, asserente D. Th. in de Vniōne Verbi sub 1. p. art. 3. ad vltimum: Itē in concretis, vt cum Aristot. 3. de Anima T. 9. & 15. suprā dictum est, ac creatis, non in ente increato, & abstractis.

**Quod vitam habet mouet se ipsum. 2. de Anima T. 27.**

**D**e patientibus motum, qui est actus entis in potentia ex 3. Phys. T. 3. intelligitur præsens Effatum, non de alijs; vndē

D, Tho.  
1. p. q. de  
Vniō. Ver.  
art. 3.

vndè primus Motor ex mente Philof. 8. *Phyf. T. 46.* mouet alia, & minimè fe ipfum, quantumuis viuens, licet vitâ fempiternâ. Quò loci notaffe iuuabit, quòd neq; Theologicè inconueniens eft dicere primum motorem mouere fe, quando fumitur motus pro aétione ipfa mouenti adæquata, nempe pro ipfo intelligere, & velle, non aliter.

**Quot modis dicitur vnum oppofitorum, tot modis, & reliquum. 1. *Topic. cap. 13.***

**S**pecificè, & formaliter valet, non materialiter, & fuppositiuè; hinc fupposita habentia contrarietatem minimè æqualia funt. Amplius verum de contrarijs pofitiuis, relatiuis, & fecundum affirmationem, & negationem dictis, non de priuatiuis. Itèm quòd, quot funt fignificata vnus oppofiti, tot funt, & alterius, dùm fecundum fuam fignificationem opponantur, nō autèm, quod tot funt fupposita contraria. Tandèm de illis oppofitis verum, in quibus eft eadem ratio multiplicationis, quo pacto, cùm non fe habeant fubftantia, & accidens, idcò non æquè multiplicantur, non de alijs.

## R

**Radix contingentiae in hominibus eft, quia funt confiliatiui; in naturalibus verò, quia materia eft potentia ad vtrumq; 1. *Perther. cap. 6.***

**V**aleat de contingentibus, & radice eorum, per ordinem ad caufas particulares, non ad yniuerfales; ficuti enim in corporibus corruptilibus materia reperitur in potentia, ad effe, & non effe, ita in corporibus Cœleftibus potentia ad diuerfa Vbi, & tamen in eis quicquā contingenter euenire non dicitur, fed ex neceffitate.

Rarum, & densum sunt contraria. 1. *Phys. T. 41.*

**R**Estè incedit, secundum quòd sunt qualitates consequentes calidum, & frigidum, non respectiue, vt .s. dicunt solam distantiam, & propinquitatem partium; etenim raritas definitur partium diuulsio, & densitas partium coniunctio. Itèm contraria secunda, non prima.

Ratio hominis semper est recta. 3. *Anima T. 51.*

**S**ubfistit de ratione humana circa prima principia, nò circa conclusiones. Cæterùm, quando error non prouenit à proprietate rationis, at ex solo defectu. Præterea antecedenter, & in actu signato, non consequenter, & in actu exercito; cum enim practicè subfit imperio volutatis, & hæc multoties ab apparentibus excitetur, fit &c.

Ratio necessitatis in rebus naturalibus est ex fine. 2. *Phys. T. 88.*

**P**robè intelligitur de necessitate conditionata, siue ex suppositione, nimirùm, secundū quòd finis est posterior in esse, vt quando dicimus opus esse ferram, esse ferream, si vulg scindere lignum, non absolutà, quæ .s. est ex prioribus in esse, nam ista sumitur, & ex causa materiali, & ex formali, efficiente, & finali. Itèm in puris naturalibus, non in artificialibus, & naturalibus simul, quoniã in istis necessitas dispositionum est ex parte materiæ, siquidèm per materiam apta sunt sic disponi, vt e. g. quòd ligones terram fodiant, quia ferrei, & mucronati.

**Ratio, quam significat nomen definitio est.**

*4. Metaph. T. 2.*

**C**larè patet de definitione, quæ est per propriam speciem, & quidditativa dicitur, non de definitione, quæ est per alterius speciem, puta per speciem effectus, vt notitia ignis per fumum, & delectatio, vel suauitas epularum per odorem. Item de ratione, quam significat nomen, secundum id, ad quod significandum imponitur, non à quo imponitur tantum.

**Ratio quanti est diuidi in ea, quæ insunt. 5. Met.**

*Tex. 18.*

**S**ubsistit de diuisione materiali, & reali, quæ physica dicitur, non intentionali, seu logica. Cæterum de diuisione in plura secundum numerum, minime secundum speciem; hinc diuisio Naturæ communis nõ est in plura secundum rem, sed secundum rationem, & propter hoc nõ est opus speciem esse prius vnã, secundum numerum, vt lignum antequam diuidatur, sed secundum rationem.

**Rationem habentes contra rationem operantur.**

*5. Ethic. cap. 8. & 9.*

**P**ropter libertatem intelligitur, non necessariò, & naturaliter: Item per accidens, non per se: insuper in hoc sensu, quia qui operantur contra rationem rectam, appetunt bonum delectabile secundum sensum, & quod illud sit malum, secundum rationem non animaduertunt; vnde manet præter rationem illorum, non quia simpliciter sine habitu rationis, & stultè operentur, vide infra litera S.

**Rationem quærere, & dimittere sensum infirmitas est intellectus. 8. *Phys. T. 22.***

**P**lusquam certum, ubi cadit cognitio sensitiva, & famulatur intellectui, non à quo remota est, ut in intelligendis abstractis. Cæterum totaliter, non partialiter; cum enim ortu habeat à sensu humana intellectio (nam de hac est sollicitus ibi Arist.) sensu dimittere nequit; nec pariter experientiam, qui prudenter per intellectum vult iudicare. Præterea de infirmitate metaphorica, non reali; non enim organica, vel corporea potentia est intellectus 3. *de Anima T. 4.* ut infirmari possit; obliquari tamen potest penes veritatem, cum negligit experientiam, & conatum Naturæ, solam rationem, vel figmentum eius sectando.

**Rationis est imperare. 1. *Ethic. cap. ult.***

**S**ubsistentiam habet in quantum, quod ratio distribuit, & ordinat exequenda per hunc, & illum actum, per hanc, & illam potentiam, non quantum ad inclinationem. Item rationis, non prout dicit solum intellectum, & supra considerata fuit in expositione T. 5 1. 3. *de Anima*, sub illis verbis. Ratio hominis semper est recta, sed, vel intellectum, vel voluntatem; voluntas enim appetitus rationalis dicitur ab Arist.

**Recipiens esse post non esse, est generabile, & corruptibile. 1. *Cæli T. 12.***

**I**ntelligitur de eo, quod recipit esse totale, & adæquatum. propter animam nostram, quæ quidem recipit esse post non esse, sed non totale, unde non manet generabilis, & corruptibile.



ruptibilis. Amplius de illo, quod recipit esse post non esse, & causa temporis non est, vt Cælum, non de alio: hinc Cælum accipit esse, s. per creationem, cum prius non esset, & tamen non est generabile, vel corruptibile. Item post non esse merè priuatiuum, non negatiuum tantum, quia sic nulla creatura à Deo creata esset generabilis, & corruptibilis.

**Rectum est iudex sui, & obliqui. 1. de Ani. T. 85.**

**P**rocedit, vt primum, & vt perfectius, ad quod reduci debeat ipsum obliquum, non formaliter, & absolute, quoniam tali sensu, rectum habet contradistinguui ipsi obliquo, & contradistincta non se mutuo indicant. Item quia rectum stat pro positiuo, & pro habitu, obliquum verò pro priuatiuo, & positiuum regula est ipsius priuatiui.

**Relatio potest aduenire subiecto, absque mutatione. 5. Phys. T. 18.**

**D**eseruit veritati pro mutatione physica, non metaphysica, vel logica; enunciatio namq; vera noui predicati, non potest esse absq; mutatione metaphysica: Item verum de subiecto termini huius, vel illius, at non de ambobus concurrentibus ad relationem; si enim paries, qui sit similis alteri, non mutatur, mutatur tamē ille alter recipiens qualitatem, quam non habebat, tanquam fundamentum proximum similitudinis.

**Relatio præxigit extrema diuersa, ac realiter distincta. 5. Metaph. T. 16 & 20.**

**V**aleat de relatione adueniente, non constituyente, sicuti sunt relationes Diuinæ, nec nō & ipsa relatio originis, quæ

bilius esse habet in Sole, quàm in se, siquidè in Sole habet esse Solis, & in se esse rosæ. Vtteriùs verum eminenter, non materialiter, idest pro veritate rei existentis, & proportionis enunciativæ, quoniam verior est propositio, rosa est rosa, quàm rosa est Sol. Per hoc clarescit aliud subsequens Effatum, quòd etiam verius esse habeat, nàm intelligitur de esse obiectiuo, & secundum essentiam, non secundum existentiam; sicuti de causa principali, non instrumentali.

**Res ordinis superioris non potest videri per similitudinem inferioris. 12. Metaph. T. 51.**

**A**Dæquatè hoc intelligitur, non inadæquatè: Item de similitudine prius cognita secundum se, hoc est relatæ ad cognitum, cognoscibile per propriam speciem prius, non de similitudine, quæ est virtualis representatio alterius, & sic substantia nosci potest per similitudinem accidentium, quæ sunt inferiora ipsæ, ex 7. Met. T. 2.

**Res verius esse habet in causa vniuersali, quàm in se ipsa. 12. Metaph. T. 52.**

**I**N confelsò est de veritate rei, non prædicationis, & sic res creatæ verius sunt in Verbo, quàm in se ipsis, dicente D. Anselmo in Monologijs cap. 35. Creatura in Creatore creatrix est. Cæterùm respectu continentie eminentialis, quæ non potest esse maior, neq, melior, non existentie particularis, & propriæ subsistentie, quæ se accomodando loco, tempori, & alijs sensibilibus circumstantijs, tandè euanescit.

*D. Anselm.  
in Mon.  
cap. 35.*

Ridiculum est tentare Naturam esse ostendere.

2. *Phys. T. 6.*

**F**irmum, & certum est per aliquod simpliciter notius, non verò secundum quid, aut per experientiam; Si enim dantur plures motus, & quietes sensibiles in rerum vniuersitate, datur & illarum principium, at istæ dantur; ergo opus est concludere Naturam dari, cum ipsa tantum simile principium sit, & hoc est quoddam demonstrare: Amplius per viam sensus solummodo, non intellectus, & sensus.

## S

Sapientis est cognoscere causas. 1. *Met. ca. 1. 69 2.*

**I**n hoc sensu recipitur, vt debeat Sapiens reddere causas eorum, quæ dictas causas habent, & per eas docere; nõ verò omnia per omnes causas demonstrare, & scire, quãdoquidẽ possunt Sapiẽtes cognoscere Deum, & prima principia, & tamen ista causas non habet, neq; demonstrationẽ. Item essentialẽs, & genera earum, non accidentales, & eas, quæ neq; genericẽ subordinatur,

Sapientis est cognoscere omnia. 1 2. *Met. cap. 2.*

**S**umitur verum principaliter, non simpliciter, & absolute: Item verum de cognitione omnium, quoad speciem, & essentiam, non quoad indiuiduationem, & existentiam, quod dicunt Alij primò intentionaliter, non secundò estq; sensus, quòd sapiens debet cognoscere, quæ sunt necessaria indiuiduationi, non autem omnia indiuidua, quæ numero infinita dixit Plato, quando acquiesci in specialissimo iussit.

Scien-

Scientia est necessariorum. 1. *Post. T. 7.*

**P**er se intelligitur, non per alterum, siue secundariò. Ceterum de necessario posterioristico, nò prioristico: hinc subiectum conclusionis demonstratæ potest esse contingens, licet habitudo illius ad propriam passionem, & è conuersò propriæ passionis ad subiectum sit necessaria.

SKOLION. Necessariorum vtrique plura sunt genera, aliud, quod non habet causam sui esse, vt est Deus O. M. & tale est semper, fuit semper, & erit semper, quoad essentiam, & existentiam; Aliud deinceps, quod habet quidè causam sui esse, sed non principium, neq; finem suæ durationis, vt Cœlum, & planè tale necessarium est etiam semper, & prioristicum vocatur, hoc est ratione existentiae non deficientis necessarium; tertium postea est, quod habet causam sui esse, & durationis, vt e.g. quòd homo sit risibilis, & quòd 4 tres habeat angulos, & tale non semper est actu, quantū ad habitudinem terminorum, licet benè quantum ad inducendam conclusionem, & tale vocatur posterioristicum, quia de directò ordinatur demonstrationi, quæ est subiectum Posteriorum Analyticorum, & de simili currit Effatum Aristot.

Scientia est de perpetuis. 1. *Post. T. 5. 6. 7. ac 6. Ethic. capite 4.*

**R**atū, & firmū est negatiuè, pro vt .s. scientia est de rebus, quæ non habet principia intrinseca corruptionis, & resident in singularitate, non positiuè, quasi debeat esse de naturis immaterialibus, & abstractis, quæ incorruptibiles sunt; vt Angeli, & Intelligentiæ. Dicunt Alij formaliter obiectiue, non materialiter, & subiectiue; siquidè scientia debet esse de tali obiecto, quod semper, & eodem modo se

habeat, sicuti veritas scientifica de tali re, quæ per indissolutionem terminorum, & proprietatum semper talis existat, at non necessario de tali subiecto, quod sit secundum naturam sempiternum, & incorruptibile.

Scientia est assimilatio scientis ad rem scitam.

6. *Ethic. cap. 7.*

**V**erum est secundum representationem, non secundum naturæ conformitatem; unde non oportet per hoc rerum variabilium scientiam esse variabilem, corruptibilem, corruptibile, &c. Amplius non præcisè, idest sola assimilatio, est. n. ultra hoc ipsa scientia bona qualitas, & decor animæ.

Scientiæ diuiduntur ad modum rerum. 3. *de Anima T. 38.*

**D**eservit veritati respectu scientiarum realiū, quæ apud nos sunt, non de scientia rationali, ut est Logica: Amplius fundamentaliter, non formaliter: Caterū de scientia humana, quæ ministerio sensuum adipiscitur, non de scientia Dei, aut Angelorum: Rursus non absolutè ad diuisionem quarumlibet rerum scibilium, quoniam 2. *Phys. T. 19.* habetur easdem esse lineas, & superficies naturales, ac Mathematicas, sed factâ restrictione ad potentiam, & actum, ita ut sensus sit, sicut res diuiditur per actum, & potentiā 9. *Metaph. T. 3.* ita & scientia, sic loquitur ad vnguem Marcus Ant. Zimera in Theorematibus Theorem. 109.

*Marcus  
Anton.  
Zimera  
in Theo.  
T. 109.*

Scientiæ diuiduntur per obiecta. 6. *Met. T. 1. & 3.*

**V**erum est de obiectis formalibus, at falsum de materialibus, Musica, namq; & Arithmetica scientiæ diuersæ sunt,

sunt, & adhuc sunt circa idem materiale, videlicet circa numerum. Insuper verum est de obiectis totalibus, & adæquatis, non partialibus, & inadæquatis. Præterea principaliter, nam & per principia propria interdum dicuntur ab Arist. distingui, sed minus principaliter, quàm per obiecta.

**Scientiæ nō insunt nobis à Natura 6. Eth. c. 6. § 7.**

**V**tiq; verum secundum earum perfectionem, non secundum aptitudinem, & ratio est, quia, quod inest nobis à Natura commune est omnibus, non est autem commune omnibus hominibus habere perfectionem scientiæ, aut sapientes esse: sic formaliter, non radicaliter: Inspice, quæ dicta sunt superius in litera H. de naturali hominum desiderio, & de modo, quo ipsi dicuntur sapientes, antequàm scientias addiscant.

**Scientiæ per experientiam inuentæ sunt. 1. Metaph. cap. 1.**

**V**aleret istud occasionaliter, non effectiue, & formaliter; est namq; experientia singularium ex eodem 1. T. 2. & singularia inepa scientijs sunt ex 1. Post. T. 66. & 80. Cæterùm de scientijs naturalibus, non de moralibus. Vterius, vel per experientiam sensus, vel intellectus; Regulæ enim logicales sunt pro experientia intellectus, estò dicantur inuentæ ad dirigendas eius operationes.

**Sciens peccat per se voluntarius. 8. Phys. T. 8.**

**A**ccipitur certum de sciente in actu primo, non in actu secundo, ne nimirum, quando sumitur, vt actualiter con-

contemplans, & actualiter detētus circa aliquam veritatem. Amplius verum penēs ea, quæ sciuntur, cū error præfigurer falsitatem, & malum, sciētia autem veritatem, & bonum, non penēs omnia, & maximè in particulari, cum possit scire in vniuersali, & errare in particulari *ex 1. Post. T. 12. & 14.*

**Secundum tactum iudicatur homo prudētissimus.**

*In Paruis naturalib. cap. 1. §. 2. de Ani. T. 94.*

**V**erum est respectu Brutorum, non per comparisonem ad alios sensus; est namq; tactus iudex complexionis, quæ in homine perfectissima est, dicente Auicenna libro de complexionibus, & Arist. 2. de Anima cap. 5. Accedit, quòd tactu, securiora facit experimenta homo, & artium habitus contrahit; experimentum autem, vel prudentiæ comes est, vel eiusdem ephœbus illam fideliter antecedit.

**Semina quæq; viuunt. 2 de Generat. Animal. c. 3.**

**I**ntelligitur hoc potentiâ, non actu; virtualiter, non formaliter, ex quo deducitur sperma non esse animatum, actu, quia quod habet animam actu, actu viuunt; & si verum est, quòd in fine adducti capitis asserit Philosophus, videlicet semen nō habere determinatam formam alicuius partis animatæ ipsius viuētis, à qua decidat, eò quia tunc non contineret virtutem, producendi totū, sequitur (contra Nouitios) quod decidat à toto, & non sit totum actu, alioquin paruum animal esset, & decisio seminis generatio, ac proindè conceptio ortus, quæ cuncta in gremio falsitatis adoleseunt.

**Senescere est secundum naturam . 5. *Phys. T. 56.***

**A**pprobatur de natura communi, non de particulari; hinc 2. *Celi T. 37.* dicebat Arist. impotētias omnes, quæ in animalibus sunt, esse præter naturam, & porro senectus impotentia est: Item non primariò, sed secundariò.

**SKOLION.** Primariò esse secundum naturam importat, ut intendatur id, quod dicitur tale, tanquàm perficiens naturam, & conseruationum specierum, à quibus fit integritas Vniuersi; secundariò autem, ut solum intendatur id, quod consequitur species, & ab extrinseco perficit, & idèò gratià alterius, Et quia senescere est via ad corruptionem, & corruptio vnius est generatio alterius 1. *de Ortu T. 17.* & generatio primariò intenditur, respectu corruptionis, idèò est dictum senectutem secundariò esse secundum naturam sicut, & decrementum; iuuentutem autem, siue augmentum primariò.

**Sensibile positum supra sensum non facit sensationem. 2. *de Anima T. 116.***

**I**ntelligitur sic, quòd non faciat sensationem talis speciei, non alterius, ut e.g. si obiectum coloratum ponatur supra oculum, esto ab oculo non apprehendatur, & actus visus non fiat, sit tamen tactus; vnde est, quòd ab Arist. tactus communis dicitur 2. *de Ani. T. 112.* inter externos, cum maiores habeat differentias, &c. Item verum respectu visus, auditus, & olfactus, qui mediò vniuntur externo, non gustus, & tactus.

**Sensibillum non est scientia. 2. *Ethic cap. 1.***

**A**pprobatur per se, quoniam talia sensibilia singularia sunt, & singularium non est scientifica methodus, ut supra,



suprà, non per accidens ; etenim per abstractionem , vt fiunt vniuersalia ista sensibilia, possunt scientiam fundare, propter quòd Physicus sciens dicitur , qui abstrahit hæc sensibilia à materia indiuidua.

**Si adsint plures motus, non sunt tamen plura tempora. 4. Phys. T. 101.**

**S**ubsistit, quatenus tempus non est numerus numeratus quorumcunq; motuum, at solummodò primi mobilis, & propter hoc non est necesse tot esse tempora, quot motus, quia neq; ad mensuram mensuratorum multiplicantur mensuræ, dum vnus modius plura mensuret, etiam diuersissima.

**Si affirmatio est causa affirmationis, etiam negatio est causa negationis. 1. Post. T. 30.**

**C**urrit quando affirmatio est præcisa causa, & adæquata ipsius affirmationis, vt ex. gr. si habere pulmonem est causa præcisa respirationis, tunc non habere erit causa non-respirandi, vt in illo libro dicitur de pariete, minimè de inadæquata, vt si e.g. diceretur ignis est causa caloris, ergo ignis non causat calorem, siquidem illo non existente adhuc est calor: Item in causis proprijs, & immediatis, non remotis, vt per exemplum intemperiei, & sanitatis, docet infrà Arist.

**Sicut se habet anima ad corpus, ita pars animæ ad partes corporis. 2. de Anima T. 9.**

**C**onstanter intelligitur verum de potentijs animæ, non de essentia eius; animæ enim essentia partes nō habet; quare sensus est, quòd sicut totum corpus organicum se habet

bet ad operationes animæ, quæ per ipsum totum exercetur, ita se habet vnum organum ad vnam determinatam operationem ipsius animæ, vt oculus ad visionem, & è conuersò.

*Sicut simpliciter ad simpliciter, ita magis ad magis. 4. Topic. cap. 6.*

**P**RO certo habetur, vbi non est alia habitudo inter maximum vnius ordinis, & maximum alterius; quare non sequitur minimum accidens est minimum ens, & maius accidens perfectius accidens: ergo perfectius ens, & proinde perfectissimum accidens perfectissimum ens, secus verò vbi sunt plures tales habitudines. Dicunt Alij proportionaliter, non absolutè.

*Signum nobis notius est, & minus quo ad naturam*  
*1. Rhetoric. c. 2. § 2. Prior. c. 35.*

**A**Daptatur hoc naturalibus, quorum effectus sunt nobis notiores ipsis causis, non de signis quomodocunque, & extra spheram naturalium: Insuper de signis, quando stant pro effectû, non pro causa; interdum enim nos accipimus effectus, vt signa causarum, vt e.g. frequentationem pulsus, vrinam, &c. respectu sanitatis, & interdum causas pro signis, tum sanitatis, tum aliorum, vt dispositiones corporum Cœlestium pro signis imbrium, pluuiarum, tempestatum, &c.

*Simile non patitur à simili. 1. de Ortu T. 48.*

**D**E simili in gradu formæ verificatur, nec non & in ipsa forma, non in materia tantum, aut forma tantum quoniam duo calida per eandem formam caliditatis possunt inui-

cum intensiuâ actione agere, sed debent disconuenire in gradu, itaut calidius agat in minus calidum, & hoc patiaturs ab illo. Itẽm illâ præcisâ ratione, quâ est simile, non alio modo.

**Similia sunt, quæ conueniunt in forma. 10. Metaph. T. 11.**

**P** Rocedit directè de similibus vniuocis, quæ .s. communicant in forma sub ratione generis, & speciei, non analogicè tantum, vt Deus; patens namq; est, quod Deus, cum sit agens, debet habere similitudinem cum aliquo, putâ relationem ad sua patientia; sed quia, non secundum eandem rationem genericam communicat cum creatura, propterea à similitudine formæ cum creatura excluditur; hinc doctè D. Dionysius 9. de Diuinis Nominibus dicebat, quæ non sunt vnus ordinis mutuam similitudinem nõ habent; causâ autẽm primâ, & causatum huiusmodi sunt: vnde cõceditur in recto, quod creatura sit similis Deo, sed non Deus creaturæ, quemadmodum imago est similis homini, sed non homo imagini.

D. Dionys.  
9. de  
D. N.

**Simplicitas perfectionem dicit. 11. Metaph. c. 1.  
& 2. Cæli T. 22.**

**P** Rocedit de simplicitate per se subsistente, qualis est, quæ Deo conuenit, non de quauis indistinctè, vt est illa e.g. materiæ primæ elementorum, & accidentium separatorum. Cæterum valet, quoad causalitatem, quoniam secundum Aristot. suprâ simplicia habent rationem principij, nõ quoad existentiam, & existendi modum, vt suprâ. Itẽm secundum se, non quoad nos.

Sin-

Singularia cognoscuntur sine medio. 1. *Post. T. 3.*

**V**lt, quòd intelligatur de termino medio, quoniam singularia, absq; discursu, percipiuntur, vt putà, quæ sensibus apprehenduntur, nō absolutè sine medio, quia si videntur, & requiritur lumen, & diaphanum; si tanguntur, cutis, & cuticula; si gustu percipiuntur, salua, &c. Itèm, quādo eorum vniuersale est nobis notissimum, secus non, & hoc est, quòd in dicto loco dicebat Aristot. de  $\Delta$  in semicirculo, qui statim, ac nobis offertur, cognoscitur.

Singulare definitione non scitur. 7. *Metaph. T.*  
17. 20. & 40.

**P**rocedit de singulari in actu exercito, non in actu signato: Insuper de singulari naturali, & de definitione propriè dictā, non de singulari spiritali, aut definitione impropria; hinc in Prioristicis dicebat Aristot. facilius esse definire singulare, quàm vniuersale. Amplius reduplicatiuè, vt singulare est, non secundum communem, & logicam intentionem repertam in illis. Tandèm de definitione, quæ est medium demonstrationis, non quæ tantum confuso modo continet essentiam, & per aliquod propriū accidens exprimitur, & descriptiua vocatur; & cum hoc aliud Effatum remanet expositum de faciliiori eius notitia, quod habetur 2. *Post. T. 85.*

Singularium non est demonstratio. 1. *Post. T. 18.*  
& 95.

**I**nconcussum manet respectu demonstrationis scientificæ, non demonstrationis ocularis. Itèm per se, non per accidens; de singulari namq; interuentu naturæ vniuersalis proprietatis

prietas demonstratur. Præterea singularium caducorum, non sempiternorum, ut sunt substantiæ abstractæ, secundum multos, deinde Sol, Luna, &c. quæ eadem interpretatio est alterius Effati huic connexi, quod indiuiduorum non sit scientia; reduplicatiue enim, ut indiuidua, non sunt scibilia, quia variabilia, & corruptibilia, sed bene secundum prædicata vniuersalia, quæ recludunt, ut supra.

Si non esset anima potens numerare, neq; etiam possibile esset id, quod est numerabile. 4. *Physic. T. 1 30.*

**V**eritatem in hoc sensu habet, ut, si impossibile est esse aliquem numerantem, impossibile sit esse aliquod numerabile, quemadmodum hæc vera est, si impossibile est aliquem sentientem, impossibile est aliquod esse sensibile, nam sensibile est, quod potest sentiri, sed non, quod sit sensibile, quia actu sentiatur, & illud numerabile, quia actu numeretur, sed sit numerabile hoc, quia est aliquod numerans, & illud sensibile, quia est aliquod sentiens. Amplius verum de actuali numeratione prioris, & posterioris in tempore, quoniam hæc ab anima est necessario, non de successione ipsa, & fluxu motus à quo tempus ipsū producit, quod postea numerabile dicitur.

Sola anima intellectiua est locus specierum. 3. *de Anima T. 6.*

**V**aleat de loco specierum præciso, & adæquato, non simpliciter, & absolutè; sensus enim per Aristot. 2. *de Anima T. 1 2 1.* est perceptiuus specierum sine materia, ut visus coloris absq; subiecto colorato, sed nõ absq; organo, quod contingit esse proprium intellectus. Item de loco specierum magis proprio, ob spiritualitatem, non improprio. So-

Sola Metaphysica est gratiâ sui. 1. *Metaph. cap. 2.*

**S**ensum rectum habet, quod sola Metaphysica, ut appellat omnem habitum theoricum, esse sui gratiâ, non ut appellat illam sapientiam, quæ est per altissimas causas; Et quia in his altissimis finalis includitur, idè necesse est Metaphysicam considerare vltimum finem, & vniuersalem omnium, propter quem reliquæ in ipsam ordinantur, non ea ad alias.

Sola priuatio per negationē definitur. 6. *Topic. c. 3.*

**P**rocedit hoc de definitione quidditatiua, & quæ mediū est demonstrationis potissimæ ex 1. *Post. T. 22.* non de descriptiua, nam constat priuationem talis defectus debere innotesci, quæ positiuis non conuenit: Item respectu eorum, quorum quidditates à nobis cognoscibiles sunt, non aliorū, & idè præstantissima (qualis est Deus) & deinceps substantia prima ab Arist. & Alijs fuerunt negatiuè definita.

Sola species definitur. 7. *Metaph. T. 14.*

**S**ubsistit de propria definitione, quæ, si non est aliquando speciei, est tamen ad modum speciei; & idcirco volunt Logici genus posse definiri, ut speciem scilicet ut quædam species vniuersalis, non de impropria. Item, quia sola species includit genus, & differentiam, non quia per propria accidentia, non innotescat etiam forma, & essentia rei, sed cōfuso modo.

Solus ignis inter simplicia nutritur. 2. *de A. T. 40.*

**A**dæquarè intelligitur de nutritione improprie dicta, non propria; tūm quia quod proprie nutritur, manet spe-

specie, & numero idem, ignis autem, testimonio Aristot. 2. *Meteor. cap. 2. & de Iuuentute cap. 3.* non manet idem numero, sed specie tantum, quoniam humidum, quod est eius subiectum, seu materia flammæ, fit aliud, & aliud; tum quia propria nutritio solis viuentibus adaptatur, dicente Arist. 2. *de Anima T. 46.* nil nutritur, nisi vitam habens; vide Alamanium in de Potentia nutritiua art. 1. & 3.

*Alam.  
in de Po-  
ten. nutrit.  
4. 1. & 3*

**Sonus quidam motus est. 2. de Anima T. 85.**

**A**pprobatur causaliter, non formaliter; non enim est actus entis existentis in potentia, vt in potentia, sicuti definitur motus 3. *Phys. T. 3.* Item per ampliationem; non enim est sine motu pulsantiũ solidorũ, cum sit attritio, & collisio duorũ similium, ex 2. *de Ani. T. 78.* non per speciem, & per operationem propriam, quæ aures immutat, & nõ aliam partem.

**Speculatio de proprijs posterior est speculatione de communibus. 3. Phys. T. 40. & 41.**

**R**ecte vsurpatur de cognitione dianoetica, quæ fit per abstractionem à phantasmate, non de cognitione intuitiua, aut per species innatas, quæ datur Angelis: Insuper de cognitione scientifica, non de naturali, rudi, & inelaborata, quæ datur pueris, & Tyronibus. Item de proprijs, vt appellant particularia, non intrinseca & àb essentia emanantia.

**Stat errare in particulari, & scire in vniuersali.**

**1. Post. T. 70.**

**V**sorpatur de cognitione nostra, quantum ad inuentiõnem, non quantum ad experientiam, & actum; cum enim

enim omnis actus cognoscitiuus sit particularis, si foret error circa particulare, absoluto sensu, nullus actus cognoscitiuus esset verus, quod maximum absurdum est: Accedit, quòd vniuersalia sunt nobis notiora, vt suprà, & circa talia non potest esse noster error.

Subiectum est prius prædicato. 1. *Phys. T. 52.*

**V**lt accipi verum de prædicato accidentali, quod est in alio, vt in subiecto, non de prædicato essentiali, quia cum tale prædicatum conuenietur de subiecto per modum totius, vt animam de homine, opus est, vt talia prædicata essentialia sint priora ipsis subiectis: vide, quæ suprà habui de prioritate subiecti respectu eorum, quæ sunt in ipso.

Subiectum, & proprium identificantur. 1. *Topic. capite 5.*

**R**ecipitur verum, nexu, & identitate accidentali, non per se, & essentiali, vt fit de homine cum sua vltima differentia, puta cum rationali: Item per denominationem extrinsecus aduenientem, non per naturam, quia nunquam accidens substantia esse potest, iuxta illud. 1. *Physicorum T. 27.* quod vni est accidens, alteri nequit esse substantia.

SKOLION. Cum omne identificatum alteri sit vnum cum illo, & de ratione vnius sit indiuisum ex 5. *Metaph. T. 11.* propterea notandum indiuisum aliquod dici dupliciter vel per se, vel per accidens: Per se rursus bifariam, primò simpliciter per se; secundo respectu alterius; & tunc, vel respectu vnius speciei, & sic illa dicuntur esse vnum specie, quæ sub vna specie continentur, vel respectu vnius generis, & sic dicuntur illa vnius generis, quæ sub vno genere sunt simpli-



pliciter, & per se sunt quæcunq; sunt numero vnum, & separari nequeunt, vt Sortes. Indiuifum per accidens, vel est tale per inhærentiam, vt Sortes albus, vel per colligationem, vt in onere lignorum, vel per coadunationem, & congregationem, vt in aceruo lapidum, & granorū tritici: Indiuifio itaq; subiecti cum proprio suo est per se secundo modo, nām sequitur speciem, non primò, neq; per accidens, vt latè docet Elegantiss. Armandus Bellouifius in Tractatu 2. de Transcendentibus cap. 19.

*Arman.  
Bellouif.  
in Tr. 2.  
de Trā.  
cap. 19.*

**Subiectum vnum vnicum tantum habet formam.**

*2. Phys. T. 26.*

**G**ermanum habet sensum de forma substantiali, quæ dicit hoc aliquod in materia; nām sicuti sigillatim quælibet res habet vnicum esse, quòd esse prouenit à forma, sequitur, quòd etiam habeat vnicam formā: Addo, quòd omnis forma est actus primus, & à bino actu primo nulla res actuari potest, intaminatā Naturæ lege concessā, quod superflua, & frustranea despiciat ex 1. *Cæli T. 3 2. & 2. T. 5 0.* non autem de forma accidentali; constat enim vnum, & idem à pluribus accidentibus denominari, & actuari.

**SKOLION.** Hoc aliquod dicere, significat dicere vnā finitam, & determinatam substantiam, quæ ita singularis est, ob vnionem talis formæ cum materia, vt in plures diuidi nequeat, vt lucidè Arist. in *Pradicam. cap. 1. sub 5. proprietate* edocet.

**Substantia est ens per se subsistens. 7. Met. cap. 5.**

**V**erum est, vt per se dicit idem, quòd in alio inhæsiuè, non, si ly per se, sumatur, vt contradistinguitur ei, quod est

est tale per alia, vt cū substantia, composita dicitur talis esse propter suas partes: Amplius directè verum de substantia prima, quæ verè incommunicabilis est, non de secunda. Ceterū per se, vt excludit directè inexistere accidentis prædicamentalis, non prædicabilis solum: Amplius de substantia composita, quæ subsistit ad modum totius, non de simplici, & partiali; forma enim ex Arist. 2. de Anima T. 2. substantia est, cū adhuc non per se subsistat, sed sit in materia, vt ex 2. Phys. T. 4. qui textus interpretatur, quod sit in materia per informationem, non per inhærentiam.

SKOLION. Inter octo essendi modos, quos in *Anteprædic. cap. de Rebus* narrat Arist. est modus essendi, tanquā forma in materia, & tanquā accidens in subiecto, qui modi in plerisq; differunt, nām primus dicitur per informationem, & importat dare illi esse actuale primum, qui specificus est; secundus autē solam denominationem extrinsecam, & actus specificus actū primū, & secūndum dat: Amplius primus essentialis est; secundus autē non, sed extrinsecus: primus appetitus à subiecto est, secundus non: primus compar fit vnus per se, minimè secundus.

Substantia est de definitione accidentis. 7. *Metaph. T. 4* 55.

**V**aleat, vt cogniti à nobis, & secundum latam proportionem definiti ad definitionem, non simpliciter, & absolute; potest enim (vt scimus per fidem) Diuinā virtute separari ab illa, & eò tunc propriam habere definitionem, quatenus ens, licet non substantia, siquidē omne ens definitione cognoscibile est ex 3. *Metaph. T. 10.* cū participet de genere, & differentia aliqua, sic censet Armandus Bellouisius in *Præamb. Phys. T. 1.*

Arman.  
Bellou.  
T. 1. Ph.

Qq

Sub-

Substantia est susceptiua contrariorum. *In Categorijs cap. 1.*

**V**aleat, vt quòd, non vt quo; siquidè quantitas, & ipsa suscipit album, & nigrum, & non est substantia; at suscipit, vt quo tantum. Carterum susceptiua est contrariorum successiue, vnus .i. post alterum, non simultaneè. Præterea de creata, & materiali, non de increata & immateriali; vide supra literâ A.

Substantia est tempore, naturâ, & cognitione prior, quocunq; accidente. 7. *Met. T. 4. 8.*

**C**onsonum veritati est respectu accidentium communium, & separabilium, non propriorum, & inseparabilium. vndequaquè. Insuper de cognitione secundum se, quæ ab ente dependet, non de nostra; siquidè nos homines, pro hoc statu, manducamus in cognitionem substantiæ per accidentia, docente Philos. 1. *de Anima T. 11.* Amplius de substantia secundum essentiam considerata, non secundum existentiam, quia sic, non est sine tempore, sine loco, & alijs accidentibus.

Substantia lineæ sunt duo puncta. 1. *Post. T. 9.*

**C**ertum est, vt terminantia, non vt componentia; puncta enim sunt de ratione lineæ, etiam in primo modo dicendi per se, sed non, vt constituentia, quoniam partes intrinsecæ eius non sunt, vt suprâ, sed, vt terminant, & finiunt, quòd maximè intelligitur de linea physica, non mathematica protrahibili in infinitum. Item de substantia, hoc est de essentia logicè sumpta, quæ dilatatur ad primum, & secundum modum

dum dicendi per se, oppositos de directo ipsis per accidens; vide supra literâ G.

**Substantia non est causa accidentis. 4. Met. T. 2.**

**P**roximè, & immediatè certissimum, non remotè, & mediâtè: Ampliùs formaliter, nam forma accidentis nunquàm substantia est; cum enim vnumquodq; habeat esse tale per formam ex 2. *Phys. T. 12.* & accidentis esse substantia non sit ex 1. *Phys. T. 27.* sequitur, quòd substantia causa formalis eius non sit, at benè effectiue, vt tactum est sup. literâ A.

**Substantia non definitur per accidens. 7. Metaph.**

*Summâ 2. cap. 1.*

**C**onnectitur vero de substantia absolutè sumpta, non relatiue, cuius census est Natura definita ab Arist. 2. *Phys. T. 3.* per principium, & causam motus, ac quietis, quæ ambo accidentia sunt. Itèm de accidente communi, & separabili, non de proprio. Ampliùs essentialiter, & secundum se, non respectu nostri.

**Substantia non dicitur infinita, nisi per accidens.**

*1. Phys. T. 15.*

**C**irrit de infinito secundum extensionem, quia hoc per se de quantitate verificatur, non de infinito virtutis, & durationis, quia sic Deus infinitus est per se, & non per accidens, & Angeli similiter, secundum durationem, & non per accidens: Itèm conceptu logico, non physico; vide superius dicta lit. I.

Substantia, quæ est forma sine materia per se ipsa  
est ens vnum. 8. *Metaph. T. 16.*

**I**ntelligitur adæquatè de substantia, quæ est causa forma-  
lis sui esse, & sue unitatis; & insuper cuius non est assi-  
gnabile efficiens, & conseruans eius substantialitatis, vt est  
Deus O. M. non de quauis alia, & idèd, licet Intelligentia sit  
forma, absq; materia, attamen non semper est ens, neq; per  
se vna, quia dependens, & creata.

Substantiæ vniuersales sunt magis substantiæ mi-  
nus vniuersalibus. 8. *Metaph. cap. 1.*

**D**irectè verificatur de Ideis iuxta Platonem, at secun-  
dum Peripateticos de substantijs in genere scibili,  
quatenus minus obnoxia mutationibus, non de substantijs in  
genere Naturæ: Itèd quia perpetua, & influentes in multis  
communes, non in substando accidentibus, quod videtur  
proprium munus substantiæ; vide supra lit. N.

Suppositio non demonstratur esse. 1. *Post. T. 5.*  
¶ 25.

**V**aleat de suppositione simpliciter, non de illa, quæ est  
respectu addiscentis; potest .n. ista demonstrari; vndè  
in 1. *Post. T. 11.* habemus p̄ exemplū suppositionē istā natura-  
lia moueri esse ab Arist. probatam, & demonstratā, sed non  
simpliciter, benè autem ratione addiscentis. Item quia prin-  
cipium est demonstrationis, & similia principia non demon-  
strantur, vt suprà literâ P.

## T

Tempus ab anima pendet. 4. *Phys. c. ult. T. 131.*

**V**alere de tempore secundum rationem mensuræ, & secundum diuisionem artificialem, quæ à solo intellectu fieri apta est, non secundum essentiam, quia sic est contentum in Cathgorijs, & proprietates habet reales, quæ sunt longum, & breue, secundum Arist. ibi. Item in ratione actuali mensurandi, non in potentiali. Cæterum faciliè in permanentibus, non in successiuis.

SKOLION. Hoc diuersitatis est inter permanentes, & successiuas res, quòd in permanentibus numerus actu, & totus simul reperitur, vtz in denario, senario, &c. hominum; in successiuis verò, non totus simul reperitur, sed in quodam fluxu, & successione, itaur partes inuicem sibi, secundum rationem prioris, & posterioris succedant.

Tempus est mensura motus, & etiam quietis.

4. *Phys. 1. 18.*

**G**ermanam habet intelligentiam de motu per se, & de quiete per accidens, non alio modo, secus vera definitio temporis, deberet etiam quietem includere, quemadmodum Natura in sua definitione 2. *Phys. 1. 3.* Accedit, quòd si esset æqualiter per se mensura quietis, & motus, idem esset mensura contrariorum simul, & semel, quod censetur absurdum.

Tem-

**Tēpus excedit res in eo existentes. 4. *Phyf. T. 117.***

**S** Vb hoc sensu requirit, vt intelligatur, nimirum, quod plus extendatur, quàm singula rerum, quæ sub ipso sunt, & idèò distributiue, non collectiue; extensiuè, non intensiuè. Itè m quia mensura est, adæquata quidè m omnium, & inadæquata singulorum seorsim, & mensura excedit aliquo modo mensuratum, vt continens contentum, propter quod videmus singulas res sub Cœlo deficere, & ipsum semper durare.

**Tempus necessariò motum mensurat, & motus ipsum. 4. *Phyf. T. 112.***

**I** N tali sensu vsurpatur, nimirum quatenus mensura semper certificat mensuratum; vt simille grana tritici replèt minam, & quattuor minæ modium; apparet, quod mensuratum certificat mensuram, & è conuersò illa ipsum mensuratum, non de actuali, quantitatiua, aut formali mensura. Itè m quia semper coexistit eius fluxui, non quia superius ad ipsum, aut prius.

**Tempus non est motus, sed accidens consequens ipsum. 4. *Phyf. T. 97.***

**F** ALsum est realiter materialiter, verum autem formaliter, siquidè m motus per Arist. *T. 96. cit. 4. velox*, vel tardus est, tempus autem minimè; Insupè quia motus respicit, vt plurimùm, quietem, & refertur ad mobile; tempus verò minimè: Itè m, quia non est motus solùm, alioquin pari, & simili definitione definiretur, ac motus, sed mensura eius secundum prius, & posterius: Insupè specificè, quia tempus species est quantitatis propria, motus autem non, imò nec al-

terius generis, nisi reduciat. Tandem verum de motu primi mobilis, à quo necessariò dependet, nò de alijs motibus, siuè eiusdem speciei, putà circularibus, siuè non.

**Terminus motus non distinguitur à motu. 3. Phys.**

*T. 18, & 20.*

**I**Denticò, & materialiter verum est, non formaliter, vt de actione, & passione in *T. 19. 3. citati* dictum est; motus enim est via, & transitus à termino à quo in terminum ad quem, & terminus nullus reduplicatiuè talis est: Itèm tanquàm perfectio eius, non &c. vide, quæ suprà dicta sunt litera N. de motu.

**Terribilium omnium mors est. 3. Ethic. cap. 9.**

**V**Alet, vt de passionibus nobis notis, non simpliciter. Itèm cæteris paribus, non indistinctè; generosi nanq; homines, & iusti, nullo mortis terrore concurantur; quinimò reliquis suauem, & facilem prædicant. Insuper in intellectu, ratione sensus, dolores, & tristitias semper renuentis, quos omnes dolores in vno mortis copulatos putat, non semper ratione sui, vt suprà lit. O.

**Tot modis dicitur causa, quot principium. 5. Metaph. T. 1.**

**A**Pprobatu illo modo, quo explicatum est ibi, nomine principij, siquidèm omnes causæ sunt principia, at non è conuersò, propter priuationem, quæ principium est, & non causa, non autèm eodem modo semper, & eadem ratione. Itèm respiciendo causas intrinsecas, & extrinsecas rerum, non mu-



Itẽm de veritate enuntiabili à nobis , quæ maximè ab existentia deducitur, iuxta illud superius expositum ab eo, quod res est, vel non est, oratio dicitur vera, aut falsa, non de obiectiua, & formali, quæ essentiam respicit, & æterna est.

**Verius est aliquid vbi est per essentiam, quàm vbi est per similitudinem. 12. Met. cap. 3. T. 39.**

**P**rocedit hoc de veritate prædicationis, non de veritate rei, siquidẽm prædicatio est principaliter ab essentia, & ab existentia solum complementum veritatis rei; similitudo autẽm existentia sequitur: Itẽm fundamentaliter, & transcendentaliter, non formaliter, & proximè, cùm sic intellectus per similitudinem intelligat, & per abstractionem.

**Verius est, quod est in actu, quàm quod est in potentia. 5. Metaph. T. 3 & 9. eiusd. T. 17.**

**R**espectu potentia passiuæ attenditur veritas huius Effacti, non respectu actiuæ, nam, vt supra visum est, veri ius est res in causa sua, quàm in se ipsa, & tamen in causa actiuè continetur. Itẽm ex parte vtriusq; potentia, intellectiuæ .s. & sensitiuæ, non sensitiuæ tantum.

**Verum est id, quod est. 4. Metaph. T. 10.**

**V**aleat causaliter, & secundum quod ens præcedit rationem veritatis, non formaliter, ratione, quæ perficit, & definitur ab Armando Bellouiso in de Transcendentibus cap. 24. Cæterum valet de vero transcendentali, non prædicamentali, & cognito. Item quod est, vel obiectiuè, vel actualiter, non necessariò actualiter; vide, quæ dicta sunt de Ente lit. E.

Arman.  
Bellouif.  
de Trãf.  
cap. 24.

Sf

Vc-

Verum est aliququaliter prius bono. 4. *Met. cap. 2.*

**I**ntelligitur hoc, quantum ad relationem propriam, eò quia prior est relatio, quam dicit verum ad intellectum, quàm relatio boni, siquidem ista terminat ad voluntatem, quæ posterior est intellectu, non ut vtrumq; includit ens, & passionēs eius sunt, quoniam sic æqualiter cum eo sunt, & æqualiter conuertuntur. Amplius ratione simplicitatis, nam verum est simplicius bono, eo quod bonum est perfectio appetitus, tam secundum speciem, quàm secundum esse; verum autem est sola perfectio secundum speciem, quia res cognita ab intellectu, est tantum secundum speciem intelligibilem in ipso, & non secundum esse.

Virtus est, quæ facit bonum habentem. 2. *Ethic. capite 6.*

**P**ropriè subsistit de bonitate morali, non naturali: Insuper de bonitate moris in habitu, vel in actu, non necessario in actu, quoniam sciens potest esse doctus in vniuersali, & prauè operari in particulari, ut suprà cum Aristot. dictum est: Cæterum, quantum ad ea, quæ sunt propria suæ speciei, si sit vna Virtus tantum, non simpliciter, hoc est in ordine ad omnes bonitates.

Virtus est vltimum in re de potentia. 4. *Physicor. T. 116. & 7. eiusd. T. 18.*

**E**ssentialiter, & formaliter intelligitur, non materialiter solum, itaut designet potentiæ complementum, siuè illud, per quod potentia completur sit aliud à potentia, siuè non, nam habita virtute tunc contingit, & melius, & fortius operari; vide mox infrà dicenda. Vir-

**Virtus facientis consideratur secundum mensuram facti.** *lib. 1. de Hist. Ani. per totū, & 1. Ethic. 4.*

**P**robabiliter, & arguitur verum est Effatum, non absolute, hoc est omni modo; maius enim calidum, non solum magis, sed etiam citius calefacit, & idcirco, licet creare effectum finitum, non demonstret potetiam infinitam, ex parte facti, demonstrat tamen ex parte modi, producendo. scens simpliciter, inter quod, & nihil, proportio nulla est, ita D. Th. 1. p. q. 45. art. 5.

**Virtus formam consequitur.** *9. Met. T. 2 & 10.*

**F**irmum est de virtute actiua, quæ crescit, vel ex plena forma, vel ex ea radicata in subiecto, non de virtute, quæ est habitus. Amplius firmum, & ratum de virtute in actu exercito, quæ virtus operatio est, non in actu signato, quia tunc non sequitur, sed simul est cum forma.

**Virtus habet esse in medio.** *2. Ethic. cap. 6.*

**C**arpet veritatem, quantum ad materiam, in qua talis mensura perfectionis habitus virtuosi residet, non quantum ad formam, quam à sua natura sortitur, quoniam sic habet rationem extremi. Cæterum veritatem habet de virtutibus intellectualibus humanis, non Theologicis, siquidem istæ medium non habent, illæ autem benè. Præterea de medio rationis, non rei, siue quantitatis; vide, quæ superius dicta sunt de medio literâ E.

**Virtus moralis in sensitiuis potentijs esse potest.**

*1. Ethic. cap. ult.*

**P**robitatem, & veritatem habet in illis, vt directis à ratione, minimè absq; ratione. Itèm materialiter, nō formaliter, seu (vt dicunt Alij) cum reformatione intellectus, non liberè, & absolutè. Cæterùm; lato modo sumpto nomine virtutis, non stricto, seu secundum Alios partialiter, non totaliter.

**Virtutes naturales non sunt ad opposita. 1. Metaph. cap. 2.**

**V**aleat per se, non per accidens: Similiter, quando sumitur naturale, vt contradistinguitur libero, nō alio modo, vt suprà, & hoc est, quod dicebatur ab Arist. 3. de Anima T. 47. modum operandi per naturam esse contradistinctum modo operandi per intellectum. Item relictis se solis, non si Ars superaddatur: vide, quæ sunt dicta sub Effato *natura est de terminata ad unum*, & sub alio de potentijs rationalibus.

**Virtus per se delectationem habet. 1. Eth. cap. 5.**

**D**eseruit vero de ipso actu veritatis, nō de obiecto actus, quoniam vna est inter virtutes, .i. Poenitentia, cuius proprium est dolere de suo obiecto; è contra autem est de prima delectatione communi omni virtuti; vnde omni habenti virtutem est delectabilis operatio, quæ est secundum proprium habitum; quare videmus poenitentem de dolore, & passione gaudere. Tandem de delectatione intellectus, quidem in virtute quiescit anima, non sensus tantum, &c.

Vir-

**Virtus vnica fortior. *Lib. de Causis Prop. 17.***

**V**ertificatur sic, quia non dissipatur à circumstantijs, propter quòd lapillus aquam scindit, & calor in speculo concauo ignescit; falsum autem, nisi sit in certa, & determinata quantitate. Amplius falsum in omni subiecto, & ideò, qui sunt frigidi temperamenti, hyemali tempore non feliciter viuunt, at melius in æstate, à cuius calore contemperantur (quidquid dicant Alij, aliò referentes temperamentum) verum autem, vt in pluribus.

**Visus est tantum vnus contrarij. 2. *de Anima T. 107.***

**S**ubstitit de differentia principali sui obiecti, vt de albo, & nigro, non de alijs. Præterea secundum actum, quia sic tantum vnum obiectum attingit, nō secundum habitum, iuxta quem potest omnes colores per varios actus attingere, medio tamen illuminato.

**Viueret est viuentibus esse. 2. *de Anima T. 16.***

**N**on de esse tantummodò vsurpatur Effatum, sed de esse, & operari, quoniam anima, nedum est actus primus, sed etiam secundus, qui sanè secundus, in hoc differt à primo, quòd primus respicit totum, & singulas partes æqualiter; secundus verò non; operatio namq; animæ, quæ fit in corde, quàm maximè differt ab alijs, sed ipsa in omnibus operatur, saltè vt *quo*, sicuti suprà, &c.

**Vltima differentia est tota substantia rei. 7. Metaph. T. 43.**

**I**ntelligitur hæc, quatenus omnes superiores differentie dicunt vnum, quod determinatur ab vltima differentia; quæcumq; enim differentie, quæ ponuntur in definitione (nisi addit vltima) non sunt potentes essentiam de finiti aperire, nõ quia in suo conceptu includat cõceptum reliquarum, & omnium generum, sed quia dicit, veluti vltimam causalitatem rei. Itẽm cõnotatiuè, non quidditatiuè, nam essentia, & quidditas rei, verè à sola differentia non habentur.

**Vna, & eadem res nõ potest locari in diuersis Prædicamentis. 4. Topic. cap. 1.**

**A**pprimè verum, sub eadem ratione, alioquin sibi ipsi manifestè contradiceret Arist. hĩc & 3. *Phys. T. 4.* vbi docet motum poni, & in prædicamento qualitatis, quantitatis, & vbi; quinimò scientiam in genere qualitatis, & relationis, non sub diuersa. Item formaliter, & directè, non materialiter, & reductiuè. Item propriè, non impropiè.

**Vna est potentia agendi, & patiendi. 9. Met. cap. 2.**

**V**aleat de vna potentia subiectiuè, non formaliter, quia sic potentia actiua, & passiva, secundum suas formalitates opponuntur; & vnum oppositorum non prædicatur de alio. Itẽm de remota in naturalibus, non de proxima, aut inliberis; vide, quæ suprà dicta fuere in principio primi libri

**Vna formâ in actu non potest esse in pluribus subiectis. 9. *Metaph. T. 4.***

**P**rocedit de formâ reali physica, non intentionali, ut est vox, quæ à pluribus recipitur, & species sensibiles, quæ in eadem parte aeris possunt haberi. Item formaliter, non eminenter, & virtualiter. Cæterum de naturali, non de artificiali; & rursus de naturali in subiecto toto, non in partibus solum; vide supra dicta literâ F.

**Vni simplici corpori vnus simplex conuenit motus. 1. *Cæli T. 7.***

**S**umitur verû æquè primò, sed non omnibus modis; ignis enim corpus est simplex, putâ elementum, & tamen mouetur sursum, & etiam circulariter, attractus nimirum à Cælo Lunæ: Insuper per se, & naturaliter, non per accidens, & ex violentia, quia tunc plures, ac contrarios sustinere potest.

**Vnio non tollit distinctionem. 10. *Met. T. 4.***

**T**ritum manet in ætherogeneis, quæ necessariò sunt ex partibus dissimilibus, non in homogeneis. Amplius de distinctione partium entitatiuarum, non formalium. Addit Io. de Magistris syncategorematicè non tollere distinctionem, benè autem categorematicè, quia sic nò sunt amplius partes, sed totum: vide supra lit. P.

**SKOLION.** Totum homogeneous est, quod ex partibus similibus, aut eiusdem rationis constat, ut lignum, oleum, vinum, &c. Ætherogeneous verò, quod ex dissimilibus conflatur, ut corpus nostrum ex carne, neruis, ossibus, &c. ita 4. *Metheor. cap. 2.*

Vnius.

**Vnius rei possunt esse plures materiæ. 8. *Metaph. T. 11.***

**I**ntelligitur de materiis proximis, & determinatis, non de remota, & prima, nam ad patiendum sufficit vnum. *ex 1. Phys. T. 33.* Item partiales materiæ, non totales; sic. n. Mundus ex totali constat, & ex multis partialibus. Insuper frequenter in arte, raro in Natura, nisi vna deferuiat pro dispositione alterius, quia tunc, etiam plures (dummodò subordinatæ) vna dici possunt.

**Vnius rei est tantum vnica essentia. 7. *Met. T. 11.***

**P**robè intelligitur de essentia absoluta, & specifica, nam sic quælibet res habet tantum vnicam naturam, & speciem, non de respectiva, & generica; Petrus enim, licet sit per essentiam specificam homo, est præterea viuens, corpus, substantia, &c.

**SKOLION.** Essentia respectiva extrinseca est, & respicit esse essentiale, nam per *Arist. 5. Met. T. 14.* duplex est esse rei, aliud, quo respondetur ad quæsitum quid est, & dicitur prædicatum essentiale; aliud quo respondetur ad an est, & dicitur esse existentie, ac prædicatum accidentale. Essentia absoluta intrinseca est, & respicit dictum quæsitum quid est, vt e.g. lapis, quæ lapis, dicit essentiam absolutam specificam; quæ verò terminus agrorum, aut basis columnæ dicit extrinsecam essentiam, quæ potius existentie est, quam essentie.

**Vnius rei est tantum vnica definitio. 2. *Topic. c. 2.***

**C**urrit de vnica re, vnico modo accepta, quia sicuti res non habet, nisi vnicum esse, & cum isto vnicam definitionem.



& Vbi tantum, vt habemus 3. *Phys. T. 4.* Item de ente phy-  
fico, quò intransmutabile est, non de transcendentali.

**Totum continet actu suas partes. 1. *Phys. T. 36.***

**I**nconcussæ est veritatis de toto essentiali, & actuali, non  
de potestatiuo & rationali, quale est ipsum vniuersale;  
respectu suorum inferiorum, vt genus respectu specierum,  
& species respectu indiuiduorum; sunt .n. hæc adimpleta se-  
cundum genus singulorum, at non secundum singula gen-  
rum, vt de mente D. Tho. testatur Alamanius in Prædicab.  
cap. de Gener. Amplius de toto integrali, vt frequenter, non  
vt semper. Præterea, vel confusè, vel distinctè, non neces-  
sariò distinctè; Cum quò aliud Effatum ellucet de identi-  
tate totius cum partibus, valet enim materialiter, non  
formaliter.

*Alam.  
in Præd.  
c. de Ge.*

SKOLION. Genus (vt ad propositum attinet) dicitur con-  
tinere species potèntialiter, quatenus per differentias est con-  
trahibile, vt eas producat; Et quia, quæ in potentia sunt, con-  
fusa sunt, quandoquidè actus est, qui distinguit, & separat  
*ex 7. Metaph. T. 49.* idcirco species dicuntur esse in genere  
confusè, & potentialiter, & ab opposito genus in speciebus  
actualiter; Et quia actus gignit distinctionem, vt suprà, pro-  
pterea distinctè genus repræsentatur, & continetur in specie.  
& idè rectè dicitur à Metaphysicis genus in prædicando ef-  
se totum, & in definiendo partem.

**Totum est idem conuertibiliter, ac perfectum.**

**3. *Phys. T. 64.***

**V**eritatem sortitur de toto materiali integro, non de po-  
tentiali, & quod integrum non est, veluti colobon.

R r

hinc

D. Tho.

1. p. q. 30.

art. 4.

hinc Deus perfectus, imò perfectissimus est, & nō est totum, nisi fortè secundum cōceptum nostrum, & improprie, ut dicit D. Tho. 1. p. q. 30. art. 4. Ceterum quamdiū suas partes habet, non aliqua deficiente. Tandem verum de perfectione naturæ, non morali, vel alia.

**Totum est maius suis partibus. 1. Phys. T. 4.**

**V**niuersalis est intelligentiæ de toto integrali, & de partibus seorsim sumptis, non de essentiali, & partibus unitis, nā in essentiali totum nō fundatur in quantitate, itaut debeat esse maius, vel minus. Accedit, quod partes unitæ idem sunt, ac totum, & proindè, nec illud maius istis, nec istæ maiores illo.

**Totum, & partes eiusdem sunt prædicamenti.**

**5. Metaph. T. 31.**

**I**nconcussum manet de toto integrali, per se, & partibus eius, nō de toto potestatiuo, quod pro partibus potestias habet, ut. g. anima. Itē de toto, & partibus secundum diuersam rationem, itaut non formaliter omnes sint eiusdem prædicamenti, sed aliquæ formaliter, & aliquæ reductiue. Ceterum de toto naturali, & partibus ei essentialibus, non de artificiali, & accidentalibus.

**Totum in vno non potest esse totum in alio.**

**1. Phys. T. 28.**

**V**aleat reduplicatiue de toto quantitatiuo, & integro secundum quantitatem, non de essentiali, & substantifico.

**SKOLION.** Totum integrale secundum quantitatem est, quod

quod si reperitur in vno loco, aut in vno contento, nō potest reperiri in alio, vt e. g. Aqua in vno determinato vase, quæ nequit esse in alio; Totum verò secundum essentiam, quia est in rebus indiuisibili modo, potest esse totū in vna re, & totum simul in alia, vt e. g. essentia albedinis tota est in vna parte parietis, & tota in alia, & tali modo ex 1. de Ani. cap. ult. anima rationalis tota est in pede, tota in manu, tota in capite, &c.

**Totum non prædicatur in recto de partibus, nec partes de toto. 10. Metaph. T. 25.**

**C**omperitur de toto essentiali, & numerali, non de alijs; Insuper de toto vniuersali secundò intentionaliter sumpto, non primò, quandoquidem *homo est animal* facit prædicationem rectam, non verò *animal est homo*. Pariter de toto ente generali homogeneo, quod melius quantitatum dicitur, nam *gusta aqua est aqua* facit prædicationem rectam, non de ætherogeneo; vnde non dicitur *pes hominis est homo*, cum corpus hominis ætherogeneum totum sit, ita Diuus Tho. in Com. T. 31. 5. Metaph.

D. Tho.  
in Com.  
T. 31. 5.  
Met.

**Totius, & partium eadem est ratio. 1. Celi T. 19.**

**A**pprimè certum de toto, & partibus eius, tam integralibus, quàm essentialibus, quia in quo tractatu agitur de homine, est etiam opus tractare de corpore organico, & de anima, non de potestatiuo, quod, vt suprà, potentias loco partium habet, neq; de artificiofo, cuius partes variorū sunt generum, & varijs subiacent sensibus, cuius gratia forre dixit Arist. 1. Phys. T. 3. Totum nobis notius esse ipsis partibus, quia sensibilius est: Item secundum se, & in eo, quòd sunt relatiua, non secundum nos, & extra relationem.

**Variatis mensuris variantur mensurata . 10. *Metaph. T. 3.***

**V**Alidè subsistit de mensuris intrinsecis, quæ in mensuratis sunt, tanquàm accidentia in subiecto, quo pacto se habent plures lineæ, quæ mesurant longitudinem plurium corporum æqualium, non de mensuris extrinsecis, quæ sunt in vno, sicut in subiecto, quo multa mesurantur, vt multi panni mesurantur ad longitudinem vnius vlnæ, quæ sanè mensura, cùm non multiplicetur ad multiplicationem mensuratorum, neq; variari opus est ad eorum varietatem,

**Vbi conseruatur aliquid naturaliter, ibi corrumpi non potest. 4. *Phys. T. 48.***

**I**ntelligitur hoc, quando virtus corruptentis non est fortior totâ virtute eius, quod resistit, non secus: hinc est, quod particule ignis in propria sphaera existentes corrumpi possunt à Cœlesti constellatione, cuius influxui naturaliter subsunt. Insuper intelligitur de facilitatis negatione, non de absoluta incorruptione; conseruantur enim homines in aere, supra terram degentes, & tamen moriuntur, sicuti de piscibus dictum est supra, respectu aquæ, sed facilius in alijs, & difficilius in hoc loco, qui est sensus Arist.

**Vbi est eadem causa, ibi & ide in effectus. 11. *Metaph. cap. 2.***

**C**æteris paribus, & nullâ, aut enervatâ, aut ablatâ conditione intelligitur Effatum, non alio modo. Cæterum in-

intelligitur de eodem effectu, vt. relatiuus est ad talem causam, non omnino identicè, quoniam effectus causæ æquiuocæ, nunquàm est causa æquiuoca; vnde de vniuoca causa directe intelligitur, non de alijs; videantur ea, quæ suprà dicta sunt literâ C.

Vbi est numerus ibi totum, & pars. *5. Met. T. 18.*  
*& 3. Phys. T. 68.*

**V**aleat de numero composito, & numerato, non de simplici, & abstracto, qui est merum indiuisibile. Ceterum valet de numero materiali, & distributo, qui ex diuisione continui habet prodire, iuxta Philos. *3. Phys. T. 67. & 68.* non de formali, qui est illa vnitas, quæ additur antecedenti numero, & de qua locutus est Arist. *5. Metaph. T. 19.* dum ait bis tria non esse sex, sed sex semel sex, hoc est secundum Auerroem, per vnitatem indiuisibilem additâ quinario.

Vbi est dare maius, & minus, ibi est dare æquale.  
*3. Phys. T. 49.*

**P**ro certo est in Mathematicis, & vbi est simplex, tam illud maius, quàm illud minus, non in naturalibus omnibus, & in ijs, in quibus maius, & minus simplicia non sunt: hinc, licet temperamentum primarum qualitatum maius, & minus detur, non tamen, secundum Philos. datur æquale, quod dici solet ad pondus. Ampliùs per non repugnantiam, & in illis subiectis, quæ ab accidentibus alterari possunt, non in alijs: Cum hac interpretatione solui potest Achilles Hipp. & Bryssonis, de quo in *1. Elencher. cap. 10.* negatiuè loquitur Aristor.

**Vbi est contrarietas, ibi, & aliquis motus. 5. Physic. T. 9. & 14.**

**I**N compertò est de contrarietate per se, non per accidens, & ideo, quia in relatione non est contrarietas, nisi per accidens, dicitur ab Arist. 4. *Phys. T. 18.* quòd in relatione nò est motus. Ceterum valor de contrarietate in concreto, & in actu exercito, nò in abstracto, & in actu signato; inquit, enim Arist. 1. *Phys. T. 41. 47. & 50.* in principijs rerum contrarietatem esse, & tamen in illo, non dùm est motus.

**Vbicunque contrarietas est, est & actio. 1. de Ortu T. 51.**

**P**ostulat intelligi de contrarietate primarum qualitatum, non de alia; vnde videmus album, & nigrum contrariari, nec vnum istorum agere in aliud, aut pati ab alio; dicente Arist. 1. *Phys. T. 42.* Amplius de illis, quæ communicant in materia, non de alijs. Ceterum per se, non per accidens; quocirca inter calidum, & lutum est actio, & minime contrarietas, nam calidum facit hoc, remouendo humidum. Tandem verum de actione physica, & vniuoca, non de æquiuoca, de qua superius litera A.

**Vbi non est quantitas, ibi non est numerus. 5. Metaph. T. 11.**

**D**irectè subsistit de numero prædica mentali, causato ex diuisione continui, non ex distinctione formarum, & graduû, & quatenus multitudo est de transcendentibus, qualis porro numerus est in Angelis, & separatis à materia; quin imò in ipsis Diuinis Personis, transcendentalis à D. Th. vocat.

Vbi

**Vbi plus est fortunæ ibi minus est intellectus.**

*2. Moralium cap. 8.*

**M**ancipatur veritati, quatenus ignari, & socordes nisi præmeditantur, dum agunt, & idèd quasi fortuitò omnia illis accidere videntur, non simpliciter, & absolute. Vtèrius arguitur, & tanquàm signum, non adæquatè, est quæ sensus, quòd cum fortuna sit causa per accidens, quò magis illa operatur, & causat, ad id, quod causat minus concurrat intellectus, quia si multum operis haberet intellectus, relinquere deberet, an esset ab intellectu, an à fortuna.

**Vbi vnum propter alterum ibi vnum tantum.**

*3. Topic. cap. 2.*

**V**erum est in ratione appetendi ea, quæ sunt ad finem, nam sunt vnus motus, non absoluitè, & secundum se, quia sic sunt duæ tendentiæ voluntatis, & duo motus in finem, & in ea, quæ sunt ad finem, cum etiam primus sit tempore præuius altero: sic dicitur, quod est vnum tantum formaliter, & quoad intentionem, non materialiter, & quoad actum.

**Veritas est in eo intellectu, qui componit, & diuidit.** *Metaph. T. 3.*

**G**ermanum sensum habet de veritate intellectus speculatiui, non practici tantum: Insuper, quod sit in intellectu formaliter, non vt in causa, quia sic est in rebus, vt supra. Præterea de veritate complexa, quæ propositione aliquà exprimitur, non de transcendenti, quæ in rebus ipsis est, & definitur adæquatio rei cum Intellectu Diuino. Item per se, non per accidens; de dianoetica, non de indemonstrabili, quo-

nitionem opus est habere, non de eadem, pluribus modis, aut rationibus siue formalitatibus, sumpta. Caterum de definitione quidditatiua, non descriptiua. Addunt Alij de perfecta, quæ complectitur omnes causas, non de imperfecta, quæ est vnus causæ tantum.

**Vniuersale, aut nihil est, aut quid posterius. 2. de Anima T. 8.**

**F**ormaliter sumptum retinet suam veritatem, & vt dicit habitudinem ad multa, sed falsum fundamentaliter, & materialiter, quâ ratione in singularibus existit. Itèm respectu existentiae, quam non habet, nisi in intellectu, & per speciem entis realis, quæ, idèd posterior est ente reali, quia representatiua illius. Caterum de nihilo physico, & in genere Naturæ, non de nihilo obiectiuo, & in genere scientiæ.

**Vniuersalibus causis vniuersales conueniunt effectus. 2. Phys. T. 38.**

**V**erificatur de primis effectibus, vt e. g. de ipso esse simpliciter, quod per creationem habetur; vndè creare videtur esse effectus vniuersalissimæ, & primæ causæ, non de secundarijs. Itèm vniuersales; per negationem vnus tantum in specie. quandoquidèd causa vniuersalis est, quæ simul plures effectus specie diuersos potest producere, non omnes, itaut sensus sit nullus effectus inferiorum est sine ipsis, non tamen solis ipsis omnes,

**Vniuersale est vnum, præter multa. 2. Post. cap. ult.**

**A**ccepitur secundum cōsiderationem nostri intellectus, qui considerat naturam aliquorum, putà hominis, &

T t

Equi-



Equi, non respiciendo ad Platonem, vel Socratem in natura humana, neq; ad Brunellum, vel Bucephalum in Equina, minimè secundum se. Itèm præter multa secundum existètiã, non secundum essentiam, & rationem abstrahentem communia à proprijs.

**Vniuersale est, quod aptum est esse in multis.**

*7. Metaph. T. 45.*

**I**Nconcuſsum est Effatum de vniuersali fundamentali, non formali; talis namquè aptitudo nil aliud est, quàm non repugnantia ad essendum in pluribus.

SKOLION. Clarum est, quòd per vniuersale fundamentale intelligitur substratum secundæ intentionis, quæ postea vniuersale formale dicitur; multitudinem namq; singularium colligit in vnum intellectus, & facit vniuersale formale; vnde, vltra non repugnantiam ad essendum in pluribus, respectu vniuersalis formalis, requiritur etiã, vt intellectus talem naturam intelligat, cui non repugnat esse in pluribus, positiuè esse participabilem à pluribus differentijs specie, vel numero, quia sic illam intelligit sub conceptu generis, vel speciei, & consequenter sub conceptu vniuersalis descripti nobis à Porphyrio; Est autem participabilis à multis, secundum quòd cognoscitur vnum in multis, & est per relatione cogniti ad cognoscentem, vt in Opusculis Opusc. 56. docet D. Tho. sic an vnum sit 1. *Post. T. 27.*

**Vniuersale impartibile est. 1. Post. T. 11. § 12.**

**V**aleat, quatenus vniuersale, non per partes, sed per totum est diuisibile; vnde, vt totum, est in singulis partibus inferioribus minimè alijs modis, & dicitur totaliter.

SKO-

**SKOLION.** Illud est totum in aliquo, quod secundum totam suam essentiam in eo continetur; illud verò est totaliter in aliquo, quod in eo ita est, ut alibi non existat, ut ego c. g. in presenti meo Vbi.

**Vniuersale non est pars singularis. *Phy. T. 4.***

**S** Vbistit de vniuersali in multis, siue in essendo: Item de parte formali formaliter accepta, & physico modo, non materiali, & metaphysico modo vsurpata.

**SKOLION.** Vniuersale post multa est notio, & imago communis, quæ in mente nostra est abstracta ab indiuiduis cognatis, hoc est eiusdem speciei; vniuersale verò in multis est natura ipsa vniuersalis, siue generica, siue specifica, quæ communis est omnibus inferioribus, & sic se habet, tanquam pars eorum, contenta ab ipsis in esse distincto, & actuali.

**Vniuersale obiectum est intellectus, quemadmodum singulare sensus. 1. *Phys. T. 49.***

**S** Vbistit identidem de vniuersali potenciali, & materiali, puta de illa natura, cui postea intellectus attribuit intentionem vniuersalitatis, & est quidditas rei à rebus ipsis sensibilibus separata.

**SKOLION.** Obiectum adæquatum intellectus non est aliquid extra res sensibiles realiter existens, ut perperam Plato autumauit, sed illis cohærens; licet enim intellectus possit alio modo rerum quidditates, ac sint in rerum natura apprehendere, & seclusis principijs indiuidualibus, non tamen absq; materia illa sunt, quæ intelliguntur ab ipso, & ratio à priori est, quia nō est opus, aliquod eundem essendi modum habere in rebus, per quem modum est in intellectu co-

gnoscentis, siquidè intellectus immaterialiter noscit materialia, & naturas singulares vniuersaliter, hoc est absq; consideratione principiorum indiuidualium.

Vniuersalia difficillimæ sunt cognitionis. 1. *Metaph. CAP. 2.*

**C**ommunitè vsurpatur verum de vniuersalibus in causando, non in essendo, & prædicando; illa enim, ut à sensibus remotissima dicente Auerroe 2. de Anima Com. 92. difficillima nobis sunt. Cæterum valet de vniuersali secundum cognitionem distinctam, non confusam tantum.

Vniuersalia æterna sunt, & incorruptibilia. 1. *Metaph. T. 27. 6* 1. *Post. T. 11.*

**E**nunciatur verum, quoad existentiam obiectiuam, nimirum quoad prædicata quidditatiua alicuius naturæ, non quoad existentiam passiuam. Rursus secundum essentiam, non secundum inexistentiam, quam habent in singularibus. Præterea, ut secundæ intentiones sunt, non ut subtractæ earum.

Vnum bonum non impedit aliud, nec virtus moralis aliam moralem. 2. *Ethic. cap. 5.*

**F**æliciter procedit, quantum est ex parte sui, non ex parte operantis, cuius causa est vnitas intellectus, cum ipse intellectus, non possit esse æquè intentus circa plura, per modum plurium, ut supra. Amplius valet ratione habitus, non ratione actus, siquidè vnus actus impedit alium.

Vnum.

**Vnum est prius multitudi. 10. Metaph. T. 9.**

**S**ubsistit de vno materialiter accepto, nō formaliter. Itē simpliciter, nām Deus, vt vnus per æternitatem præcessit multitudinem Creaturarum, non quoad nos, qui primò, & facilius concipimus multitudinem, quàm vnum.

**Vnum perfectius est, quàm plura. 12. Met. T. 10.**

**D**E tali, & tali vno currit Effatum, non de vno transcendenti, quoniam istud abstrahit à perfectione, & imperfectione; tale autē, quod etiam Deo datur, perfectius dici potest ipsis pluribus; quæ Deo, vt summo bono, & absoluto dari nequeunt: Itē de vno, quod sit principium, & etiam finis, non de vno principium tantum, qualis est vnitas, quæ est principium numerorum, non &c.

**Vnumquodque est maximè tale, quando alijs est causa, vt talia sint. 2. Metaph. T. 4.**

**A**dquæ valet in vniuersis, non in æquiuocis, & analogis. Vterius in agentibus per se, & quæ causant principaliter, non in alijs: Sic per naturam, non per artem; vide, quæ supra dicta sunt de esse in sua causa, & in causa vniuersali.

**Vnumquodque resoluitur in ea, ex quibus componitur. 1. Phys. T. 65. & 3. Met. T. 15.**

**C**onsonum veritati est de vltima resolutione, non de immediata tantum; cernimus enim multa mixta in vapores resolui, sed non vltimò, quia rursus vapores in elementa

resoluiuntur. Itē per naturam, & relictis se folijs, non per artem, & per violentiam. Amplius de resoluibili, vt toto, quod s. fuerit ex pluribus partibus, siuē homogeneis, siuē ætherogeneis conflatum, non de alio, putā de parte, vel de toto harmonico, & huiusmodi, cuius partes physicē non dicuntur componere.

**Vnumquodq; sicut se habet ad esse, ita ad cognosci. 2. Metaph. T. 4.**

**P**ROCUL dubio procedit de esse essentiali, & substantifico, non de alio; hinc materia potest à Mathematico intelligi, & definiri quantitas, dūm vitur primā operatione intellectus, at non essentiali, & substantificā definitione eius, cūm accidenti non conueniat definitio substantiæ, ex primo bis citato Phys. T. 27. Itē quantum est ex se, & interpretatur materialiter, non ex superadditis, & causā concurrentium; baculus enim sub aqua non habet esse fracti, & tamen visus intellectui suadet esse fractum.

**Vnum relatiuum non est notius altero. 5. Metaph. cap. de Ad Aliquid.**

**V**ALET præcisē, vt correlatiuum est, non vt terminus, quia tunc & terminat relationem, & etiam cognitionem. Amplius valet, quoad si est amborum, non quoad propriam entitatem, ac naturam, quā absolutum est; constat enim, quod maiora sunt cognoscenda in vno, quā in altero, vt in Creatore, quā in Creatura; in duplo, quā in dimidio; in specie, quā in genere.

*Vnum tantum contrarium est. 10. Metaph.*  
*T. 14. 6. 1. Celi T. 10.*

**P**RO certo habetur, vbi est maxima distantia, nimirum, vbi tantum sunt duo extrema; non vbi sunt media, & extrema; quia tunc vnum potest contrariari, vt medium, & aliud, vt extremum. Item in simpliciter acceptis, nō in compositis; aliquot enim, secundum aliam, & aliam rationem, (licet sit idem numero) potest plura contraria habere; vnde eadem nix, quia est alba, & frigida, potest habere nigrum, & calidum contraria. Ceterum valet in vno genere proximo, & in pura ratione extremi; quare vni Virtuti plura vitia contrariari possunt, vt liberalitati prodigalitas, & auaritia; motui e.g. sursum, deorsum, & ipsa quies. Tandem de contrariis simpliciter, nō secundum quid; quocirca grauitas terre, & aque leuitati ignis contrariantur, at vnā simpliciter, alia secundum quid.

*Voluntas est domina sui actus. 3. de Anima T. 5. r.*

**V**Tique verum, at non cum exclusione primæ causæ; in-  
 fluit enim hæc in omnem creaturam, & potentias eius, non sic tamen in voluntatem, vt eam necessario compellat ad vnum, quemadmodum Natura propellit sua agentia naturalia ad actus, & fines suos; quapropter determinatio actus relinquitur in potestate rationis, & voluntatis: neq; quælibet causa habet excludere libertatem, at solum causa agens, & necessitans, qualis causa non est Deus, respectu liberæ nostræ operationis.

**Voluntas etiam impossibilia velle potest. 3. Ethicorum cap. 1.**

**S**ummopere veritati deseruit, quando sola reduplicatiue accipitur, non simul cum electione, & deliberatione; electio enim nunquam tendit in res impossibiles, & ideo, neque voluntas cum ea: Item, vt inordinate volens, non iuste, & ordinate. Ceterum de impossibili ex sola suppositione, id est cognito aliquando impossibile, non simpliciter secundum, quod Alij exponunt.

**Voluntas mouet intellectum. 3. de Anima T. 49.**

**V**olet per modum agentis, quemadmodum alterans mouet alteratum, & impellens pulsus; quandoquidem illa potentia, quæ respicit finem vniuersalem mouet potentias, quæ tantum respiciunt finem particularem, tam in naturalibus, quam in Politicis, & ideo, quia Cælum agit ad conseruationem vniuersalem generabilium, & corruptibilium, mouet etiam inferiora corpora, quorum vnumquodq; agit ad conseruationem propriæ speciei, & indiuidui, nõ per modum finis, eo sensu, quo dicitur finem mouere efficiens, quia sic intellectus mouet voluntatem.

**Voluntas non potest velle, nisi bonum. 1. Ethicorum cap. 4.**

**I**ntelligitur quoad specificationem actus, vt supra tactum est, non quoad exercitium, siquidem quoad istud, tam intellectus, quam voluntas sunt ad opposita, vt demonstratum est supra literâ P. Ceterum intelligitur verum, quoad genus obiecti, non quoad singularem actum. Ceterum de bono, vel

appa-

apparenti, vel realis non de vno istorum tantum, saltèm hæc in via.

**V**oluptates, quæ à contemplatione proficiscuntur digniores sunt illis, quæ per artes habentur.

*1. Ethicor. T. 5.*

**S**ubstitit, quoad rationem boni, & veri, quam rationem includunt contemplationis voluptates, non in eo, quod fingunt sibi artes pro fine, quandoquidèm iucunditas, quam habemus ex contemplatione, non est finis illius, sed affectus tantum, cum finis contemplationis sit veritas, ex monitu Aristot. 1. de Anima T. 1.

## X

**Xylophthorus festuæ parens est.** *5. de Hist. Animal. cap. 32.*

**I**ntelligitur apparenter, & ex similitudine; non formaliter; cum enim vermiculus à corredendo ligna dictus, pedes in postica parte multos habens, & reliquum corpus araneosae tunicæ tectum, suo naturali tegmento hærentes festucas, è lignis cadentes corrosis gerit, & veluti suas ostendit. Itèm ex amplitudine sermonis, & occasionaliter, vt sensit Thodorus, non realiter, & formaliter.



## Z

**Zeophita, Vertibula, Conchæ, Vrtica, &c. non se mouent.** 1. *de Hist. Animal. c. 1. §. 4. eius. c. 6.*

**D**E motu locali totius intelligitur, non de voluntario, & motu partium, nam voluntarius omnibus indifferenter datur, sequitur enim tactum, & facit auertere à noxijs, partes offensas, prout possibile; sunt, n. media inter plantas, & animalia secundū Simplicium, seu plātanimalia, vt Bodœus

**Zephyrus iucundissimus ventorum est.** *Seç. 26. Problematum, Probl. 23.*

**V**Alcet, propter temperiem, non propter gracilitatem flatus tantum; cum, n. ab occidēte spiret, minus calidus est omni australi; & Aquilonaribus calidior; quocirca temperiem nactus mediā, respectu illorum, qui frequentiores sunt, dum spirat, iucundus censetur, itaut Homerus crediderit per campos Elisios continuò deuolui, iuxtà illud *Odyssæ.*

*Homer.  
Odyssæ  
c. 4.*

*Sed Zephyri assidue spirant, auræq. salubres.*

Alij enim, etiam leniter spirant. Item, quia serenitatem componit, quæ omnibus grata est, non simpliciter, nam & ipse Subsolanus temperatus est, & tamen iucundus non dicitur, fortè, quia pluuiosus, & non ita Zephyrus.

**Zephyrus horis postmeridianis spirare solet.**  
*in Problem. sect. 26. num. 34.*

**V**T plurimum vult intelligi, non semper; cum enim Sol ad Occasum appropinquatur, diffusos vapores melius difficer-

scernit, & ceu concoctos, ac leues redditos, commouet, Zephyrumq; componit: non autem semper, cum syderum ortus, & synodus illum commonere possint, & non fiant ista solis horis à meridie, at subluçanis, & nocturnis:

Ampliùs huic climati, & Hemisphærio,  
non toti Vniuerso, quemadmodum  
de diebus Alcionijs in Siculo  
mari dicit Aristotiles

§. de Hist. Animal.  
capite 8.

*Finis Secundi Libri.*



## Protestatio Auctoris.

**Q**Uatuor mille collectas Principis Philosophorum habes, *Candide Lector*, in hac exigua Synopsi Auctoritates, eò digniores, quò breuiarcs; non enim sollicita Oratio Philosophū deceat, inquit Seneca Epistola 99. Etsi facile non est bene omnia scribere, quando exitium quid, aut gloriosum continent, dicente Arist. 2. Politic. cap. 4. meo labori iucundius indulgebis, cum omni nervo supra doctrinā sapientioris inter Philosophos, elegantioris inter Rhetores, acutioris inter Inuestigatores, & foris doctioris inter Doctos me detinuerim; maxime cum Textuū varietas, & Interpretum sectiones confusio potius, quàm claritati adiutum praestiterint (quod potissimum in Analyticis observavi) Te igitur ingenuè monitum reddo, Perionium magis, dein Bessarionem, Franciscum Vantabalum, & Argyropolum consuluisse, quos sanè fideiores adinueni: quocirca, in legendo, erroris, vel notā, vel suspicionem dignaberis morari, donec nominatorum Peripateticam Philosophiam inuisas, meq; ipsum, eo tempore, val iuste corrigas, vel debite obiurges, admonentis semper, imò flagellantis manum deosculaturus.

Decem Alphabeticis literis quemlibet Librum excolui, ut Cælestem, Diuinamq; doctrinam (pari numero, ac Cælestes Sphæra donantur) inscriberem. Interea breue Opus inspice, accipe, lege super hanc basim Philosophicum Aedificium breui recepturus.

---

Habes per incuriam, relictam auctoritatem 7. *Phys. T. 20.* pro Effato 2. paginæ 33.

Pariter reiteratum Effatum, minime interpretationem, pagina 87. cū 142.

# Effatorum Vtriusque Libri

## INDEX.

<i>Ab eodem contraria non sunt.</i>	Pag. 1.	<i>Ad Mesaph. actus considerare quid est.</i>	23.
<i>Ab eo, quod res est rei non Oratio vera &amp; c.</i>	2.	<i>Ad pręteritum nulla est potentia.</i>	24.
<i>Ablata pars nō remanet subiectū nisi æquin.</i>	3.	<i>Ad relationem non est per se motus.</i>	24.
<i>Ablatis primis substantiis nil remanet.</i>	4.	<i>Afirmatio est prior negatione.</i>	24.
<i>Abq; phantasmate non est intellectus.</i>	5.	<i>Agens de nouo agens mou. de po. in aliū.</i>	25.
<i>Abstracta esse non est demonstrare.</i>	5.	<i>Agens extrahens de pot. dat. pers. Et. 2.</i>	25.
<i>Abstrahensram non est mensuratum.</i>	6.	<i>Agens, &amp; patiens debent &amp; c.</i>	25.
<i>Absurdum est quor. sciens. &amp; modū sciendi.</i>	7.	<i>Agens, &amp; patiens in materia communis.</i>	26.
<i>Ab uno, ut unum, non est nisi unum.</i>	7.	<i>Agens, &amp; patiens debent esse simul.</i>	26.
<i>A' causanecefs. procedis eff. neces.</i>	8.	<i>Agens, &amp; patiens debent esse similia.</i>	27.
<i>A' causa neces. nō l'fir à casu.</i>	9.	<i>Agens forma, &amp; finis coincidunt.</i>	27.
<i>Accidens diuiditur contra substantiam.</i>	9.	<i>Agens fortius citius agit.</i>	27.
<i>Accidens ignobilius est substantia.</i>	9.	<i>Agens in agendo reparatur.</i>	28.
<i>Accidens necessariū inest.</i>	10.	<i>Agens nobilius est patiente.</i>	28.
<i>Accidens non est ens, nisi quia entis.</i>	11.	<i>Agens agit prius in'p'p'inguum.</i>	28.
<i>Absurdum non migrat de sub. in subiectum.</i>	11.	<i>Agens semper est oppositum patienti.</i>	29.
<i>Accidens vni non est alteri substantia.</i>	12.	<i>Agens vniuocum agit simile.</i>	29.
<i>Accidentia cōseruāt ad agnoscendū quid est.</i>	12.	<i>Aliquid potest alterari, &amp; alteratum &amp;.</i>	30.
<i>Accidentia pluri numero non sunt eddca.</i>	13.	<i>Alterius generis alia sunt principia.</i>	30.
<i>Accidentium non est scientia.</i>	14.	<i>Aliud est caro, &amp; aliud carnis esse.</i>	30.
<i>Accidens nullū, quod verū est.</i>	14.	<i>Amicitia non est ad se ipsum.</i>	30.
<i>Actio est ratione contrarietatis.</i>	14.	<i>Amicabilia propter alterū sunt ex ad seip.</i>	31.
<i>Actio est patientis perfectio.</i>	14.	<i>Amor est passio primi actus voluntatis.</i>	31.
<i>Actio, &amp; passio sunt eadem res.</i>	15.	<i>A notioribus nobis est inchoandum.</i>	31.
<i>Actio, &amp; passio sunt inter contraria.</i>	16.	<i>Anima causa efficiens est corporis.</i>	32.
<i>Actio fit à patientiori.</i>	16.	<i>Anima est de numero naturalium.</i>	32.
<i>Actio fit per contactum.</i>	16.	<i>Anima nullius corporis est actus.</i>	32.
<i>Actio, &amp; passio sunt à dissimili.</i>	17.	<i>Anima rationalis non est natura.</i>	33.
<i>Actioe immutantur vel produciuntur.</i>	17.	<i>Animus quiescens est prudens.</i>	33.
<i>Actiones Dyē non conueniunt.</i>	17.	<i>A' privatione ad habitum nō datur regress.</i>	34.
<i>Actiones nature sunt calore &amp; frigore.</i>	18.	<i>Appositus est res non habite.</i>	34.
<i>Actiones sunt suppositorum.</i>	18.	<i>A' proposit. certū adiacentis valet consequ.</i>	34.
<i>Actiones virtutis non sunt qualitates.</i>	19.	<i>Arts est vniuersaliū, &amp; experientia sit.</i>	35.
<i>Actus actiu. sunt in pat. bene dispositio.</i>	19.	<i>Arts naturam imitatur.</i>	35.
<i>Actus bonus, vel malus est ex ord. ad finem.</i>	19.	<i>Arts substantiam non producit.</i>	36.
<i>Actus est ratio intel. ligendi.</i>	20.	<i>Artes non consultant.</i>	36.
<i>Actus &amp; gener sunt circa singularem.</i>	20.	<i>A singularibus ad vniuersalia transeund.</i>	36.
<i>Actus, &amp; potentia sunt eiusdem generis.</i>	21.	<i>Augmentatio fit per partis formeles.</i>	37.
<i>Actus præcedit potentiam.</i>	21.	<i>Augmentatio propria est viuendum.</i>	37.
<i>Actus plures habitum produciunt.</i>	21.	<i>Augmentatio supponit alterationem.</i>	37.
<i>Actus positio tollitur potentia.</i>	22.	<i>Bona diuisio est po. membra opposita.</i>	38.
<i>Ad diuersitatem requiritur vniuersal.</i>	22.	<i>Barium est passio entis.</i>	38.
<i>Ad eandem sciens. spectant totum, &amp; part.</i>	23.	<i>Barium consistit in animi operatione.</i>	38.
<i>Ad impossibile nulla est potentia.</i>	23.	<i>Barium est ex iuxta causa, malum autem.</i>	39.

# I N D E X.

Bonum est, ut in paucioribus, malum. <i>Ec. 39.</i>	Contra negantes principia non est disputad. 58.
Bonum, & ens conueniuntur. 40.	Constraxit suus nasa fieri circa idem. 59.
Bonum, & finis idem sunt. 41.	Contraria sub eod. sunt gen. & max. distans. 59.
Bonum, & malum sunt different. hum. <i>Act. 41.</i>	Contraria iuxta se posita magis elucescunt. 60.
Bonum, & malum sunt in reb. <i>vern. n. Ec. 42.</i>	Contraria simul esse non possunt. 60.
Bonum est sui diffusum. 42.	Contraria maius non sunt, minus ordinis. 60.
Bonum habet rationem <i>visimi, &amp; perfecti.</i> 43.	Contrariorum contraria sunt rationes. 61.
Bonum est prius, quam malum. 43.	Contrarietas in pass. secund. cons. morum. 61.
Bonum est, quod omnes appetunt. 43.	Contrariorum eadem d. seip. est, & scientia. 61.
Bonum de quocunque, quod est, dicitur. 44.	Contrariorum unum necessario desit. aliud. 62.
Bono carens <i>Maibematice.</i> 44.	Companiens fit a conueniens. 62.
Bonum, ut apprehensum, mouet voluntasem. 44.	Cor est organum maius localis. 63.
Bonum vniue. si ipse ordo est. 45.	Corpus continuum est sex, & vnde quaquid. 63.
Calor est prior frigore. 45.	Corpus definitur essentialiter per materiam. 64.
Calidi est rarefacere, & frigidi condensare. 45.	Corpora, qua se tangunt, etiam per <i>Ec.</i> 64.
Causa cause est etiam causa causae. 46.	Corruptibile, & incorrupt. genera differunt. 65.
Causa efficiens est, qua est motus princip. 46.	Corruptibile ex se non perpotatur ab alio. 65.
Causa, & effectus simul esse debent. 47.	Corruptionis maxima causa tempus est. 66.
Causa est nobilior suo causato. 47.	Corruptis nobis corrupt. omnia, qua sunt. <i>Ec.</i> 66.
Causa est prior suo effectui. 48.	Cuius est potentia eius est actus. 66.
Causa, & principium reciprocantur. 48.	Cuius est vita eius est aliquod prius prius. 67.
Causa eiusdem rationis producit effectum. <i>Ec. 48.</i>	Cui diffinitio sua, inest & genus. 67.
Causa differentia numerica materia est. 49.	Cuiusque cause debet inus corrasp. effect. 67.
Causa prima plus infinita in effectum. <i>Ec.</i> 49.	Cuiuslibet mob. pars potest per se quiescere. 67.
Causa per accidentem producit effectum. <i>Ec.</i> 49.	Dans formam, dat & consequ. formam. 68.
Causa contrariorum effectuum possunt esse. 50.	Dato vno corrari in natura, datur & aliud. 68.
Causa diuerse in quassa. hat. <i>diuersa, Ec. 50.</i>	Dedecet amare se ipsum. 68.
Cause efficientes, & materiales cum effect. 50.	Deficiente in nobis aliquo resu, deficiat. <i>Ec.</i> 69.
Cause extrinseca non ponuntur in definit. 51.	Definitio datur causa innotescendi. 69.
Cause formales, si infinita sunt, non cont. 52.	Definitio debet tradi per notiora, & priora. 70.
Cause verum non sunt infinita. 52.	Definitio est pars demonstrationis. 70.
Calum animatum est. 52.	Definitio non <i>traditur</i> per negationem. 71.
Calo quiescente nil amplius mouetur. 53.	Definitio non <i>discit</i> esse, vel non esse. 71.
Ceruum in omnibus non est querendum. 53.	Definitio tota est per <i>visimam</i> differentiam. 71.
Circulare maxime oppositur recto. 53.	Definitum, <i>ut</i> totum, prius cadit in <i>Ec.</i> 72.
Cognoscens an est, cognosces & quid est. 54.	Delectatio, & tristitia sunt eiusdem sub. 73.
Cognitio per communia est cognitio quia. 54.	Delectatio non est motus physicus. 73.
Cognitum debet adequari potentiae cognos. 55.	Delectatio passionem dicit. 73.
Calor mixtura est luminosi cum opaco. 55.	Delectatio vehemens tristitiam excludit. <i>Ec.</i> 74.
Concretum definitur nequ. 55.	Demonstratio procedit ex causis. 74.
Commune prius est proprio. 56.	Demonstratio vniuersalis posterior est. <i>Ec.</i> 74.
Communiora priora sunt minus communib. 56.	De non ratione circulari non querendum est. 75.
Comparatio vera non est secundum genus. 57.	De ratione elementis est, quod ex <i>illo</i> <i>Ec.</i> 75.
Contingit multa <i>scire</i> , & unum intelligere. 57.	De ratione rei perfectae est se comm. alijs. 76.
Consistere est forma, cons. autem materia. 57.	De sola sub. deser. est de omnib. deserm. 76.
Continuitas motus est penes ipsum mobile. 58.	De subiecto opposit. praecognoscere quid est. 77.
Continuum est diuisibile in semper diuisib. 58.	Definitum naturale frustra esse non potest. 77.

Defin.

Destruſſe corpore anima neque amas &c.	77.	Ens ensi ſuperadditum nil noni ſuperaddis.	96.
Deus, & natura ſacinus ſemper, quod.	78.	Ens quod eſt rationis non eſt ſeribile.	96.
Deus, & natura nil fruſtra facinus.	78.	Enſia per accidens nequens ſciri.	96.
Deus nil intelligis extra ſe.	79.	Enſis a non enſe inſinſa eſt <u>diſtantiſia</u> .	97.
Deus vnus eſt.	79.	Enſis eſt potentia, cuius eſt actus.	97.
Differendia ſeq. naturam. quam contrahit.	79.	Eruſdem eſt de <u>quid</u> . rerum. & pars. earū.	98.
Differendia vltima non ſuſcipiunt magis.	80.	Eruſdem non ſunt, niſi quatuor quaſia.	98.
Difficultas eſt de ratione meritis.	80.	Eruſdem ſcientia eſt de comm. & min. com.	99.
Difficultas intelligendi eſt penes intellectu.	80.	Eius, quod augeatur qualib. pars augeatur.	99.
Difficilis percipiens rerum different. &c.	81.	Eodem ag. & ad. mas. man. ſis idem num.	99.
Difficilis volup. reſiſtimus, quam ira.	81.	Eo modo res ſciunt, quo eſt.	100.
Diſpoſitio eſt ordo habentis partes.	82.	Eo plus eſt vnus cont. in mas. quod minus.	100.
Diverſa cauſa diuerſum produciſ effectum.	82.	Eorum, qua mon eueniunt ſemp. aut ſreq.	100.
Diverſi actus ſpecie nap. tend. ad eund. fin.	82.	Eorum, qua ſunt aliqua boni gratiaſſim.	101.
Diſiſibilitas eſt paſſio quantitatit.	82.	Esſe eſt propter <u>operari</u> .	101.
Diſiſio rerum, aut eſt per ſor. aut per &c.	84.	Esſentia rerum aterna ſunt.	101.
Diſiſionem eſſe, ac intellig. non eſt in ſemp.	84.	Esſe ſequitur formam rei.	102.
Diſiſionem primam Agens. na n incipit &c.	84.	Ex duobus in <u>actu</u> non ſi vnum per ſe.	102.
Duo corpora nequens eſſe ſimul.	85.	Ex eijdem nutritur, ex quibus coſtituitur.	103.
Eadem eſt ratio totius, & partium.	85.	Ex indefinita reduplic. inferunt vnuer.	103.
Eadem eſt potentia contrarietatum.	85.	Ex intellig. element. nulla ſit magnit.	103.
Eadem eſt ratio, quam ſign. nom. in omnib.	86.	Ex inter. & <u>exiſſe</u> magis vnū, quā ex &c.	104.
Eadem in inferiorib. non eſt per ſe &c.	87.	Ex potentia, & <u>actu</u> ſi vnum per ſe.	104.
Ea, in quorum materia non eſt <u>principium</u> .	87.	Expectan. eſt hom. felicitas poſt meriti.	104.
Eadem non ſunt nobis nota, & natura.	87.	Ex ma. & forma nō eſt quarenda ratio &c.	105.
Eadem ſunt princip. omnium Predicam.	87.	Ex nihilo nihil ſi.	105.
Eadem ſunt, quorum ſubſtantia eſt vna.	88.	Experimenti partem habens Erusa.	106.
Ea, quae diuidunt genus ſpecie differunt.	88.	Ex quolibet non ſi quolibet.	106.
Ea ſunt vnū, quorum materia eſt vna.	88.	Extrema ſunt actu in medio.	106.
Ea ſcientia nobilior eſt, quae eſt de nobil. ob.	89.	Facere ſibi ſimile eſt actus perfecti.	106.
Ea ſe tangunt, quorum extrema ſunt ſimul.	89.	Falſitas non eſt in ſenſu.	107.
Aequiuoca ſunt prius diuid. quam diſin.	89.	Falicitas cum voluptate coniuncta eſt.	109.
Aequiuocis nomini bus non eſt vtendum.	90.	Falicitas hominis eſt noſcere ſubſtan. &c.	109.
Aeternorum aeterna ſunt princip. & mori.	90.	Falicitas hominis bona externa requirit.	109.
Aeterna, & corrupt. nil eſt comm. niſi ſec.	90.	Falicitas, non in vno actu ſolū. coſiſtit.	110.
Effectus aſſimilatur ſuae cauſae.	91.	Falix in ſomno nullus eſt.	110.
Effectus non poteſt eſſe nobilior ſua cauſa.	91.	Finiſ cauſa non eſt, ſi op poſitur principio.	110.
Efficiens propri. forma eſt.	92.	Finiſ effectus eſt efficiens.	111.
Electio eſt deſid. eorum, quae ſunt in nobis.	92.	Finiſ importat, vt ſis appetitus.	111.
Electio non eſt impoſſibile.	92.	Finiſ nobiliox eſt vt quae ſunt ad finem.	111.
Elementa ſunt maxime ſubſtantia.	92.	Finiſ prima cauſarum eſt.	112.
Eligibilis eſt bonum ex circum. quā bonū.	93.	Finiſ ad infinitum nulla eſt proportio.	113.
Ens eo modo ſe habet ad verum, ac ad bonū.	93.	Finiſ eſt, cui poteſt fieri additio &c.	113.
Ens, & verum conuerſunt.	94.	Finiſ, & infinitum ſus differētia &c.	114.
Ens, & vnū ſunt prima genera rerum.	94.	Finiſ finis expletur.	114.
Ens non ponitur in definitione alienius.	95.	Flamma maior minorem abſorbet.	114.
Ens non eſt vnus rationis.	95.	Forma educitur de potentia materia.	115.

# I N D E X

Forma est finis compositi.	115.	Honor magis est honorantis, quam &c.	135.
Forma est subiectū vniuersalitatis.	115.	Honoram non meretur prauus.	135.
Forma est principium & causamotus.	116.	Idem bis volens non dicitur.	135.
Forma est prior materia.	116.	Idem est agens materiam disponens &c.	136.
Forma finis est materia.	116.	Idem est principium distinguendi, &c.	136.
Forma limitatur per materiam.	117.	Idem est subiectum motus, & termini &c.	136.
Forma no bilior est materia.	117.	Idem est numerus diuisorum numerat.	137.
Forma, qua denominat inest subiecto dno.	117.	Idem inflans manet in toto tempore motus.	137.
Forma rerum sunt sicut numeri.	118.	Idem manens idem semper est natum &c.	138.
Forma simplex subiectum esse non potest.	118.	Idem naturaliter non mouet. motib <sup>9</sup> opp.	138.
Fortuna est sine ratione.	118.	Idem non agit in se ipsum.	138.
Fortuna est eorum, qui non semper sunt.	119.	Idem non potest esse in se ipso.	139.
Frigiditas non ingreditur opus naturæ.	119.	Idem non potest esse prius, posterius.	139.
Frustra est potentia, que non reducit &c.	120.	Idem specio effectus non producit a diu.	140.
Fundamentū similitudinis inter dno &c.	121.	Id, quod incorrupt. non est pars corrupti.	140.
Futurorum contingentium non est &c.	121.	Ignorantes puniendi sunt.	140.
Generatio est de non esse ad esse mutatio.	121.	Ignoratio motu ignoratur, & Natura.	141.
Generatio, & corruptio sunt vna mutatio.	122.	Illa sunt vnum quorum princip. sunt vnu.	142.
Generatio ex mutatio totius in totum.	122.	Illud non sit simpl. cuius partes non sunt.	142.
Generatio est contrariis est, & inter contrar.	123.	Illud magis deligitur, cuius opp. mag. hab.	143.
Generatio vnius est corruptio alterius.	124.	Illud quo fit motus debet moueri, & mou.	144.
Generans & genitum debent esse eiu. spec.	124.	Illud, quod est ex add. in simp. non est.	144.
Generatione posteriora priora sunt perfec.	124.	Illud, quod mouetur est in loco determin.	144.
Genus differens per se non est participat.	124.	Imaginatio nata est esse principium mo. &c.	145.
Genus diuiditur per differentias oppositas.	125.	Immaterialitas est ratio, cognoscendi.	145.
Genus equaliter non predicat de speciebus.	125.	Impossibile est vnu per se nisi ex pot. & actū.	145.
Genus imperfectius est specie.	125.	Impossibile est prudens esse malum.	146.
Genus in vna specie saluari potest.	126.	In Aeternis non differi offset posse.	147.
Genus magis subiectum est, quam species.	126.	In abstractis idem est intellectio &c.	147.
Genus non continet sub se, differentias.	126.	In definitis modis accidentium ponitur subse.	147.
Genus non est quid vnum in multis.	127.	In differentiis confisus esse rei.	148.
Genus speciebz edignificatur.	128.	In diuisibili additum indiuisibili non &c.	148.
Genus sumitur a materia, &c.	129.	Indiuisibile non potest alterari.	148.
Genus sumitur, ut genus, non predicat. &c.	129.	Indiuisibilia non sunt de essentia.	149.
Gravitas, & leues non sunt principia &c.	130.	Indensitas eiusdem speciei equalitas.	149.
Gravitas, & leues mouentur a generatione.	130.	Indiuiduum est incommunicabile.	149.
Gravissimum omnium est qd in medio est.	130.	Inferiora inensib <sup>9</sup> gubernantur secun. &c.	150.
Gustus est quidam sensus.	131.	Id fundamenta nature nihil est distinct.	150.
Habitus sine cessat agentis operatio.	131.	Infinitum est, quo non est dare maius.	150.
Habitus est perfectior actū.	131.	Infinitum nequit per mensuram definiti.	151.
Habitus principia sunt actum.	132.	Infinitum non potest esse ex principio aliquid.	151.
Habitus principiorum non est scientia.	132.	Infinitum quoddam eorum est.	151.
Habitus videtur enim volumus.	133.	In genere latens equivocationes.	152.
Habitibus non datur alteratio.	133.	In habentibus symbol. facilius est transire.	153.
Hominum genus arie, & ratione vinit.	133.	In illis, que eiusdem speciei, si vnum inueniuntur a natura, etiam & reliquum.	153.
Homo dicitur scire, & si nullū habeat scire.	134.	In pura potencia non est distinctio.	154.
Honor est operationis beneficius signū.	134.		

# I N D E X.

In quoniam genere est vna drisma contrariet. 154	Loci differentia sunt sursum, & deorsum. 170
In quoniam scientia supponit quod dicitur per nom. 154	Locus <u>aquale</u> est locatio. 171
In nulla definitio, de rebus contraria. 154	Locus habet vim conseruationis <u>locati</u> . 171
In quoniam motu contrarietates est. 155	Locus immobilis est. 172
In quoniam quod est quandoque &c. est materia 155	Locus naturalis alicuius corporis est, &c. 172
In quoniam genere est deuenire ad vnu &c. 156	Locus passium, & totius idem est. 172
In quoniam motu non est dire primus esse. 156	Lumen species ignis est. 173
In quolibet causa praexistit similis effectus. 156	Magis denominatur aliquid per id, &c. 173
In specie athoma debet esse comparatio. 157	Magis, & minus non variant speciem. 174
In sempiternis casus esse non potest. 157	Magis, & minus ex admixtione sunt contrarij. 174
Intellectus agens non <u>aliquando</u> intelligit. &c. 157	Magis, minus tale reducuntur per red. &c. 174
Intellectus agens facit intelligi in pot. actu intelligi. 158	Majorum non est laus, sed honor. 175
Intellectus agens est a corpore separatus. 158	Malum non habet materiam. 176
Intell. non est potentia libera, sicut voluntas. 158	Malum non intenditur a Natura. 176
Intell. non est singularium. 159	Manente eadem re nequit fieri &c. 176
Intell. qui non est in pot. non eog. primas. 159	Masculinum, & femininum non differunt spec. 177
Intelligere est quoddam pati. 159	Materia causa est plur., & conueniens. 177
Intelligere, & sentire sunt quidam mot. 160	Materia, primatio sunt vnum numero. 178
Intell. diu. secundum diuersas rei intelligi. 160	Materia formam appetit. 178
Intell. quodam est perfectio intelligi. 161	Materia ingenerat & incorruptibilis est. 179
Intell. & intelligi. relatiue referentur. 161	Materia negatione cognoscitur. 179
Intra fieri verum nunc sequitur id, &c. 161	Materia prima est vna numero omni. &c. 179
Intell. intelligi. max. intelligi. non quascit. 162	Materia quoddammodo pars spec. non est. 179
Intellectus est, qui facit vniuersalitatem. 162	Materia scibilis est per abuegas. formar. 180
Intellectus positus. est aptus omnia fieri. 162	Materia <u>vna</u> , & eadem amittit, &c. 180
Intell. spec. per extensionem fit practice us. 163	Mathematica caret sine. 180
Inter contradi. nullum datur medium. 163	Materia conueniens pati, & moueri. 181
Inter duos motus rectos est quies media. 164	Maximi bonis nullus malis vitatur. 181
Inter bonum, & malum non eadit <u>mediu</u> . 164	Maxime vniuersalia diffice. cogniti. 181
In temp. & motu non est dare prim. pars. 164	Medium aequè distat ab extremis. 182
Inter substantias, & accid. null. eadit med. 165	Medium nobilius est extremis. 182
Inter individua non est dare prius, & post. 165	Medium participat naturam vtriusque &c. 182
Inter idem, & diuersum nullum med. est. 165	Medium quoduis, & extrem. medium &c. 182
In quocunque quod mouet se ipsum est &c. 166	Melius est, quod omnes app. quam &c. 183
Inter, quae subito sunt, habetur simul &c. 166	Mensura est eiusdem gen. cum mensur. 183
Intus existens prohibet extraneum. 166	Mensura est perfectior mensurato. 184
Ipsa quae incorrupt. sunt, non inceper. esse. 167	Mensura caliter distat a mensurato. 184
Ita se hab. puncti. in continuo, sicut in num. 167	Mensura est homo genea mensurato. 185
Ita se habet sensus ad sensibilia, sicut &c. 167	Modus operandi sequitur modum efficiendi. 185
In voluntario p. veri, & Bruta communis. 168	Modus sciendi non est scientia. 186
Laboriosi citius senescunt. 168	Motus ab extrinseco motore est violentus. 186
Lac sanguis bis coctus; alter sexus &c. 168	Motus est in pluribus Pradicamentis. 186
Lapis non est in anima, sed species, &c. 169	Motus est de genere consuetudinum. 187
Lationi in orbem nulla est alia <u>constraxio</u> . 169	Motus mixtus est ab elem. simp. domin. 187
Linea ex punctis esse non potest. 169	Motus inuicem contrarij sunt. 187
Loci naturalia mixtorum elementa sunt. 170	Motus non est aliquid praeter res. 188
Localis motus omnium perfectus est. 170	Motus disting. a termino motus, &c. 188



# I N D E X.

<i>Motus est apertus ignire lapides, &amp;c.</i>	128.	<i>Nō sit cōfusus iter specie diuerſa, niſi &amp;c.</i>	208.
<i>Motus localis precedit omnes alios.</i>	129.	<i>Nō percipitur differentia &amp;c.</i>	206.
<i>Motus quicquid talis eſt ſecūdu ſpec.</i>	129.	<i>Nō poteſt eſſe eadē ſtatua, quę deſini, &amp;c.</i>	207.
<i>Motus præſupponit mobile.</i>	129.	<i>Nō poteſt materia exiſ ab omni forma.</i>	207.
<i>Motus in contrarios terminos non eſt natu.</i>	190.	<i>Nō quoduis, qd eſt in loco eſt ſed &amp;c.</i>	207.
<i>Motus localis eſt actus imperfecti.</i>	190.	<i>Natura quoad nos ipſa vniuerſal.</i>	208.
<i>Motus tot ſunt ſpecies, quot enſis.</i>	191.	<i>Nota per ſe probari nō poſſunt.</i>	208.
<i>Motus nobis mouetur omnia, quę ſūt. &amp;c.</i>	191.	<i>Nullū abſolutum deſiniſ r per <u>relatiuū</u>.</i>	209.
<i>Motus viſa quædam eſt omnibus.</i>	191.	<i>Nullum accidens neceſſarium eſt.</i>	209.
<i>Mouens corporeum nō mouet, niſi motum.</i>	191.	<i>Nullum eſt Agens ſine paſiente.</i>	210.
<i>Mouens &amp; motum ſimul eſſe debent.</i>	192.	<i>Nulla priuatio ſuſcipit magis, aut minus.</i>	210.
<i>Mouet omnia, quod in nobis diuiſum eſt.</i>	192.	<i>Nulla ſciētia, aut Ars probat ſuū ſubiec.</i>	210.
<i>Multitudo oriſur ex diuiſione continuū.</i>	193.	<i>Nulla ſubſtantia eſt per ſe ſenſibilis.</i>	211.
<i>Mūſ eſt naturalis Philoſophi magis &amp;c.</i>	193.	<i>Nullum præter naturam æternum eſt.</i>	211.
<i>Mutatio importat hoc eſſe poſt hoc.</i>	193.	<i>Nullum parum indiuiſibile mouetur.</i>	211.
<i>Natura agit propter finem.</i>	195.	<i>Nullum parū mediū contrariū eſt.</i>	212.
<i>Natura determinata eſt ad vnum.</i>	195.	<i>Null. ſubiectū ſubſtan. deſi. per accideſ.</i>	212.
<i>Natura facit de poſſibilitibus, quod mol. eſt.</i>	196.	<i>Null. motus neceſſarius depēdet à ro. &amp;c.</i>	212.
<i>Natura non deſiſcit in neceſſarijs.</i>	196.	<i>Nullum violentum durabile.</i>	213.
<i>Natura nobilitat &amp; arte.</i>	196.	<i>Null. vniuerſale ſignificat hoc aliquid, &amp;c.</i>	213.
<i>Natura maxime infinitum abhorret.</i>	197.	<i>Nullum verum ſingular eſt deſinitur.</i>	214.
<i>Natura non laborat operando.</i>	197.	<i>Nullū verū accideſ eſt alteri ſubiectum.</i>	214.
<i>Natura non mouet ad oppoſita <u>locā</u>.</i>	197.	<i>Obiectum ſenſus, niſi ſingular eſt.</i>	214.
<i>Natura nil ſemper agit.</i>	198.	<i>Omne agens agit ſibi ſimile.</i>	215.
<i>Naturalia immutabilia ſunt.</i>	198.	<i>Omne corpus ſenſibile, aut habet graui. &amp;c.</i>	215.
<i>Neceſſo eſt principia ſemper manere.</i>	199.	<i>Omne ens comparatū alteri, aut eſt iactū, &amp;c.</i>	215.
<i>Nemo intendens ad malum operatur.</i>	199.	<i>Omne ens eſt verum.</i>	216.
<i>Nemo dat quod non habet.</i>	199.	<i>Omne ens eſt vnum.</i>	216.
<i>Neq; in Natura, neq; i cogni. datur &amp;c.</i>	200.	<i>Omne eſſe eſt à forma.</i>	216.
<i>Nihil agit vltra ſuam ſpeciem.</i>	200.	<i>Omne finitū per detractiōē cōtinuā &amp;c.</i>	217.
<i>Nihil à caſu <u>natura</u> facit.</i>	200.	<i>Omne infinitum imperfectum eſt.</i>	217.
<i>Nihil, dum ſit. eſt.</i>	201.	<i>Omne fieri inuoluit ſēp, iude qd ſit fiebat.</i>	218.
<i>Nih. eſt in intel. quod pri. nō fuerit &amp;c.</i>	201.	<i>Om. mobile p aliud reduci. aut mobile <u>p ſe</u>.</i>	218.
<i>Nil cognoscitur niſi, ſecūdu modum &amp;c.</i>	201.	<i>Omne prius poteſt eſſe ſine poſteriori.</i>	218.
<i>Nil dicitur vñ per naturā ſuperadditā.</i>	202.	<i>Omne, quod eſt, quādo eſt neceſſe eſt, qd ſit.</i>	219.
<i>Nil eſt magis vnum, quā vnum ſibi.</i>	202.	<i>Omne, quod mouetur ab alio mouetur.</i>	219.
<i>Nil inordinatum eſt eorum, quæ ſec. &amp;c.</i>	202.	<i>Omne, quod ſit, ſit ex contrario.</i>	219.
<i>Nil mouetur à ſe ipſo.</i>	203.	<i>Omne, quod mouetur ſu ſēpore mouetur.</i>	220.
<i>Nil præſuſum eſt ſortitiſum.</i>	203.	<i>Om. qd p ſuperabūdatiā dicit. &amp;c.</i>	220.
<i>Nil ſortitur ſpeciem ab aliquo extrinſeco.</i>	203.	<i>Omne quod interu. contrarium habet.</i>	220.
<i>Nobilius eſt dare, quā accipere.</i>	204.	<i>Omne quod ſit, ſit ab vnioco.</i>	221.
<i>Non datur minimum tempus.</i>	204.	<i>Om. quod exiſ de potētia <u>facile</u> mobile eſt.</i>	221.
<i>Non eſt prius ente.</i>	204.	<i>Om. recipiſ debet eſſe dēdatū à nat. &amp;c.</i>	221.
<i>Non eſt proprium, quod alijs ineſt.</i>	204.	<i>Omne muſal ile muſatur in oppoſitum.</i>	222.
<i>Non eſt generatio ſine alteratione.</i>	205.	<i>Om. cauſa lib. pget aliq. q determet.</i>	222.
<i>Non entis nulla eſt potentia, nec ſciētia.</i>	205.	<i>Omniſ exiſte nſa à forma eſt.</i>	222.
<i>Non entis nulla ſunt accidentia.</i>	206.	<i>Omniſ finis bonus eſt.</i>	223.

Omniſ

# I N D E X.

- Omnis ignorans malus.** 223.  
**Quis motus est inter contraria.** 223.  
**Omnis potentia passiva est contradictionis.** 224.  
**Omnis potentia vitalis passiva est.** 224.  
**Omnis res aut est singularis, aut universalis.** 224.  
**Omnis scientia agit necessario de ente.** 225.  
**Omnis scientia est de genere bonorum.** 225.  
**Omni scientia necessario videtur principijs &c.** 225.  
**Omni scientia presupponit suū subiectū esse.** 227.  
**Omnipotētia actiua correspondet passivā.** 227.  
**Omni terminus mutationis est iter contrarij.** 228.  
**Omnia quæ sunt causam habent.** 228.  
**Om. se in se agētia actiua, & passiva sūt.** 229.  
**Om. quæ incipiunt esse aliquando desinūt.** 229.  
**Omnia, quæ moventur materiam habent.** 229.  
**Om. quæ predicantur in quid, predic. &c.** 230.  
**Omnibus deletabile est esse.** 230.  
**Omnia habentia positivem in loco sunt.** 230.  
**Omnēs homines natura scire desiderant.** 231.  
**Omnia unius generis sunt.** 231.  
**Operatio arguit formam.** 232.  
**Op. naturæ est opus intelligentiæ nō errā.** 232.  
**Operationes unius separantis obsunt.** 232.  
**Operatio nemini voluptas perficit.** 232.  
**Operes intelligēt phasmatata speculari.** 232.  
**Operes semper causam primam noscunt.** 234.  
**Oppositā, sicut mensura, & mensuratum &c.** 234.  
**Ordo speciei ad speciem est per se &c.** 235.  
**Optime est optimum facere.** 235.  
**Opus est in malis actum esse deteriore.** 235.  
**Ostensum est qd non consequitur finem.** 236.  
**Partes non predicantur de toto.** 236.  
**Partes est prior toto.** 237.  
**Partes definitionis significat partes rei.** 237.  
**Partes definitionis pertinent ad causā &c.** 237.  
**Partes definiti. predicantur de re definita.** 238.  
**Partes ponuntur in definitione totius.** 238.  
**Partis error in principio fit mag. in fin.** 238.  
**Partis partes iuxta posita ceteris, ac &c.** 238.  
**Passio est in concupiscibili.** 239.  
**Passiones etiam sapientes subsunt.** 239.  
**Passiva, nec laudantur, nec vituperantur.** 239.  
**Per eadem corrumpuntur odor, & sapor.** 240.  
**Perfectum est natura prius imperfecto.** 240.  
**Perfectum est, quod nullo alio tēget.** 240.  
**Perfectum est, qd tale alterum, quale &c.** 241.  
**Perfectum est, cui nil potest addi.** 241.  
**Panafinis est culpa.** 241.  
**Phantasiae & memorat. sunt passionēs &c.** 242.  
**Premisse demonstrat. debēt esse necessariæ.** 243.  
**Plures formæ possunt esse simul in eodē &c.** 243.  
**Plurificatā causā plurificatur effectus.** 243.  
**Ponens differentiam inter duo, debet &c.** 244.  
**Possibile ex se esse non potest ab alio per se.** 244.  
**Possibili posito in esse nullū sequis. imposs.** 244.  
**Positā causā ponitur necessario effectus.** 244.  
**Possunt motus specie diversi conveniri.** 245.  
**Potentia est principij transmutans. alteram.** 246.  
**Potentia, & actus sunt in eodem genere.** 246.  
**Potentia, & actus sunt duo opposita.** 246.  
**Potentia manifestatur per actum.** 247.  
**Potentia, quæ potest in plus potest, &c.** 247.  
**Potentia rationales se habent ad contrar.** 247.  
**Potentia specificatur per actus, &c.** 248.  
**Primum, quod est mensura reliquorum &c.** 248.  
**Primum in quovis genere præstantius &c.** 249.  
**Primum mutatum esse, in eo, quod &c.** 249.  
**Prima contraria sunt unum, & multa.** 249.  
**Prima agensium causarū agit tota sua &c.** 250.  
**Prima creaturarum rerum est esse.** 250.  
**Prima causa movet mobile primum.** 250.  
**Principium essendi est etiam principij &c.** 251.  
**Principium est magis ens, quam &c.** 251.  
**Principium, & principij relati. dicuntur.** 251.  
**Principium in cognis. si suis in operat.** 252.  
**Principium mutabilitatis est materia.** 252.  
**Principium primum, ve certissimum &c.** 252.  
**Principia in nulla scientia prob. possunt.** 253.  
**Principia indemonstrabilia non cognosc.** 253.  
**Principia non possunt esse falsa.** 253.  
**Principia non sunt ex alijs.** 254.  
**Principia per accidentem non sunt principia.** 254.  
**Principia quæque simplicia sunt.** 255.  
**Principia sensibilia sunt sensibilia.** 255.  
**Principia scientiarum non habent causam.** 255.  
**Principiorum, quæ æterna sunt, nulla &c.** 255.  
**Propria passio nequit a sub. separari.** 256.  
**Procedens diversum est a procedente.** 256.  
**Proprium est vivensium a se ipsis moveri.** 257.  
**Proprium primum inest speciei, quæm &c.** 257.  
**Productio habet pro termino existentiam.** 257.  
**Præparatio est principij. essendi, & non essendi.** 258.  
**Præparatio noscitur per habitum.** 258.  
**Præparatio quodammodo forma est.** 259.  
**Prins**

# I N D E X.

<i>Prims non pendet à posteriori .</i>	159.	<i>Subiectum. &amp; proprium identificantur.</i>	303.
<i>Propter unumquodq; tale, &amp; illud magis.</i>	259.	<i>Subiectū unum unicā rātionē habet formā</i>	304.
<i>Qualibet potentia melior est actus .</i>	260.	<i>Substantia est de definitione accidentis.</i>	305.
<i>Qualibet causa talis effectus &amp;c .</i>	261.	<i>Substantia lineæ sunt duo puncta.</i>	306.
<i>Quantitas index est inæteritæ. &amp;c.</i>	261.	<i>Substantia non est causa accidentis.</i>	307.
<i>Quantitati nil est contrarium .</i>	262.	<i>Suppositio non demonstratur esse.</i>	308.
<i>Quanto aliquid est similiculus perfectius .</i>	263.	<i>Tempus ab anima pendet.</i>	309.
<i>Quanto maior est dist. inter term. &amp;c.</i>	264.	<i>Tempus excedit res in eo existentes.</i>	310.
<i>Quæcunq; sunt eadem uni versio sunt. &amp;c.</i>	265.	<i>Terribilium omnium mors est.</i>	311.
<i>Quæcunq; sub. conveniunt sunt inuicem. transm.</i>	266.	<i>Totū sunt scientiæ, quos genera entis.</i>	312.
<i>Quæ differunt forma differunt specificè .</i>	267.	<i>Totum continet actū suarū partes.</i>	313.
<i>Quæ generantur sunt ex non ente .</i>	268.	<i>Totum est maius suis partibus.</i>	314.
<i>Quæ in subl. movēt, &amp; mov. sūt app. &amp; nob.</i>	269.	<i>Totius, &amp; partium eadem est ratio.</i>	315.
<i>Quæ specie differunt non continentur.</i>	270.	<i>Ubi est eadem causa, ibi &amp; idem effectus.</i>	316.
<i>Quæ mora movens sunt phys. considerant.</i>	271.	<i>Ubi est numerus ibi totum &amp; pars.</i>	318.
<i>Quæ sunt mai. mē. unius sep. non possunt.</i>	272.	<i>Ubi non est quantitas, ibi non est numerus.</i>	318.
<i>Quid quid corrupit. à suo contrar. corrupit.</i>	273.	<i>Ubi plus est fortuna ibi minus est intellect.</i>	319.
<i>Quicquid definitur debet esse species.</i>	274.	<i>Veritas est perfectio intellectus.</i>	320.
<i>Quicquid recipit per modum recip. recipit.</i>	275.	<i>Verum est id, quod est.</i>	321.
<i>Qui nescit unum relatiū. nescit, &amp; aliud.</i>	276.	<i>Verum est aliquoties prius bono.</i>	322.
<i>Quod advenit enim in ectis accidens est.</i>	277.	<i>Præter formam consequitur.</i>	323.
<i>Quod agit in prius agit in posterius.</i>	278.	<i>Prius per se delectationem habet.</i>	324.
<i>Quod corrupit agit .</i>	279.	<i>Finere est vincitibus esse.</i>	325.
<i>Quod inest generi, inest, &amp; speciei .</i>	280.	<i>Una est potentia agendi, &amp; patiendi.</i>	326.
<i>Quod est per accidens potest non esse .</i>	281.	<i>Unio non tollit distinctionem.</i>	327.
<i>Quod vitam habet movet se ipsum .</i>	282.	<i>Unius dei est tantum unica essentia.</i>	328.
<i>Quot mod. dicis. unū opp. sit. ut, &amp; reliq.</i>	283.	<i>Unius est unum prout multa.</i>	329.
<i>Ratio hominis semper est recta.</i>	284.	<i>Unius est, quod apt. est esse in multis.</i>	330.
<i>Ratio, quam significat nomen defi. est.</i>	285.	<i>Unius est imparsibile esse, nec pars singul.</i>	331.
<i>Rationis est imperare.</i>	286.	<i>Unius est obiectum intellectus. &amp;c.</i>	332.
<i>Rectum est index sui &amp; obliqui.</i>	287.	<i>Unius est sunt difficult. lineæ ergo sunt.</i>	333.
<i>Relativa sunt simul natura .</i>	288.	<i>Unum est prius multitudine.</i>	334.
<i>Res verus in causa universalis, quā in se.</i>	289.	<i>Unū quodq; ut se hab. ad esse, ita ad cognosc.</i>	334.
<i>Sapientia est cognoscere causas.</i>	290.	<i>Unum unū tantum contrarium est.</i>	335.
<i>Scientia est necess. &amp; perpetua.</i>	291.	<i>Voluntas movet intellectum.</i>	336.
<i>Scientia dicitur unius ad modum rerum.</i>	292.	<i>Voluntas non vult nisi bonum.</i>	337.
<i>Si cū peccat per se voluntarius.</i>	293.	<i>Xylophthorus festinet parare est.</i>	338.
<i>Semina quoq; vivunt.</i>	294.	<i>Zephyrus, Vestibula, &amp;c. non se movent.</i>	338.
<i>Sensere est secundum naturam.</i>	295.	<i>Zephyrus inceditissimus ventorum est.</i>	338.
<i>Si affirm. est causa affirm. ita neg. neg.</i>	296.		
<i>Simile non patitur a simili.</i>	297.		
<i>Similia sunt quæ conveniunt in forma.</i>	298.		
<i>Singulariū nō est demonstr. vel sciētia.</i>	299.		
<i>Sola anima intellectiva est locus specierū.</i>	300.		
<i>Sola species definitur.</i>	301.		
<i>Solus ignis inter simplicia nutritur.</i>	301.		
<i>Sonus quidam motus est.</i>	302.		

Omnia pauca pagine avaritia detrahit .

F I N I S .







